

বৈজ্ঞানিক

নারায়ণ গঙ্গোপাধ্যায়



বেঙ্গল পাবলিশাস

১৪, বঙ্কিম চাট্জেট্র স্ট্রিট,

কলিকাতা—১২



এখন সংস্করণ—চৈত্র, ১৩৫৪

প্রকাশক—শ্রীমতীশ মুখোপাধ্যায়

বেঙ্গল পাবলিশাস

• ১৪, বহিন চাট্‌জেন্ড্রীট

মুদ্রাকর—শক্তি মন্ত

• দি প্রিন্টিং হাউস

• ৭০, আগার সাহু'লার রোড

কলিকাতা

প্রচ্ছদ-পট পরিকল্পনা

আও বন্ধ্যোপাধ্যায়

• মুদ্রক ও প্রচ্ছদ-পট মুদ্রণ

ভারত কোটোটাইপ ষ্টুডিও

বাংলাই—বেঙ্গল বাইওস

সাড়ে তিন টাকা

ମ ୬୨୭

ଗୋପାଳ ଓ ଗୋବିନ୍ଦ ସାନ୍ତାଳ .

ବେହାଲ୍‌ପାଦେସୁ

‘ ১৩৫৪-র “শারলীয়া স্বরাভে” এই উপন্যাসের প্রাথমিক কাঠামোটি প্রকাশিত হয়েছিল। ক্রম লেখনের জগ্রে তখন যে ফাঁক এবং ক্রটিগুলো ছিল সেগুলোকে পূরণ ও সংশোধন করতে গিয়ে গ্রন্থকে অনেকখানি বাড়াতে হয়েছে, অনেক নতুন ভিনিস যোজন করতে হয়েছে।

এই বইয়ে উদ্ভূত বহুতর কথাভাষার বিশিষ্ট দ্রুতিটাকেই আমি গ্রহণ করেছি—কোনো নির্দিষ্ট অঞ্চলের নয়। তবে এর একটা মূল ভিত্তি আছে—সেটা হল দিনাজপুরের দক্ষিণ পশ্চিম অঞ্চল।

‘ আর একটি কথা। বইয়ের ঘটনাকাল ১৯৩৬ সাল। যখন বাংলার বিপ্লব আন্দোলনের সমাপ্তি-যুগ আর গণ-আন্দোলন আন্দোলন পূর্ণাঙ্গ।

কলকাতা

ফাল্গুন, ১৩৫৯

—লেখক

ভাড়া মাঠটায় ইতস্তত ছোপ ধরেছে সোনালি-সবুজের, ফলেছে শর্ষে, কলাই, ছোলা, মটর। শীতের বিষম শূন্যতায় এতবড় শ্রীহীন মাঠখানার দীনভা তাত্তে ঢাকেনি, বরং আরো বেশি প্রকট হয়ে উঠেছে মনে হয়। ভাড়াচুরো আল, মাটির ছোট বড়ো চাড়াড়, দিবর্ণ ঘাস, মরা মরা কটিকারী আর টুকরো টুকরো গোব্বার হাড় বিস্তীর্ণ হয়ে আছে স্থান্যের ইঙ্গিত। উত্তর বাঙলার আদিগন্ত এক ফসলের মাঠ। এলোমেলো এই প্রবিশস্তের টুকরোগুলোর পেছনেও কোনো সঙ্গাগ চেঁটার ইতিহাস নেই। খেরাল-খুশিনতো ছড়িয়ে রেখেছে, গোক-ছাগলে খাবে, সকালে-দিকেলে আগুন জেলে শাকশুধ ছোল। পুড়িয়ে খাবে রাখালের। পথ-চলতি মানুষ কখনো যদি হু-এক মুঠো বা শুঁটি ভিঁড়ে নেয়, তাত্তেও লাগি হাতে ভাড়া করে আসবে না কেউ। মাটির ভাণ্ডার থেকে বিনা আদ্যাসে যতটুকু পাওয়া যায় তাই লাভ।

আগে টিপ-সহি মিত, এখন কাচা কাচা অক্ষরে লেখে শ্রীমহিন্দর কইদাস। প্রাইনারী ইন্সলপ গুরুট্রিনিং পাশ মাঠার বংশী পরামানিক নাম দস্তগত করতে শিখিয়েছে। অনেক বুঝিয়েছিল বংশী, মহিন্দর কারো নাম হয় না; ওটা হবে মহেন্দ্র।

গুনে চটে গিয়েছিল মহিন্দর। বলেছিল, তুমি ইটা কৌ কহিছেন হে মাঠার? বাপ ঘিটা নাম দিলে, ওইটা বদলামু কেমন করি? হামি মহিন্দর আছি, মহিন্দরই থাকিবা চাহি। বাপের নাম ছাড়িবা কহিছ! কেমন মানুষখানা হে তুমি?

• • অভাব বংশী পরামাণিক আর কথা বাড়ায়নি। বলেছিল, আচ্ছা, আচ্ছা, তবে মহিন্দরই লেখ।

—ই—ই—আত্মপ্রত্যয়ের স্বরে মহিন্দর বলেছিল, হামাক তেমন মাহুশ পাশ নাই। ওইটা চালাকি হামার ভালো লাগে না।

• বংশী বলেছিল, ঠিক, আমারই ভুল হয়েছিল।

—কেমন, ঠিক কহিছি কিনা?—মহিন্দর উপদেশ বর্ণন করেছিল এইবার : বুঝিলা হে মাষ্টার, তুমি তো ঢের নিখিছ (লেখাপড়া শিখেছ), কিন্তু ইটা ভালো কথা কহ নাই। বাপের চাইত্ বড় আর কেহ নাই, বাপক না মানিলে নরকত্ বাবা লাগে।

বংশী নিকন্তরে শুধু ঘাড় নেড়েছিল এবারে।

সেই থেকে সগোরবে মহিন্দর রুইদাস তার পৈত্রিক নাম স্বাক্ষর করে আসছে।

একটা মান্তগণ্য লোক—প্রায় আট বিঘে জমি সে রাখে। নানা কারণে মাঝে মাঝে তাকে সই করতে হয়, হাতের মুঠোয় কলমটাকে চেপে ধরে কলম দিয়ে লেখে শ্রীমহিন্দর। দাস পঞ্চ পৌছুবার আগেই কলমের নিব চিরে বকের হাঁ-করা ঠোঁটের রূপ ধারণ করে।

মহিন্দর তাতেই আন্তরিক গদিত। এতকাল অগ্নের পায়ে জুতো; যুগিয়েছে, নিজের কখনো পরবার সাধ হয়নি। কিন্তু সেদিন থেকে নামসই করতে শিখেছে, সেদিনই নিজের হাতে এক ছোড়া মোটা কাঁচা চামড়ার জুতো তৈরী করেছে। বর্ষার সময় ভিজে দুর্গন্ধ হয়—বেকতে থাকে আদি এবং অকৃত্রিম সৌরভ, অনেক কষ্টে রক্ষা করতে হয় কুকুরের লোলুপতার হাত থেকে ; একবার একটা নেড়ী কুকুর ওর একপাটি মুখে করে পালিয়েছিল, প্রায় দেড় মাইল রাস্তা তাকে তাড়া করে সেটা উদ্ধার করে মহিন্দর। সেই থেকে জুতো সম্পর্কে তার সতর্কতার শেষ নেই।

• এহেন শিক্ষা-গর্ভিত সম্মানিত শ্রীমহিন্দর রুইদাস তার অভিষেকের জুতো

জোড়া হাতে করে আসছিল আল্পথ দিয়ে। জুতোটা এখন পায়ে দেবে না, দেবে একেবারে বোনাই বাড়ীর সামনে গিয়ে, রাস্তার ভোবায় পা ধুয়ে। প্রথমত জুতো নষ্ট হওয়ার সম্ভাবনা, দ্বিতীয়ত বেশিক্ষণ পায়ে রাখলে ছাল চামড়া ইঁঠে একেবারে রক্তারক্তি ব্যাপার। স্বভাব হাতে করে নেওয়াটাই নিরাপদ তথা নিৰ্ব্বাট।

জোড়া মাঠটার এখানে ওখানে সোনালি-সবুজের ছোপ। ভাঙাচুরো আল্পথ বেয়ে চলেছে মহিন্দর, কাঁচা চামড়ার কাটা কাটা জুতোজোড়া হুলিয়ে নিয়েছে আঙুলের ডগায়। ভারী প্রসন্ন আছে মন। একবার আল্পথ থেকে নেমে ছিঁড়ে নিলে এক জাঁট ছোলার শাক, দুটো একটা করে খেতে খেতে এগোতে লাগল। মাঠভরা ঝলমলে ঠাণ্ডা শীতের রোদ, এদিকে ওদিকে উড়ে উড়ে পড়ছে ছোট ছোট চড়ুইয়ের মতো ‘বকারি’ পাখির ঝাঁক। মহুর রাশভারী গতিতে গা হুলিয়ে হুলিয়ে চলে যাচ্ছে একটা সোনালী গো-সাপ, লিক্লিকে জিভটা বার করে মাঝে মাঝে সন্দিগ্ধভাবে তাকিয়ে দেখছে মহিন্দরের দিকে। হঠাৎ চামড়াটার ওপর ভারী লোভ হল মহিন্দরের। কিন্তু থানা থেকে ঢোল পিটিয়ে গো-সাপ মারা বন্ধ করে দেওয়া হয়েছে। কেউ মারলে তার ভরিমানা হবে। থানাকে বড় ভয় করে মহিন্দর।

কিন্তু ভারী ভালো লাগছে শীতের ঝলমলে রোদে এমনি করে এই মাঠের ভেতর দিয়ে হেঁটে যেতে। অকারণ একটা খুশি চন্মন্ করে ওঠে রক্তের মধ্যে। প্রথম ঘোবনের কথা মনে হয়, মনে হয় অন্ধকার সেই বাদাম গাছটার কথা—যেখানে রাত্রে তারিগীর ছোট বোনটা চুপি চুপি আসত তার কাছে। ভয় ছিল, কিন্তু ভাবনা ছিল না : রক্ত ঘন হয়ে উঠত, নিঃশ্বাস পড়ত ক্রত তালে, কী আশ্চর্য নেশায় আচ্ছন্ন ছিল সে-সব দিন! এই মত্তবড় মাঠটার দিকে তাকিয়ে মনে হয়—কেন কে জানে মনে হয়, সেই আশ্চর্য দিনগুলো আবার রক্তের মধ্যে তার কথা কয়ে উঠছে।

‘একটার পর একটা ছোলার দানা মুখে দিতে দিতে এগিয়ে চলল মহিন্দর।

• আজ কত ভুল হয়ে গেছে জীবন। আজ সে মাস্তগনা লোক—দশজনের একজন। লোকে তাকে খাতির করে, আপদে-বিপদে, মামলা-মোকদ্দমায় শলা-পরামর্শ নিতে আসে তার কাছ থেকে। সবচাইতে বড় পরিবর্তন যেটা ঘটেছে—সেটাকে যেন বিশ্বাস করতে পারে না মহিন্দর। তারিগীর সেই ছোট বোন সরলার ছেলেন্নের সঙ্গেই আজ তার দেড় কাঠা জমি নিয়ে দেওয়ানী মোকদ্দমা চলছে।

একটা নিঃশ্বাস ফেলল মহিন্দর। যে কারণে মনটা খুঁশিতে তার ভরে উঠেছিল, ঠিক সেই কারণেই কেমন বিষাদ আর ক্লান্ত লাগল নিজেকে। বয়স বাড়লে পেছনের দিকে তাকিয়ে যে অহেতুক একটা অতৃপ্তি তীক্ষ্ণভাবে পীড়ন করতে থাকে, সেই অস্বস্তিটা যেন আকস্মিকভাবে পাক খেয়ে উঠল।

এব চাইতে সেই কি ভালো ছিল? আজকের এই নাম দস্তখত করতে-জানা মাননীয় শ্রীমহিন্দর রুইয়াস নয়—সেই দুরন্ত চঞ্চল মহিন্দরের বে-হিসেবী জীবন? মাথায় ঝাঁকড়া ঝাঁকড়া চুলে সেই যখন সে অল্প অল্প সিঁথি কাটভ, ~~যখন~~ ছিল নতুন গৌন্দের দেপা, যখন রাতের পর রাত আল্কাপ আর গম্ভীরার গান গেয়ে তার গলা ভাঙত না? আর যখন সেই গানের নেশায় মাভাল হয়ে সরলা—

সরলা। আজ আর কেউ নয়। তাকে ভুলে গেছে, তার গান ভুলে গেছে, ভুলে গেছে বাদাম গাছটার তলায় সে রাত্রির কথা; বিবঝিরে হাওয়ায় মাথার ওপরে ঘন পাতার রাশি শব্দ করছে, যেন কথা কইছে চুপি চুপি আবছায়া গলাতে; একটা ঘুম-ভাঙা পাগি পাগা ঝাপটালো, নুকের ভেতরে আরো ঘন হয়ে সরে এল সরলা।

—ভয় কি, ভয় কি?

—কে য়ান্ আসোছে।

—ক্যাভো না, শিয়াল বাছে।

—হামার বড় ডর লাগে। ভাই জানিলে হামাক মারি ফেলিব।
কাটিল থাকি মুঠ আর আসিগু না।

কিছু পরের দিনও আসতো সরলা। তার পরের দিন। তারও পরের দিন। তারপর কবে একদিন স্বাভাবিক নিয়মেই সরলার আসা বন্ধ হইল গেল। সে কথা আজ আর মনেই পড়ে না মহিন্দরের। কিছু সে দিনগুলো আছে রক্তের মধ্যে—এমনি একটা মাঠের ভেতর—এই রকম একলা পথ চলতে চলতে স্বপ্নের মত বাদামগাছটা মাথা তুলে ওঠে। সরলা ভুলেছে, কিছু সরলা কি কখনো মনে পড়ে না এমনি কোন একটা মুহূর্তে, একটা নির্জনতার বলমলে রোদের ভেতরে ?

হয়তো পড়ে, হয়তো পড়ে না।

তবু তার ছেলেরের সঙ্গে মামলা চলেছে। সরলা হয়তো তার মৃণপাত না করে জলগ্রহণ করে না আজকে। মহিন্দরই কি আজ খুশি হবে সরলা সামনে এসে দাঁড়ালে ?

চিন্তার জাল ছিঁড়ে গেল, দাঁড়িয়ে পড়ল মহিন্দর।

খট খট খট। একটা দ্রুত শব্দ। মাটির চাঙাড গুঁড়ো হয়ে ধুলো উড়ছে। পোঁয়ার রেখার মতো। আর সেই রেখা টেনে শাদা কালো মেশানো একটা বড় ঘোড়া ছুটে আসছে এদিকে। আর কেউ নয়—স্বয়ং হাবিবগঞ্জ খানার বড় দারোগা।

মহিন্দর স্থির দৃষ্টিতে তাকিয়ে রইল। দারোগা সাহেব আসছেন। চমৎকার চেহারা মাস্তুলটার। ফর্সা রঙ, নরম শরীর, মুখে কালো চাপদাড়ি। খানার পোষাক নেই, একটা শাদা পা-জামার ওপরে পরেছেন একটা খাকী শাট, গোড়া দাবড়াচ্ছেন মাঠের ভেতর দিয়ে। অর্থাৎ দাগীর খোঁজে বাচ্ছেন না, বেড়াতে বেরিয়েছেন।

• মহিন্দর শ্রদ্ধা করে দারোগা সাহেবকে। ভারী চমৎকার লোক—চাপদাড়ির ভেতরে শাদা দাঁত সব সময়েই হাসিতে আলো হয়ে থাকে। এত

মিষ্টি করে কথা বলেন যে, শুনলে কে বিশ্বাস করবে, দারোগা সাহেব সরকারের লোক—দেশভক্ত মাতৃষেব দণ্ডমুণ্ডের কর্তা? অথচ আগে যিনি ছিলেন, তাঁর দাঁতও বেরিয়ে থাকত, কিন্তু সে থাকত খিঁচিয়ে। তাঁর বিশ্বাস ছিল, পৃথিবীভক্ত লোক চোর আর বদমায়েস, তাদের সকলকে তিনি সন্দেহ করতেন, তাঁর চোখ দেখলে মনে হত, হাতের কাছে থাকে পাবেন তাঁকেই ঠাণ্ডাতে পারলে তবে তিনি খুশি হবেন। একটা গোন্ধ চুরির মামলায় একটু হলোই তিনি মহিন্দরকে ফাঁসিয়েছিলেন আর কি।

কিন্তু এ দারোগা সাহেব ভালো লোক—লোকে বলে মাটির মাতৃষ। অবস্থা হয়রাণ করেন না কাউকে, গালমন্দও না। ভূটো ডিম কিংবা একটা মুরগী কেউ ভেট দিতে গেলে দাম নেবার জন্তে ঝুলোঝুলি করেন। বলেন, তোরা গরীব মাতৃষ, যিনি পয়সায় তোদের জিনিস নিতে যাব কেন?

লোকে কুতর্থা হয়ে বার।

বলে, না, না ছদ্মব. মোরা খুশি হই দিচ্ছি, আপনার ঠাইয়ত্ পাউসা লিবা পারিম্ না।

দারোগা হাসেন : তোরা যখন ভালোবেসে দিয়েছিস, তখন না নিলে তোদের কষ্ট হবে। কিন্তু আর নিসনি। এ বে-আইনি—এ আনাদের নিতে নেই।

বে-আইনি! লোকগুলো ঠা করে থাকে। এককাল তো এঁটোকেই ওরা আইন বল জেনেছে যে, ঘরে পাঁটা, মুরগী, ইঁস থাকলে, পুকুরে কুইমাছ থাকলে তা দারোগাকে নিবেদন না করে উপায় নেই। ইচ্ছে করে না দিলে জোর করে নেবে। অশ্রাব্য গাল দিয়ে বলবে, ব্যাটারা যে একেবারে লাট সাহেব হয়ে গেলি—আঁ! থানায় নিয়ে ছুদিন হাজতে রেখে দেব, তাপপর সদরে চালান করে দেব, টের পাবি কত দানে কত চাল।

এ দারোগা সাহেব কিন্তু একদম আলাদা—একেবারে দৈত্যকূলে প্রজ্ঞাদ।

খট খট খট। ঘোড়াটা এগিয়ে আসছে। পাশ কেটেই বেরিয়ে যাচ্ছিল, হঠাৎ দারোগা সাহেবের চোপ পড়ল মহিন্দরের ওপর। ঘোড়াটাকে এদিকে

ঘোরালেন তিনি, খামিয়ে দিলেন জোর রাশ টেনে। তিন পা পিছিয়ে গেল, ঘোড়া, আকাশের দিকে তুলে দিলে বিস্রোহী ঘাড়, কড়মড় করে চিবুলে মুখের লাগামটা। ঘোড়ার ঘাম আর ধুলোর গন্ধের একটা ঝলক মহিন্দরের নাকে ভেসে এল।

হাতের পিঠে কপালের ঘাম আর ধুলোর পাতলা আস্তরটা মুছে কেন্দ্রলেন দারোগা সাহেব। তার হাসলেন তার স্বভাবসিদ্ধ মধুর হাসি।

—ভালো আঁছ মহিন্দর ?

ভক্তি ভরে মহিন্দর সেলাম দিলে : আপনারা যেমন রাপিছেন।

—আমরা আর রাখবার কে ?—দারোগার গলায় ফকিরস্বলভ বৈরাগ্য ফুটে বেকল : পোলাও-তালাই রাখছেন সপাইকে। তারই দোয়া সব।

—জী হজুর।

—তারপর—চলেছ কোথায় ?

—কুটুম বাড়ী যাচ্ছি হজুর।

—ওঃ, সনাতনপুরের ভূষণ মুচির বাড়ীতে ?

—হজুর তো সকলই জানে'ছেন !

দারোগা হাসলেন। আর একবার হাতের পিঠে তেমনি করে কপালের ঘাম মুছলেন, দাড়ি আঁচড়ে নিলেন আঙুল দিয়ে।

—ওহো, ভালো কথা। তোমানের গাঁয়ে সেই বংশী মাষ্টার আছে এখনো ?

—আছে তো।

—ইস্কুলে পড়ায় ?

—সি তো পঢ়ায়।

—হঁ।—দারোগার হাসিমুখ ক্রমশ দাড়ির আড়ালে অদৃশ্য হয়ে গেল।

আস্তে আস্তে জিজ্ঞাসা করলেন, পড়ানো ছাড়া আর কিছু করে ?

মহিন্দর নিজেই ইঠাং বিপন্ন বোধ করতে লাগল : পড়ানো ছাড়া আর কী করিবে ?

• —করে, করে। চাষাদের বাড়ী বাড়ী খুব যায়, না ?

—জী, সি তো যায়।

—সভা করে ? জমায়েৎ ?

—আইজা ?—মহিন্দর ক্রমে উঠতে লাগল শঙ্কিত হয়ে। দারোগার হান্নি মিলিয়ে গেছে, একটা নিশ্চিত নিষ্ঠুর কঠিনতা দেখা দিয়েছে কোথাও : আইজা ?

—বলছি, লোকজন ভেকে জমায়েৎ করে ?

—সি তো শুনি নাই।

দারোগা এবারে নীচের ঠোঁটটাকে একবার কানড়ালেন, চোখ দুটো কুঁচকে কেমন একটা বিচিত্র দৃষ্টিতে তাকালেন মহিন্দরের দিকে : কথাবাতা কী বলে ?

মহিন্দর এবারে ঘর্মাক্ত হয়ে উঠল : ওইটা তো জী হামি জানি না। হামি কামের মানুষ, উসব শুনি হামার কি হবে ?

—কিছু শোনোনি কারু কাছে ?

—মহিন্দরের অসহ লাগছে এতক্ষণে, মনের ভেতরে কোথায় যেন টের পেয়েছে, এই প্রহরগুলোর আড়ালে এমন একটা কিছু লুকিয়ে আছে যা নিতান্তই নির্দোষ কোঁড়ুল নয়, একটা পিরকুভাবেই ভবাব দিলে।

—হামি শুনিব ফের কার ঠাই ? কী আর কহিলে ? মাষ্টার ডের নিখিছে, ভালোই কহে নাগে।

—হঁ, ভালোই বলে।

দারোগা এতক্ষণে আবার হাসলেন। ঘোড়াটা চকল হয়ে পা ঠুকছে, আলগ করে একটা ছুতোর ঠোকুর দিলেন সেটার পাঁজরে। ঘোড়া চলতে শুরু করল। দারোগা বললেন, আচ্ছা, যাও তুমি।

—জী সেলাম।

তড়বড় তড়বড় করে আবার ছুটে চলল ঘোড়াটা—মহিন্দর তাকিয়ে রইল।

সত্যিই চমৎকার চেহারাখানা দারোগা সাহেবের—বোড়ার গিঠে তাঁকে খাসা মনায়। এমন নইলে আর দারোগা!

—কিন্তু—

কপাল কুঁচকে মহিন্দর ভাবতে লাগল, মাটির সম্বন্ধে হঠাৎ এমন করে সন্ধান নেবার মানে কী! কোনো মতলব আছে নাকি? কিন্তু তাই বা কেমন করে হবে? দারোগা সাহেব একেবারে মাটির মাছ, তিনি তো কারো ক্ষতি করতে চান না। তার নাম করতেও লোকে যে শ্রদ্ধা অভিব্যক্ত হয়ে যায়!

মরুক গে, ওসব ভেবে লাভ নেই মহিন্দরের। আরার ব্যাপারী হয়ে কী করবে সে জাহাজের খবর দিয়ে? তার চাইতে এখন তাড়াতাড়ি এগিয়ে যাওয়াই ভালো। বেলা দ্রুত বেড়ে উঠছে, ফ্রিটা-কর্মের ব্যাপার বোনাই বাড়িতে, বেশি দেরী করলে মান থাকবে না।

মাঠের ভেতর দিয়ে একটা ছোট নদী বেরিয়ে গেছে, তার নাম কাকুন। বধায় ভরে ওঠে ঢল নাগায় ছুদিকের বিল্লবনে ছাওয়া ঢালু ভূমিতে। তখন কল থাকে না, কিনারাও না। এখন সে নদী পড়ে আছে নিজীব একটা সাপের খোলসের মতো। কালি কালি বালির ডাঙ্গা উঠেছে জেগে, তার ভেতর দিয়ে তিন চারটে ধারায় বেরিয়ে যাচ্ছে বালি-মেশানো চিকচিকে জল। ইটুর ওপরে একটুখানি কাপড় তুলেই নদীটা পার হয়ে এল মহিন্দর।

নদীর পরে বিল্লয়-ভরা মাঠ, ধেঁটে ধেঁটে হিঙ্গল গাছ, তারপরেই লাল মাটির উচু পাড়ি। পাড়ির ওপরে আমবাগান, খাড়া মাটির এখানে-ওখানে আমগাছের শিকড় বুলছে। ওই উচু পাড়ির ওপর সনাতনপুরের মুচিপাড়া, আমগাছের ছায়ায় একখানা গ্রাম। গোবর গাড়ির রাস্তা গ্রামের ভেতর দিয়ে কেটে কেটে বেরিয়ে গেছে। তিন চার হাত উচুতে বাড়ী, নীচে রাস্তা। শুকনোয় গোবর গাড়ির পথ—বধায় নৌকো চলবার খাল।

মহিন্দরের বোনাই ভূষণ কুইদাসও অবস্থাপন্ন লোক। আগে জুতে

ভৈরী করত, হাটবার দিন লাঠির মাথায় জুতো খুলিয়ে বেরুত জীবিকার সন্ধানে। কিন্তু এখন আর ওসব উল্লেখ নেই ভ্রমণের। কিছু চাষের জমি নিয়েছে, রেখেছে চার জোড়া বলদ আর দুখানা মোষের গাড়ি। জমি থেকে বছরের ধান পায়, আবাদের সময় বলদ ভাড়া দেয় আখিয়ারদের, মোষের গাড়ি বেড়ায় সোয়ারী টেনে—মাল নিয়ে যায় রেল স্টেশনে, এদিক ওদিকের বন্দরে, গঞ্জে।

তারই ছেলের বিয়ে এবং আন্ত কুটুম খাওয়ানোর দিন।

বলা বাহুল্য, প্রচুর সাড়া পড়ে গেছে চারদিকে। ভ্রমণ কার্পণ্য করেনি, তা ছাড়া এমনিতে সে দিল-দরিয়া লোক। গ্রামের মুখে পা দিতেই উৎকর্ষ হয়ে উঠল মহিন্দর, কানে এল গানের সুর। উৎসব শুরু হয়েছে মুচিপাড়ায়।

মহিন্দর খেমে দাঁড়াল একবার তাকালো হাতের জুতো জোড়ার দিকে। সময় হয়েছে। পাশেই একটা কাদায় ঘোলা ভোবা আকীর্ণ হয়ে আছে দিক্কাড়া আর শাপলার লতায়, ফুল বাগে-বাগায় গোটা কয়েক জোড়া পল্লবের ডাঁটা শুকোচ্ছে শীতের বোনে। তারই কাঠ-কেলা ঘাটে মহিন্দর পা ধুয়ে পরে নিলে জুতো জোড়া। এখন নিজেকে বেশ সমৃদ্ধ আর সন্তোষ বলে মনে হচ্ছে। অবশ্য পায়ে দেবার সঙ্গে সঙ্গেই জুতো কামড় বসিয়েছে, মনে হচ্ছে, একটা আঙুল যেন কেটে বেরিয়ে যাবে। তবুও জুতো পায়ে দিলে কেমন মচমচ করে শব্দ হয়, এই খালি-পায়ের দেশে লোকগুলো বুঝতে পারেন, উল্লেখযোগ্য কেউ একজন আসছে এগিয়ে।

চপারে চামড়া-দোর, পাচা জলের উৎকট গন্ধ, এদিকে ওদিকে কাঠি দিয়ে আটা টান করা চামড়া শুকোচ্ছে রোদে, দরজার গোড়ায় খুলছে সমাপ্ত অসমাপ্ত জুতোর রাশ, চুতো একটা ঢাক পড়ে আছে এদিকে ওদিকে। একটা পাটার ঠাণ্ডা নিয়ে শুরু হয়েছে তিন চারটে কুপরের কলহ। কিন্তু বাড়ীগুলো সব ফাঁকা—কোথাও লোকজন দেখা যাচ্ছে না। এদিক থেকে আসছে প্রচণ্ড

গানের শব্দ—নিশ্চয় ভ্রমের নাড়িতে। সারাটা গ্রাম বোধ হয় জড়ো হয়েছে
ওখানে গিয়েই।

অল্পমান মিথো নয় মহিমান্বের। একবারে আলো হয়ে গেছে ভ্রমের
দাওতা। গড়াগড়ি যাচ্ছে দশবারোটা তিরিণের নোতল, পচাইয়ের ভাঁড়গুলো
ছড়িয়ে আছে চারপাশে। একজন কবহাল পিটছে ঝমর ঝমর করে, একজন
বাঁজাচ্ছে হারমোনিয়াম, আর তবলায় অভাবে একটা ঢাকের উপর কাঠি দিয়ে
তাল রাখছে ইঁটের জন। আর অতি প্রচণ্ড নেশা করেছে সকলে।
চোখগুলো টকটকে লাল, ঈচ্ছ করে মাথা নাড়ছে, না নেশার ভারে মাথাগুলো
আপনা-আপনিই ঢুলে ঢুলে পড়ছে, ঠিক দেখা যাচ্ছে না।

সকলের মাঝখানে উঠে দাড়িয়েছে রাস্তা। বেশ মোটা মোটা ভারিকী
চেহারা লোক, কম কথা বলে আর যা বলে তা দম্বরমতো ওজন করে। এ
হেন রাস্তাকে এখন আর চিনতে পারা যাচ্ছে না। ধূতির খানিকটা পরেছে
ঘাগ্রা করে, খানিকটা তুলে দিয়েছে মাথার ওপর ঘোমটার ধরণে—তারপর
বাইজীর ধরণে কোমর দোলাবার চেষ্টা করছে। অবশ্য তাতে কোমর
চুলছে না, দোল পাচ্ছে হুঁড়িটাই। আর সেই নাচের সঙ্গে গানও ধরেছে
তারস্বরে :

“নাগর হে, ইটা তুমার কেমন কাজ,
লিয়ে করে মোহন বাণি,
কুল-মান দিলা নাশি,
পরানে পড়াইলো ফাঁসি.
কুন্ঠে বা মুই রাখিম্ লাভ
হে, ইটা তুমহার কেমন কাজ”—

—হে ইটা তুমহার কেমন কাজ—তারস্বরে কোলাহল উঠল চারদিকে।
প্রত্যেকটা মানুষ সপ্নমে চড়িয়েছে মাতালের জড়ানো গলা, প্রতিদ্বন্দ্বিতা করছে
পরস্পরের সঙ্গে। গান হচ্ছে না দাঙ্গা চলছে, ব্যাপারটা বাইরের লোকের

লোকে বোঝা শক্ত। রাস্তার নাচের উৎসাহটা ক্রমশ ডিঙ্গিয়ে চলে যাচ্ছে
ভব্যতার মাজে।

মহিন্দর বললে, সাবাস হে, খুব জমাছ !”

—আইস হে বড় কুটুম, আইস—

সাদা পড়ে গেল মহিন্দরের আবির্ভাবে। টলতে টলতে উঠে দাঁড়াল তিন
চারজন, টেনে একেবারে ভেতরে নিয়ে গিয়ে বসাল তাকে। রাস্তা এগিয়ে
এল, দুহাতে মহিন্দরকে জাপটে ধরলে একেবারে : আইস হে নাগর, আইস।
তুমহার কস্তাই তো কাঁদি কাঁদি চোখ আনহার করি ফেলিছ।

হাসির রোল উঠল।

রাস্তা বলে চলল, হামার নাগর আসিলে, তুমরা উলু দাও কেনে। পা
ধুবার পানি নিয়ে আইস, পিঁড়া দাও।

সমবেত উলুধ্বনির মাঝখানে আসন নিলে মহিন্দর। কিছুটা অপ্রতিভ,
কিছুটা লজ্জিত। সভায় ভ্রমণ উপস্থিত ছিল না, মহিন্দরের আসবার খবরে
ভেতর থেকে ছুটে এল সে।

—অ্যাতে দেরী করিলা দাদা ?

—ডের ঘাঁটা (পথ) ভাঙি আইন্ত, তাই দেরী হৈল্।

—তো আরাম করে বৈস। হামি উধার যাছি—

রাস্তা বললে, ই, ই, তুমি যাওনা কেনে। হামাদের কুটুম নিয়ে হামরা
ফুরতি করি।

—তো কর, কে মানা করোছে ? যুহু হেসে ভ্রমণ চলে গেল। তার
অনেক কাজ। মাংস রান্না হচ্ছে, তার তদারক করতে হবে, কলাপাতার
বোগাড় হুমনি এখনো, সেটা দেখতে হবে। তা ছাড়া লোক বা জড়ো হয়েছে
তাতে অন্তত আরো দুইাড়ি ভাতের বোগাড় না করলেই নয়।

বাণ্ডার সময় ভ্রমণ বললে, মাতালের হাতে পড়িলা, বেশী নেশা-ডাউ
করিয়ো না দাদা।

—তুমি কেনে বাগড়া দিছ? বেইঠে যাছ, যাও না?

ভাঙ্গপর কয়েক মিনিটের মধ্যেই লাল হয়ে এল মহিন্দরেরও চোখ, রাঙ্গা গানের স্বরে তারও ঘোর লাগতে লাগল। কোমর ছলিয়ে নাচের সঙ্গে সঙ্গে রাঙ্গ কটাক্ষ বর্ষণ করে চলল মহিন্দরের দিকে :

“বৈবন ভাসান্ন হে সখা লীল যমুনায়”—

নেশা লাগছে, তবু কোথায় যেন ফাঁকা ফাঁকা লাগছে মহিন্দরের - কিসের একটা ছোঁয়া গেলে ফিকে হয়ে যাচ্ছে সমস্ত। টুকরো টুকরো রবিশস্তে ভরা মস্ত মাঠখানা। বহুদিন ধরে মনের মধ্যে শুন্ শুন্ করে ওঠা সরলার স্মৃতি। দারোগা সাহেব খোঁজ নিচ্ছেন বংশী মাঠার সম্বন্ধে। কেমন লোক, কী করে, কী বলে গ্রামের চাষা-ভূষোদের, কী বোঝাত চেষ্টা করে?

কোন সম্পর্ক নেই এই বিচ্ছিন্ন চিন্তাগুলোর মধ্যে, তবু কোথায় যেন সম্পর্ক আছে একটা। ঠিক বুঝতে পারছেন না মহিন্দর—অথচ কিছু একটা খুঁজে বেড়াচ্ছে তার মন—কিছুর একটা আভাস পেয়েছে। অন্ধকারে শিকারী কুকুরের মতো চকিত হয়ে উঠেছে তার ইন্দ্রিয়।

—চজ্জাবলীর ভাবন নাগিলে নাকি হে নাগর?

রাঙ্গ জিজ্ঞাসা করলে। মহিন্দর উত্তরে মুছ হাসল। কী যেন হয়েছে তার। কিছুতেই ঠিক খাপ খাইয়ে নিতে পারছে না, কোথায় একটা দোলা লেগেছে, নাড়া খেয়ে উঠেছে সমস্ত। মাঝে মাঝে এরকম হয়। ঠিক কার্যণ্টা খুঁজে পাওয়া যায় না অথচ একটা বিষয় বিশ্বাস, একটা নিরাসক্তি এসে আচ্ছন্ন করে। মনে হয়, কে যেন আসবে, কী যেন ঘটবে। নতুন, অপ্রত্যাশিত, বিষয়কর।

সরলা? নিস্তক অন্ধকারে সেই উজ্জল রক্তের মাতামাতি? সেই আশ্চর্য দিনগুলি? অথবা ঘোড়ার পিঠে দারোগা সাহেবের সেই আবির্ভাব? অথবা কিছুই না? শুধু একটা আদিগন্ত মাঠ, ভাঙাচুরো আল-পথ, গোকুর হাড়ের কতগুলো টুকরো আর এলোমেলো হরিভ-হিরণ্যের ছাপ?

১. ঘোর ঘোর দৃষ্টি মেলে তাকিয়ে রইল মহিন্দর। চোখে পড়ল ভেতরের উঠানেও একটা ছোট আসর বসেছে। সেখানে বেশির ভাগই মেয়ে—জুচারটে মদের বোতল গড়াচ্ছে সেখানেও। এখানকার আসরের সঙ্গে ওখানকার একটা পার্থক্য আছে। ফর্সা করে বিশ বাইশ বছরের একটি ছেলে ওখানকার সভা একেবারে আলো করে বসেছে। দিবি চোখরা ছেলেটির, গায় একটা ফর্সা কামিজ, কানের ওপর দিয়ে সোপান বাকা সিঁথি। ছেলেটি হাসছে, বোধ হয় রসিকতা করছে—আর মেয়েরা হাসির দমকে একেবারে পড়িয়ে গড়িয়ে পড়ছে। জমেছে বেশ।

কপালটা কৌচকালো মহিন্দর।

ছেলেটাকে চেনা চেনা মনে হচ্ছে অথচ ঠিক ঠাহর করা যাচ্ছে না। কখনো দেখেনি, অথচ মুখের গড়ন কোথায় একটা পরিষ্কার পরিচ্ছন্ন আদল আসে। আর যেটা সব চাইতে উল্লেখযোগ্য সেটা হচ্ছে এই যে, ছেলেটি এখানকার সব চেয়ে সম্মানিত অতিথি—অবস্থাপন্ন, লেখাপড়া জানা সম্ভ্রান্ত ব্যক্তি শ্রীমহিন্দর কুটুম্বদের চাইতেও। তাই অন্তরে মেয়েদের মধ্যে নিয়ে তাকে বসানো হয়েছে, স্বয়ং ভূষণ এসে তত্ত্বাবধান করে তার।

ইঠাম্ কেমন বিস্তী বোধ হল মহিন্দরের, কেমন অপমানিত বোধ হল নিজেকে। এ গ্রামে—অস্তুত এ বাড়ীতে তার চেয়ে মর্যাদাবান কে? ভূষণ তাকে বসিয়ে রেখে নিজের কর্তব্য শেষ হয়েছে মনে করে চলে গেল, অথচ কেন ঘুরে ফিরে ওই ছেলেটির তত্ত্বাবধান করে যাচ্ছে সে? ব্যাপারটা কী?

ছেলেটি সমানে হাসছে, মেয়েরা ভেঙে ভেঙে পড়ছে হাসিতে। বেশ জমিয়েছে ওরা, একটা আলাদা জগৎ সৃষ্টি করে নিয়েছে ওখানে। মহিন্দরের কেমন যেন মনে হতে লাগল, ছেলেটা তাকে তার আসন থেকে বঞ্চিত করেছে, ভাগ বসিয়েছে তার জায়সত্ত্ব এবং চিরন্তন মর্যাদায়। কিন্তু কে ও?

হৃদয় চেহারা, স্বাস্থ্য, বোবনে ঝলমল করছে। আসর আলো করে বসবার মতো চেহারাই বটে। আর সেই জন্তেই কি ভালো লাগছে না মহিন্দরের, সেই জন্তেই কি অসহ্য অনধিকারী বলে বোধ হচ্ছে নিজেকে? ওকে দেখে কি নিজের হারানো সেই উজ্জ্বল দিনগুলোর কথা মনে পড়ছে—মনে পড়ছে রক্তের মধ্যে সেই মাদকতার দিনগুলোকে? একদা ত্রিশ বছর আগে যে গৌরবে জ্যোত্বান মহিন্দর গ্রামের সেরা মেয়ে সরলার চিত্ত জয় করতে পেরেছিল, সেই গৌরবের নতুন উত্তরাধিকারীকে কি সহ্য করতে পারছে না মহিন্দর? আজ যে সব মেয়ে কৈশোর-বোবনের মাঝখানটিতে একটি পর একটি পাঁপড়ি খুলছে ফুলের মতো, তারা মহিন্দরের কাছে আলেয়ার মতো নিথো হয়ে গেলেও ওই ছেলেটি আজ তাদের পৃথিবীতে একচ্ছত্র?

মহিন্দরের কপাল আরো বেশি করে কুঞ্চিত হয়ে এল। কান পেতে শোনবার চেষ্টা করতে লাগল ওদের আলাপ, ওদের চটুলতা। কিন্তু কিছু শোনা যাচ্ছে না—গোঁড়াও যাচ্ছে না। ঢাকের বাজনা, কবতালের শব্দ আর গানের মাতামাতিতে শোনবার উপায় নেই একটি বর্ণও।

ইতিমধ্যে নাচতে নাচতে বেদন হয়ে পড়েছে রাস্তা। পাশে এসে বসেছে মহিন্দরের। দুহাতে তাকে জাপটে ধরে বলছে, তোমার কী হৈল্ হে নাগর? রাধিকার উপর থাকি মন কি সরি গিছে? তাই তো মনে নাগোছে। হায় হায়রে, হামার নাগরকে কেবা এমন করি ভুলাইলে—

ধাক্কা দিয়ে হঠাৎ রাস্তাকে সরিয়ে দিয়ে রুট গলায় মহিন্দর বললে, থামো হে; অত মাতামাতি করিযো না। বুড়া হইছ—সিঁটা খেয়াল নাই? ছোয়া পোয়ার সামনত্ অমন ঢলাঢলি করিলে কি মান থাকে?

রাস্তা স্তম্ভিত হয়ে গেল। কথাটা একেবারে অবিদ্যাস্ত এবং অপ্রত্যাশিত। এরকম ক্ষোত্র এবং এমন একটা উপলক্ষে এ জাতীয় ধর্মকথা যে কেউ শোনাতে পারে, এটা কল্পনারও অতীত ছিল।

এতক্ষণ সগীর্ভূত করে আপাতত রাস্তা স্তম্ভিত ভাবে ভাবিত। কথাটা শুনে

সে একবার জিভ কাটলে, মাথার পেছনে হাত দিয়ে ঘোমটা টানার চেষ্টা করলে একটা, কিছুক্ষণ নিজের চিবুকটা আঙুলের মাথায় ধরে মেয়েলি ভঙ্গিতে তাকিয়ে রইল, তারপর বললে, হায়রে বাপ, হঠাৎ ইটা কী হইল্ হে? খুব মানী হই গিলা নাগোছে?

—ত নাগিবে না তো কী? বয়েসখানা তো ফের কম হয় নাই। এখন উসব চ্যাংড়ারা করিবে, নাচিবে, কুঁদিবে, ঘিটা উয়াদের ভালো নাগে সিটাই করিবে। তুমরা উসব ছাড়ি দেন। দেগিতেও ভালো নাগে না—ফের কোঁয়রে অস (বাত) ধরিলে বিছানাত পড়ি থাকা নাগিবে।

মহেশ্বরের স্বরে এবারে তিক্ত নৈরাশ্র ফুটে বেরুল। কথাটা সে কি রাস্তকে বলেছে, না বলেছে নিজেকেও? শুধু রাস্তকেই সতর্ক করে দিচ্ছে তা, না বোঝাপড়া করে নিচ্ছে নিজের মনের সঙ্গেও? এটা আজ আর বুঝতে বাকী নেই যে, তারা আজ ক্রমশ জীবন থেকে দূরে সরে যাচ্ছে—সরে যাচ্ছে আনন্দ আর বোবনের অধিকার থেকে। আজ কৈশোর-বোবনের সন্ধিক্ষণে যাদের দেহ-মন পদের মতো বিকসিত হয়ে উঠছে, তারা আর ওদের কেউ নয়। কুড়ি বাইশ বছরের ওই কসাঁ ছেনোট সেখানে নিজের সগৌরব মঞ্চাদ। প্রতিষ্ঠা করে বসে আছে—ঈর্ষ্যাতিক্ত দৃষ্টিতে সেদিকে তাকিয়ে থাকা ছাড়া মহিন্দরদের আর গত্যন্তর নেই।

কিন্তু রাস্তর এবার আর বাকশ্রুতি হলনা। কয়েক মিনিট তাকিয়ে রইল অপলক দৃষ্টি মেলে। তারপর বললে, তোমার কী হৈল্ হে আইজ!

—কী আবার হবে? বয়েস হইছে, সিটাই মনে পটাই দিহু! এখন নিজের মান রাখি চলিবা নাগে—বুঝিলা?

—বুঝিত্ত—

রাস্ত গভীর হয়ে গেল। তারপর মহেশ্বরের দৃষ্টি অত্মসরণ করতে তারও চোখ চলে গেল ভেতরে ওই ছোট আসরটির দিকে। সঙ্গে সঙ্গেই কিছু একটা বুঝল রাস্ত—যেটা অস্পষ্ট ছিল সেটা প্রত্যক্ষোক্ত হয়ে উঠল। এক

মুহুর্তে মহেশ্বরের মনটা বেন খরা পড়ে গেল তার কাছে এবং একই সঙ্গে,
একই সময়ে, একই প্রশ্ন আর একই উত্তর বেরিয়ে এল :

—ওই ছোড়াটা কে হে ?

—কে জানেবা !

—কখনো দেখিছ ?

—ঠাহর পাছি না ।

—উয়াক কোঁথা থাকি আনিলে ভূষণ ?

—কে কহিবে ? ভিন্ গাঁয়ের কুনো কুটুম হবা পারে ।

—সিটাই নাগোছে ।

এই সময়ে ভূষণ এসে হাজির । পেছনে পেছনে কলাপাতার রাশি,
মাটির গেলাস । খাবার তৈরী ।

—বসি যান ,বসি যান সব ।

একটা কলরব উঠল । নেশায় বিহ্বল মানুষগুলো এতক্ষণে উঠেছে
সজাগ হয়ে । ফুটন্ত ভাতের গন্ধ আসছে, আসছে মাংসের মনমাতানো
গন্ধ । কিদেটা এতক্ষণ চাপা পড়েছিল হাঁড়িয়া আর দেশী মদের নীচে,
মাংসের এই পাগল-করা গন্ধে এবার সেটা আত্মপ্রকাশ করলে উদগ্রভাবে ।

—কই লিয়ে আইস, লিয়ে আইস ।

—আইজ তোমার হাঁড়ি ফাঁক করি দিমু হে ভূষণ । কম মণ মাংস রাখিছ ?

—আচ্ছা, আচ্ছা, দেখিমু—কে কেমন জোয়ান আছ, কত খাবা পার ।

পাতা পড়ল, পড়ল গেলাস । ভূষণ সবিনয়ে এসে দাঁড়াল সকলের সামনে
—বিশেষ করে মহিন্দরের ।—পেট ভরি খাইও হে কুটুম, বদনাম করিয়ে না ।

কেমন বিবর্ত দৃষ্টিতে মহিন্দর ভূষণের দিকে তাকালো । একবার বলতে
ইচ্ছে করল, আমাকে আর অভ্যর্থনা করা কেন, ওই ছোকরাটাকেই করো গে ।
কিন্তু বলতে ইচ্ছে করলেই বলা যায় না, মহিন্দর নিজেকে সামলে নিলে ।
তবু সংক্ষেপে জবাব দিলে, হঁ ।

একটুখানি সন্নিধ হয়ে উঠল ভূষণ ।

—তোমার কী হইছে কুটুম ? অস্থ করিছে নাকি ?

—অস্থ আর কী করিবে ? হামরা এখন বুঢ়া হই গেছ—অস্থ তো হামাদের নাগিই রহিছে ।

—বুঢ়া !—ভূষণ রসিকতার চেষ্টা করলে : তুমি চিরকালই জোরান রহিছ কুটুম—তুমি ফের কবে বুঢ়া হইলা ?

একটা অকারণ রাগে ব্রহ্মরক্ষ পর্যন্ত জলে উঠল মহিন্দরের । কেন কে জানে, একটা চড় বসিয়ে দেবার ইচ্ছে জাগছে ভূষণকে । ভূষণের হাসিটা অস্বাভাবিক রকমের কদব মনে হচ্ছে, যেন দাঁত বার করে সে ঠাট্টা করছে মহিন্দরকে ।

অনেক কষ্টে এবার নিজেকে সামলে নিলে মহিন্দর । শুধু বললে, ই ।

কয়েক মুহূর্ত বিম্বিতভাবে কুটুমকে পর্যবেক্ষণ করে ভূষণ সরে গেল সেখান থেকে । কিছু বুঝতে পারেনি—বোঝবার সময়ও নেই তার । শুধু সম্মানিত কুটুমই নয়, নিমন্ত্রিত যেসব অভ্যাগত আছে, তাদের সম্পর্কেও করণীয় আছে তার, আছে দায়িত্ব । শুধু কুটুমকে আপ্যায়ন করলেই চলবে না—জাত-ভাইদেরও খুশি করা দরকার ।

মহেন্দ্র বিষদৃষ্টিতে তাকিয়ে রইল ।

ঝুড়ি বোঝাই করে এল লাল চালের ভাত—গরম ভাতের ধোঁয়ায় ভরে গেল জায়গাটা ।

কলার পাতায় পুরো এক এক সের চালের ভাত পড়তে লাগল । কিন্তু কী যে হয়েছে মহিন্দরের কে জানে । সেই গ্যাড়া মস্ত মাঠটা, সেই সরলার স্মৃতি—সেই ঘোড়ার পিঠে দারোগা সাহেব, না এই বিশ বাইশ বছরের স্বদর্শন ছেলেটা ? কিছু পরিষ্কার ধরা বাচ্ছে না । অথচ থেকে থেকে বিরক্তিতে ভরে উঠছে মন । শুধু খেতে ইচ্ছে করছে না তা নয়, এখান থেকে উঠে চলে যেতে ইচ্ছে করছে—গিয়ে দাড়াতে ইচ্ছে করছে কোনো একটা

নির্জনতায়—যেখানে মনটাকে স্পষ্ট করে বাচাই করে নেওয়া চলে, যেখানে খোলা আকাশের নীচে, অক্ষয় অপর্যাপ্ত বাতাসে তার বিবর্ত দ্রাবুগুলো আশ্বাস পায়।

—মাংস—মাংস নিয়ে আইস—

লুক কলরব উঠেছে। বাদ্যের তর সয়নি তারা ইতিমধ্যেই শুধু ভাত, মুঠো মুঠো করে খেতে শুরু করে দিয়েছে। আসরটার ওপর দিয়ে একবার চোখ বুলিয়ে নিলে মহেন্দ্র, একবার মনে হল—চারদিকের লোকগুলো অত্যন্ত লোভী, অত্যন্ত ইতর, এদের মাঝখানে সে বেমানান, এখানে আসাটা তার উচিত হয়নি।

—নাগর, খাও কেনে—

—ই, খাছি—অস্বাভাবিকভাবে ভাত নাড়াচাড়া করতে লাগল মহিন্দ্র। ইতিমধ্যে মাংসের পাত্র এসে পৌঁছেছে। একশো জোড়া সলোভ নৃষ্টি গিয়ে পড়েছে মাংসের ভাণ্ডের ওপর—ক্ষীত নাসারক্তগুলো সাগ্রহে শুকছে তার উগ্র উত্তেজক গন্ধ।

ভাতের ওপর এক হাতা মাংস পড়তেই চমকে উঠল মহিন্দ্র। সেই ছেলেটি মাংস পরিবেশন করছে। কিন্তু সেই মুহূর্তেই কী একটা জিনিষ বিদ্রোহের মতো প্রবাহিত হয়ে গেল মনের ভেতরে। কে এই ছেলেটি, কার ছেলে? কার আদল এর মুখে?

ইহাৎ মহিন্দ্র প্রশ্ন করে বসল, তুমহাক তো কখনো দেখি নাই। তুমার বাড়ি কুন্ঠে হে বাপু?

সলজ্ঞ স্বরে ছেলেটি বললে, মীরপাড়া।

মীরপাড়া! মহিন্দ্রের বৃকের ভেতর ধক করে উঠল, খেমে পাঁড়াতে লাগল হৃৎস্পন্দন।

—তুমার বাপের নাম কী?

—কেউ কইনাস।

হিংস্রভাবে দাঁতে দাঁত চাপলো মহিন্দর : তুমি সরলার ব্যাটা ?

মায়েদ নাম শুনে ছেলটি আশ্চর্য হয়ে গেল। বললে, হঁ। আমার মাকে আপনি চিনেন ?

কিন্তু ততক্ষণে পাতা ফেলে তীরের মতো মহিন্দর উঠে দাঁড়িয়েছে। চীৎকার করে ডাক দিয়েছে, ভূষণ ?

ভূষণ শশব্যস্তে ছুটে এল। জন্তুস্বরে বললে, কী হৈল্ কুটুম, অমন করি পাতা ছাড়ি উঠিলা ক্যান ?

বজ্রকণ্ঠে মহিন্দর বললে, হামাক কি অপমান করিবার জন্তু এইঠে ডাকি আনিছ ?

—অপমান ? অপমান কেনে ?

সমস্ত বৈঠক বিষয়ে ভয়ে তটস্থ হয়ে উঠল। সবে মাংসের মন-মাতানো গন্ধটা বাস্তব রূপ ধারণ করে সম্মুখে এসে পৌঁছেছে। এমন সময় একি বিষ !

—কী হৈল্ কুটুম, হৈল্ কী !

মহেন্দ্র রক্তস্বরে বললে, কী হৈল্ না, সেইটাই হামাক কহ। সরলার ব্যাটা হামার সাথ মামলা করে, হামাক হাজতে পাঠাবা চাহে। তাক দিয়া হামাক খিলাবার চাহিছ, হামার অপমান হয় না ?

ভূষণ বললে, ইটা তুমি কী কহিছ কুটুম ! মামলা হচ্ছে—সিতো আদালতের কারবার। এইঠে খানাপিনা হেবে, জাউ-গোস্তর সব এক সাথ মিলিবে, এইঠে উসব বামেলা ক্যানে উঠাছ ?

—ক্যানে উঠামু না ? হামার মান্ন নাই ? উয়াদের ডাকি আনি অ্যাতে যে খাতির নাগাছ, সিটা হামাকে বে-ইজ্জত হয় না ? হামি চইয়ু—

কথার সঙ্গে সঙ্গে আর অপেক্ষা করল না মহিন্দর। কাঁচা চামড়ার জুতোটা আঙুলের মাথায় তুলে নিয়ে বললে, বাছি। আর কুনোদিন আসিমু না।

রাস্তা বললে, আয়ে নাগর—বৈস বৈস। তুমার কি মাথা খারাপ হৈল্ ?

—ই, হৈল্। খারাপ হবার হৈলে আপনি হয়—কাউক কহিবায় নাপে
না। হামি বাছু।

ভূষণ বললে, কুটুম, কাণ্ডটা কী করোছ একবার ভাবি দেখ।

—দেখিছ—

—হামি হাতজোড় করি কহছি—

এক ঝাপটায় ভূষণের হাত সরিয়ে দিয়ে তিস্তস্বরে মহিন্দর বললে, খুব
হৈছে। নতুন কুটুমগুলো খাতির কর—উসবে হামাদের কাম নাই।

মুহূর্তে আনন্দিত ভোজের আয়োজনে একটা বিপৰ্যয় কাণ্ড ঘটিয়ে দিয়ে
বেগে বেরিয়ে গেল মহিন্দর—নেমে গেল কাঁচা রাস্তায়। উত্তেজনার বশে
জুতোটা পায়ে দেওয়ার কথা পৰ্বন্ত খেয়াল রইল না তার।

সমস্ত বৈঠকটা নির্বাক। সরলার ছেলে পাংগু রক্তহীন মুখে একটা
প্রতিমার মতো দাঁড়িয়ে রইল সেইখানেই।

—দুই—

সেই মাঠটার ভেতর দিয়েই যখন মহিন্দর ফিরে চলল, তখন কেমন হালকা হয়ে গেছে তার মন। নিজের প্রতি অপমানের একটা মিথ্যে ছতো করে অপমান করতে পেয়েছে সরলার ছেলেকে, সেই সরলা, বোবনে যে মহিন্দরের রক্তের ভেতরে বিষ বিস্তার করেছিল নাগিনীর মতো—আর আজও যে তেমনি নাগিনীর মতো ছোবল মারবার চেষ্টা করছে তাকে।

কিন্তু—

কিন্তু এতটা কি করবার দরকার ছিল? সরলার ছেলে তাকে পরিবেশন করতে এসেছে এটা কী এমন মারাত্মক অপরাধ, বার জন্তে ওভাবে পংক্তি-জোড়ন নষ্ট করে বেরিয়ে আসতে হবে? অথবা শুধুই হিংসা—ওই জোয়ান ছেলেরটার সম্বন্ধ বোবনের ঐশ্বর্যকে মহিন্দর সম্ব্ব করতে পারল না?

কারণ বাই থাক, এটা ঠিক যে তার ভালো লাগছে না। আর এই ভালো না লাগাটা সঞ্চারিত হয়েছে সেই নির্জন মাঠের ভেতরে—সেই শীতের দুঃস্বপ্ন বোনে। হঠাৎ মনে হল বেন সে অস্বস্থ হয়ে পড়েছে—নিজের ভেতরে কোথাও কিছু একটা বিশৃঙ্খলা ঘটেছে তার।

সেই বিরক্ত বিশ্বাস দীর্ঘপথ পেরিয়ে যখন সবে নিজের গ্রামে এসে পৌঁছেছে এবং যখন পর্যন্ত ঠিক বুঝে উঠতে পারছে না ব্যাপারটা কী ঘটল, এমন সময় ডাক শুনে পেল পেছন থেকে।

—মহিন্দর, মহিন্দর?

ডাক দিয়েছে বংশী মাটার ।

সঙ্গে সঙ্গে দারোগা সাহেবের চাপ-দাড়ির আড়ালে হিংস্র হাসির ছটাট মনে পড়ে গেল মহিন্দরের । ঠিক সহজ মাতুষ নয় বংশী পরামাণিক, অন্তত এতদিন যে দৃষ্টিতে মহিন্দর তাকে দেখে এসেছে, সেটা বংশী মাস্টারের আসল পরিচয় নয় । তার ভেতরে আরো একটা কিছু আছে—যেনিবে দারোগা সাহেব আবিষ্কার করে ফেলেছেন । এবং মহিন্দরের মন বলেছে লক্ষণটা শুভ নয়, একটা ঝোড়ো মেঘের সংকেত শিখায়িত হয়ে উঠেছে সেখানে ।

বংশী মাস্টার একটা খুরপি হাতে করে বাগান খুঁড়ছিল । একটা পাতল গেক্সী গায়ে, এই লীতের বিকেলেও পরিশ্রমে সে ঘেমে উঠেছে । একট বিলিতি বেগুন গাছের গোড়া পরিষ্কার করতে করতে বংশী ডাক দিচ্ছে শোনো, শোনো মহিন্দর—

মহিন্দর দাঁড়িয়ে গেল অনিশ্চিতভাবে । মনের ভেতর কেমন এলোমেরে লাগছে, ভালো লাগছে না এখন আর কথা বলতে । তবু বংশী মাস্টারকে উপেক্ষা করা চলে না, তার কাছে নানা দিক থেকে রূতজ আছে মহিন্দর তাই অনিচ্ছা সত্ত্বেও বললে, কেন ডাকোছেন ।

—একবার এসোনা এদিকে ।

মহিন্দর ফিরল—গিয়ে দাঁড়ালো মাস্টারের বাগানের সামনে । প্রাইমাট ইন্সুলের লাগাও একখানা আটচালা খড়ের ঘরে বংশী মাস্টার বাস করে বাইরে থেকে এসেছে এখানে—বিদেশী মাতুষ । থাকে একাই—পরিবার-পরিজন আছে বলে কেউ জানে না ।

তবু বেশ উৎসাহী করিৎকর্মা লোক । চুপচাপ বসে থাকতে পারে না কখনো । ঘরের সামনে একটুকরো ফালতু জমি, বা পেয়েছে দিবি বাগান গড়ে তুলেছে তাতে । লাগিয়েছে কপি, মূলো, বেগুন, বিলিতি বেগুন, কড়াইগুটি । নিজে একা হাতেই সব করেছে মাটার । মাটি সুপিয়েছে,

ইকুলের পাতকুয়ো থেকে বাগান বরাবর খুঁড়ে এনেছে জলের নালা, নিজের হাতে সজা লাগিয়েছে, নিজেরই তত্ত্বাবধান করেছে তার। ফলে এখন গ্রসর সবুজের দীপ্তিতে সারা বাগানটা উদ্ভাসিত হয়ে আছে। টুকটুকে লাল হয়ে পেকে রয়েছে বিলিতি বেগুন, উজ্জল সবুজ হয়ে উঠেছে মুলোর শাক, গাঢ় নীল রঙের পুঙ্ক পুঙ্ক পরিপুষ্ট পাতাগুলো জড়িয়ে ধরে আছে ছুধের মতো সাদা নিকলক কপির ফুল। সারা বাগানটায় যেন লক্ষী তাঁর আঁচল বিছিয়ে দিয়েছেন --হাতের গুণ আছে মাষ্টারের।

অনিচ্ছুক পায়ে এসেও মহিন্দর মুখ দৃষ্টিতে মুহূর্তের জন্যে তাকালো বাগানটার দিকে। বললে, সাবাস হে মাষ্টার, খাসা বাগানখান করিছেন হে তুমার।

মাষ্টার তৃপ্তির হাসি হাসল।

—সেই জন্তেই তো ডাকছিলাম তোমাকে--বড় একটা ড্রামহেড্ বাঁধাকপির গায়ে সস্নেহ হাত বুলোতে বুলোতে মাষ্টার বললে, তোমরা এসব ভালো জানো, তাই জিজ্ঞাসা করছিলাম। কপিগুলো তো এখনো আঁট বাঁধল না, বেধে দেব ?

মাষ্টার অনেক 'নিখলেও' এমন অনেক কিছুই জানে না বা মহিন্দর জানে। স্তব্ধতাং মহিন্দরের তিক্ত বিস্মাদ মনটা আপনা থেকেই খানিকটা পুলকিত আঁর সহজ হয়ে এল। প্রাজ্ঞতার ভঙ্গিতে মহিন্দর বললে, না, না, এখন বাধিবেন না। ভালো জাইতের জিনিষ, আপনি ধরি যিবে।

—আর পাতাতেও পোকা লাগছে। —কপির পাতা থেকে একটা সবুজ কীট বার করে আনলে বংশী : সব খেয়ে ঝাঁঝরা করে দিচ্ছে।

—তো হঁকার জল ছিটাই দাও—পালাই যিবে।

—হঁকার জল ?—বংশী আবার হাসল : হঁকো তো খাই না, জল পাব

কোথায় ?

সস্নেহ মুহূ ভঙ্গিতে মহিন্দর ভৎসনা করলে মাষ্টারকে : কেমন মাষ্টার হে

তুমি ? বিড়ি খাও না, তামাক খাও না তো ছাত্র পড়াও কেমন করি ?
আচ্ছা, হামি তোমাকে হ'কার জল দিমু ।

কথা হচ্ছিল দাঁড়িয়ে দাঁড়িয়ে । হাতের খুঁপিটাকে নামিয়ে রেখে ব'লী
বললে, একটু বসবে মহিন্দর ? খুব তাড়া নেই তো ?

একটু আগেই খুব তাড়া ছিল মহিন্দরের—কোথাও দাঁড়াতে ইচ্ছে ছিল
না, স্পৃহা ছিল না কারো সঙ্গে কথা বলবার । ভাবছিল, বাড়ী কিরে বাবে ।
ভূষণের ওখানে গিয়ে একটা অর্থহীন দুর্বোধ্য উদ্ভেজনায় বে কলেঙ্কারীটা
করে এসেছে, নিজের ভেতরে দেখবে সেটাকে বিচার করে, একটা হিসাব
নেবে তার ; একবার খিতিয়ে নিয়ে বুঝতে চাইবে, যা করে এসেছে তার
অ'সল তাৎপর্য কী, তার মূল কোথায় । কিন্তু এখন মনে হল, একটু অশ্রমক
হওয়া দরকার, দরকার দুটো চারটে কথা বলা—যা সেই অগ্নি, অবাস্তিত
প্রতিক্রিয়াটাকে অন্তত কিছুক্ষণের জন্তে দূরে সরিয়ে রাখতে পারে ।

—না, তাড়া নাই ।

—তবে একটু বোসো । তোমার সঙ্গে কথা আছে ।

কথা ! তার সঙ্গে কী কথা থাকতে পারে ব'লী পরামর্শিকের ? বসতে
সে পারে, খোস গল্প করতে পারে খানিকক্ষণ, শাকসব্জী কী উপায়ে ভালো
করা যায়, বাড়ানো চলে দ্রুত গতিতে, সে সম্বন্ধেও উপদেশ দিতে পারে
মহিন্দর । কিন্তু কথা ! শুনলেই কেমন একটা খটকা লাগে, লাগে একটা
অপ্রত্যাশিত চমক । দারোগা সাহেবের সেই জিজ্ঞাসাবাদের সঙ্গে এর কোনো
রকম সম্পর্ক নেই তো ? কে জানে !

—কী কহিবা চহোছেন ?

—এসো, বোসো এই দাওয়ায় ।

মহিন্দর দাওয়ায় বসল এসে । এদিক থেকেও একটা বিশেষত্ব আছে ব'লী
পরামর্শিকের—যা আগেকার কৈবর্ত পণ্ডিতের ছিলনা । এটা বে মুন্সিদের
গ্রাম এবং এরা যে জুতো সেলাই করে অবসর সময়ে জমিতে চাব দিয়ে

কালাতিপাত করে থাকে, একথাটাকে কৈবর্ত পণ্ডিত কখনো ভুলতে পারতনা। চামারদের প্রতি অহুকম্পার সীমা ছিলনা তার এবং সেজন্য সবসময়েই তার নাক খাড়া হয়ে থাকত আকাশের দিকে। এক কথায় সে মূর্তিদের ঘৃণা করত—চলত নিজের দূরত্ব বাঁচিয়ে। গলায় একগাছা পৈতে ঝুলিয়ে নিয়েছিল বামুনদের অহুকরণে, বুড়ো-আঙুলের ডগায় সেটাকে সামনের দিকে বাড়িয়ে দিয়ে সগর্বে বলত, হঁ, হঁ, আমরা জাত কৈবর্ত, তোদের মতো ছোট লোক নই।

বংশী পরামাণিক তার দলের নয়। নিজে জলচল নাপিতের ছেলে হয়েও মূর্তিদের সে করুণার চোখে দেখেনা, ওসব বালাই নেই তার। সমস্তে এবং সমসাময়িক সকলকেই সে দাওয়ায় এনে বসায়, গল্পগুজব করে। জাত-বিচার নেই, ছোঁওয়া-ছুঁয়িও নেই।

বেলা পড়ে এসেছে, অন্ন অন্ন উঠেছে শীতের হিমেল হাওয়া। কৌচার খুঁটটা গায়ে জড়িয়ে বংশী দললে, তুমি তো গাঁয়ের সব চাইতে বিচক্ষণ লোক মহিন্দর, তোমাকেই জিজ্ঞাসা করি। এবারে আমাদের ইন্সুলে সরস্বতী পূজা করলে কেমন হয়?

নিজের কানকে যেন বিশ্বাস করতে পারল না মহিন্দর : কী পূজা করিবা কহিছ?

—সরস্বতী পূজা!

—হায়রে বাপ! ইসব খেয়াল তুমহার কেনে হৈল মাষ্টার?

—কেন, দোষটা কী? ইন্সুল বিজ্ঞার জায়গা, আর সরস্বতী হলেন গিয়ে তোমার বিজ্ঞার দেবী—এটা তো জানো?

—ই, সি তো জানি।

—তা হলে যেখানে বিজ্ঞা হয়, সেখানে বিজ্ঞার দেবীর তো পূজা করা উচিত?

—ই, সিতো উচিত।

—তবে পূজার ব্যবস্থা করি।

—খামো হে মাষ্টার—বংশীকে বাধা দিলে মহিম্বর : তুমি ঢের নিষিচ, বিটা কহিবা সিটা তো হেবে। কিন্তু পূজা কে করিবে?

—কেন—পূজা যে করে?

—কে বাম্‌হন্‌?—মহিম্বর স্নানভাবে হাসল : ইবারে হামাক তুমি হাসাইলেন হে মাষ্টার। বাম্‌হনকে চিন নাই। উয়ারা মুচির পূজা করিবা আসিবে—এমন মান্‌হব নহ। কহিবা গেলে গালি দি তাড়াই দিবে।

—তবে তোমরা পূজা করো কী করে?—বংশীর মুখে বেদনার ছায়া পড়ল : তোমাদের পূজা করে কে?

—হামরা উসবের মধ্যে নাই। তো কালীপূজা হয়—ভিন্‌ গাঁয়ের সরকার মশাইয়ের নামত্‌ সংকল্প করিবা নাগে। ওই হামাদের পূজা—বাস্‌। ফের যে পূজা করি সিতো মদ আর হলা হয়, বাম্‌হন আর কী কামে নাগিবে!

বংশী চুপ করে রইল। নীচের ঠোটটাকে চিবিয়ে চলেছে মাঝে মাঝে, কী একটা কথা ভাবছে। মহিম্বর আবার বললে, তাই কহিছ, যেমন চলিছে ওই বকমটাই চলিবা দাও। নাহক ঝামেলা বাড়াই কি ফায়দা হেবে।

বংশী মুখ তুলে বললে, না পূজা হবেই।

—কে করিবে?

—তোমরাই।

—হামরা!—মহিম্বর হাঁ করে রইল। অনেক লেখাপড়া শিখলে এই রকম হয় নাকি মান্‌হবের। মাথার ঠিক থাকে না? বংশী মাষ্টার প্রাণ বকছে নাকি?

—কী কহিছ তুমি?

—বা বলছি, ঠিকই বলছি।

কিছু বুঝতে পারছে না মহিম্বর। অবাক বিষয়ে একবার মাথাটা ঝাঁকুনি দিয়ে নিলে। যেন নিজের মস্তিষ্কের ভেতরের ঘোঁরাটে আচ্ছন্নতা আর

বিশ্বাস্তিকে নিতে চাইল পরিচ্ছন্ন করে। বললে, তুমি যে কী कहिह, আমি কিছু বুঝিবা পাইবু না।

—এতে না বোঝবার কী আছে?—মিষ্টি করে বংশী হাসল; তোমরাই পূজো করবে।

—হামরা? হামরা কেমন করি করিমু? হামরা কি বাম্হন, না হামাদের মন্ডর-তন্ডর আছে?

—কিছু লাগবে না, পূজো করলেই হবে।

আর সন্দেহ নেই যে মাষ্টারের মাথা খারাপ। মহিন্দর উঠে দাঁড়িয়ে বললে, উসব মতলব ছাড়ি দাও মাষ্টার। দেবতাক লিয়ে উসব চালাকি করিলে মুন্সিল হবে।

—বোসো বোসো, অত চটে যেয়োনা।—বংশী বললে, আমি তো অনেক লেখাপড়া শিখেছি। কোন দোষ হবে না।

—দোষ হবে না? তুমাক কে कहিলে?

—বইতে লেখা আছে—ছাপার বইতে।

হাঁ!—এবার আর কথাটাকে মহিন্দর অবজ্ঞাভরে উড়িয়ে দিতে পারল না। এইখানেই দুর্বলতা আছে তার—বন্ধন আছে। ছাপার বইয়ের মতো বিশ্বাস্ত এবং নির্ভরযোগ্য আর কিছুই নেই তার কাছে।

—হ্যাঁ? চোখ বড় বড় করে মহিন্দর বললে, বইয়ত্ নিখিচে?

—হ্যাঁ—লিখেছে।

—তো তোমার বিটা খুঁসি হয়, সেটাই করেন। আমি আর কী कहিব। মহিন্দর জবাব দিলে আস্তে আস্তে। মাষ্টার যে যুক্তি দিয়েছে, তার প্রতিবাদ করার ক্ষমতা নেই তার—অথচ সেটা মেনে নেওয়াও শক্ত। তাই অধঃসংকুচিতভাবে মহিন্দর বলে গেল, হামরা তো নিখি নাই। হামাদের ক্ষের পুছি কী হবে?

বংশী বুঝল হার মেনেছে মহিন্দর, কিন্তু তার মন মানেনি এখনও। তা

নাই মাছুক, তার জন্তে আর উৎসাহ নষ্ট করা চলে না। বংশী বললে, বেশ তাই হবে। কিন্তু পূজো করতে হলে পরচ-খরচা আছে, কিছু টাকা তো চাই।

—টাকা? আচ্ছা, দিমু টাকা।

—শুধু তাই নয়। গায়ের সকলের কাছ থেকেও কিছু কিছু আদায় করে দিতে হবে।

—হঁ—সিঁটাও পারা যাবে। কিন্তু ভূমি হামাক ভাবনাতে ফেলিলেন মাষ্টার।

—কিছু ভাবতে হবে না, ঠিক হয়ে যাবে সমস্ত।

বেলা পড়ে এল, গ্রামের বাঁশবনের ওপারে আস্তে নামল সূর্য। দেখতে দেখতে ঘনালো শীতের ঠাণ্ডা সন্ধ্যা। মাষ্টারের সঙ্গী বাগান থেকে মূলোর ফুলের একটা বুনো গন্ধ সঞ্চারিত হতে লাগল বাতাসে। মহিন্দরের শীত করতে লাগল, বংশী মাষ্টার আরো ভালো করে গায়ে জড়িয়ে নিলে কাপড়ের খুঁটখানা। কথা শেষ হয়ে গেছে—ঠিক নতুন করে কোনখানে আরম্ভ করা যাবে সেটা এখনও কিছু স্থির করতে পারছে না কেউ। আর সেই কয়েক মুহূর্তের নীরবতার মধ্যে মহিন্দরের সাময়িকভাবে আত্মবিস্মৃত মন আবার ফিরে গেল সেই ফসলহীন জ্বাড়া মাঠটার রৌদ্র-ঝলসিত পটভূমিকায়। মনে পড়ল, দারোগা সাহেবের সেই অস্বাভাবিক মূর্তি। চাপদাড়ির ভেতরে বাতাস চিরে চিরে খেলা করে যাচ্ছে—একটা মিশ্রিত বিচিত্র গন্ধ—ঘোড়ার ঘামের আর ধুলোর।

• ইতস্তত করে মহিন্দর বললে, আচ্ছা মাষ্টার।

—কী বলছিলে?—অনাসক্ত কৌতুহলে জিজ্ঞাসা করল বংশী।

মহিন্দর আবার ইতস্তত করল। একবার ভেবে নিতে চেষ্টা করল প্রায়শ্চিন্ত সোজাস্বজি জিজ্ঞাসা করে নেওয়াটা সঙ্গত হবে কিনা। কেমন যেন সন্দেহ হয়েছে দারোগা সাহেবের সন্ধান নেওয়ার পেছনে শুধুমাত্র নির্দোষ কৌতুহলই প্রচ্ছন্ন নেই।

—কহিতেছি—গলাটা একবার পরিষ্কার করে নিয়ে মহিন্দর বললে,
কহিতেছি, ই গায়ের মাছুষগুলোক কেমন দেখিছ ?

বংশী হাসল : হঠাৎ এ কথা জিজ্ঞেস করছ কেন ?

—না এমনি শুধাইছ। এইঠে—এই চাবার গাঁয়ে তুমার ভালো
নাগে ?

বংশী তেমনি হাসিমুখে জবাব দিলে, ভালো নাগে বলেই তো এখানে
আছি।

—ই, তুমার ঠাই পড়ি ছোকরাগুলান মাছুষ হবা পারে নাগিছে।
চাবার ছোয়া—নাম সহি করিবা পারিলেই কাম হই যিবে।

—শুধু নামসই করবে কেন ? অনেক লেখাপড়া শিখবে, শহরে পড়তে
যাবে।

—হায় হায়—কপালে হাত চাপড়ালে মহিন্দর : অমন বরাতখানা করি কি
আম্র আসিছে। বরাদ তাড়াবা আর জুতা সিলাবা পারিলেই প্যাটের ভাত
করি যিবে। উসব ছাড়ি দাশ।

প্রতিবাদ করবার ইচ্ছা থাকলেও বংশী করল না। মহিন্দরের কথায়
বাধা দিয়ে কোনো লাভ হয় না, বরং তাকে আরো বেশি উত্তেজিত করে
তোলা হয়—এ অভিজ্ঞতা তার আগেই হয়েছে। বংশী চুপ করে রইল।

উসখুস করতে লাগল মহিন্দর, তারপর বলে ফেলল, আচ্ছা মাষ্টার,
দারোগা সাহেবকে তুমি দেখিছেন ?

বংশী চকিত হয়ে উঠল : কোন্ দারোগা সাহেব ?

—হারিবগজ থানার বড় দারোগা ?

—না, কেন ?

—এমনি কহিতেছি—মহিন্দর হঠাৎ উঠে পড়ল : তবে এখন আমি
চলি। তোমার হুকুর জল পাঠাই দিমু।

মাষ্টারকে আর কোন কথা বলবার সুযোগ না দিয়ে দ্রুত চলে গেল

মহিম্বর। সবজী বাগানের পাশ দিয়ে নেমে গেল গায়ের অন্ধকারে আন্ধর কাঁচা রাস্তাটার।

সে দিকে তাকিয়ে একবার জুহুক্ষিত করলে বংশী। শেষ প্রশ্নটার ভেতরে সন্দেহের অবকাশ আছে। অত্যন্ত অকারণে এবং নিতান্ত অসংলগ্নভাবে ও কথাটা চট করে জিজ্ঞাসা করবার অর্থ কী হতে পারে? এবং পৃথিবীতে এত লোক থাকতে হ্যুবিবগল্প খানার বড় দারোগার সঙ্গে তার পরিচয় আছে কিনা এই কথাটা বিশেষভাবে জিজ্ঞাসা করবার তাৎপর্য কী?

বংশী বুঝতে পারল এক ফালি মেঘ দেখা দিয়েছে আকাশের প্রান্তে। কালো মেঘ—সে মেঘে অনাগত দুর্ভোগের সংকেত। হয়তো এখানেও থাকা চলবে না, যেখান থেকে যে স্রোতে সে এসেছিল, সেই স্রোতের টান আবার তাকে ডাক দিয়েছে। অন্তত মহেশ্বরের কথার মধ্যে তার স্পষ্ট আভাস পাওয়া গেল।

অন্ধকার দাওয়ায় চূপ করে বসে থাকতে থাকতে বংশী মাঠারের পিছনের জীবনটা চোখের সামনে দেখা দিলে কতগুলো ছেঁড়া ছেঁড়া ছবির টুকরোর মতো। কী হতে চেয়েছিল, কী হল শেষ পর্যন্ত। নিষ্ঠুর কঠিন যা লেগে বিপর্যস্ত বিক্ষিপ্ত হয়ে গেল সমস্ত—একটা ভদ্র খাতুপাতের মতো চূর্ণ চূর্ণ হয়ে ছড়িয়ে গেল এদিকে ওদিকে। আজকের বংশী মাঠার তাই একটা সম্পূর্ণ জিনিষ নয়—নির্দিষ্ট কোনো আকার নেই তার। নিজের বিচূর্ণ সত্তার একটা খণ্ড মাত্র—নিজেরই একটা ভগ্নাংশ।

শুধু কি একাই বংশী মাঠার? অথবা তার মতো আরো অনেকে—আরো অসংখ্য গণনাভীত মানুষ—যারা মধ্যবিস্তের সন্তান। তাদের চাইতে ঢের ভালো এই মূচিরা, বাদের আশা নেই, ভবিষ্যৎ নেই, কোনো মোহের অস্তিত্বমাত্রও নেই নিজেদের সম্পর্কে। কোনো মতে নামসই করতে পারলেই শিক্ষার এতবড় বিপুল বিস্তীর্ণ জগতের ওপর থেকে সরে যায় তাদের দাবী। ক্ষেতে হাল দিতে পারলে কিংবা চামড়ায় শক্ত করে সেলাই দিতে জানলেই তারা পরিতৃপ্ত—তাদের ভবিষ্যৎ নিশ্চিত।

কিন্তু—

কিন্তু আশ্চর্য জটিল মধ্যবিস্তের জীবন, তার পরিকল্পনা। সক্ষম অন্ন, কিন্তু শেষ নেই আকাজ্জক, সীমা নেই দুরাশার ব্যাপ্তির। তাই মন বত ছুটে বেগিয়ে যেতে চায় সামনের দিকে ততই টান পড়ে পেছনের লোহার শেকলে। অসহায় আক্রোশে নিজেদের ক্রমাগত আঘাত করে যায়, তারপরে লুটিয়ে পড়ে মাটিতে—চরম পরাজয়ের মানিকে মেনে নেয় অবসর একটা জানোয়ারের মতো।

শীতটা বড় বেশি করে ধরেছে, মাঠের পার থেকে আসছে কনকনে উত্তুরে বাতাস। আর দাওয়ায় বসে থাকা চলেনা। একটা ক্লাস্ত নিখাস ফেলে উঠে পড়ল বংশী মাঠার, ঘরে এসে ঢুকল, জ্বালালো লণ্ঠনটা।

ময়লা লণ্ঠন, চিম্নিতে ধোঁয়ায় লাল আস্তর। তবু তারি আলোতে শুদ্ধ শীতল অন্ধকারটা বিদীর্ণ হয়ে গেল। ঠাণ্ডায় ভিজে ভিজে দেওয়াল থেকে মাটির গন্ধ উঠছে, মেজে থেকে উঠছে কনকনে ঠাণ্ডা। সবটা ভালো করে আলো হয়নি, টুকিটাকি জিনিসপত্রের আড়াল আবডালে যেন কতগুলো ছায়ামূর্তি গুঁড়ি ঘেরে আছে। হঠাৎ উৎকর্ণ হয়ে উঠল বংশী মাঠার—যেন নিখাস বন্ধ করে শুনতে চাইল কাদের অতি সতর্ক নিঃশব্দ সঞ্চার। তারপর আলোটা আরো একটু তেজ করে দিয়ে উঠে বসল ঠাণ্ডা শব্দ বিছানাটার ওপরে। বসবার সঙ্গে সঙ্গে বিছানাটা মচ মচ করে উঠল—আর একবার চমকে উঠল বংশী।

নিজের ছেলেমানুষী ভয়ে নিজেরই হাসি পেল। তবু সাবধান হওয়া ভালো। বংশী একবার মাথা ঝুঁকিয়ে তাকিয়ে দেখল বিছানাটার নীচে অল্পঅল্প ছায়ার ভেতরে। বিছানাটা খাটের নয়, বাঁশের মাচার। খাটের রেওয়াজ এদেশে বড় নেই—মাচাতেই শোয়ার ব্যবস্থা। পাতলা কব্জলের নীচে বাঁশগুলো প্রথম প্রথম পিঠে লাগত, লাল হয়ে দাগ ধরে যেত সকালে, হাত লাগলে চিনচিন করত। এখন আর ওসব হয়না—অত্যন্ত হয়ে গেছে সমস্ত।

মাচার সবটাই বিহান। নয়, তার একদিকে দেওয়াল ঘেঁষে রাখা হয়েছে গোটা দুই টিনের তোবড়ানো স্ফটিকেস্। একটা স্ফটিকেস্ ছোট—আর একটা বেশ প্রমাণসই চেহারার। এরাই মাষ্টারের সম্পত্তি। ছোট স্ফটিকেস্টা এককালে সৌখীন ছিল, ওপরে গোটা কয়েক গোলাপফুল আঁকা ছিল তার। ছেলেরা মাঝে মাঝে ওই গোলাপফুলগুলোর ওপরে ভারী একটা মোহ ছিল মাষ্টারের। কিন্তু সেগুলিকে রাখা যায়নি, রঙ চটে গিয়ে বসন্তের দাগের মতো কতগুলো রঙের ছিটে ছড়িয়ে আছে শুধু।

ময়লা চাদরটা গায়ে জড়িয়ে বসতে মাষ্টারের নতুন করে ঘেন চোখ পড়ল ওই বাস্ফটার ওপরে, হাসি এল। শুধু ওই বাস্ফটার ওপরে আঁকা গোলাপ ফুলগুলোই নয়, সমস্ত জীবনেই আজ ক্ষতচিহ্নের মতো বিস্তীর্ণ হয়ে আছে চটে যাওয়া রঙের ছিটে।

অনেক স্মৃতি আছে ওই বাস্ফটার সঙ্গে। ওটা যে কিনেছিল তার নাম ছিল অতুল মজুমদার, তখন কাটিহারের একটা হিন্দুস্থানি হোটেলের একটা অঙ্কার খুপ্পিতে সে পড়ে থাকত, খেত পুরী আর অড়হরের ডাল। তারপর বাস্ফটার অধিকারী হল মুকুন্দ তালুকদার, গায়ে মস্ত শেরওয়ানি আর এক মুখ চাপদাড়ি নিয়ে সে আমিন গাঁ প্যাসেঞ্জারে চড়ে চলে গেল। তারও পরে আরো অনেকে ওটাকে ভোগ করেছে মালিকানা স্বত্ব, হরেন চৌধুরী, শিবনাথ সাহা, ইব্রাহিম দফাদার—সবগুলো নাম মনেও পড়ে না। এখন ওর মালিক বংশী পরমাণিক—কে জানে আরো কত হাত বদলাবে?

কিন্তু হঠাৎ দারোগা সাহেবের কথাটা কেন বলল মহিন্দর? কেমন খটকা লাগছে। লক্ষণ ভালো নয়। কাল একবার ভালো করে খবরটা নিতে হবে।

তবু আজ ক্লান্তি বোধ হচ্ছে। মনে হচ্ছে এর ঘেন শেষ নেই। নিজের সম্পর্কে এই অতি প্রখর সতর্কতা, এই বাধাব্যবস্থা। আর নয়—আর সহ

হয় না; চিরদিন এই ক্লাস্তিকর চলার চাইতে কোথাও এসে ঢের ভালো খেয়ে পীড়ানো, হোক সে পাথরের প্রাচীরে ঢাকা একটা শ্বাসরোধী অবক্ষয়, তার সামনে থাক কঠিন লোহার গরাদে। তবু সে একরকমের বিশ্রাস্তি, একটা নিশ্চিত প্রশান্তির প্রতিশ্রুতি। শিবনাথ সাহা একবার প্রায় নিরুপায় হয়ে নিজের বুক রিডলভার ঠেকিয়ে আত্মহত্যা করতে চেয়েছিল, খুব কি ভুল করেছিল সে ?

হঠাৎ বংশী মাষ্টারের মনে পড়ল একটি মেয়ের কথা। 'পিঠভরা চুল ছিল, আর ভারী মিষ্টি ছুটি ডাগর ডাগর চোখ। শ্রামবর্ণ ছোটখাটো একটি মেয়ে, হালকা পাতলা ঠোঁট দুটি দেখলে কিছুতেই বিশ্বাস করা যেতনা এত ক্ষুধার তার রসনা। অতুল মজুমদারের সঙ্গে কলহের তার আর বিরাম ছিলনা। দেখা হলেই ঠোকাঠুকি বাধত। তর্ক সে করবেই, যুক্তি নাই থাকুক, ছেলেমানুষের মতো মাথা ছলিয়ে ছলিয়ে বলবে, না, না, তোমার কথা কিছুতেই আমি মানব না !

যানেওনি শেষ পর্যন্ত। আশ্চর্য, এমন একটা উল্লেখযোগ্য মাহুষ অতুল মজুমদার, বেশ সম্মানিত একটি ছোটখাটো নেতা, এত কাজ, এত দায়িত্ব। তবু সে দায়িত্বের ভিড়ের ভেতরেও অতুল মজুমদার ভুলতে পারেনি যে একটি অতি দুর্বল অথচ অতি প্রবল প্রতিদ্বন্দ্বী আছে তার—যাকে তর্কে না হোক, জীবন দিয়ে জয় না করা পর্যন্ত তার স্বস্তি নেই।

আজ পর্যন্ত সংকল্প সিদ্ধ হয়নি। আজ কোথায় অতুল মজুমদার—একবিন্দু জলের মতো যেন মুছে গেল মাটির বুক থেকে, বয়ে গেল বাসের শিসের একটুকরো শিশিরের মতো। বারা তাকে মনে রেখেছে তাদের আকর্ষণটা প্রেমের নয়। সেই ছোট মেয়েটি—নাম বোধ হয় ছিল শান্তি—তার তো ভুলে যাওয়া আরো বেশি স্বাভাবিক। কিন্তু অতুল মজুমদার যদি কোথাও বেঁচে থাকে, তার ভোলা চলবে না। তাকে মনে রাখতে হবে—

সুতরাং বংশী পরামাণিক হঠাৎ সজাগ হয়ে উঠল। সব বেন গল্পের মধ্যে মনে হয়, মনে হয় উপজ্ঞাসের ছেঁড়া পাখুলিগির পাতা এলোমেলো ভাবে পড়ে চলেছে সে। কী লাভ এতে, কতটুকু দাম এর। শুধু এইটেই সত্য সে খাংলে চলবে না, এখনো থামবার সময় হয়নি। পাথরের শক্ত প্রাচীর আর লোহার গরাদের অন্তরালে যে বিশ্রাম, তা অপমৃত্যু, তা আত্মহত্যা— সেদিনকার ছোট মেয়েটিকে দেওয়া সেই প্রতিশ্রুতির চূড়ান্ত অমর্যাদা !

কিন্তু আর বসে থাকা ঠিক নয়, রান্না করতে হবে। এবারের কাঠগুলো ভিজ়ে, সহজে জ্বলতে চায়না। অনেকখানি উৎসাহ আর উত্তম অপব্যয় করতে হয় তার পেছনে। সুতরাং এখন থেকেই অবহিত হওয়া দরকার।

মাচার বিছানা থেকে মাটিতে একবার পা ঠেকিয়েই বংশী মাটার আবার জড়ো-সড়ো হয়ে বসল। বিল্লী ঠাণ্ডা পড়েছে আজ—এই সন্ধ্যা বেলাতে বেন আড়ষ্ট আর অসাড় করে দিতে চাইছে শরীরটাকে। শুধু উলুন ধরানো নয়, জল ঘাঁটাঘাঁটির কল্পনাতেও মন বিদ্রোহ করে বসল। থাক, আজ আর ঝামেলা বাড়িয়ে কাজ নেই। কিছু মুড়ি চিড়ে সঞ্চিত আছে, সন্ধান করলে একখানা তালের পাটালিও মিলতে পারে, ওতে করেই আপাতত কুলিয়ে যাবে একরকম।

দিনের ছোট স্ন্যটকেস্টা খুলে একখানা বই বার করলে মাটার, তারপর লঠনটা কাছে এগিয়ে এনে পড়তে শুরু করলে। সারা গায়ে মাটি লেগে আছে, পা একবার ধুয়ে নিলে ভালো হত। কিন্তু বজ্র নীত ধরেছে আর ভারী আরাম লাগছে মোটা চাদরটার উষ্ণমধুর স্নেহাশ্রয়। মাটার গড়ায় মনোনিবেশ করলে।

বাইরে অদ্ভুত প্রশান্ত হয়ে গেছে রাত্রি। ইস্কুলটা একটু নিরালায়—একটু ছোট ঘাসে ভরা মাঠ, তারপর একটুখানি বাগান, সেইটে ছাড়িয়ে গ্রাম। শুধু ওখানকার মাহুঘের কলকণ্ঠ এখানে এসে পৌঁছায় না, তা ছাড়া এমনভেই তো সন্ধ্যা হতে না হতে গ্রামের লোক কোনো রকমে হুমুঠা গিলে ছেঁড়া কাঁথা

আর জীর্ণ পাতলা লেপের তলায় আশ্রয় নেবার চেষ্টা করে। পড়তে পড়তে মাঠার বার কয়েক মাথা তুলল, কান পেতে যেন কিছু একটা শোনবার চেষ্টা করল। কিন্তু কোথাও কোনো সাড়া শব্দ নেই। শুধু অনেকদূরে একসঙ্গে গোটাকয়েক শেয়াল আভিনাদ করে উঠল, প্রত্যন্তরে খেঁকিয়ে উঠল গ্রামের গোটা কয়েক কুকুর।

রাত বাড়তে লাগল, পড়ে চলল মাঠার। সময় কাটতে লাগল। বাইরে অন্ধকারের ভেতরে ফিকে জ্যোৎস্না পড়েছে, শীতের ঘোলাটে জ্যোৎস্না। অল্প অল্প কুয়াশা ভেসে যাচ্ছে ধোঁয়ার মতো। সেই ধোঁয়াটে ধূসরতার মধ্যে ছোট ছোট কতকগুলি কালো ছায়া অতি দ্রুতগতিতে হাওয়ার ওপরে নাচতে নাচতে চলে গেল—একদল চামচিকে। সামনের সব্জী বাগানে জ্বধের মতো শাদা টাটকা কপির ফুলে চিকমিক করছে জ্যোৎস্নার গুঁড়ো। ঠাণ্ডা হাওয়ায় সঞ্চারিত হচ্ছে ভিন্নে ঘাস আর মুলোর ফুলের বুনো গন্ধ।

ঘরের বাইরে ‘ঠক-কোঁ-ঠক-কোঁ’ করে একটা টানা স্বরেলা আওয়াজ উঠল। তাক্ক তাকছে, এ ঘরের দাওয়াতেই কোথাও বাসা করে আছে। মাথার ওপরে ঘরের চালে কুর্ কুর্ কুট্ কুট্ করে একটা ক্ষীণ অবিচ্ছিন্ন শব্দ—বইয়ের ওপর ছড়িয়ে পড়ল খানিকটা মিহি হনদে গুঁড়ো, আড়ার বাঁশ কাটছে ঘুণে। মাঠারের মনোবোগ বিচ্ছিন্ন হয়ে গেল।

বই বন্ধ করে বংশী পরাসানিক একবার তাকালো আকাশের দিকে, দৃষ্টি মেলে দিল ব্লান জ্যোৎস্না আর লঘু কুয়াশায় বিবর্ণ নক্ষত্রপুঞ্জের শূণ্যতায়। আকাশের শোভা দেখবার জ্ঞান নয়, রাত কত হয়েছে সেইটেই যেন অহুমান করতে চাইছে। তারপর মস্ত একটা হাই তুলে সমস্ত শরীরের আচ্ছন্নতা যেন কাটিয়ে নিলে একবার, আড়মোড়া ভেঙে সরিয়ে দিলে এতক্ষণের শীতাত্ত জড়তার প্রভাব। আর দেবী করা চলে না, এই রাত্রেই তার অনেকগুলো কাজ সেয়ে নিতে হবে।

মাঠার খটি থেকে নামল। ঘরের কোণা থেকে বার করে আনলে একটা

ছোট যেটে হাড়ি, কানা উচু একটা কাঁসার থালা। হাড়ির ভেতরে চিঁড়ে গুড় দুই ছিল, বসে বসে তাই কাঁচা অবস্থায় কড়মড় করে চিবিয়ে নিলে পানিকটা। এইতেই বেশ কটে বাবে রাতটা। অতুল মজুমদারের কথা মনে পড়লে এখনও কষ্ট হয় তার। কী বিলাসী ছিল লোকটা, খাওয়া-দাওয়ার কতরকম বাছ-বিচার ছিল তার। আশ্চর্য, সে লোকটা যেন হাওয়ায় মিলিয়ে গেছে।

বে-কোনো রকম খাওয়া তার অভ্যস্ত হয়ে গেছে, তবু বেশিক্ষণ চিঁড়ে চিবুতে কষ্ট হয়, আটকে আসে চোয়াল, পেটের মধ্য থেকে কেমন বিজী একটা শীতলতা নাড়ি বেয়ে শিউরে শিউরে উঠে আসে, ঝাঁকুনি লাগে মাথার ভেতরে। চিঁড়ে খাওয়া বন্ধ করে মাষ্টার ঢক ঢক করে ঘটিখানেক জল ঢেলে দিলে গলায়। কনকনে ঠাণ্ডা জল—দাঁতগুলো একসঙ্গে যেন বনবন করে নড়ে উঠল তার। পেটের থেকে উদগত সেই শিহরণটা মাথার ভেতরে যেন আরও জ্বরে জ্বরে ধাক্কা মারছে। বংশী মাষ্টার উঠে পড়ল।

দেওয়ালের কোণে দড়িতে ঝোলানো ময়লা ছিটের কোটটা চড়িয়ে নিলে গায়ে, পরলো ছাত্রদের উপহৃত শক্ত বেচন জুতোজোড়া। আর একবার সন্দিগ্ধ শঙ্কিত চোখে তাকালো বাইরের বিষল জ্যোৎস্না-ভরা ঘাসের মাঠটার দিকে, আকাশে পাখুর চাঁদ আর বিবর্ণ নক্ষত্রের সভার দিকে। তারপর মোটা চাদরটা গায়ে জড়িয়ে নিয়ে লঠনটা যতদূর সম্ভব কীর্ণ করে দিয়ে বেরিয়ে এল বাইরে।

টেনে দিলে দরজার শিকল, পরিয়ে দিলে ছোট একটা পেতলের তাল। না, কোথাও কেউ নেই—নিঃসাড় শান্তিতে তেমনি করেই ঘুমুচ্ছে পৃথিবী। চাঁদের ঘোঁঝাটে চোখে ধোঁয়ার মতো উড়ন্ত কুয়াশা—তুধের মতো সাদা নতুন ফুলকপিতে জ্যোৎস্নার গুঁড়ো। মূলো শাকের পাতা কাঁপছে, হাওয়ার হুয়ে হুয়ে পড়ছে ফলস্ত বিলিতি বেগুনের ঝাড়। গ্রামে কুকুর কঁদে উঠল— অস্বাভাবিক অস্বস্তিকর স্বরে। তারপরই কঁদে একটা কাতর আর্দ্রনাদ

—কেউ বিরক্ত হয়ে একটা টিল ছুঁড়েছে অথবা বসিয়ে দিয়েছে এক ঘা লাগি।

দাঁড়য়ার ওপর কয়েক মুহূর্ত দাঁড়িয়ে কী ভাবল মাষ্টার, একবার কামড়ে নিলে একটা কড়ে আঙুলের নখ, তারপর সতর্ক পায়ে নীচের মাঠে নেমে গেল। তারও পরে জ্যোৎস্নায় তার দীর্ঘ দেহ আর দীর্ঘাকার কালো ছায়াটা ক্রমশ একাকার হয়ে হারিয়ে গেল ধূসর শুভ্রতার মধ্যে।

—ভিন্ন—

বড় ভাই সুরেন বাড়িতে নেই, মেজ ভাই হারাণও না। সুরেন গেছে খসুরবাড়ী, তার শাশুড়ীর যায় যায় অবস্থা, খবর দিয়ে গেছে পথ-চলতি লোক। সুরেনের যাওয়ার অবশ্য খুব বেশি ইচ্ছে ছিল না, যোগা খিটখিটে হাড়-কিঙ্গন শাশুড়ী সম্পর্কে কোনরকম মোহও নেই তার। খবরটা যখন আসে তখন সে মন দিয়ে বড় একটা ঢাকে ছাউনি দিচ্ছিল। শুনে মুখ বাঁকিয়ে বলেছিল, মরিবে তো মরুক। বুড়ী হই একটা শকুনের মতো বাঁচি থাকিলে কিবা লাভ হবে সিটা কহ।

পথ-চলতি মানুষটি বলেছিল, ততো তো শাশুড়ী, তুমার একবার যাওয়া নাগে দাদা।

—হামি বাবা নি পারিমু—আঙুল দিয়ে ঢাকের কোণাগুলো ঠুকে ঠুকে সুরেন বলেছিল, হামরা কামের মানুষ না? বুড়ী মরিলেই মঙ্গল। বাপ, যথের মত টাকা আগলাছে বসি বসি। খসুরর ঠাঁই একটা ভালো পিরহান চাহিহু তো ফের হামাক খ্যাক খ্যাক করি শিয়ালের মতো কামড়াবা চাহোলে। হামিও কহিহু, তুই তোৱ পাইসা নিয়ে ধুই ধুই খা—হামি যদি কেট মুচির ব্যাটা হই তো তোৱ বাড়ীত্ ফের না আসিমু।

—বিটা হইছে—ওইটাক বাবা দাও কেনে।

—ক্যামন করি বাবা দিমু হে? বুড়ীর যেমন শিয়ালের মতো মুখ, উষাক অমনি করি শিয়ালে থিবে, ইটা তোমাকে সাকা বাত্ কহি দিহু—বুঝিলা?

স্বরেন মাহুঘটা ওই রকম। এমনি মনা খুব খারাপট নয় তার, কিন্তু একবার চটে গেলে আর তার পাতাপাত জ্ঞান থাকে না। একটা জামা চেয়ে না পাওয়াতে শাশুড়ীর ওপরে সেই যে বিরূপ হয়ে আছে, এ পর্যন্ত সে বিরূপতা তাঁর কাটেনি। স্ত্রীরাং লোকটি তাকে যতই সত্বপদেশ দিক, সে ত্রক্ষেপ করল না, নিষিদ্ধ চিন্তে তাকে ছাউনি দিয়ে চলল।

প্রতিজ্ঞায় শেষ পর্যন্ত হয়তো বা অটল থেকে যেত স্বরেন, কিন্তু বিয় ঘটে গেল। খবর পেয়ে স্বরেনের জী হাঁউ মাউ করে কান্না শুরু করলে। এমন প্রচণ্ড চীৎকার ধরে দিলে যে, বহুক্ষণ দুহাত দিয়ে কান চেপে রইল স্বরেন। তাদপন বাধ্য হয়ে তাকে বলতে হল, খাম বাপ, আর চিল্লাছিস্ ক্যানে। হামার খুব আকল হইছে—চল্ চল্, কুন্ঠে মরিবা বাবু সেইঠেই চল্।

অতএব স্বরেনকে শশুরবাড়ী যেতে হয়েছে। আজ রাজেই যদি শাশুড়ী মরে, তা হলে কালই তাকে পুড়িয়ে কিছু মদ আর মাংস খেয়ে সন্ধ্যা নাগাদ ফিরে আসবে, আর যদি মরতে দেবী করে তবে ফিরতেও দু চারদিন দেবী হতে পারে। অবশ্য স্বরেন আশা করে যে, গিয়ে দেখবে, যাওয়ার আগেই বুড়ী হয়ে গেছে। হারাণও বাড়ী নেই। কোথায় বিয়ে বাড়ীতে একটা ঢোলের বায়না নিয়ে গেছে, সেখানে বাজিরে ফিরতে পশুর আগে নয়। তা ছাড়া আর একটা জিনিষও অনিশ্চিত হারাণের সম্পর্কে। মদটা একটু বেশিমানায় খায়—এবং খেয়ে বরদাস্ত করতে পারে না। স্বরেনও মদ খায় বটে, কিন্তু ওজন করে, কখনো মাতাল হয় না। হারাণের ঠিক উলটো। মাদা ঠিক রাখতে পারে না, দুচারদিন নেশায় বেহুঁস হয়ে যেখানে সেখানে পড়ে থাকতে পারে। সংসারের দায়িত্বটা একান্তই স্বরেনের—হারাণকে বাড়ীর সকলে একরকম খরচ লিখে রেখেছে। বিয়ে একটা করেছিল, কিন্তু এমন প্রচণ্ড উৎসাহে বৌকে ঠাঙ্গাত যে, রাতারাতি বৌ বাপের বাড়ীতে গালিয়ে ঝেঁচেছে। আনতে গেলে নথ নাড়া দিয়ে বলেছিল, বাপ, ডাকাইতের ঘরে হামি ফের নি বাবু। হামার্ক মারি ফেলিবে।

সেই থেকে আরো উচ্ছ্বল হয়েছে হারাণ। চরিত্রটাও ভালো নয়। হাড়ীপাড়া থেকে দুদিন মার খেয়ে এসেছে, তবু লজ্জা হয়নি। এখনো এপাড়া ওপাড়ায় ঘুর ঘুর করে। স্বপ্নে চটে গিয়ে সাংসারিক সম্পর্কটা ভুলে গাল দিয়ে বলেছে, উ শালাক একদিন কাটি গাঙে ভাসাই দিমু, তরে হামি কেট মুচির ব্যাটা।

কিন্তু হারাণের সংশোধন হয়নি।

আর বাকী আছে যোগেন।

বাড়ীর ছোট ছেলে—সেই জন্মই দাদাদের চাইতে একটু ব্যতিক্রম। লেখাপড়ার দিকে একটু ঝোঁক ছিল তার, তাই উচ্চ প্রাইমারীতে বার দুই ফেল করলেও এ গ্রামে সেই সবচাইতে শিক্ষিত ব্যক্তি। চেহারা আর চালচলন দেখলে তাকে কেট মুচির ছেলে বলে মনে হয় না। হাটের বাসে চার পয়সা দামের রঙীন সাবান কিনে আনে, অনেকক্ষণ ধরে সেইটে গায়ে ঘষে ঘষে নিজের বর্ণ-গৌরব বাড়াবার চেষ্টা করে। অস্বাকার করবার উৎসাহ নেই, তাতে করে বেশ মাজা রং হয়েছে যোগেনের। মাথায় টেরী কাটতে শিখেছে, জামা-কাপড় একটু ময়লা হলে সেগুলোকে দ্রুত দিয়ে কেচে নী নেওয়া পর্যন্ত তার স্বস্তি নেই। মদ একটু আদটু হয়ত খায়, কিন্তু ঝোঁকটা সস্তা সিগারেটের দিকে। অবশ্য সেটাও যে খুব ভালো লাগে স্বপ্নের তা নয়। মাঝে মাঝে ঠাট্টা করে বলে, বড় ভুল হই গিছে হে। লাট সাহেবের ব্যাটা হই তুমি চামারের ঘরে আসিলা ক্যানে?

মুহু হেসে যোগেন টেরীর দিকে মনোনিবেশ করে।

তবু গজর গজর থামে না স্বপ্নের। চামড়া কাটতে কাটতে বিড়কা-কুক স্বপ্নে বলে, সকলে যদি গায়ে ফুঁ দিই বেড়ায়, তো হামি ঢালামু কেমন করি? বার বিটা লিয়ে সে ভাগ হই বাও, হামাক মাপ কর কেনে।

কিন্তু মুখে বা বলে মনে মনে তা ভাবেনা স্বপ্নের। তাই হারাণ নিশ্চিন্তে বেড়ায় স্বৈরাভ্যাস করে, তাই টেরী বাগানোতে কখনও বিয় ঘটে না

বোগেনের। জমি-জমা, মামলা-মোকদ্দমা সব কিছু স্থরেনই দেগা-শোনা করে, বাকী দুভাই-তাই যেন পাছাড়ের আড়ালে বাস করছে।

বোগেনের শুধু বাইরের পরিচ্ছন্নতাটাই একমাত্র লক্ষণীয় বিশেষত্ব নয়, শুধু যে সে গ্রামের সবচাইতে দিহান ব্যক্তি তাও নয়, আরো অনেকগুলো গুণ আছে তার। যেমন স্বাস্থ্য-কলমল সুন্দর চেহারা, তেমনি তার গানের গলা। মাঝখানে কিছুদিন গ্রাম ছেড়ে সহরে চলে গিয়েছিল, যোগ দিয়েছিল ওখানকার ছোট একটা বাজার দলে। গান গেয়ে নাম করেছিল, এক জায়গায় টানির মেডেলও পেয়েছিল একথানা কিন্তু কেন কে জানে ওখানকার আবহাওয়াটা তার ভালো লাগেনি—মনের সঙ্গে স্থর মে লনি বাজার দলের জীবনযাত্রার। দর্শক হিসেবে যে জগৎটাকে স্বপ্নপুরী বলে তার ভ্রম হয়েছিল, সন্নিধ্যে যেতেই সে সম্পর্কে তার মোহভঙ্গ ঘটল। একটা রগচটা অধিকারী, কথার কথার হুকো নিয়ে মারতে আসে। গাঁজাখোর ভীনের সঙ্গে মাতাল শ্রীকৃষ্ণের চুলোচুলি লেগেই আছে। বোজ রাংরে আসরের পাওনা-গণ্ডা নিয়ে অধিকারীর সঙ্গে কুশ্রী কলহ, কদম্ব খাওয়ার ব্যবস্থা। অবশ্য বোগেন চাবী চামারের ছেনে, বাড়িতে যে নশো পঞ্চাশ রকমের খাব তাও নয়, কিন্তু সে খাওয়াধ তৃপ্তি আছে, পেটভরা ভাতের ব্যবস্থা আছে। রাতের পর রাত জেগে গোকর জিভের মত মোটা রাঙা চালের আধপেটা ভাত, জলের মত বিউনির খেঁদারীর ডাল আর শুকনো ডাঁটার সঙ্গে পুইপাতা এক কুমড়োর চচ্চড়ি, এটা বরদাস্ত করা শক্ত। একদিন আসরে যখন 'সাবিত্রী সত্যবান' নাটক খুব জনে এসেছে, তখন সত্যবানবেশী বোগেন অধিকারীকে অথই দরিয়ার ভাসিয়ে দিয়ে রাতারাতি উধাও হয়ে গেছে—ফিরে এসেছে গ্রামে।

কিন্তু বাজার দলের মোহ কাটলেও বাজার নেশা কাটেনি। জমজমাট আসর, কাড়লঠনের আলো আর ঘন ঘন হাততালি মাদক স্বপ্নের মতো ঘন হয়ে আছে তার রক্তের মধ্যে। আরো অনেকটা দূরে সরে এসে আজ সেই

আলোকোদ্ভাসিত আসরটা একটা মায়াময় রূপ পরিগ্রহ করেছে কল্পনার
নেপথ্যালোকে। যোগেন ভাবছে, এবার নিজেই একটা ব্যাক্সার দল খুলবে—
এমন দল গড়বে যে, অগ্ৰাণ্ত দলগুলোর এতদিনের সঞ্চিত সমস্ত গর্ব-গৌরবকে
স্বপ্ন করে দেবে একেবারে। কিছুদিন থেকে সে চেষ্টাই সে করে আসছে।

কিন্তু মুন্সিল এই, ভালো পালা পাওয়া যায় কোথায়? বেসব পুরোশো
পালা এতদিন ধরে চলে আসছে, সেগুলোকে নিয়ে বাহাদুরী দেখানো শক্ত।
আশপাশের নানা দল এক একটা বই নিয়ে এমন খ্যাতি জমিয়ে বসেছে যে,
সেখানে দাঁত বসানো সম্ভব নয়। হারাদন অপেরা পার্টির মতো ‘রাম বনবাস’
কেউ করতে পারে না, শশী অধিকারীর দলের মতো ‘প্রহ্লাদ-চরিত্র’ করা
সম্ভব নয় কারুর পক্ষে, দাস কোম্পানীর মতো ‘পাণ্ডব-বিজয়’ আর ‘মহিষমর্দিনী’
কেউ জমাতে পারবে না। মোটামুটি সব ভালো পালাগুলো সম্পর্কেই এই
এক অবস্থা—ওদের কোনো একটা নিয়ে আসরে নামলেই হাজার ভালো হলেও
দুখ বঁকাবে লোকে, বলবে, দূর দূর, রাম অধিকারীর দল না হলে এ পালা
কি কেউ করতে পারে?

কাজেই মুন্সিলের কথা। দলকে নাম কিনতে হলে ভালো বই চাই,
চাই নতুন বই। খুব ভালো না হোক মাঝামাঝি হলেও চলবে, কিন্তু যেমন
করে হোক, নতুন বইয়ের দরকার। সে বই কোথায় পাওয়া যায়?

সাত-পাঁচ ভেবে দিশেহারা যোগেন ঠিক করলে, একটা আলকাপের দল
দিয়েই আরম্ভ করা যাক। আলকাপের পালা বীধা শক্ত নয়, খানিকটা
রসিকতা আর প্রচুর গান থাকলেই দলের নাম হয়ে যাবে। আশেপাশে
দল নেই বললেই চলে, অথচ চাহিদা আছে প্রচুর। কাজেই এদিক থেকে
প্রায় একচ্ছত্র হতে পারবে যোগেন। তা ছাড়া আরো একটা দিকও আছে।
গোড়াতেই ব্যাক্সার দল গড়ে বসতে গেলে বিস্তর খরচপত্র, ব্যক্তি-ব্যক্তনা
কিনতে হবে, পোষাক কিনতে, হবে, কিনতে হবে টিনের খাঁড়া তলোয়ার।
তার মানে বেশ কয়েকশো টাকার খাফা। গোড়াতেই সে খাফা সামলানো

দত্তরমত শুরু। তার চাইতে আলকাপের দল গড়ে যদি কিছু টাকা পয়সা কামিয়ে নেওয়া যায় তবে তাই দিয়ে পরে বেশ ভালো রকম একটা বাজার দল তৈরী করতে বিশেষ বেগ পেতে হবে না।

* সুতরাং অনেক বিচার বিবেচনা করে যোগেন ঝাঁক দিয়েছে আলকাপের দলের দিকেই। প্রথমটা সুরেন চটে উঠেছিল : নাচি কুঁদি বেড়াইলেই খালি চলিবে, ঘর বাড়ীটা দেখিবা হয়না ?

সংক্ষেপে জবাব দিয়েছে যোগেন : তুমি দেখিবে।

—হামি দেখিমু !—ক্ষেপে গিয়ে সুরেন বলেছে : ত তোরা সব আছেন কোন্ কামে ?

অনাবশ্যক বোধে দাদার কথার জবাব দেয়নি যোগেন।

—হামি পারিমুনা—ই কথাটা সাফ সাফ ক'টি দিলু।

কিন্তু কোন ক্ষেত্রেই সাফ সাফ জবাব দিয়ে এ পর্যন্ত আত্মরক্ষা করতে পারেনি সুরেন। আজও পারল না। যোগেনের গান শুনে প্রথম প্রথম বিরক্তিতে কুঞ্চিত হয়ে উঠেছে তার মুখ, তারপর আস্তে আস্তে মেষ কেটে গেছে সে মুখ থেকে, দেখা দিয়েছে প্রশমতার দীপ্তি। আগে কানে হাত দিত, এখন যোগেনের গানের সুর ভেসে এলেই কান খাড়া করে সুরেন। সত্যি ভালো গায় যোগেন, নিজের ভাই বলে নয়, এমন মিষ্টি গলা সচরাচর শুনতে পাওয়া যায় না। আজকাল ভাইয়ের জন্ত গর্ব বোধ হয় সুরেনের। আগে বাদের কাছে, অনেক নিখিয়াও হামার ভাইটা মাহুশ নি হৈল্, বলে আক্ষেপ করত, এখন তাদের কাছে গিয়ে সর্গোরবে ঘোষণা করে : বড় মিঠা গলা হামাদের যোগেনের। হামাদের ভাই তিনটার মধ্যে ওই একটাই বা মাহুশ হৈল্।

তাই বাড়ীতে এখন অবাধ প্রাঙ্গণ যোগেনের।

শুধু টেকিতে চিড়ে কুটতে কুটতে মাঝে মাঝে বকাবকি করে যোগেনের বা।

—হাঁরে, তুই এমন করিই সারাটা জীবন কাটাবু নাকি ?

—সিটাই তো ভাবিছ—ছটামিভরা হাসিতে উত্তর দেয় বোগেন।

—উসব ক্যাপামি রাখি দে কেনে। স্বরেনকে তো কহি চ্যাংড়াটার বিহা দে—এত বড়টা হৈল, পাখির মতন উড়ি উড়ি এইঠে ওইঠে বেড়াচ্ছে। বিহা দিলে ঘরত্ মন নাগিবে, সংসারের দুইটা চাইরটা কামও তো করিবে।

—হামি বিহা নি করুম।

—বিহা নি করিবু তো কি করিবু ?

—গান করিমু। আলকাপের দল করিমু—গাহি বেড়ামু। বিহা করিলেই তো ঘরত্ বসি বোয়ের খোঁটা শুনিবা নাগিবে।

—ত যেইঠে খুশি যা—বিরক্ত হয়ে মা জবাব দেয়। মনে মনে খুশিও হয়। ছেলেদের বিয়ে দিয়ে খুব সুখী হয় নি বোগেনের মা। বোয়েরা ঘরে এসেই নিজেদের নির্দিষ্ট অধিকারকে চিনে নিয়েছে, প্রতিষ্ঠা করতে শিখে নিয়েছে তাদের দাবী। বিশেষ করে বড় বোঁ যেমন মুখরা, তেমনি প্রচণ্ড। তার ক্ষুধার রসনার সামনে দাঁড়াতে ভয় করে। নাক নাড়া দিয়ে বলে, হামি ক্যাহোকে ডব খাই না। কাহারো খাছি, না পরোছি ?

বোগেনের মা কোণঠেসা হয়ে যায়। মাঝে মাঝে বগড়া করতে চেষ্টা করে না তা নয়, কিন্তু এটা বেশ বোঝে যে, একটা দুর্বল ভিত্তির ওপরে সে দাঁড়িয়ে আছে, যে কোনো মুহূর্তে তা পায়ের নীচে থেকে ধসে পড়তে পারে। এখন বোঁদের যুগ। তাদের নেনে চললেই মান থাকবে, নইলে নয়। ছেলেরা মুখে যতই মাতৃভক্ত হোক, মনে মনে সব বোয়ের আঁচলের তলায় চাপা পড়ে আছে; নাগিশ করলে বোঁকে দুটো চারটে ধমক হয়তো দেবে চকুলজ্জার খাতিরে, কিন্তু মনে মনে একবিন্দুও খুশি হবে না। এবং পাল্টা মাকেও হয়তো উপদেশ দিয়ে বলবে, তুমরাই ফের অ্যাতে গজর গজর করোছ, ক্যানে ? একটু চুপ মারি থাকিলে তো হয় !

তাই বতদিন বোগেন একান্ত করে নিজের আছে, ততদিনই ভালো।
 বয়স বাড়ছে, বিয়েও করবে, কিন্তু বোগেনের মা আশা করে ততদিন পর্যন্ত
 সে বাঁচবে না। সে মরে গেলে বউয়েরা এসে বতখুশি ঝগড়া করুক, কুট-
 করাল করুক, সংসার ভাগাভাগি করুক, তাতে তার এতটুকু ক্ষতিবৃদ্ধি নেই,
 একটা কথাও সে কইতে আসবে না।

আজ সন্ধ্যায় বাড়িটা ফাঁকা। স্বপ্নের গেছে বৌ নিয়ে স্বপ্নব্যাড়িতে,
 হারান কোথায় গেছে ঢাকের বায়না নিয়ে। বোগেন রক্ষা করতে গেছে
 নিমন্ত্রণ। ঘরে ঘরে সন্ধ্যাপ্রদীপ জালিয়ে, তুলসীমঞ্চটার প্রদীপ দিয়ে
 বোগেনের মা যখন দাওয়ায় উঠে এল তখন ঠাণ্ডাতে হাত-পা কালিয়ে উঠেছে
 তার। আজ বড় বেশি শীত পড়েছে—মাঘের বাতাসে দাঁত বেরিয়েছে যেন।
 তাছাড়া বমেন হয়েছে বোগেনের মার। আগের মতো জোর নেই শরীরে,
 রক্তে নেই আর যৌবনের সে উত্তপ্ত চঞ্চলতা। এখন একটু পাটলেই কেমন
 নিশ্বাস বন্ধ হয়ে আসতে চায়, কেমন বিস্ত্রী প্রকমের শীত ধরে।

একটা মাটির মালসায় আগুন নিয়ে এসে বসল বোগেনের মা। কাঠ
 কয়লার বেশ গনগনে আগুন উঠেছে, আড়ষ্ট আঙুলগুলো তাতে সঁকে
 নিতে লাগল। সত্যিই বয়েস হয়েছে এখন, দুর্বল আর অশক্ত হয়ে পড়েছে
 শরীর। সংসারের জঞ্জল আর খাটতে ইচ্ছে করে না, ভালোও লাগে না।
 সমস্ত শরীর মন ব্যাকুল হয়ে উঠেছে সেবার জঞ্জলে—নিশ্চিন্ত একটা বিশ্রামের
 আকাঙ্ক্ষায়।

ভালোই হয় বোগেনের বউ এলে। হয়তো বড় বউয়ের মত মুখরা
 হবে না, কথায় কথায় নাক নেড়ে ঝগড়া বাধাবে না তার সঙ্গে। অথবা
 হারাণের বউয়ের মতো সংমাত্র ছুতো করে পালিয়ে বাবে না বাপের বাড়িতে।
 গাঁয়ের একটি মেয়ের ওপরে নজরও আছে তার—কিন্তু হস্তভাগা ছেলেটার
 ঘেরকম ক্যাপাটে মেজাজ, যদি ঘাড় বাঁকিয়ে বসে তাহলে সহজে তাকে আর
 বেশে আনা বাবে না।

ছেলের কথাটা মনে পড়তেই মেয়ের একটা মধুরতায় বেন প্রাবিত হয়ে গেল সমস্ত অস্থকৃতিটা। চমৎকার গানের গলা হয়েছে যোগেনের। এত মিষ্টি—এমন দরাজ! ওর বাপের গলার আওয়াজে কাক চিল উড়ে যেত, ভয় পেয়ে পালিয়ে যেত কুকুর, কিন্তু এমন অপূর্ব মাতাল-করা গলা কোথায় গেল যোগেন?

হঠাৎ চমকে উঠল যোগেনের মা। ঠাণ্ডা হিম হয়ে-আসা রক্তের ভেতরে কী একটা শিউরে শিউরে বয়ে গেল তার। বিয়ে হওয়ার পরেও নিজের মধ্যে কী একটা সামাজিক গুণগোলে অনেকদিন তাকে ঘরে নেয়নি যোগেনের বাপ। আর সেই সময়—সেই সব দিনে—

এমনি কষ্ট—এমনি গান, এমনি রূপ। সে গানে সে মাতাল হয়ে গিয়েছিল, সে রূপে সে জলে গিয়েছিল। কত নির্জন রাস্তাতে কত নিঃশব্দ দেখা সাক্ষাৎ—কত ভালোবাসা। সে ভালোবাসার আশ্বাস সে কণামাত্রও পায়নি স্বামীর কাছ থেকে, মনে হয়েছে তার স্বামী বেন পরপুরুষ, তার ছোঁয়ায় শরীর শিউরে শিউরে উঠেছে তার। স্বামীর বৃকের ভেতরেই মুখ লুকিয়ে লুকিয়ে অসীম তিক্ততার সে চোখের জল ফেলেছে রাতের পর রাত। স্বামী কিছু বুঝতে পারেনি, সন্দেহও করেনি। মোটা বুদ্ধির চোরাগাড়ে লোক, ভেবেছে এ কান্না বাপ মাকে ফেলে আসবার জন্ত এবং তার সাধ্যমতো সাহসনাও দিতে চেষ্ঠা করেছে সে। সে মাঝখানে ভুলতে পারেনি তবু—তাকে ভোলা কি কখনো সম্ভব? সে লুকিয়ে ছিল তার ভাবনায়, সে ঘুরে ঘুরে দেখা দিয়েছে তার যন্ত্রে। তাই হয়তো যোগেন হয়েছে তারি প্রতিমূর্তি—অবিকল তারি ছবি হয়ে জন্ম নিয়েছে যোগেন—সেই নাক, সেই মুখ, সেই গানের গলা।

জলন্ত মালসাটার ওপরে যোগেনের মার অস্থিসার আঙুলগুলো কাঁপতে লাগল। কাঁঠ কয়লার বক্তান্ত টুকরোগুলো থেকে একটা লাল আলোর প্রতিফলন এসে পড়েছে আঙুলগুলোতে—নিজের হাতটাকে যেন চিনতে

পারা যায় না। নিজের হাতের দিকে তাকিয়ে তাকিয়ে যোগেনের মার ঘোর লাগতে লাগল। বেদিন প্রথম যৌবন এসেছিল তার—সেদিন আঙুলের রং শুধু আঙুলের প্রতিফলক ছিল না, তাতে সত্যি সত্যিই ছিল গোলাপী আঁমেজ। কত দিন এই হাত দুটিকে সে টেনে নিয়ে নিজের ঠাণ্ডা-বুকের ভেতরে চেপে ধরেছে, বলেছে—

ক্যাচ করে একটা শব্দ হল, তার পরেই আর একটা শব্দ উঠল বনাং। সদরের টিনের ঝাঁগটা খুলে কেউ ভেতরে আসছে। নিজের সর্বাঙ্গে যেন জোর করে একটা ঝাঁকি দিয়ে সজাগ হয়ে উঠে বসল যোগেনের মা। উঠোনটা পার হয়ে কে আসছে ঘরের দিকে। ওই পাখের শব্দটা চেনা— যোগেন ফিরল।

—আইলু রে বাপ ?

—ই, আইলু।

সংক্ষেপে জবাব দিয়ে যোগেন এগিয়ে এল দাওয়ার দিকে। তাকিয়ে দেখল, মালসার সামনে বসে তার মা হাত সঁকছে।

—উঃ, বড় বেয়াড়া জাড়া নামিলে আজ। যোগেন বসে পড়ল মায়ের পাশে, নিজেরও হাত দুটো আঙুলের ওপরে বাড়িয়ে দিয়ে বললে, মাঠের ভিতর দি আসিবা সময় মনে নাগিল কি শরীরখানা মোর কাটি দুখান হই যিবে।

—ই, ইবারে জাড়াটা বেশী নাগোছে—যোগেনের মা বললে, এইঠে বসি একটু গরম হই লে বাপ।

মালসার ওপরে হাত বাড়িয়ে নিরন্তরে বসে রইল যোগেন। মায়ের মন থেকে এখনো স্মৃতির রেশ কাটেনি—সহজভাবে ছেলের সঙ্গে কথা বলবার মতো মনের অবস্থা তার ফিরে আসেনি এখনো। আর যোগেন কী ভাবছে কে জানে, তার উৎসাহ-উজ্জ্বল মুখ কালিমাড়া। শুধু কয়েক মিনিট পরে মা-ই প্রথম কথা বললে।

—গেইলছিলু কুটুম বাড়ী ?

—ই।

—ভালো খিলাইলে ?

—ই।—তেমনি সংক্ষেপে উত্তর দিলে যোগেন।

—কী কী খিলাইলে রে ?

—ভাত, মাংস, মিঠাইও আছিল।

—পেট ভরি খালু তো রে ?

এবার বিরক্ত স্বরে জবাব দিলে যোগেন। অপ্রত্যাশিতভাবে মাতৃস্নেহের নিতান্ত নির্দোষ প্রশ্নটাকে আঘাত দিয়ে বসল, বোকার মতো কথা শুধাইছ ক্যানে ? কুটুম বাড়ী গেছ তো ফের না খাই চলি আসিছ ?

সন্ধিভাবে মা তাকালো ছেলের দিকে। আগুনের আঁচ অল্প অল্প মুখে পড়েছে বটে, কিন্তু তাতে ছেলের মুখের অবস্থাটা ঠিক বুঝতে পারা যাচ্ছে না। কিন্তু কেমন যেন খটকা লাগছে, সন্দেহ হচ্ছে, একটা গোলমাল জড়িয়ে আছে কোথাও।

—কী হৈলু তোর রে ?

—কিছু হয় নাই।

—কিছু নি হইছে ভো অমন করোছিনু ক্যানে ?

—কী করোছি ? বাজে কথাগুলান ক্যানে কহিছ, চুপ মারি থাকো ক্যানে।

যোগেন আর বসল না, বিরক্তভাবে উঠে চলে গেল সামনে থেকে।

যোগেনের মা কিছু বুঝতে পারল না, ইচ্ছে করেই কোনো কথা বললও না যোগেন। বলে কোনো লাভ নেই—অকারণে একটা লোক তাকে অপমান করেছে, অথচ সে অপমান তাকে নীরবে পরিপাক করে যেতে হল, এটাকে স্বীকার করতে নিজেস্বই লজ্জা হচ্ছে তার।

দোষ তার নয়, তার মায়েরও নয়। তবু খামোকা লোকটা কতগুলো কটুকথা শুনিয়ে গেল—বেরিয়ে গেল মেজাজ দেখিয়ে। অবশ্য তার জন্তে কেউ তাকে ভালো বলেনি, ছি ছি করেছে সকলেই। ভূষণ তো গালাগালি করেছে

অশ্রাব্য ভাষায়। যোগেনের কাছে এসে ছোড়াহাতে বলেছে, তুমি হামাক
মাণ করো বাবাজী।

ভূষণকে সে ক্ষমা করেছে বইকি, কিন্তু ভারী একটা আকশোষ রয়ে গেছে
নিজের মধ্যে। সে কেন কিছু করতে পারল না, দিতে পারল না একটা
শ্রুতের মতো জবাব? একহাতে বুড়োর গলাটা চেপে ধরে আর একহাতে
প্রচণ্ড একটা চড় বসিয়ে দিল না তার গালে? শক্তি তার নিশ্চয়ই ছিল,
সাহসেরও অভাব ছিল না, কিন্তু কোথায় যেন আটকে গেল সমস্ত। আক্রমণের
অপ্রত্যাশিত আকস্মিকতার ঘোরটা কাটিয়ে উঠতে না উঠতেই দেখল, কোথায়
অদৃষ্ট হয়ে গেছে লোকটা।

আচ্ছা, ভবিষ্যতের জন্তে তোলা রইল। দাতের ওপর দাঁত চাপিয়ে
একটা কঠিন নিষ্ঠুর সংকল্প গ্রহণ করলে যোগেন।

রাত বাড়তে লাগল। যোগেন নিমগ্ন রক্ষা করে এসেছে, খেয়ে এসেছে
অবেলায় তাই রাতে সে আর কিছু খাবে না। যোগেনের মা খাওয়া-
দাওয়া শেষ করে যখন শুতে গেল, তখন একবার উকি মেরে দেখলে
ছেলের ঘরের ভেতরে। লঠন জেলে নিয়ে একটা কাগজে সে নিবিষ্ট মনে কী -
যেন লিখে চলেছে।

—বেশি রাইত জাগিস্ না বাপ।

—ভুমার কিছু ভাবিবা হেবে না, তুমি শুতি যায়েন।

মা চলে গেল। মনটাকে সংযত করে নিয়ে যোগেন বসল হাট থেকে
কেনা চার পয়সা দামের একটা এক্সারসাইজ বুক আর কাগজ-কলম টেনে।
কয়েকটা গান লিখতে হবে। আলকাপের পালা তৈরী হচ্ছে, তারই গান।

লেখবার আগে গুন্ গুন্ করে স্বর ভাঁজতে লাগল। স্বর এলে তারপরে
আসবে কথা, মনের ভেতরে এসংলগ্ন ভাবনার নীহারিকাগুলি একটা স্থানশিঁত
•রূপ ধারণ করবে আস্তে আস্তে। যোগেনের স্বরের সঙ্গে সঙ্গে কথা সঞ্চারিত
হতে লাগল :

হায় হায় কলির কাণ্ড—কিবে চমৎকার—

যার পরনে ছিঁড় কাপড়, বৌয়ের গলাত্ রত্নহার—

বাঃ—যত্ন শোনাচ্ছে না! বেণ নতুন জিনিস দাঁড়াচ্ছে, লোকে খুশি
হ'ব। কাগজে কলম চলতে লাগল :

আপন ভাইয়ক পর করিয়া,

ফুর্তি কবে শালাক লিয়া—

স্বস্তরক্ বাপ বুলিয়া

বাপক কহে নকর তার—

হায় গো কলির কাণ্ড দাদা—কিবে

চমৎকার।

সত্যিই চমৎকার। নিজের রচনায় যোগেন মুগ্ধ হয়ে গেল। এইরকম
গোটা কতক ভ্রমটি গান বীথিতে পারলেই দলের নামডাক পড়ে যাবে, সাবাস
সাবাস করবে সকলে। ঝাড়-লঠনের আলোয় ভরা-আসরে গ্লায় চান্দর
জড়িয়ে যোগেন যখন গান গাইতে উঠে দাঁড়াবে, তখন ঘন ঘন হাত্তালি
পড়তে থাকবে, চিকের আড়ালে ছল ছল করে উঠবে তরুণীদের বৃকের রক্ত।
পথ দিয়ে যখন যাবে তখন লোকে আঙুল বাড়িয়ে দেখিয়ে বলবে, ওই যাচ্ছে
যোগেন আলকাপওয়াল।

ওই যাচ্ছে যোগেন আলকাপওয়াল।

তারপর—তারপরে সামনে আরো উজ্জল ভবিষ্যৎ, আরো উজ্জল সম্ভাবনা।
শেষ পরিণতি শুধু আলকাপের দলই নয়। চোখের সামনে দেখা যাচ্ছে
একটা ব্যক্তির আসর। কালীয়দমন না অনন্তব্রত? লক্ষণ-বর্জন না সীতার
পাতাল প্রবেশ?

যোগেন হঠাৎ চকিত হয়ে উঠল। মনে পড়ল বংশী পরামর্শিকের কথা।
লোকটার সঙ্গে হঠাৎ পরিচয় ঘটে গিয়েছিল তার।

হাটের মধ্যে পরিচয় করে দিয়েছিল জগবান্ন। হাতে এগিয়ে চলে আসে কাপড়ের

লোকানে বসে ছিল বংশী মাটার—কাপড় কিনছিল। যোগেন গিয়েছিল একখানা গায়ছার সন্ধানে। জগবন্ধু বলেছিল, ইয়াক চিনেন মাটার ?

মাটার ঘাড় নেড়েছিল। তারপর আশ্চর্য বাক্যকে ছুটি চোখের দৃষ্টি প্রসারিত করে দিয়েছিল যোগেনের দিকে। কেমন অস্বস্তি বোধ করেছিল যোগেন, কেমন মনে হয়েছিল মাটারের দৃষ্টিটা বড় বেশি তীক্ষ্ণ, বড় বেশি জলন্ত। অমন অভূতভাবে কাউকে কখনো কারো দিকে সে তাকাতে দেখেনি।

জগবন্ধু বলেছিল, খুব ভালো গান করে, আলকাপ।

• —আলকাপ ! আলকাপ কী ?

এবারে মাটারের প্রশ্নে দুজনেই হেসে উঠেছিল। জগবন্ধু বলেছিল, আলকাপ ? আলকাপ জানেন না ? রসের গান, স্ফোরিত গান।

• মাটার তবু প্রশ্ন করেছিল, সে কী রকম ?

তখন তাকে বুঝিয়ে দিয়েছিল জগবন্ধু। পরিষ্কার করে ব্যাখ্যা করে দিয়েছিল জিনিট।

সমাজের বেসব গলদ আর ক্রটি-বিচ্যুতি আছে, রসিকতার সঙ্গে বিদ্রূপের কড়া চাবুক মিশিয়ে সেগুলোকে পরিবেশন করা হয়। দরকার হলে বাস্তব নয়নারী পর্বস্ত বাদ পড়ে না—তা সে বতই ক্ষমতাশালী হোক—সমাজে বা খুশি প্রতিপত্তিই তার থাকুক। তবে শুধু আক্রমণই নয়—লঘু কৌতুক—হালকা হাসি ও কাহিনীর আকারে নাচে এবং গানে শুনিতে দেওয়া হয়।

বর্ণনা শেষ করে উচ্ছ্বসিত ভাষায় জগবন্ধু বলেছিল, ভারী চমৎকার জিনিঃ মাটার মশাই, ভারী চমৎকার। একবার শুনিলেই বুঝিবেন। হা হে যোগেন, মাটার বাবু তো এদেশে লোভুন আসিছেন, উয়াক একদিন গান শুনাই দাও না কেনে।

—নিশ্চয়, নিশ্চয়—শুনাই তো—সাগ্রহে যোগেন জবাব দিয়েছিল।

মাটার তেমনি তাকিয়েছিল তার দিকে—তেমনি জ্যোতির্ময় তীক্ষ্ণদৃষ্টিতে।
• কেমন উন্নত— একটা লোক অমন নির্মম বিশ্লেষণভরা চোখে

তাকিয়ে থাকলে ভালো লাগে না। গামছা কেনবার প্রয়োজনের কথাটা ফুলে গিয়েই উঠে গিয়েছিল জগবন্ধুর দোকান থেকে।

কিন্তু মাষ্টারকে এড়াতে চাইলেও এড়ানো গেল না। হাট থেকে বখন সে ফিরছিল, তখন আকাশে চাঁদ দেখা দিয়েছে—সুন্দর চতুর্দশীর চাঁদ। গাঁয়ের মেটে রাস্তায় আমার জামের ছায়া, বাতাসে সে ছায়া হুলছে—তার ভেতরে জ্যোৎস্নার টুকরোগুলো যেন মত্ত একটা কালো জালের ভেতর এক ঝাঁক উজ্জল চাঁদা মাছের মতো দোল খাচ্ছে। মনসা কাঁটাগুলো জ্যোৎস্নার অধৃত দেখাচ্ছে—মনে হচ্ছে রাত্রি রোমাঙ্কিত হয়ে উঠেছে। বন-গোলাপের সঙ্গে মিশেছে ধুতরোর গন্ধ—একটা রঙীন নেশায় আচ্ছন্ন আর আবিষ্ট করে তুলেছে সন্ধ্যাকে।

পায়ের নীচে বালি মেশানো মেটে রাস্তা, জ্যোৎস্নার টুকরোগুলো বখন তার ওপরে পিছলে পিছলে যাচ্ছে তখন সেখানেও যেন কী সব উঠছে চিকমিক করে। বালির ভেতরে কী মিশে আছে ওগুলো? সোনার কণা না রূপোর বিন্দু? আজকের রাতটাই যেন সোনার রাত—আজ আকাশ থেকে যেন রূপো গলে গলে পড়ছিল। গান পেয়েছিল যোগেনের—বেশ চড়া স্বরে সে ধরে দিয়েছিল :

বঁধুর লাগি মাথায় নিলাম কলঙ্কেরি ডালা,

সেই কলঙ্ক ফুল হল মোর হল গলার মালা—

আগে আগে একটা লোক চলেছিল, জ্যোৎস্নায় মাঝে মাঝে তাকে চোখে পড়ছিল বটে, কিন্তু যোগেন লক্ষ্য করেনি। ভেবেছিল, হাট-ফেরৎ সাধারণ মানুষ, মনোযোগ দেবার মতো কোন কারণ আছে বলে মনে হয়নি। কিন্তু যোগেনের গান কানে যেতেই লোকটা দাঁড়িয়ে পড়ল।

সোনার ভরা রাত্রি—জ্যোৎস্না রূপোর কণা ঝরে পড়ছে। ধুতরো আর বন-গোলাপের গন্ধ নেশার মতো ঝিকমিক করছিল স্নায়ুতে। দেখেও দেখেনি যোগেন। আধ-বোজা চোখে গান গাইতে গাইতে এগিয়ে চলেছিল :

কলঙ্কিনীর মরণ ভালো

শুকাবনি নদী—

পথের পাশে একটুখানি সরে একবারে নয়ানজুলীর পাশ ঘেঁসে ছায়ায় ভেতরে দাঁড়িয়েছিল লোকটা। বোগেন কাছে এসে পড়তেই বললে, বাঃ—
খাসা গলা তো তোমার।

চমকে খেমে গেল বোগেন। বংশী মাষ্টার।

বংশী মাষ্টার বললে, গান খামালে কেন? দিবি লাগছিল।

লজ্জিতভাবে বোগেন জবাব দিয়েছিল, ইসব গান আপনাকে শুনাইতে
সরম নাগে।

বংশী মাষ্টার লঘুস্বরে বললে, কেন, আমাকে এত বেরসিক ভাবছ কেন?

কথাটার অর্থ বোগেন বুঝেছিল। তেমনি লজ্জিতভাবে শুধু মাথা
নেড়েছিল, জবাব দেয়নি।

ততক্ষণে দুজনে একসঙ্গে পথ চলতে শুরু করেছে। বোগেনের পাশাপাশি
চলেছে বংশী মাষ্টার—অকারণেই নিজেকে অত্যন্ত সংকুচিত বোধ করছে
বোগেন। তার মনের ভেতর একটা ব্যক্তিত্বের হুনিশিত ছায়া পড়েছে—
অন্ধকারেও কি তেমনি জল জল করছে বংশী মাষ্টারের চোখ?

কয়েক মুহূর্ত শুধু শোনা গেল ধুলোয় ভরা পথের ওপর প্রায় নিঃশব্দ
হুজোড়া পায়ের শব্দ। তারপর বংশীই কথা কইল।

—তুমি কতদূরে বাবে বোগেন?

—মোরপাড়া।

—ও, তাহলে একসঙ্গেই অনেকটা যাওয়া বাবে। ভালোই হল।—
বংশী মাষ্টার আবার হাসল : তোমাদের দেশটা এখনও আমার ভালো করে
চেনা হয়নি। ~~আমাদের~~ চৌমাথায় এলে মাঝে মাঝে আমার পথ ভুল হয়ে
যায়—ঠিক ঠাহর করতে পারি না। একবার তো ভুল করে কাকন নদীর
ঘাট পর্যন্ত চলে গিয়েছিলাম।

বোগেন এবারে সহজভাবে কথা বলতে পারল। বললে, তুল হেঁসে
হ্যানে? পুঝিকের ঘাঁটাটা ধরিলেই সিখা চামারহাটা চলি যাবেন।

মাষ্টার এবার শব্দ করে হেসে উঠল : ওই তো মুন্সিল। এখনো পুঝি
পশ্চিমই ঠাহর করতে পারলাম না এদেশে।

আবার শুরুতা। আবার মেটে বাস্তার ওপরে প্রায় নিঃশব্দ পদসঙ্কারে
এগিয়ে চলেছে দুজনে। হঠাৎ মাথার উপরে একটা দোয়েল শিস্ দিয়ে উঠল।
যেন চমক ভেঙে গেল দুজনের। মাষ্টার বললে, একটা কথা বলব বোগেন?

—কী কহোছেন?

—তোমাদের আলকাপ গানের কথা শুনলাম। বড় ভালো জিনিষ, বড়
ভালো লাগল।

বিনয়ে মাথা নত করলে বোগেন।

—যারা মন্দ লোক, যারা অত্যাচার করে—মাষ্টারের গলা কেমন ভারী ভারী
হয়ে উঠল : তাদের পরিচয় লোককে জানিয়ে দেওয়ার মতো বড় কাজ
সত্যিই কিছু নেই। এদিক থেকে তোমরা দেশের কাজ করছ বোগেন,
সত্যিই দেশের কাজ করছ।

এবার আশ্চর্য হয়ে গেল বোগেন। দেশের কাজ—সে আবার কী?
জিজ্ঞাসু চোপ মেলে সে তাকিয়ে রইল মাষ্টারের দিকে, অজ্ঞানমনস্কভাবে চলতে
গিয়ে হোচট খেল একটা।

মাষ্টার বললে, কিন্তু এর চাইতেও তো বড় কাজ আছে বোগেন। সে
কাজ কেন করোনা?

—কী করিবা কহছেন?

মাষ্টার যেন উত্তেজিত হয়ে উঠল : কতই তো করবার আছে। অত্যাচার
কি শুধু একদিকেই? ছোট জাত—সবাই তোমাদের ছোট করে দেখে।
তোমরা লেখাপড়া জানো না, জমিদার চল্লিশ টাকা নিয়ে চেক লিখে দেশ
পনেরো টাকা, তাতে তোমরা টিপ সহ করে দাও, তারপর তিনমাস পরেই

আসে উচ্ছেদের নোটিশ। মহাজনের কাছ থেকে সাতটাকা ধার করলে হুদে বাড়তে বাড়তে হয় সাতাত্তর টাকা—ষটি-বাটি বাঁধা দিয়ে দেনা শোধ হয় না। কেন এর প্রতিবাদ করতে পারো না বোগেন, কেন একে গানে রূপ দিতে পারো না ?

পা থেকে মাথা পর্যন্ত শিউরে উঠল বোগেনের। মাষ্টার বলে কী !

—জমিদারের নামে গান বাঁধিমু ?

—বাঁধবে বই কি ?

—মহাজনকে গালি দিমু ?

—হাঁ,—তাও দেবে।

—হায়রে বাপ !—ভীত কণ্ঠে বোগেন জবাব দিলে, উয়ারা ফাসাদ করি দিবে যে।

মাষ্টার শাস্তস্বরে বললে, দিতে পারে।

—তবে ?—বোগেন আড়চোখে মাষ্টারের মুখের দিকে তাকালো, যেন এই জটিল কঠিন সমস্যার সমাধান দাবী করলে।

তেমনি ঠাণ্ডা গলায় বংশী মাষ্টার বললে, আচ্ছা বোগেন ?

—ই, কহেন।

—তুমি তো খানিকটা লেখাপড়া শিখেছ ?

—ই, পঢ়িছি তো।

—চারণ কাকে বলে জানো ?

এতক্ষণে হুপাশের আমের জামের ছায়া সরে গেছে। চতুর্দলী চাঁদের আলো উজাড় হয়ে পড়েছে পথের ওপর—সন্মুখে মেটেরাস্তার ওপরে প্রসারিত ছুটি দীর্ঘ ছায়া ছাড়া আর কোনো ছায়া নেই কোথাও। হৃদিকে চক্ৰোজ্জল মাঠ। বাতাসে এখন আর সেই মাদক গন্ধটা নেই। শুধু ধুলোর একটা সৌরভ উঠছে।

বংশী মাষ্টারের চোখ কি সত্যিই জ্বলছে, না জ্যোৎস্নায় চকচক করছে ওই

রকম ? সে চোখের দিকে একবার তাকিয়ে যোগেন বিধাজড়িতভাবে বললে,
কী কথাটা कहিলেন ?

—চারণ ?

—না, সিটা কখনো পঢ়ি নাই।

—শোনো। আগে যখন শত্রু আমাদের দেশ আক্রমণ করত—মাষ্টার . .
বলতে শুক করল, তার মনের ভেতর থেকে কোথায় যেন একটা পাথর চাপা
সরে গেছে, সরে গেছে একটা অবরোধের আবরণ। অনেক দিন পরে অভুল
মজুমদার কথা কয়ে উঠল, সাড়া দিয়ে উঠল কোনো একটা গভীর বিশ্বস্তির
স্থিতিলোক থেকে। বহুবছর আগে যে লোকটা ঘাসের বুকে শিশিরের বিন্দুর
মতো হারিয়ে গেছে বিশ্বরণের নেপথ্যে, সে যেন বংশী পরামানিকের সামনে
এসে দাঁড়াল।

অভুল মজুমদারের কথাগুলো বলে যেতে লাগল চামারহাটের প্রাইমারী
ইকুলের বোলো টাকা মাইনের মাষ্টার বংশী পরামানিক। কাকে বলছে খেয়াল
রইল না, বাকে বলছে, সে কতটুকু বুঝতে পারছে লক্ষ্য করল না। এই
সোনার বাজিতে—রূপো-ঝরা জ্যোৎস্নায় মনের ভেতরে হঠাৎ যেন খুলে গেল
বহুদিনের মরচে ধরা কঠিন একটা লোহার কবাট।

যেন নিজের সঙ্গেই কথা বলতে লাগল বংশী মাষ্টার।

ইতিহাসের কথা, চারণদের গল্প। সেই তাদের কথা, যারা নিজেদের বা
কিছু কষ্ট বা কিছু স্বর—সমস্তই দেশের জন্ত নিবেদন করে দিয়েছিল।
অত্যাচারী শত্রু যখন পূর্ণপালের মতো এসে হানা দিয়ে পড়ত দেশের ওপর,
তখন তারাই সকলের আগে বীণা হাতে বেরিয়ে আসত। দেশের প্রান্তে
প্রান্তে তারা ঘুরে বেড়াত—তাদের গানে গানে ঝরে পড়ত দেশপ্রেমের আগুন
—দেশের গৌরব রক্ষা করবার নির্মম কঠিন সংকল্প। যারা ভীক—সে ডাক
শনে ছুটে উঠত তাদের হিমরক্ত—যারা কাপুরুষ, তারা খোলা তলোয়ার হাতে
নিয়ে অশংকোচে ঝাঁপ দিয়ে পড়ত যুদ্ধার মধ্যে। ঘুমন্ত দেশকে জাগিয়ে

দিত তারা, নির্জীবতার মধ্যে সঞ্চার করত প্রাণের লাড়া। আবার যখন অত্যাচারী রাজা নিজের খামখেয়ালে মানুষের জীবনকে ছুঁবিষহ করে তুলত, তখন তাবাই সকলকে উদ্দীপ্ত করে তুলত এই অস্ত্রায়ের প্রতীকার করবার জন্যে, এই অবিচারের সমাপ্তি ঘটাবার জন্য। রাজার অস্ত্র তাদের শাসন করতে পারত না, তাদের কণ্ঠরোধ করতে পারত না কোনো অত্যাচারীর নিষ্ঠুর মুষ্টি। তাদের আগুন-ঝরা স্বর লাহিত, অপমানিত দেশে দাবানল জালিয়ে দিত—সেই আগুনে রাজার সিংহাসন পুড়ে ছাই হয়ে যেত—ভস্মসাৎ হয়ে যেত তার অস্ত্রের আর শক্তির অহংকার।

কিছুটা বুঝল, অনেকটাই বুঝল না যোগেন। শুধু শুনতে লাগল মস্তমুগ্ধের মতো। মাঠার কি পাগল? হয়তো পাগল, হয়তো বা পাগল নয়। কিন্তু আশ্চর্য তার কথা বলবার ভঙ্গি—শুনলে মাথার ভেতরে শিরাগুলো দপ দপ করতে থাকে—শরীর শিউরে শিউরে উঠতে থাকে। যোগেনের মনের সামনে বহুদূরের একটা শহরের কতগুলো এলোমেলো আলোর মত কী যেন ঝলমল করতে লাগল। তাকে ঠিক বোঝা যায় না, অথচ কী একটা দুর্বোধ্য সংকেত আছে তার; তাকে জানা যায় না, অথচ অসীম একটা কৌতূহল সমস্ত অহুত্বভিগ্নগোকে প্রথর আর উৎকর্ষ করে তোলে।

আকাশভরা জ্যোৎস্না যেন জলে উঠেছে। সোনাঝরা ঘুমভরা রাজিটায় যেন কোথা থেকে আগুনের একটা উত্তাপ লেগেছে এসে। মাঠের মিষ্টি বাতাসেও শরীর ঘেমে উঠতে লাগল যোগেনের। বুকের ভেতর থেকে শুনতে পেল হৃৎপিণ্ডে একটা চঞ্চল আলোড়নের শব্দ।

মাঠার বললে, সে চারপেয়। আজ নেই, কিন্তু তাদের প্রয়োজন তো কুরোয়নি। অস্ত্রায় আজ চরমে উঠেছে। বিদেশী রাজা কেড়ে নিচ্ছে দেশের মানুষের স্বপ্নের ভাত। যে সত্যি কথা বলতে চায় তার টুঁটি টিপে ধরছে—তাকে পাঠাচ্ছে আন্দামানে, তাকে ঝুলিয়ে দিচ্ছে ফাঁসিতে। কেন এ অস্ত্রায়ের প্রতিবাদ করবে না; কেন তোমার গানের স্বরে এই সত্যকে ধরে দেবে না

সকলের সাংগনে ? চারণরা আজ নেই, কিন্তু তাদের কাজ তোমরা তুলে নাও, গ্রামের মানুষগুলোকে মাথা তুলে দাঁড়াবার শিক্ষা দাও ।

যোগেন শুধু বলতে পারল, ই ।

এত আগে চমক ভেঙ্গে গেল বংশী মাষ্টারের । বড় বেশি বলে ফেলেছে অভুল মজুমদার, বড় বেশি পরিমাণে আত্মপ্রকাশ করে ফেলেছে । এ স্থান নয়, কালও নয় । কিন্তু বহুদিন পরে মনের ভেতরের লোহার কবাটটা খুলে যেতে সে নিজেকে সংযত করতে পারেনি, কথাগুলো বেরিয়ে এসেছে অব্যবহৃত অনর্গল ধান্নায় । যোগেন একটা উপলক্ষ মাত্র—আসলে সবগুলোই স্বগতোক্তি—সবটাই আত্মপ্রকাশের একটা অহেতুক উচ্ছলতা ছাড়া আর কিছুই নয় ।

আর তা ছাড়া—এই কি যোগেনকে বোঝাবার ভাষা ? সে ভাষা অভুল মজুমদার শেখেনি, বিপ্লবী যুগের নেতা যাদের ভেতরে তার কর্মক্ষেত্র বেছে নিয়েছিল তারা যোগেন নয় । তাদের পৃথিবীর কথা যোগেনদের কাছে হুবোধ্য, তাদের স্বাধীনতার স্বপ্ন এদের কাছে একটা রূপকথার চাইতে বেশি বাস্তব নয় । “দেশমাতার পায়ে আজ শৃঙ্খলের বন্ধন—তীর সর্বাঙ্গে আজ অত্যাচারীর কশাঘাতের রক্তধারা”—এ জাতীয় ভালো ভালো কথা তাদের কাছে অর্থহীন প্রলাপ । পৃথিবীর জাতিসংঘে আমাদের কোনো স্বীকৃতি নেই, সমুদ্রের ওপারে কালো জাতির ঘৃণা আর করুণার বন্ধ, স্বায়ত্তশাসনের নামে আমাদের বা কিছু দেওয়া হয়েছে তা একটা বিরাট কৌতুক ছাড়া আর কিছুই নয়—এসব কথা এদের কাছে পাগলের মতো শোনাবে । চোখ বড় বড় করে শুনে যাবে, মাঝে মাঝে ইঁ করে থাকবে, তারপর বখন জিজ্ঞাসা করা হবে, দেশের এই অবস্থা শুনে তাদের প্রাণ কাঁদে কিনা তখন তারা পরিষ্কার জবাব দেবে : বাঃ, বেশ কথা কহিছেন । খালি খালি কাঁদিমু ক্যানে ?

—দেশের জন্তে তোমাদের কষ্ট হয় না ?

—উসব কথা ক্যানে কহিছেন বাবু ? হামরা খাবার পাছি না—কেনন করি চুটা ভাত ডাইল জুটিবে, সিটা কহিবা পারেন ভো কহেন, না ভো যেটি

ধাক্কি আসোছেন ওইঠিই চলি যান। উসব চালাকির কথা ভালো লাগে না।

ঠিক, ওদের কাছে এসব চালাকির কথা ছাড়া আর কিছু নয়। বড় বড় বুন্দির সার্থকতা কিছুমাত্র ওরা বুঝতে চায়ও না। খেতে দাও আমাদের, চাল দাও, ভমি চাষ করে বাতে ঘরের খোশাক ঘরে রাখতে পারি তার ব্যবস্থা করে দাও, মহাজনের জালে সর্বস্বান্ত না হই তার উপায় করে দাও, রক্ষা করো দারোগার উপদ্রবের হাত থেকে। এষ্ট ওদের কাছে সব চেয়ে বড় জিনিষ—সব চাইতে বড় সত্য। এর অতিরিক্ত স্বাধীনতা বলে যদি কোনো জিনিষ থাকে, তার কাণা কড়িরও মূল্য নেই ওদের কাছে। দেশমাতার শৃঙ্খল সত্যিই মুক্ত হল কি না এবং জালাময়ী বক্তৃতা দিয়ে কারাবরণ করে কোনো দেশনেতা তাঁর কত-বিকৃত দেহে মলম মালিশ করে দিলেন কিনা এটা না জানলেও কোনো ক্ষতি হবে না ওদের, কোনো ব্যাঘাত হবে না ওদের রাজির স্থানিদ্রায়।

কয়েক মুহূর্তের মধ্যে এতগুলো কথা ভেসে চলে গেল বংশী পরামাণিকের মনের সন্মুখ দিয়ে। এগুলো অতুল মজুমদারের অভিজ্ঞতা—পরীক্ষিত নির্ভুল সত্য। যে ভুলের জগ্রে অতুল মজুমদার ব্যর্থ হয়ে গেছে সে ভুল সে করবে না। ওপর থেকে ফুঁ দিয়ে সে আগুন ধরাতে পারেনি, সে জানতনা নীচে থেকে বাতাস দিলে আপনা থেকেই শিখাগুলো জ্বলে উঠবে লক্কলক করে।

এতকণে চৌমাথাটা এসে পড়েছে। অপ্রতিভ ভাবে হাসল বংশী মাষ্টার : তোমার সঙ্গে আলাপ করে বড় আনন্দ হল, আর একদিন গল্প করা যাবে।

তারপর বিম্বিত যোগেনকে আর কোনো কথা বলবার সুযোগ না দিয়েই চলে গিয়েছিল পূবদিকের রাস্তাটা দিয়ে, সঙ্গে সঙ্গে এগিয়ে চলেছিল তার ছায়াটা।

পরিচয়টা ওইখানেই শেষ হয়নি। তারও পরে হাটে দেখা হয়েছে অনেকবার—হাট থেকে এক সঙ্গেই ছুজনে ফিরেছে বামুনঘাটের চৌমাথাটা

পর্বত। যে কথা প্রথম দিন একটা অপরিচিত রহস্যলোকের মতো মনে হয়েছিল, তা রূপ ধরেছে ক্রমশঃ নিচ্ছে একটা স্পষ্ট প্রত্যক্ষ আকার।

.....বোগেনের চটকা ভাঙল। অনেক রাত হয়ে গেছে। পুরোনো কথা ভাবতে ভাবতে আলকাপের গান লেখা কখন বে বন্ধ হয়ে গেছে টেরই পায়নি। আরো মনে পড়ল একটা অক্ষুট বিরক্তি যুগ্ম একটা তিক্ত স্বাদের মতো চেহেনার ছড়িয়ে আছে তার আত্ম অত্যন্ত অকারণে একটা লোক কুশী কটু ভাবায় অপমান করেছে তাকে।

অজ্ঞায়—বিচার। চোরের মতো মাথা পেতে নিয়েছে বোগেন, সঙ্ক করেছে নির্বোধের মতো। তিবাদ করা উচিত ছিল শক্ত হাতে গলাটা টিপে ধরা উচিত ছিল লোকটার। তাকে বুঝিয়ে দেওয়া উচিত ছিল—

—খ্যাৎ—

বিরক্তভাবে বোগেন আবার দোয়াতে কলম ডুবোতে বাবে, এমন সময় ঘরের বাইরে কার পায়ের শব্দ শুনেতে পাওয়া গেল। দরজার কড়াটা নড়ে উঠল গটু খটু করে।

—চার—

• প্রায় অবরুদ্ধ স্বরে যোগেন চেঁচিয়ে উঠল : কে ?

—আমি ।

—আমি কে ?

—বংশী ।

কাগজ কলম সরিয়ে দিয়ে প্রায় লাফিয়ে উঠল যোগেন । খুলে দিলে দরজা—এক ঝলক শীতের বাতাস দূরন্ত ভাবে ঘরের ভেতরে এসে আছড়ে পড়ল । বাইরের পৃথিবীর একটা আকস্মিক আঘাতে লষ্ঠনের শিখাটা মিট মিট করে উঠল বার কয়েক ।

বংশী মাঠার ধরে ঢুকল ।

—মাঠার বাবু ? এই রাইত করি যে ?

—বড় দরকার । সব বলছি, তার আগে দরজাটা বন্ধ করে দাও—শীতে সমস্ত শরীর কালিয়ে গেছে আমার ।

—ই ঠাণ্ডাটা বড় জোর পড়িছে আইজ—

দরজাটায় শক্ত করে হড়কো এঁটে দিলে যোগেন । কিন্তু তখনো বংশী মাঠার থবু থবু করে কাঁপছে, ময়লা ছেঁড়া কোট আর জুতির চাদরে উত্তর বাংলার এই দূরন্ত শীত পোষ মানেনি—হাড়ে হাড়ে ঝাঁকানি ধরিয়ে দিয়েছে একেবারে । জুতোর যে অংশটুকু অনাবৃত ছিল একটা অসহ্য যন্ত্রণা বোধ হচ্ছে সেখানে, মনে হচ্ছে নিষ্ঠুর হাতে কেউ ছুরির পৌচ দিচ্ছে তার ওপরে । ঠোঁট

দুটো খব্ব খব্ব করে কাঁপছে, কয়েক মিনিট ভালো করে কথাই কইতে পারলনা মাষ্টার।

—শীত জোর ধরিছে। একটু আগুন আনি দিমু?

কাঁপা গলায় মাষ্টার বললে, থাক।

—থাকিবে কেন, লি আসোছি হামি।

একটা মালসা জোড়াড় করে তাতে কাঠ কয়লার আগুন দিয়ে নিয়ে আসতে খুব বেশি সময় লাগল না যোগেনের। এসে দেখল মাষ্টার তখনো শীতে কাঁপছে বটে, কিন্তু সেদিকে তার বিশেষ ভ্রূক্ষেপ নেই। অত্যন্ত মন দিয়ে খুঁকে পড়ে সে পড়ছে যোগেনের লেখা আলকাপের সেই গানগুলো।

লজ্জিত যোগেন মাষ্টারকে অগ্ৰমনস্ক করবার জন্তে সাড়া দিলে : এই লেন জি, মালসা লিয়া আসিহু। হাত পাও সেকি লেন।

মাষ্টার চোখ না তুলেই বললে, নিচ্ছি।

যোগেন বিব্রতভাবে বললে, উগ্‌লাক্‌ না দেখেন!

মাষ্টার হাসিমুখে বললে, কেন?

—হামার লাজ নাগে।

এবার বংশী মাষ্টারের হাসিটা আরো একটু বিস্তীর্ণ হয়ে পড়ল : কেন, এতে লজ্জা পাওয়ার কী আছে? আসরে তো গাইতেই হবে।

—সি যখন হবে তখন হবে। এখন রাখি দেন।

—আচ্ছা, আচ্ছা।

যোগেনের আরক্ত মুখের দিকে তাকিয়ে মাষ্টারের করুণা হল। বললে, তবে তাই হবে, আসরেই গান শুনব তোমার। কিন্তু বেশ গান লেখা হয়েছে যোগেন, ভালো হয়েছে।

—ভালো হইছে?—চরিতার্থতায় যোগেনের মুখ আলো হয়ে উঠল।

—হ্যাঁ, চমৎকার হয়েছে।

এবার যোগেনের আর কথা বেকল না। সাক্ষ্যের ছেলেমানুষি আনন্দে

আর বিনয়ে মাথা নীচু করে বসে রইল সে। আর আগুনের মালসার ওপরে হাতটা তুলে দিয়ে আরামে মাষ্টারের গলা দিয়ে বেরিয়ে এল—আঃ !

এখন অনেক রাত। বাইরের আকাশে কিকে চাঁদ অস্ত গেছে, অন্ধকারে এখন জমাট বাঁধছে হলদে কুয়াসা। চাঁচের বেড়ার গায়ে মাটি লেপা—যেখানে যেখানে মাটির আস্তর খসে বেড়ার ফাঁক বেরিয়ে পড়েছে, সে সব জায়গা দিয়ে স্ক স্ক ঘোঁষার রেখার মতো কুয়াসা চুপছে ঘরে। কাল সকালে সূর্য উঠবে অনেক দেবীতে—বহুক্ষণ পর্যন্ত গভীর কুয়াশার তলায় আচ্ছন্ন হয়ে থাকবে পৃথিবী।

রাত অনেক হয়েছে—কোথা থেকে যেন বিচিত্র একটা শব্দ বাজছে—ঝিম্ ঝিম্। আর সব চাপা পড়েছে নীরবতায়। পাশের ঘরে যোগেনের মা ঘুমের ঘোরে কথা কয়ে উঠল। বংশী মাষ্টার আগুনের উপর হাত সেকছে। মাঝে মাঝে চট্‌চট্‌ করে এক একটা শব্দ শোনা যাচ্ছে মালসাটার ভেতরে, চটা খসে পড়ছে। আর মাষ্টারের নিখাসের আগুয়াজ মাঝে মাঝে কানে আসছে অত্যন্ত জোরে। সর্বাঙ্গ সজ্জিত করে মালসার ওপরে ঝুঁকে রয়েছে সে। চাপ পড়েছে বুক, তাই একটা জোর নিখাস টেনে সে চাপটাকে হালকা করতে চাইছে।

কয়েক মুহূর্ত যোগেন তাকিয়ে রইল মাষ্টারের দিকে। চোখ ছুটোকে এখন আর সে বকম জ্যোতিষ্মান বলে মনে হচ্ছে না—কেমন একটা ক্লান্ত আরামে যেন নিশ্চিন্ত হয়ে আছে। এতদিন পরে আরো বোঝা গেল, বেশ বয়েস হয়েছে মাষ্টারের, তার চোখে মুখে দীর্ঘ ক্লাস্তিকর অভিজ্ঞতার চিহ্ন আঁকা। কপালে কতগুলো কালো কালো দাগ স্থায়ী হয়ে বাসা বেঁধেছে, চোখের কোণায় কালির পোঁচড়া রয়েছে সজাগ হয়ে। রাতে কি ঘুমোয় না মাষ্টার, কখনো কি বিশ্রাম করে না? আর এত ভাবেই বা কী? এই প্রায় ছমাস ধরে পরিচয়, তবু যেন যোগেন সম্পূর্ণ করে জানতে পারলনা মাষ্টারকে, তার সত্যিকারের পরিচয় পেলনা। শুধু বুঝতে পারা যায় যতটুকু

মেখেছে মাটারকে তার চাইতে অনেক ব্যাপ্ত, অনেক গভীর। মাটার বা—
তা এখনো তার অজ্ঞেয় এবং রহস্তনিবিড়।

যোগেন বললে, ত কহেন, এত রাতে এইঠে আদিবার কি কামটা
পড়িল ?

—আমি একটা ইন্ধুলের মাটার—সে তো জানো ?

—ই, সিটা আনি।

—সেখানে সরস্বতী পূজা হবে।

বিস্ফারিত চোখে যোগেন তাকিয়ে রইল : কী পূজা হেবে কহিলেন ?

—সরস্বতী।

—ইটা ফের কেমন কথা ? চামারের গাঁয়ে পূজা ?

—কেন চামারও তো মাহুষ।

যোগেন বললে, মাহুষ হ'বা পারে, কিন্তু বাম্‌হন কায়থ্‌ ত নহে। হামরা
বাম্‌হন কায়থের জুতার তলা।

—এখন আর কেউ কারো জুতার তলা নয়।

—নহে ?

—না।

যোগেন দাঁত দিয়ে নীচের ঠোঁটটাকে টিপে চূপ করে রইল
খানিকক্ষণ। ব্রাহ্মণ-কায়স্থের কথা সে আপাতত ভাবছে না, কিন্তু আজ
দুপুরের সে বিশ্রী অপমানটার কথাও সে ভুলতে পারেনি। নিতান্তই জাতি-
গোত্রের ব্যাপার, কারণটাও একান্তই ব্যক্তিগত, মাটারের বড় বড় কথার
সঙ্গে কোনো সম্পর্কও তার নেই। তবু একথা ঠিক, যোগেন তার প্রতিবাদ
করতে পারেনি, প্রতীকারও করতে পারেনি। শুধু কি একটা বিশ্রী গওগোল
এড়াবার জন্তেই সে তখন মুখ বুঁজে সব সহ্য করে গিয়েছিল ? অথবা ভয়
করেছিল লোকটার প্রভাব-প্রতিপত্তিকে, তার ক্ষমতাকে ? জমির ব্যাপার
নিয়ে তার সঙ্গে মামলা করছে স্বয়ং, কলক। তার মীমাংসা হবে

আদালতে । কিন্তু কেমন করে এমন একটা স্পর্ধা পেল লোকটা যে এই সামান্ত ছুঁতো নিয়ে তাকে বা খুশি তাই অপমান করে গেল ?

যোগেন বললে, হী, বুঝিছ ।

মাষ্টার যুহু হেসে বললে, কী বুঝলে ?

—আর কাহারো কাছে নীচু হই থাকিমু না ।

—না, কারো কাছেই না ।

—বামুহন, কায়ধ্ বড়লোক—কাহারো কাছেই না ।

—না ।

যোগেন আবার কামড়ে ধরলে নীচের ঠোঁটটাকে : ত হামাকে কী করিবা কহিছেন ?

—বলছিলাম আনানের স্কুলে সরস্বতী পূজা হবে ।

—বেশ তো, কর ।

মাষ্টার বললে, সেই জগ্নেই তোমার কাছে এলাম ।

—হামি কী করিব তা কহ ।

—সেদিন তোমাকে গান করতে হবে ।

যোগেন আশ্চর্য হয়ে বললে, হামি !

—হ্যাঁ, তুমি ।

যোগেনের তবু বিশ্বাস কাটছে না : হামাকে গান গাহিবা কেবে !

—সেই কথাই তো বলতে এলাম । নতুন গান শোনাতে হবে যোগেন, শোনাতে হবে নতুন কথা । তোমরা যে আর ছোট নও, একথা এবার বলে দেওয়ার সময় হয়েছে ।

যোগেন অভিভূতভাবে বললে, কী গান লিখিমু ?

—লিখবে অন্ত্যায়ের কথা, অবিচারের কথা । বলবে বামুন-কায়েতেরা কেমন করে তোমাদের ছোট করছে, কেমন করে জমিদার-মহাজন অন্ত্যায় চালিয়ে যাচ্ছে তোমাদের ওপরে । নতুন করে চামারপাড়ায় আমরা সরস্বতী

পূজা করছি—তাই নতুন করে তোমাকে গানও লিখতে হবে বোগেন।
পারবে না ?

ভীত ভীত দৃষ্টিতে বোগেনের মুখের দিকে তাকিয়ে রইল বংশী মাষ্টার।
অগ্নি হত একটা প্রখর জ্বালার মত তার চোখে জ্বলতে লাগল, তার দৃষ্টি
যেন আচ্ছন্ন করে আনতে লাগল বোগেনকে। বাইরে শীতের রাত। টাচের
বেড়ার ফাঁক দিয়ে হলদে কুয়াশা ধোঁয়ার সৰু সৰু সাপের মত ঘরের ভেতরে ঢুকে
কুণ্ডলী পাভাতে লাগল। খড়ের চালের ওপর টুপ টুপ করে শিশির পড়বার
শব্দ—মালদার গনুগনে আগুনটার ওপরে অল্প অল্প ছাইয়ের আভাস।

বোগেন চুপ করে রইল। ঠিক কী উত্তর দেবে, বুঝতে পারছে না।
সরস্বতী পূজা হবে, বেশ নতুন রকমের জিনিস। সেখানে আল্কাপের গান
গাইতে হবে—সেটাও ভালো কথা, খুশি হওয়ার মতোই প্রস্তাবটা। কিন্তু
নতুন সুরে গান রচনা করতে হবে—নতুন কথা বলতে হবে। সে কথা বলবার
মত কি সাহস আছে বোগেনের, সে জোরটা আছে নিজের ভেতরে ?

—পারবেনা বোগেন ?

বোগেন কেমন অভিজুতভাবে তাকিয়ে রইল। রাজির নেশা ধরেছে,
চেতনার মধ্যে সঞ্চারিত হয়েছে এই অপ্রত্যাশিত পরিবেশের বিচিত্র কুহক
জাল। বাইরের হলদে কুয়াশার মত মনের মধ্যেও একটা কুহেলিকা পড়েছে
বিকীর্ণ হয়ে।

মাষ্টারের প্রশ্নটা যেন গুনতে পেলনা সে। ঠিক যেন বুঝতেও পারছে না।
বহুদূরের কোন্ একটা শহরের আলোর মত কী যেন ঝলমল করছে চোখের
সামনে, ঠিক বোঝা যাচ্ছে না অথচ দুর্বোধ্য রহস্যের মত কিছু একটা ঘনি়ে
আসছে ভাবনার ওপরে। অথবা শোনা যাচ্ছে কেমন একটা দুর্গমত গর্জনের
মতো শব্দ,—বর্ষার সময় বখন কাঞ্চন-নদীর কুল-ছাপানো জল খর কল্লোলে বয়ে
বার আর দুই থেকে সে কল্লোল যেমন মনের মধ্যে আতঙ্ক-ভরা একটা
কৌতুহলকে সজাগ করে তোলে—ঠিক সেই রকম।

— পারবে না বোগেন ?

তৃতীয়বার প্রাণ করল মাষ্টার । তার চোখে বেন আগুনের বিস্মৃ চিকমিক করছে । ওই আগুনের স্পর্শ লাগল কি বোগেনের মনেও ?

• — পারিযু ।

—নতুন গান, নতুন কথা ?

—পারিযু ।

মাষ্টার বললে, কিন্তু তার দায় আছে, অসুবিধেও আছে ।

বোগেন চুপ করে রইল ।

—গুগোল হতে পারে ।

বোগেন জবাব দিল না ।

একটা ছোট কাঠি দিয়ে অজ্ঞমনস্কভাবে মালসার আগুনটাকে খোঁচা দিচ্ছিল মাষ্টার । হঠাৎ বেন আগুনটা জোরালো হয়ে উঠল—ঝেড়ে ফেলে দিলে ছাইয়ের হালকা আগুনটো । মাষ্টারের হাতের কাঠিটা জলে উঠল দপ্ করে ।

মাষ্টার বললে, যদি ভয় পাও, তবে বলব না । কিন্তু বোগেন, তোমার গায়ের মাহুঘদের ভেতরে তুমিই খানিকটা লেথাপড়া শিখেছ, এই অঙ্কদের ভেতরে তোমারই চোখ খুলেছে । এ কাজ তুমি না করলে কে করবে ? তুমি না নিলে কে নেবে এই ভার ?

কিন্তু মালসার আগুনটার মত বোগেনের মনের ওপর থেকেও ছাই সরে গেছে, কী একটা সেখানে ধক করে জলে উঠেছে মাষ্টারের হাতের ওই কাঠিটার মত ।

মহিম্বরের কাছ থেকে পাওয়া সেই অপমানের বহুপ্রাণবোধটা প্রসারিত হয়েছে একটা অর্থহীন প্রতিবাদে, একটা বহু বিতীর্ণ অপমানবোধে । মহলা বোগেনের মনে হল, একাজ সত্যিই তার—এ কাজের দাবি একমাত্র সেই-ই নিতে পারে ।

যোগেন বললে, আমি কাউক ডরাই না। কিন্তু কী গান লিখি, তুমি হামাক কহি দেন।

—বেশ আমিই বলে দেব।

মাষ্টার উঠে দাঁড়ালো : রাত খুব বেশি হয়ে গেছে, অনেকটা রাত্তা আমাকে ফিরে বেতে হবে। তোমারও ঘুমোনো দরকার। আমি আজ চলি যোগেন।

—অথনি যাচ্ছেন ?

—হ্যাঁ, এথনি যাব।

—কিন্তু ই কপাটা কহিবার জন্ত ক্যানে এত আইতে আসিলেন ?

—কারণ আছে। সে কারণ পরে তোমায় বলব। শুধু একটা কথা বলি যোগেন। এ শুধু শুরু—এ শেষ নয়। তোমাকে দিয়ে অনেক কাজ করাতে চাই আমি, অনেক বড় কাজ। আর সে কাজ তুমিই পারবে। তুমি গুণী, তুমি শিল্পী। আমাদের কথা লোকের কানে পৌঁছায়, কিন্তু মনকে ছুঁতে পারে না। সে ভার যদি তুমি নাও—আমাদের দায়িত্বের বোঝা অনেক হালকা হয়ে যাবে।

বলেই আবার লজ্জিত হয়ে পড়ল বংশী মাষ্টার। বড় বেশি বলছে, বড় সাজিয়ে বলছে। এর প্রয়োজন নেই, কথার মূল্য কত নিরর্থক, অতুল মজুমদারের জীবনেই তা নিঃসন্দেহে প্রতিষ্ঠিত আর প্রমাণিত হয়ে গেছে। তবু খারাপ হয়ে গেছে অভ্যাস। মাষ্টারীর দোষই এই—বড় বেশি পরিমাণে বকিয়ে মারে।

মাষ্টার দরজার কাঁপটা খুলে বললে, আচ্ছা, চলুম আজ।

—কিন্তু কী লিখিব সিটা তো কহি গেলেন না ?

—কাল পরও আসব। কিন্তু মনে রেখো যোগেন, অনেক বড় কাজ তোমায় করতে হবে—অনেক বড় কাজ।

মাষ্টার বেরিয়ে গেল, বাইরে থেকে দরজাটা ঠেলে বন্ধ করে দিলে। এক

ঝলক শীতের হাওয়া এসে যোগেনের লেখার খাতার পাতাগুলোকে উড়িয়ে দিয়ে গেল।

আর অন্ধকারে এগিয়ে চলল বংশী পরামাণিক—কিরে চলল শূন্য মাঠের কনুকে উগ্র বাতাসের মধ্য দিয়ে। চাঁদ ডুবে গেছে—কুয়াশার আকাশের তারাগুলো বিচিত্রভাবে ঝাপসা হয়ে আছে। তরুতার আচ্ছন্ন রাত্রি—শুধু বহুদূর থেকে একটা ক্ষীণ কান্না যেন ভেসে আসছে। মড়াকান্না নিশ্চয়—ওর একটা অস্বস্তিকর ধরণ আছে, ওর স্বরের ভেতর আছে অবাঞ্ছিত অনিবার্ণতার চিরন্তন-সংকেত।

শীতের বাতাস সর্বদে দাঁত বসিয়ে দিতে চাইছে, ঠাণ্ডায় যেন ছিঁড়ে যেতে চাইছে কান দুটো। তবু মনের মধ্যে যেন পথ হাঁটতে লাগল মাঠার। সেখানে শীতার্ভ রাত্রির আড়ষ্টতা নেই, আচ্ছন্নতাও নেই। একটা তীব্র উত্তাপ, অসহনীয় এতটা আগ্নেয় জ্বালা। এই নির্জন মাঠের ভেতর শুধু বাংলা দেশের কয়েকটি বিচ্ছিন্ন জনপদই রূপ ধরেনি, সেখানে প্রতিফলিত হয়েছে সমগ্র ভারতবর্ষ। ওই মড়াকান্নার শব্দ তারই বুকের কান্না, ওই রাত্রির শিশিরে তারই চোখের জল ঝরে পড়ছে ফোঁটার ফোঁটায়।

তবু নির্জন পথ। তবুও নিঃসঙ্গ রাত্রি।

উপায় নেই, ডাক শুনে কে .কউ এল না, তাই 'একলা চলবে'। আজ প্রায় পাঁচ বছর ধরে একা পথ চলেছে অতুল মজুমদার, তার জন্তে সহায়হুতি হয় বংশী মাঠারের। আর অতুল মজুমদারও তো মাহুষ। তারও একটা মন আছে, একটা অতি দুর্বল জায়গা আছে, যেখানে সে স্পর্শাতুর—যেখানে ছোঁয়া লাগলে আঙ্গ ও টনটন করে ওঠে।

আচ্ছা আজ কোথায় সে, সেই ছোট মেয়েটি?

নাম বোধ হয় শান্তি। ময়লা রঙ, ছোটখাটো মেয়ে। বয়স বতটা বেড়েছে মন তার অর্ধেকও বাড়েনি। কপালে উজ্জ্বল একটি সবুজ টিপ। কথায় কথায় সে এত বেশি তর্ক করে যে সামলানো মুকিল। অতুল মজুমদারের

যত একটা মূল্যবান তারিখি মানুষকে পর্বন্ত তুলত নাগানাবুদ করে। আর তার সেই হাসি। বাঁধভাঙা স্বর্ণার জলের মত উৎসারিত হয়ে পড়ত— অকারণে যে কত খুশি হয়ে হাসতে পারে মানুষ, শান্তিকে না দেখলে তা বুঝতে পারা যায় না।

আজ কোথায় শান্তি, কতদূরে? সে সব খেলাঘরের দিনগুলো কি এখনো মনে আছে তার? এই রাত্রি—এই মুহূর্তে হয়তো তার ঘরে একটি নীল রঙের ইলেক্ট্রিক বাতি জলছে, হয়ত উষ্ণ লেপের ভেতরে কারো উষ্ণ বুকের আশ্রয়ে তার হৃদোখে অপক্লপ স্বপ্নভরা ঘুম জড়িয়ে আছে।

কিংবা—

কিংবা নিদ্রিত চোখের কোণ বেয়ে এক ফোঁটা চোখের জল পড়ছে অসতর্ক স্বপ্নের অবকাশে। হয়ত একটা মানুষ একদিন তার জীবনে এসেছিল, স্বপ্নের মধ্যে মূহু বেদনার মত সেদিনের স্মৃতিটা সাড়া পেয়েছে তার চেতনার?

প্যেং! মাষ্টার নিজেই একটা দমক দিলে। বাজে রোমাঞ্চিসিম্। কনকনে ঠাণ্ডা আর শনশনে শীতের বাতাস। চাঁদ ডুবে বাওয়া কুয়াশার মেশানো ঘোলাটে অন্ধকার। দূরে মড়াকান্নার আকুতি।

এই সত্য—এই তো পথ। ‘একলা চলো, একলা চলো, একলা চলোরে’ সঙ্গী? স্বপ্নবিলাস। ভালবাসা? বিপ্লবীর পাথের নয়, বন্ধন।

মাষ্টার জোরে জোরে হাঁটতে শুরু করল। রাত শেষ হওয়ার আগেই পৌছতে হবে তাকে। অনেক কাজ, অনেক কাজ বাকী।

পাঁচ

বেলা বেশ চড়েছে, ঘরের মধ্যে তখনো আধারে ঘুমুচ্ছিল বংশী মাষ্টার। জানালাটা দিয়ে রোদ পড়েছে মাচার বিছানায়, শীতের সকালের সোনালি রোদ এসে ছড়িয়েছে মাষ্টারের রাত্রি-জাগরণক্লান্ত চোখে-মুখে। বাইরের সবুজী বাগান থেকে ঘরের মধ্যে শিশির স্নিগ্ধ বাতাসে ভেসে আসছে কপির পাতার গন্ধ, মূলো ফুলের গন্ধ। ময়লা লেপটাকে শরীরের সঙ্গে অত্যন্ত ঘনিষ্ঠ করে নিয়ে নিবিড় নিদ্রায় নিমগ্ন আছে মাষ্টার।

এমন সময় মহিন্দর এসে ডাকাডাকি শুরু করে দিলে।

—ওহে মাষ্টার, মাষ্টার হে?

ঘুমের মধ্যে মাষ্টার শুনতে পেল অস্পষ্ট ডাকটা। কিন্তু তখনো জাগবার অবস্থা নয়, বিরক্তভাবে কী একটা বিড় বিড় করে সে পাশ ফিরে গুল। পিঠের নীচে মড়মড় করে উঠল মাচাটা।

—শুনিছেন হে মাষ্টার, আর কত ঘুমাছেন!

এইবার টকটকে লাল দুটো চোপ খুলল মাষ্টার, শূন্যদৃষ্টিতে একবার ডাকাল ওপরের দিকে—যেখানে ঘরের চালে কালো ঝুলের ওপরে সূর্যের আলো এসে পিছলে পড়েছে। অর্ধচৈতন্য মনের কাছে সমস্ত পরিবেশটা কেমন নতুন আর খাপছাড়া বলে মনে হল।

—মাষ্টার উঠছেন?

মহিন্দর অর্ধৈর্ষ হয়ে উঠেছে। এবার এসে নাক গলিয়েছে খোলা জানলায়, ডাক দিলে : উঠো হে উঠো। ঢের বেলা চটি গিছে।

মুখ বিকৃত করে মাষ্টার বললে, আঃ—তারপর গভীর বিতৃষ্ণার সঙ্গে লেপটা সরিয়ে উঠে বসল। একটা হাই তুলে বললে, আঃ, এই সকাল বেলায় কেন ডাকাডাকি শুরু করলে ?

—সকাল তুমি কুঠে দেখিলা মাষ্টার। বেলা পহর চড়ি গেইছে।

—নাঃ, তোমাদের জালায় আর ঘুমোনো যাবে না।

বিছানার দিকে একবার করুণ চোখে তাকিয়ে মাষ্টার মাচা থেকে নেমে পড়ল। ময়লা চাদরটা গায়ে জড়িয়ে দরজা খুলে দিলে, বেরিয়ে এল দাওয়ার। বললে, কী খবর ?

—তুমার হুঁকার জল লি আছ। গাছগুলাত, ছিটাই দাও, পোকা পালাই যিবে।

—তা তো যিবে।—মহিন্দরের হাতের ভাঁড়টার দিকে তাকিয়ে মাষ্টার বললে, এত জল পেলে কোথায় ?

—পামু ফের কুনুঠে! বাড়িত্ যত মানুষ মাইন্দার দিনরাইত বড়র বড়র করি হুঁকা টানোছে, পানির অভাব হেবে ক্যানে ?

—যাক্, ভালোই করেছ।

ভাঁড়টা রেখে মহিন্দর বললে, শুধু ওইটা কামের জন্তই হামি আসি নাই।

—তবে আরো কী কাজ আছে ?

—সিটাই কহিতে তো অসিহ্ন। নায়েব আলছে, তোমার সাথ্ দেখা করিবা চাহোলে।

—নায়েব !—বংশী বিস্মিত হয়ে বললে, কোন নায়েব ?

মহিন্দর অহুঙ্কাভরে বললে, অনেক ‘নিখিলে’ কী হেবে, তুমি বড় বোকা আছেন মাষ্টার ! নায়েব ফের নায়েব—কোন নায়েব হেবে আবার !

—ওঃ, বুঝেছি। তোমাদের জমিদারের নায়েব।

—ইবারে ঠিক ধরিলে—মহিন্দর বললে, হামাদের জমিদার বড়াল বাবুর নায়েব।

—কোথায় উঠেছেন নায়েব মশাই ?

—তুমি কেমন লোক আছেন হে মাষ্টার ? মহিম্মর এবার বিরক্ত হয়ে জবাব দিলে, ইঁস কান্নারের উপরে টিনের চালীখান দেখেন নাই ? ওইটাই তো কাচারী । নায়েব আসিলে উখানে উঠে, তশিল করে । হামাদের সবজনার ব্যাগার দিতে হয় ।

—তা আমাকেও ব্যাগার দিতে হবে নাকি ? তাঁর পা ধোয়ার জল দিতে হবে, রান্নার কাঠ কেটে দিতে হবে, নয়তো পা টিপে দিতে হবে ?

মাষ্টার হাসল ।

মহিম্মর জিভ্ কাটল : ছিঃ ছিঃ ইগ্লান কী কহিছ । ●তুমি হামাদের মাষ্টার, ঢের নিখিছ, তুমার মান নাই ? উগ্‌লা ছোটলোকের কাম—উগ্‌লা তোমাকে ক্যানে করিবা হেবে ? হামরা আছি না ? আর হামাদের নায়েব মশাই সিরকম মাছুষ নহ, মানীর মান রাখিবা জানে ।

—তাই নাকি ?—মাষ্টারের মুখে কোড়াকের রেখা দেখা দিলে ।

মহিম্মর বললে, ইঁ ইঁ ! একবার নায়েব হামাক কহু আনিবা কহিলে । তো কহুর সময় নহে, কুন্‌ কহু পাম্‌ হামি ? ঢের খুঁজিছ, না মিলিল্ । আসি কহিতেই, হাঁয়রে বাপ, আগি (রাগি) একদম রাগুন (আগুন) হই গেল্ । কহিলে, শালা, কহু নাইতো জাল মাছ (চিংড়ি) থাম্‌ কেমন করি ! বলি মারিলে এক লাথি, হামি পড়ি গেছ ।

মাষ্টার রুদ্ধস্বরে বললে, লাথি মারলে ?

—মারিলে তো । বাম্‌হনের ছোয়া একটা লাথি মারিলে তো কী হৈল্ ? তো লাথি খাই ভারী রাগ হই গেল্‌ মোর, হামি চলি আছ বাড়িত । এক ষড়ি বাদ পেয়াদা পাঠাইলে । হামি ভাবিছ, বাপ, ইবার জুতা মারি হামার পিঠ উড়াই দিবে ।

—উড়িয়ে দেয়নি ?

—হঁঃ, কী বে কহিছেন মাষ্টার । তেমন মাছুষখান পাও নাই উমাক ।

হামি বাইতেই দুঃখ করি কহিলে, মহিন্দর, আগ (রাগ) করি তুমাক হারি
হামার মন বড় খেদ করোছে। তুমি মানী লোক—কামটা হামার তুল হই
গিটছে। তো আগ করিওনা—ই টাকাটা লিই বাও, তোমার চ্যাংড়াঙলাক
মিঠাট খাবা দিও।

—বাক—মাষ্টারের মূখে একটা বিকৃত হাসির রেখা ফুটে উঠল : তা হলে
সতিাই মানীর মান রাখতে জানে দেখছি।

—না তো কী ? তুমাক বুটাই কহিছ ?

—হঁ, বুঝলাম। মাষ্টার বড় করে একটা দীর্ঘশ্বাস ফেলল, তা হঠাৎ
আমার সঙ্গে তিনি দেখা করতে চাইছেন কেন ?

—হামি কহিছ না ? কহিছ, মাষ্টার বড় পণ্ডিত লোক—ভিনদেশী মাছব।
হামাদের বড় উপকার করে, ঘর ঘর বাই খোজ খবর লেয়। শুনি কহিলে,
হামার ঠাই মাষ্টারক ভেজি দিও মহিন্দর, হামি আলাপ করিম্।

মাষ্টার হাসল : আচ্ছা বাব। বিকেলে দেখা করব।

—না, না। এবার মহিন্দর শঙ্কিত স্বরে বললে, সকালেই বাইও। কহিছে
যখন তখন মানী লোকটার কথাটা তো রাখিবা হয়।

—আচ্ছা বেশ, একটু পরেই যাচ্ছি।

—ই—ই জলদি বাইও। মহিন্দর বললে, হামার ফের ভাড়া আছে,
গোকর দুখ যোগাড় করিবা হেবে, খাসি আনিবা নাগিবে। হামাকেই ফের
বরাত দিলে কিনা। তুমি কিছ বাইও হে মাষ্টার—ভুলেন না।

—না ভুলব না।

দ্রুত চলে গেল মহিন্দর, অত্যন্ত তটস্থ আর বিব্রত মুখের চেহারা। নায়েব
মহাশয়ের অভ্যর্থনার দায়িত্ব লাভ করে অত্যন্ত চরিতার্থ হয়েছে বুঝতে পারা
যায়। গ্রামে এত লোক থাকতে এসব ব্যাপারে নায়েব তাকেই অগ্রগণ্য করে
পাঠেন, এই গর্ববোধটা বেশ প্রত্যক্ষ আর উজ্জল হয়ে ফুটে উঠেছে মহিন্দরের
সর্বাত্মক।

মাষ্টার সর্বোত্তম হাঙ্গল, মানীর মান রক্ষার আসল তাৎপর্যটা বুঝতে পারা
বাচ্ছে। নায়েব চালাক লোক, গোকু মেরে জুতো দানের বিজ্ঞাটা আয়ত্ত
আছে তার।

কিন্তু হঠাৎ তাকে ডেকে পাঠানোর অর্থটা কী? সংশয়ে মাষ্টারের
চোখমুখ কুঞ্চিত হয়ে উঠল। শুধুই পরিচয়, শুধুই খানিকটা আলাপ এবং
অল্পগ্রহ বিতরণ? অথবা?

মাষ্টার বড় করে একটা হাই তুলল, তারপর হাঁকোর জলের ভাঁড়টা নিয়ে
নেমে গেল সবজী বাগানে। মূলোর পাতা তার সর্বাত্মক স্নেহের ছোঁয়া বুলিয়ে
দিলে, বিলিভী বেগুন গাছ থেকে টপটপ করে কয়েক ফোঁটা অবশিষ্ট শিশির
ঝরে পড়ল তার পায়ে ওপর, তার মুখের দিকে তাকিয়ে দুঃশুভ্র কপির ফুল
বেন আনন্দে হাসতে লাগল।

কাদরের সামনে উচ্চ ডাঙার ওপরে কাছারী বাড়ী। একখানি টিনের চালা
একফালি বারান্দা। সেইখানেই দিবিয় জাঁকিয়ে বসেছে নায়েব নীলেশ চট্টরাজ।
পাকানো শরীর, শকুনের মতো ধারালো চোখ। দেখলেই বোঝা যায়, নায়েবী
করে করে নিজেকে একেবারে তৈরী করে নিয়েছে। কেউ যখন আসে তখন
সম্পূর্ণভাবে তার দিকে তাকায় না। একটা চোখ বন্ধ করে আর একটা সংকুচিত
করে নিয়ে পর্যবেক্ষণ করে কেমন বিচিত্র ভঙ্গিতে। অর্থাৎ মায়ুমকেই শুধু দেখে
না, তার ভেতরে যেন আরো একটা কিছুকে সে আবিষ্কার করতে চায়।

আপাতত সকালের রোদে তৈলাভ্যঙ্গ চলছে তার। সাহারাত গোকুর
গাড়ির ঝাঁকুনি খেয়ে এসেছে, এই তৈল মর্দনের সাহায্যেই গায়ের ব্যথা দূর
করবার বন্দোবস্ত। বসেছে একখানা জলচৌকির ওপরে। খালি গা, ঠোঁট
কাপড় পরণে। কালো কুচকুচ হাড় বের করা শরীর সম্পূর্ণ অনাবৃত; গলায়
কাঁচো কাচা পৈতেটা মালার মতো করে জড়ানো। মাথার মোটা টিকিটার
এমন কায়দা করে গিট দেওয়া হয়েছে যে সেটা নেতিয়ে পড়েনি, বেশ দৃঢ়
আত্মমর্দাদায় একটা রেফের আকারে আকাশকে সংকেত করছে।

সন্ধ্যাবেগে আগের বংশী মাটির একপলকে জিনিষটা বিশদভাবে অনুধাবন
করবার চেষ্টা করলে। সত্যিই দেখবার এং পুলকিত হওয়ার মতো।
দুজন লোক যে রকম ঘরানু দেহে ওই ক্ষীণ দেহটিটিকে দলাই মলাই করছে,
ঘোড়া কিংবা তেজালো মহিষ না হলে তা বরদাস্ত করা শক্ত। কালো শরীরটি
থেকে যেন আলো পিছলে পড়ছে, অন্তত সেরখানিক তেল খরচ হয়ে গেছে
তাতে সংশয়মাত্র নেই।

কিন্তু ওই প্রচণ্ড মর্দন ব্যাপারেও চট্টরাজ সম্পূর্ণ অনাসক্ত। তৈল-সিঁকনে
চির-অভ্যস্ত নায়েবের ওতে আর ক্ষতির দ্বি হয় না। হাতের হাঁকোটা
থেকে নিয়মিত ধূমপান করতেন এবং সেই সঙ্গে কথামৃত বর্ষণও চলছে
সমানভাবে।

বেশিক্ষণ নীরবে দেবদর্শনের সৌভাগ্য হল না মাষ্টারের। চট্টরাজ তাকে
দেখতে পেলেন। নায়েবের হিসেবী চোখ, প্রথম দৃষ্টিতেই চিনতে ভুল
হল না।

—এই যে, নমস্কার। আসুন আসুন।

প্রতিনিমস্কার করে মাষ্টার এগিয়ে এল।

—আপনি এখানকার স্থলের মাষ্টার নয়?

বংশী মুহূ হেসে বললে, আজ্ঞে হাঁ, কিন্তু আপনি চিনলেন কী করে?

—আরে এই বয়সেও মুখ দেখে মানুষ ঠাহর করতে পারব না? আপনি
হাসালেন মাষ্টার মশাই। আসুন, বসুন এখানে।

একটা জলচৌকির দিকে অঙ্গুলি নির্দেশ করলেন চট্টরাজ। বংশী
বসল। এতক্ষণ লক্ষ্য করেনি, একটা পাখা নিয়ে পিছনে মাটিতে বসে বাতাস
করছে মহিন্দর। এইবারে কথা বলবার সুযোগ পেল সে: হামাদের
মাষ্টার খুব পণ্ডিত, ডের নিখিছে, ছাপার হরফে কথা কহিবা পারে নায়েব
নশাই।

—তাই নাকি?—অপত্য স্নেহের মত একটা কোমল হাসি হাসলেন

চট্টরাজ : বেশ, বেশ। কিন্তু পণ্ডিত হলেও তো ব্যাটীদের দাস্ত কিরে ?
তোদের বিত্তে তো ওই জুতো সেলাই পর্যন্ত। তোদের পক্ষে পণ্ডিত যাঁটার
বা—একটা গোরুও তো তাই। কী বলিস রে ?

নিজের রসিকতায় নায়েব যশাই হাসলেন মহিন্দর হাসল। যারা পা
টিপছিল তারাও হাসল। কিন্তু চট্টরাজ আড়চোখে তাকিয়ে দেখলেন, বংশী
যাঁটার হাসল না। ভ্রতটোকে একটু কুঞ্চিত করলেন সন্দ্বিধভাবে, তারপর
হঁকোয় একটা লম্বা টান দিলেন।

—কতদূর পড়েছেন আপনি ?

—এই সামান্য সামান্য।

—ইত্থলে পড়েছেন ?

—হাঁ, তাও পড়েছি।

হঁকোটা যুথের সামনে খাড়া রেখে খানিকক্ষণ চোখ মিট মিট করলেন
চট্টরাজ : নর্ম্যাল পাশ করেছেন ?

—না, তা করিনি।

—ওঃ, নর্ম্যাল পাশ করেননি !—নায়েবের গলার স্বরে যেন স্বস্তির আভাস
পাওয়া গেল : আমিও গোড়ার দিকে পণ্ডিতই করেছিলুম কিনা। নর্ম্যাল
পাশ করেই স্বক করি। আর তখন পড়েছিলুম ‘মেঘনাদ বধ কাব্য’—আহা,
তার কী ভাব !

চট্টরাজ হঠাৎ যেন অপ্রতীক্ষিত হয়ে গেলেন। মেঘনাদ বধের স্মৃতিতে তাঁর
চোখ বুজে এল, কণ্ঠ হয়ে উঠল আবেগবিহ্বল। হঁকোওক্ক হাতখানা একদিকে,
আর একখানা আরেকদিকে এমনভাবে বাড়িয়ে দিলেন যেন কাউকে আলিঙ্গন
করতে যাচ্ছেন তিনি। তারপর বিস্ত্রিভাবে শুরু করে দিলেন :

“হা পুত্র, হা বীরবাহু, বীর চূড়ামণি

কী পাশে হারানু আমি

তোমা হেন খনে !

হাযরে কেমনে

সহি এ বাতনা আমি ?

কে আর রাখিবে

এ বিপুল কুল-মান এ কাল-সময়ে ?”

যদুনা যে অসম্মত হইছে তাঁর মুখ দেখলে সে সম্পর্কে আর ভুল করবার কারণ থাকে না। এবারে বংশী মাষ্টারের সত্যিই হাসি এল—কিন্তু এ অবস্থায় আর বাই হোক হাসা চলে না।

চট্টরাজ হাঁপিয়ে গিয়েছিলেন। তাঁর কণ্ঠ এবং বাহু-তাড়নায় ইতিমধ্যেই অঙ্গসেবাটা বন্ধ হয়ে গেছে, থেমে গেছে মহিন্মরের হাতের পাখা। ইহা করে সব তাকিয়ে আছে তাঁর মুখের দিকে। সবার ওপর দিয়ে গবিত দৃষ্টি বুলিয়ে নিয়ে চট্টরাজ বললেন, কী বলেন মাষ্টার মশাই, ঠিক হয়নি ?

—আজ্ঞে চমৎকার হয়েছে।

—তব্তো বয়েস নেই—চট্টরাজ বললেন, এককালে যাত্রাও করেছিলুম। কিন্তু কী আর করব মশাই, পেটের তাগিদে রস-কষ কিছু কি আর রইল ? কাব্যটাব্য আর নেই এখন, এখন শুধু বাকী-বকেয়া, আদায় তশীল, লাটের কিস্তি আর দেওয়ানীর হাদ্দামা।

—আজ্ঞে সে তো বটেই।—বিনীত ছাত্রের মতো মাথা নাড়ল মাষ্টার।

—বাক, আপনার সঙ্গে আলাপ করে ভারী আনন্দ হল। তা এখানে আপনার ছাত্রেরা পড়ে কেমন ?

—ভালোই পড়ে।

—হু, ভালই পড়ে!—চট্টরাজ মুগ্ধ বিকৃত করলেন : এরাও পড়বে, উচ্চিৎসেও হবে শিকরে বাজ। জেলাবোর্ড ইন্সুল করে দিয়েছে—এইড্ দিচ্ছে। আপনার মতো একটি ভদ্র সম্ভান দুটি করে থাকেন—এই বখেটে। কী বলেন, অ্যা ?—নায়েব হ্যা হ্যা করে হাসতে লাগলেন, মুখটা একবার কোঁচার খুঁট দিয়ে মুছে নিলে বংশী মাষ্টার। কথার সঙ্গে সঙ্গে গুঁড়ো গুঁড়ো

বৃষ্টির মতো থুথু ওড়ে চট্টরাজের। মাষ্টার জবাব দিলে না, অল্প একটু হাসল মাত্র।

—আপনার দেশ-কোথায় মাষ্টার মশাই?

—ফুলবাড়ী।

—কোন ফুলবাড়ী?—নায়েব কৌতূহলী হয়ে উঠলেন।

—দিনাজপুর।

—ওঃ, হিলির পরে সেই ফুলবাড়ী? বেশ বেশ। তাঁ ফুলবাড়ীর কোথায় আপনার বাড়ি?

বংশী একবার কপালটাকে মুছে নিলে : ওই ষ্টেশনের কাছেই।

—ষ্টেশনের কাছেই? কোন্ বাড়ি বলুন তো?

বংশী একটা টোক গিলল, পরামাণিক বাড়ি।

—পরামাণিক বাড়ি!—চট্টরাজ বললেন, ঠিক চিনলাম না তো। ওখানেই আমার আমার বাড়ি কিনা? কোন্ পরামাণিক?

বংশীর কান বাঁ বাঁ করতে লাগল : জলপর পরামাণিক।

—অঃ!—চট্টরাজ বললেন, তা হলে নতুন পত্তন। আমি যখন আগে গেছি তখন দেখিনি সে বাড়ি।

অকূলে যেন কূল পেল বংশী : হাঁ হাঁ, নতুন পত্তন। মাত্র সামান্য কিছুদিন—

—অঃ—চট্টরাজ এবার চুপ করে গেলেন। তারপর হাঁকোয় আর একটা টান দিলেন। কিন্তু বৃকের ভিতরে তখনও দুৰ্দ্ধৃক করছে মাষ্টারের। যদি ওইখানেই চট্টরাজ না থাকেন, যদি আরো আগেকার খবর জানবার জন্তেও তাঁর কৌতূহল প্রবল হয়ে ওঠে তবে সে অবস্থাটা স্থখের হবে না। মরিয়া হয়ে বা খুশি একটা বলে দেবে—কয়েদাটুর কুয়ালানামপুর কিম্বা কামক্কাটকা। কিন্তু চট্টরাজ আর প্রশ্ন করলেন না। একটু চুপ করে থেকে জিজ্ঞাসা করলেন, সুনলুম, আপনি নাকি এখানকার ইস্কুলে সরবরতী পুছো করতে চাইছেন।

—হ্যা, তাই ঠিক করেছি।

মাঝখানে কথায় আবার একটা কোড়ন দিলে মহিন্দর : হ, মোরা ঠিক কইয়ু।

চট্টরাজ ধমক দিলেন : তুই চুপ কর দেখি। সব কথায় তোদের কথা কইতে আসা কেন ? যাকে জিজ্ঞেস করছি সেই জবাব দেবে।

—হ, সিটা তো বটে।—মানী লোক মহিন্দর নিম্ভ হয়ে গেল।

চট্টরাজ আবার বংশীর দিকে তাকালেন : পূজা তো করবেন কিন্তু কেমন করে করবেন ?

—যেমন করে পূজা হয়।

—তা তো হবে না।—চট্টরাজ গভীরভাবে মাথা নাড়লেন : পুঙ্ত তো পাবেন না। কোনো বামুন রাজী হবে না চামারের পূজা করতে।

—তা হয়তো হবেন।

—তা হলে ?

—আমরাই পূজা করব।

—আপনারা!—জলচৌকির ওপরে প্রায় সোজা হয়ে উঠে বসলেন চট্টরাজ :

তার অর্ধটা তো ঠিক বুঝতে পারছি না। ময় পড়বে কে ?

বংশী মুহ হাসল : দরকার হলে আমিই পড়বো।

—আপনি!—চট্টরাজ প্রায় আর্তনাদ করে উঠলেন : আপনি কী জাত ?

—পরামাণিক।

—পরামাণিক ? নাপিত ?

—হা, তাই।—বংশী শাস্ত স্বরে জবাব দিলে।

—আপনার কি মাথা ধারাপ ?

—না, মাথা আমার ঠিকই আছে।

—অঃ!—চট্টরাজ আশ্চর্যভাবে সংবত হয়ে গেলেন। তারপর মাঠাবের

দিকে শাণিত দৃষ্টি বাড়িয়ে দিয়ে বললেন, নাপিতও আজকাল বামন হয়ে উঠেছে নাকি ?

—দোষ কী !

—হঁ ?—চট্টরাজ তেমনি সংযত স্বরে বললেন, পূজা করা ছেলেখেলা নয়, তা জানেন ?

—জানি ।

—হিন্দুধর্ম হেলাফেলার জিনিষ নয়, সেটা জানেন ?

—হ্যাঁ, তাও জানি ।

হঁকোর আঙুনটা নিবে গিয়েছিল, কলকেটাকে এবারে মাটিতে ঝেড়ে ফেললেন চট্টরাজ : তবুও আপনি পূজা করবেন ঠিক করেছেন ?

—তাই তো ভাবছি ।

—আচ্ছা, করুন । মন্দ কী । কলিকাল—এই চামার ব্যাটারাও কবে পৈতে গলায় দিয়ে চাটুষ্যে বাঁড়ুয্যে হয়ে উঠবে বোধ হয় । কিন্তু এটা জানেন তো, জমিদার এই গ্রামের মালিক ? দেশটা একেবারে অরাজক নয় ?

—তা জানি ।—বংশী চাপা ঠোটে বললে, ইন্সুলটা কিন্তু জেলা বোর্ডের, জমিদারের সম্পত্তি নয় ।

—হঁ, আপনি অনেক কিছুই জানেন দেখছি । বাক—আপনার সঙ্গে আলাপ করে বড় আনন্দ হল । পরে আসবেন এক সময়—চট্টরাজ হাত তুললেন ।

—নমস্কার ।—সম্ভাষণ জানিয়ে বংশী বিদায় নিলে ।

সকালে পৌছেই খুব হাঁকাহাঁকি শুরু করেছে স্বরেন, যেন কোথা থেকে মস্ত একটা দিগ্বিজয় সেবে এসেছে। বাড়ির দরজা তখনো খোলেনি, চড়া গলায় স্বরেন চ্যাচাতে লাগল : একটা মানুষও বে সাড়া দেয় না হে, সব মরি গেইল্ নাকি ?

ষোগেনের মা বেরিয়ে এল বিরক্ত হয়ে : অমন চিলাহিস ক্যানে ? হৈল্ কী ?

—হৈল্ কী ?—স্বরেন ক্ষেপে উঠল : চউখ নাই, দেখিবা পাও না ?

সত্যিই দ্রষ্টব্য। স্বরেন বউ আনেনি, কোথেকে একটি মেয়েকে এনেছে জোগাড় করে। চোন্দপনেরো বছরের একটি ফুটফুটে মেয়ে—কপালে উল্কির দাগ। ভীকু চোখ মেলে অবাক বিন্ময়ে নতুন পরিবেশটাকে অমুখাবন করতে চাইছে।

—ওমা !—ষোগেনের মা চোখ কপালে তুলে আনলে : ই কাক্ নি আলু ?

—কেব্ব কাক্ ? হামার শালী।

—আইস মা, আইস।—ষোগেনের মা আপ্যায়ন করলে : তা ইয়াক্ তো নিয়ে আইলি, বউক্ হুনঠে রাখি আলি ?

—মা মরি গেইছে, বউ কাঁদোছে। হামাক্ কহিলে, কয়দিন বাপের ঠাই থাকিমু, তুমি বহিনটাক্ নিয়ে যাও। উয়াক্ তো এখন দেখিবার কেহ নাই। বড় হইছে, বাড়িত্ দেখিবার মানুষ নাই—কয়টা দিন থাকি আশুক।

বোগেনের মা বললে, তো বেশ। তুমার নাম কী মা?

মেয়েটি নির্জীব গলায় বললে, সুনীলা।

—সুনীলা? আইসো মা, বাড়ির ভিতর আইসো।

সুনীলা নীরবে লসংকোচে অগ্রসর হল। বোগেনের মা এক পলকে তাকিয়ে দেখল, তার চোখ দুটে। লাল—মুখখানা ফোলা ফোলা। বোঝা গেল সারারাত কেঁদেছে মেয়েটা, মায়ের শোকেই চোখের জল ফেলেছে। কেমন একটা করুণায় বোগেনের মার মন ভরে গেল, মনে হল সত্যিই বড় ভালো মেয়েটি—রসিক চামারের মেয়ের চাইতে অনেক ভালো।

বোগেন কোথায় বেরিয়েছিল। ফিরল বেশ বেলা করে। বাড়ির সামনে পৌঁছতে দেখে বাইরের দাঁওয়ায় বসে চামড়া কাটছে সুনেন। বোগেনকে দেখে মুখ বিকৃত করল।

—এই বে লবাব-পুস্তুর, হাওয়া খাই ফিরিলা?

বোগেন জবাব না দিয়ে পাশ কাটিয়ে চলে যাচ্ছিল, সুনেন আবার ডিজ্ঞাসা করলে, হারাণ এখনো ফিরেনি বাড়িত্? .

—না।

—কুন্ঠে গেইছে হারামজাদা?

—হামি কহিবা পারি না।

—সিটা পারিবা ক্যানে? খাছ, দাছ, গায় ফুঁ দিই বেড়াছ। হামি খাটি খাটি মরি গেইছ। তুমাংদের ভাবনা-চিন্তা তো কিছু নাই। ইবারে কুশালা আসিলে জুতা মারি বাহির করি দিমু বাড়ির থাকি।

—তো দিয়ো। খালি খালি হামার উপর চিন্তাছ ক্যানে?

—চিন্তামু না?—চটে গিয়ে অজ্ঞান গালাগালি শুরু করলে সুনেন।

টিক চটে গিয়েও নয়, এটাই অভ্যাসে পাড়িয়ে গেছে স্বরেনের। খুব খানিকটা বকাবকি করতে না পারলে স্বস্তি বোধ হয় না, কাজে মন বসতে চায় না। সকাল থেকে সন্ধ্যা পর্যন্ত এই পর্বই চলতে থাকবে নিরবচ্ছিন্ন ধারায়। অন্তএব বোগেন আর দাঁড়ালো না, সোজা বাড়ির ভেতরে এসে ঢুকল।

আর সেই মুহূর্তেই দৃষ্টি থমকে গেল বোগেনের। উঠোনে শীতের নরম রৌদ্র বসে চালের খুন্ বাড়ছিল একটি কিশোরী মেয়ে। চমকে পাড়িয়ে পড়ল বোগেন। প্রথম সূর্যের আলোয় বলয়ল করে ওঠা কিশোরী কোমল মুখখানি ভারী চমৎকার লাগল, বড় স্তন্য লাগল শান্ত ছুটি চোখের চকিত দৃষ্টি। শিঠের ওপর রাশি রাশি কৌকড়া চুল ভেঙে পড়েছে, সবটা মিলিয়ে যেন অপূর্ব একখানা ছবির মতো বোধ হল বোগেনের।

তারপরেই এল বিশ্বয়। কে এ, কোথেকে এল? গ্রামের কেউ নয়, এমন চলচলে মুখ নেই গ্রামের কোনো মেয়ের—সকলকেই সে চেনে। আকস্মিকভাবে তাদের বাড়িতে এমন একটি মেয়ের আবির্ভাব ঘটল কী করে?

পাশের ডোবাটা থেকে বাসন মেজে খিড়কি দিয়ে ঘরে ঢুকছিল বোগেনেরই মা। একবার তাকালো ছেলের দিকে, একবার তাকালো নতমুখিনী মেয়েটির প্রতি। তার পরে মৃদু হাসল।

—উ স্বরেনের শালী—সুশীলা। অর মা মরি গিইছে, তাই করটা মিনের স্রষ্ট্র এইঠে বেড়াবা আসিছে। বড় ভালো যেইয়া সুশীলা।

—ওঃ—বোগেন ঘরের ভেতর চলে গেল।

অনেকগুলো নতুন গান মনে এসেছে, তাই লিখতে বসবার ইচ্ছে ছিল বোগেনের। কিন্তু কাগজ-কলম নিয়ে বসেও কেমন অন্তমনস্ক হয়ে গেল। পথে চলতে চলতে যেগুলো নীহারিকার মতো আকারহীনভাবে মনের মধ্যে গুলতে ঘুরতে একটা স্থম্পষ্ট রূপ নেবার চেষ্টা করছিল, যে গানের কলি শুন্ শুন্ করে ভেসে আসছিল বারবার—হঠাৎ তাদের সবগুলি যেন কেমন এলোমেলো হয়ে গেছে। একটা নতুন কিছু সন্ধান হয়েছে সেখানে,

এতকণের গুছিয়ে-আনা স্বপ্নগুলিকে আর বেন খুঁজে পাওয়া যাচ্ছে না। কিন্তু এ আকস্মিক বাখাটা চেতনাকে বিচ্বাদ করে দেয়নি—বর্ষও ভালোই লাগছে। একটা অর্ধহীন ভালো লাগা ঘুরে ঘুরে পাক খাচ্ছে বুকের ভেতরে।

বেশ মেয়েটি। ফুলের মতো ঢলঢলে মুখ। নামটিও সুন্দর—সুশীলা। যোগেন ছাত্রবৃত্তি পর্যন্ত পড়েছে, সুশীলা কথাটা সে জানে, অর্ধও বোঝে। চেহারার সঙ্গে নামটির কোথায় বেশ চমৎকার সাদৃশ্য আছে বলে মনে হল যোগেনের। ভারী মিষ্টি করে নত চোখে মেয়েটি তাকিয়ে ছিল তার দিকে। সোনালি রোদে কালো চোখ দুটি তার জলজল করে উঠেছিল লজ্জার আর কৌতূহলে।

কালিতে কলম ডুবিয়ে যোগেন আঁচড় কাটতে লাগল একসারসাইজ্ বুকের কল করা পাতার ওপরে। হঠাৎ মনে হল, ভারী চমৎকার আজকের সকালটা। কাঁচা চামড়া, জুতোর কালি আর বাড়ীর পেচনের স্তূপাকার পচা গোবরের গন্ধকে ছাপিয়েও একটা মিষ্টি গন্ধ আসছে। কিসের গন্ধ, ঠিক বোঝা যায়না। ঘাসের, না শিশির-ভেজা মাটির, না অচেনা একটা ফুল ফুটেছে কোনোখানে? ভারী ভালো লাগতে লাগল। মাষ্টার যে গানগুলো শিখিয়েছে, তারা বেন কয়েক মুহূর্তের ভগ্নে এই নতুন অমুভূতিটিকে প্রসঙ্গমুখে পথ ছেড়ে দিলে। আরো খানিকক্ষণ কাগজে আঁচড় কাটলে যোগেন, কলমটা কাগড়ালো বার কয়েক, আত্মদান করে নিলে মনের এই লঘু চঞ্চলতাকে, সকালের এই মাদকতাকে, বাইরের এই বিষ্ময়বিচিত্র অপরিচিত গন্ধটাকে। কান পেতে শুনল, মেয়েটি মাঝে মাঝে তার মায়ের সঙ্গে কথা কইছে। কী বলছে ঠিক বোঝা গেল না, কিন্তু কথার স্বরটা বহুদূর থেকে ভেসে আসা একটা গানের রেশের মতো যোগেনের কানে বাজতে লাগল।

তারপরেই লিখতে শুরু করলে যোগেন।

খানিকক্ষণ লিখেই সে চকিত হয়ে উঠল। আবে, আবে—এ কী হচ্ছে!

এ তো আলকাপের পালা নয়, রসের গানও নয় । এ যে সম্পূর্ণ নতুন জিনিস !
নিজের লেখাটার দিকে যোগেন তীক্ষ্ণ দৃষ্টিতে তাকিয়ে রইল :

তোমায়ে দেখিলাম হে স্তম্ভরি,

মরি মরি !

কালো ছুটি নয়ন যেন ভ্রমর উড়ি যায়,—

ফুলের মতন বদন যেন স্বগন্ধ বিলায়,—

পলকে দেখাইয়ে ও রূপ

পর্যাপ্ত লিলে হরি—

মরি মরি !

রাজার কইয়া কেশবতী, মেঘের মতন চুল,

দেখাইয়া সকল হিয়া করিলা আকুল

তোমার রূপে মন মঞ্জিল—

কি করি, স্তম্ভরি !

এ কার রূপ ? এ কার বন্দনা ? যোগেন স্তব্ধ হয়ে বসে রইল ।

বেশিক্ষণ অপেক্ষা করতে হল না, সন্ধ্যা বেলাতেই যোগেনের মা কথাটা পাড়ল
স্বপ্নের কাছের । বড় বড় গ্রাসে স্বপ্নের মুখে মোটা মোটা লাল চালের ভাত
তুলছিল কড়াইয়ের ডাল মেখে । মায়ের কথায় সে চোখ বিস্ফারিত করলে ।

—কী কহিলা ?

—কহিলু তো ভালোই ।

—ভালোই কহিলা ?—স্বপ্নের এবার চোখ পাকালো দস্তরমতো : ইটাক
ভালো কথা কহিছ তুমি ? ইটা কেমন ভালো কথা ?

—ক্যান্, ছেইল্যা খারাপ নাকি হামার ?

—ছেইল্যা তো তুমার লবাব পুস্তুর, উয়াক খারাপ কহিবে, এমন মাথা
আছে কার বাড়ত ? কিন্তু উসব ছাড়ি দাও এখন ।

—ক্যানে, ছাড়িমু ক্যানে ?—মার এবারে রাগ হল ।

স্বরেন চড়া গলায় বললে, ক্যানে ছাড়িবা না ? তুমার ছেইলা তুমি নিচিন ! দিনরাত এইঠে ওইঠে ঘুরি বেড়াছে, ঘরের আধখানা কামেও নাগে না । উয়ার সাথ বিহা দিলে মেইয়াটার দুঃখের শেষ রহিবে না ।

—হঁ, তোকে কহিছে !—মা রাগ করে বললে, ছোয়াপোয়া কবে স্তংসার লিয়ে বুড়ার মতন বসিবা পারে ? বিহার আগে তোমহাক্ হামি দেখি নাই ? বাপ বন্ধিন আছিল, খাটি খাটি মইছে বুঢ়া, তুমিও তো লবাবী করি ঘুরি বেড়াছ । তুমার বিহা আটক থাকে নাই তো, উর বিহা ক্যানে থাকিবে ?

সত্যটা অনস্বীকার্য । আজকের বৈষয়িক এবং বিচক্ষণ স্বরেন চিরদিনই এমন পাকা হিসেবী ছিল না, তারও পেছনে আছে ছেলেবেলার অনেক কুকীর্তির ইতিহাস । তাড়ি খেয়ে মাতাল হয়ে জড়িয়ে পড়েছিল একটা রাহাজানির মামলায়, অনেক খেসারত দিয়ে বাপ তাকে উদ্ধার করে আনে সে বাত্মা । স্বরেন আজকে অবশ্য সাধু মহাত্মা সেজে বসেছে, কিন্তু মাকে বেশি ঘাঁটাতে গেলে এমন বহু ব্যাপার বেরিয়ে পড়বে যার তুলনায়—

স্বভরাং প্রসঙ্গটার মোড় ঘুরিয়ে দিলে স্বরেন ।

—একটার বিহা দিয়া তো দেখিলা । ওই হারামজাদা হারাণ—

মার মুখ বেদনার্ত হয়ে উঠল : উয়ার কথা ছাড়ি দে ক্যানে বাপ । উটা হামার ব্যাটা নহ, শয়তানের ছাও । বহুত পাপ করিছিহু, তাই হামার প্যাটে আসি জুটিলে । তো হামার যোগেন অমন হয় নাই—তুমরা দেখিবেন, ওই ব্যাটাটাই হামার মান রাখিবে, তোদের নাম রাখিবে ।

স্বরেন মুখ বিকৃত করে বললে, রাখি দাও, রাখি দাও । ওই যে কহছে না ?—

হাথী ঘোড়া ডহ না জানি,

ব্যাঃ কহে ক্যাতে পানি ?

যোগেনের মা বললে, তু খাম্ না কেনে ? হামি দেখিমু ।

—ত দেখিয়ে । স্ত্রীলার বাপক্ কহ, যদি বিহা দিবা চাহে, তবে না ?

—তাই কহিমু । মেইয়াটাক্ বড় ভালো নাগিছে হামার ।

—হঁ !—স্বরেন আর কথা বাড়ালো না, অতিকায় একটা ভাতের গ্রাস পুরে দিলে মুখের মধ্যে, গলা পর্যন্ত আটকে গেল । তার এসব বাজে কথা নিয়ে বেশি সময় নষ্ট করবার মতো উৎসাহ নেই ।

কিন্তু কথাটা চাপা রইল না । শেষ পর্যন্ত কানে এলো যোগেনেরও ।

প্রেম কাকে বলে, অস্তিত্ব নারীর রহস্য সম্পর্কে যোগেন এখনও যে একেবারে নাবালক তাও নয় । শহরে থাকতেই এ ব্যাপারে প্রথম দীক্ষালাভ হয়েছিল তার । একটা বখাটে সঙ্গী জুটিয়েছিল, সেই তাকে চাপা গলায় ফিস ফিস করে মাদকতাভরা একটা মায়-লোকের সন্ধান দিয়েছিল । প্রথম প্রথম আপত্তি করেছিল যোগেন । বলেছিল, না, না, হামার ডর নাগে ।

বন্ধু বলেছিল, পুরুষ মানুষ না তুই ?

তারপর সেই অন্ধকার সন্ধ্যা । পাঁচ পেঁচে গলির ভেতরে সারি সারি খোলার বাড়ি । মফঃস্বল সহরের মিটমিটে আলোয় কানা গলিটা যেন কুতুড়ে চোখ মেলে তাকিয়ে আছে । প্রত্যেক বাড়ির দরজায় দুটি একটি মেয়ে, অল্প অল্প আলোয় তাদের ভালো করে চেনা যায় না । খোঁপায় এক এক ছড়া করে ফুলের মালা জড়িয়ে নিয়েছে, বিড়ি টানছে দাঁড়িয়ে দাঁড়িয়ে । একটু দূরে দেশী মদের দোকান, প্রচণ্ড হুলা উঠছে সেখান থেকে ।

তাদেরই একজনের সামনে গিয়ে দাঁড়িয়েছিল হুজনে । জিজ্ঞাসা করেছিল, কত ?

মেয়েটি অনাসক্তভাবে বিড়ি টানতে টানতে বলেছিল, কতকণ ?

—এক ঘণ্টা ।

—এক এক টাকা করে লাগবে হুজনের ।

—আট আনা করে হবে ?

মেয়েটি কটু ভাষায় গাল দিয়ে বলেছিল, ওল্লিকের ওই বুড়ির কাছে যাও, দু'আনার রক্ষা হয়ে যাবে।

তারপর বারো আনা করে দাম ঠিক হয়েছিল। খিয়ের দু'আনা, পান খাওয়ার এক আনা। মেয়েটির হাত ধরে ভেতরে ঢুকেছিল সঙ্গী—পেছনে পেছনে যোগেন।

ঘরের মেঝেতে ময়লা রাজশয্যা। ছোট ছোট তাকিয়া। হারমোনিয়ম, তবলা-ডুগি। কিন্তু একঘণ্টা সময়ের মেয়াদ মেয়েটি তাড়াতাড়িই শেষ করে দিতে চেয়েছিল।

তারপর—

তারপরের কথা মনে পড়লে এখনো যোগেনের শরীর শিউরে ওঠে—চোখ বন্ধ হয়ে আসে। নির্লজ্জ কুশ্রীতার চূড়ান্ত রূপ দেখেছিল যোগেন, দেখেছিল কত অবলীলাক্রমে ঘরভরা আলোতেও সে বীভৎসতার লীলা। যোগেন থাকতে পারেনি, ছুটে পালিয়ে এসেছিল, বাড়িতে ফিরে সেই রাতেও কুয়ো থেকে ঘটি ঘটি জল তুলে স্নান করেছিল। আর সেই থেকেই মনটা অন্তত ভাবে বিমুখ আর বিতৃষ্ণ হয়ে গেছে নারী-দেহের সম্পর্কে—চোখের সামনে সে কর্মমতার ছবি এখনো জল জল করছে তার।

গ্রামে যখন ফিরে এল তখন তার মনটা ও সম্পর্কে বিচিত্রভাবে স্থির আর নিকব্বির হয়ে গেছে। মেয়েদের দেখে, ভালো লাগে তাদের হাসি-গল্পের গুলন, কিন্তু তার অতিরিক্ত কিছুই সে কল্পনা করতে পারে না। একটি মাত্র আঘাতেই একটা আশ্চর্য নিম্পৃহতা সঞ্চারিত হয়েছে যোগেনের মধ্যে,—প্রথম বৌবনের সহজ মোহাচ্ছন্নতাটা রূপান্তরিত হয়েছে একটা শাস্ত বিতৃষ্ণায়।

বেশ ছিল এতদিন—কিন্তু এ কী!

মনের একটা একমুখী প্রবণতা গড়ে উঠেছিল, গড়ে উঠছিল জীবন সম্পর্কে একটা নিশ্চিন্ত দৃষ্টি। বংলী মাঠার। আগুনের মতো জলজলে চোখ। গলায় স্বরে মেঘমস্ত গভীরতা। এ কাজ তুমিই করতে পারবে যোগেন, এর

দায়িত্ব একমাত্র তুমিই নিতে পারে।। তুমি কবি, তুমি শিল্পী, এর ভার তুমি না নিলে আর কে নেবে ?

গা ছম ছম করে উঠেছিল, রক্ত চন চন করে উঠেছিল। কাজ করতে হবে অনেক বড়ো, অনেক কঠিন কাজ। জমিদারের অত্যাচার, মহাজনের অত্যাচার। ব্রাহ্মণেরা তাদের ছুঁতে চায় না, মুচির পূজোয় পৌরোহিত্য করতে রাজী হয় না তারা। প্রতীকার চাই এর, প্রতিবিধান চাই। কথা দিয়ে যা বলা যায় না তাকে গান দিয়ে বলতে হবে; কানের কাছে যা শুধু ব্যর্থ আঘাত দিয়ে যায়, তাকে প্রতিষ্ঠা করতে হবে মনের ভেতরে—সঞ্চারিত করে দিতে হবে বৃকের রক্তধারায়। চারণেরা পথে পথে বীণা বাজিয়ে বেড়ায়, ডাক দেয় মাছুষকে, জাগিয়ে তোলে তাদের, হাতে এগিয়ে দেয় খোলা তলোয়ার। যোগেন কি হতে পারে না তাদের মতো ? না, শুধু তাদের মতোই নয়— তাদের চাইতে বড়, ঢের বড় !

কথাগুলো বলেছে বংশী মাষ্টার। গলার স্বরে যেন মেঘ ডাকে। চোখে যেন থর বিদ্যুৎ চমক দিয়ে যায়। বর্ষার সময় হুতুল ভরে ওঠা কাকন নদীর স্কন্ধ গর্জনের মতো একটা উগ্র ভয়ঙ্কর কলধ্বনি কানে এসে লাগে, একটা অজানা ভয়ে, একটা অনিশ্চিত সংশয়ে শরীর রোমাঞ্চিত হয়ে ওঠে—স্কন্ধ মধ্যরাত্রে ওই শব্দটা শুনে শুনে চোখে ঘুম আসতে চায় না।

কিছু একটা নতুন করতে যাচ্ছে যোগেন। পা বাড়িয়েছে সংশয়াকীর্ণ ভয়ঙ্করের পথে। যার ভবিষ্যৎ অজানা—যার পরিণতি দুর্বোধ্য। লড়াই করতে হবে—লড়াই করবার উৎসাহ দিয়ে জাগিয়ে দিতে হবে এই চাষা-চামারদের। যারা সকলের পায়ের তলায়, সকলের পায়ের জুতে যোগানো ছাড়া বাঁচবার আর কোনো অর্থই নেই বাদের কাছে।

মাষ্টারের নির্দেশ মতো এই গানটা লিখেছিল সে :

হায় হায় দেশের একি হাল,
যারা ক্ষেতে যোগায় ফসল,

তার ঘরত্ই নাইরে চাল।

মুখের গরাস লিলে কাড়ি,

লিলে জমি, লিলে বাড়ি,

বড় লোকের জুলুমবাজী

সহিমু আর কতকাল,

হায়রে কহ, দেশের ইটা কেমন হাল।

এই তো সত্যিকারের গান, এই তো নাহ্মকে আগিয়ে তোলায় স্বর।
এই স্বরেই এবারে গান বাধবে যোগেন। আলকাপের গান নিয়ে আর সে
শুধু তামাসা তৈরী করবে না, দেখিয়ে দেবে জীবনের সত্যিকারের তামাসাটা
কোনখানে। তারা জানবে, তারা বুঝবে, তারা বাঁচতে শিখবে। আর—
কান শিখবে এর প্রতিবিধান করতে।

—স্বশীলা, স্বশীলা!

যোগেন উৎকর্ণ হয়ে উঠল। মা ডাকছে। স্বশীলা। দিব্যি নাম—
গানের মতো মিষ্টি। কান পেতেই রইল যোগেন। মা ডাকছে—স্বশীলা?

মিষ্টি গলার সাড়া পাওয়া গেল, কী কহছেন?

—উঠানে ধান সিঁদ্ধ চড়াইছি। উটাক একটু লাড়ি দে মা, ধরি যিবা
পায়ে নাগোছে।

—বাছি হামি।

বেশি কথা বলে না স্বশীলা, প্রায়ই চুপ করে থাকে। লক্ষ্য করেছে
যোগেন, শাস্ত্র অনাসক্তভাবে বসে থাকে দাঁওয়ায়, দৃষ্টি মেলে দিয়ে রাখে
আকাশের দিকে। বিহ্বল চোখ, অপূর্ব একটা করুণতায় ভরা। ওই তো
এতটুকু মেয়ে, তবু চঞ্চলতা নেই, ছটফটানি নেই। কী একটা পেয়েছে মনের
মধ্যে, পেয়েছে একটা স্থিরতা। সব সময়েই ভাবে, কী ভাবে কে জানে।
বড়ল জায়গায় এসে পড়বার সংকোচ? অপরিচিত মানুষের ভেতরে এসে
একটা স্বাভাবিক অবস্থা? হয়তো তাই, হয়তো তা নয়। যোগেন মাঝে

মাঝে কেলেছে চোবা-চাহনি, মাঝে মাঝে ইচ্ছে করেছে ওর পিঠ-ভাঙা রাশি
রাশি কালো চুল একবার হাতে ভুলে নেয়, ওর মুখখানা ভুলে খানিকক্ষণ
তাকিয়ে থাকে বোবা ভাবনায় আচ্ছন্ন ছুটি কালো চোখের অভলে ।

যেয়েদের একটা রূপ সে দেখেছে সে সেই মহকুমা সহরে । সেই
প্যাচপেঁচে বিত্ৰী গলিতে, সেই লষ্ঠনের আলোয় উদ্ভাসিত খোলাঘর ঘরের ময়লা
বিছানায় । কিন্তু এতো তা নয় । এ নতুন—এ বিচিত্র । সেদিন বৃকের
ভেতরটা শুকিয়ে কাঠ হয়ে গিয়েছিল, আজ বৃকের ভেতরে কী একটা ঢেউয়ের
মতো দোলা খেয়ে খেয়ে উঠছে । সেদিন দেহের ভেতরে হৃৎস্পন্দ দেখেছিল,
আজ সেই দেহই রূপ ধরেছে অপূর্ব একটা ইন্দ্রজালের মতো ।

সুশীলা—সুশীলা ! জমিদারের অত্যাচার সত্য, মহিন্দরের অপমানটা সত্য,
বংশী মাষ্টারের কথাগুলোও নির্ভুল সত্য । কিন্তু এও তো সত্য । নিজে—
ভেতরে এই দোলাটাও তো আজ কোনো দিক থেকেই এক বিন্দু মিথো নয়
যোগেনের কাছে ! কিছুক্ষণের জন্তে যেন সে আত্মবিস্মৃত হয়ে গেল, স্বর দিয়ে
যেতে লাগল নিজের লেখা সেই গানটিতেই :

রাজার কইনা কেশবতী, মেঘের মতন চুল
দেখাইয়া সকল পরাণ করিলা আকুল
তোমার রূপত্ মন মজিলে—কি করি,
হে সুন্দরি !

—হাঁরে, ও যোগেন !

স্বপ্ন কেটে গেল । বাজখাই কটুকটে গলা । স্বরেন ডাকছে ।
যোগেনের অত্যন্ত বিরক্তি বোধ হল—আর ডাকবার সময় পেল না নাকি
স্বরেন ?

—হাঁরে যোগেন, মইলু নাকি ?

নিশ্চয় তাড়ি খেয়েছে, গলার স্বরে বোঝা যায়, বেশ চড়া হয়ে আছে
স্বরেনের মেজাজ । এখন সাড়া না দিলে তারস্বরে চীৎকার শুরু করে দেবে ।

কলম ফেলে যোগেন উঠে এল : কী, কহোছ কী ?

—কী আর কহিম্, হামার মুণ্ড কহোছি।—স্বরেন মুখভঙ্গি করলে : খুঁমের
ব্যাঘাত্ হৈল্ নাকি লবাবের ছোয়ার ?

—খালি খালি ক্যান্ গালি দিবা নাগিলে ?

—নাগিম্ না ? হামি খাটি খাটি সাড়া হই গেছ, হামার ভাই
আলকাপ্ অলা হই টের্হি বাগাই বাগাই বেড়াছে। হামি আর পারিম্ না—
সাক্ কহি দিছ—ই !

যোগেন বিতুষ স্বরে বললে, তো কী করিবা হেবে, সিটাই আগে সাক্
করি কহ না ?

—তাইতো কহিবা চাহোছি। আলকাপঅলাক্ সংসারের কামও তো
করিবা নাগে। একবার আজ্জই চামারহাটা যিবা হেবে তোকে।

—ক্যানে, চামারহাটা ক্যানে ?

—ওইঠে আজ্জই নায়েব আসোছে। উদার সাথ্ দেখা করিবা নাগিবে।
যোগেনের সমস্ত মন ভরে গেল অগ্রসন্নতায় : নায়েবের সাথ্ দেখা করি
হামি কী কামটা করিম্ ?

—বাঃ, শালা মহিন্দরের সাথ্ মামলা হছে না ? নায়েবের সাথ্ কথা
কহিবা হেবে।

বিরক্তি এবং ক্রোধে, আর সেই সঙ্গে সেদিনকার সেই অপমানের স্মৃতিতে
সর্বাঙ্গ ধেন শক্ত হয়ে উঠল যোগেনের : হামি নি পাকম।

স্বরেন চোঁচিয়ে বললে, ক্যানে ?

—ক্যানে ফের কী ? সব শালাই সমান হছে, যেমন মহিন্দর, তেমন
নায়েব। কাঁউক্ ত্যাগ্ মাথাই কোনো কাম হেবে না। ওই ছই শালা
মাথায় ডাং মারি মগজ্ ফাঁক করি দিবা নাগে।

—হায়রে বাপ, ইটা কী কহিলুৱে ? বিশ্বয় বিস্ফারিত চোখে স্বরেন তাকিয়ে
রইল : নায়েবক ডাং মারিবা চাহোছিস, খুব তো বৃকের পাটা হছে তোয়।

—সিটা হচ্ছে—

আর অপেক্ষা না করে যোগেন চলে গেল সামনে থেকে ।

—পারবু না তুই ?

—কহিছিই তো—

যোগেন অদৃশ্য হয়ে গেল, তাড়ি খাওয়া গলায় সমানে চীৎকার চালিয়ে চলল স্বরেন । আর সেইদিনই সব চাইতে উল্লেখযোগ্য ঘটনা ঘটল যোগেনের জীবনে ।

সবে সন্ধ্যা হয়ে আসছে, এই সময় বাড়ি ফিরল যোগেন । এটা ব্যতিক্রম—এমন সাধারণত হয় না । এদিক ওদিক ঘুরে ফিরতে একটু বেশি রাতই হয় তার । কিন্তু কী যেন হয়েছে আজ—মনটা যেন ক্রমাগত বাড়ির দিকে ঘুরে ঘুরে আসছে । আজ বাড়ি শুধু বাড়িই নয়, একটা নতুন রূপ খুলেছে তার—একটা নতুন বৈশিষ্ট্য বিকসিত হয়ে উঠেছে । স্বরেনের গালাগালি, কাঁচা চানড়ার গন্ধ, বাড়ির পেছনে গোবরের স্তূপ—সব মিলিয়ে এর যে একটা অস্বীতিকর রূপ ছিল, আজ যেন কী একটা অপরূপ মতো তা সম্পূর্ণ বদলে গেছে ।

কেমন মোহাজ্জরতা ধরেছে যোগেনের । মুহূরুর মতো আড়ষ্ট শিথিল অলসতা, বুকের ভেতরে অহেতুক আলোড়ন । লঘু পায়ে কে যেন আসছে, কে যেন সতর্ক পা ফেলে হেঁটে হেঁটে বেড়াচ্ছে । সকালের বোদে কিশোরীর একথানা কচি কোমল মুখ, সূর্যের আলোয় ঝলমলে দুটি চোখে বিশ্বয়ের অতলতা ।

স্বরেন বাড়িতে নেই, যোগেনকে প্রাণপণে গালিগালাজ করে চলে গেছে চামারহাটিতে, নায়েবের সঙ্গে দেখা করাটা একান্তই দরকার । গেছে বিকেলের দিকেই, তার নানে ফিরতে অনেক রাত হবে । ভালোই হল, যোগেনকে দেখলেই চ্যাচাতে শুরু করত ।

বাড়িতে পা দিয়ে ডাকল, মা ?

একটা প্রদীপ হাতে করে গোয়ালের দিক থেকে আসছিল স্নীলা ।
যোগেনের ডাকে সে খমকে দাঁড়িয়ে গেল । ভীকৃষ্ণের বললে, মাউই বাড়িত্
নাই ।

বুকের মধ্যে যোগেনের খকু করে উঠল চকিতের মধ্যে ।

—বাড়িত্ নাই ? কুন্ঠে গেইছে ?

হাতে প্রদীপটা ধরে নত মস্তকে দাঁড়িয়ে ছিল স্নীলা । প্রদীপের উৰ্ধ্বমুখী
শিখা থেকে তার মুখে শান্ত নরম আলো ছড়িয়ে পড়েছে, ঘনপশ্ম গভীর চোখ
দুটি জল জল করে উঠেছে কমনীয় সৌন্দর্যে । যোগেনের গলায় যেন আপনা
থেকেই গান ভেসে আসতে চাইল : কালো দুটি নয়ন যেন ভ্রমর উড়ি যায়—

বুক কাঁপতে লাগল যোগেনের, গলা কাঁপতে লাগল ।

—কুন্ঠে গেইছে মা ?

—হাজার বাড়িত্ । উয়ার বোটার ছাওয়াল হেবে, ব্যাথা উঠিছে, তাই
ডাকি লি গেইল্ । সংকুচিত মৃদু স্বরে স্নীলা জবাব দিলে । এত আশ্বে—
যেন বাতাসের সঙ্গে তার কথা ভেসে এল, অত্যন্ত উৎকর্ষ এবং সজাগ না
থাকলে তা শুনতে পাওয়া যায় না ।

যোগেন ঘামতে লাগল । একদিন যে নারীর সান্নিধ্য একটা কুংসিত
দুঃস্বপ্নের মতো ভাবনার নেপথ্যে সঞ্চারিত হয়ে ছিল, তাই ধরল একটা অপরূপ
বাছুরের কুহক । রক্তে রক্তে জোয়ারের জলের মতো কী একটা উচ্ছ্বসিত
আবেগে ভেঙে ভেঙে পড়তে লাগল তার । শিল্পীর মনের ভিতরে হুঁসে উঠল
অন্ধ আবেগের আকৃতি, নিষেধ মানতে চাইল না, বাধাও না ।

আত্মবিস্মৃত যোগেন এগিয়ে এল । প্রায় নিঃশব্দ আর গভীর অপূর্ব কোমল
গলায় ডাকল, স্নীলা ?

স্নীলা মূর্তির মতো দাঁড়িয়ে রইল, সাড়া দিলেনা ।

যোগেন আরো এগিয়ে এল : স্নীলা ?

এবারে একবার চোখ তুলেই স্নীলা আবার দৃষ্টি নামিয়ে নিলে । কিন্তু

সে দৃষ্টির চকিত কটাক্ষ যেন মুহূর্তে চকিত করে দিলে যোগেনকে । মেয়েটিকে সে বত ছোট ভেবেছিল তা নয় । কিশোরীর মন অনেক আগেই জেগেছে, অনেক আগেই সে বুঝতে পেরেছে পুরুষের ওই ডাকের পেছনে কী লুকিয়ে আছে, আছে কিসের একটা নিভুল স্থানচ্যুত । যোগেন লক্ষ্য করল, একটু সরু হাসির রেখাও যেন স্থাশীলার অধরে মুহূর্তের জন্তে খেলা করে গেল ।

আর সত্যিই তো, যোগেন লক্ষ্য করবে না বলেই কি থেমে থাকবে পৃথিবীর মানুষ, ঘূমিয়ে থাকবে তার মন, আচ্ছন্ন অচেতন হয়ে-থাকবে তার বয়ঃসন্ধির বাসন্তী-চেতনা ? চোন্দ-পনেরো বছরের স্থাশীলা কি তার আশেপাশে দেখেনি যৌবনের উদ্যম প্রণয়নীলাকে, তার বিবাহিতা সখীদের কাছে শোনেনি পুরুষের সম্পর্কে নানা বিস্ময়কর অভিজ্ঞতার কথা ? কতবার তো চোরাদৃষ্টির সামনে স্বামী-স্ত্রীর ছুটি একটি আবিষ্ট মুহূর্তের অপরূপ ছবি ধরা পড়ে গেছে । তা ছাড়া তাদের ছোট লোকের ঘর । মানুষের জিভ আলগা, খেনো পচাইয়ের নেশা একটু বেশি চড়ে উঠলে আচার-আচরণের মাত্রা সব সময়ে যে সীমা মেনে চলে তাও নয় । কতবার নিজের অজ্ঞাতেই রক্ত ছলছলিয়ে উঠেছে স্থাশীলার—ঝাঁ ঝাঁ করে উঠেছে কান, বুকের ভেতরে হৃৎপিণ্ড করেছে মাতামাতি ।

আর যোগেন । স্থান্দর, স্থকণ্ড । নিজের বোনের মুখে কতবার শুনেছে তার কথা । শুনেছে তাদের জাতের ভেতরে এমন ছেলে আর হয় না । এখানে এসে দেখেছে তাকে, লক্ষ্য করেছে তার মুখ হয়ে যাওয়া আশ্চর্য দৃষ্টি । তারপর শুনেছে যোগেনের মার মুখে বিয়ের সেই প্রস্তাবটা । যোগেনকেও দেখল—কল্পনার মানুষটির চাইতেও স্থান্দর । তাই মাত্র কয়েক ঘণ্টার পরিচয়ের ভেতর দিয়েও যেন কতগুলো বছর এক সঙ্গে আবর্তিত হয়ে গেছে স্থাশীলার—তৈরী হয়ে গেছে মন—কে জানে প্রতীক্ষাও করে আছে কিনা ।

পুঁ কাপতে লাগল যোগেনের—আরো কাছে এগিয়ে এল সে । নেশা ধরেছে । হঠাৎ-ভালো-লাগার অপরূপ আবেগে শিল্পীর বুকে জেগেছে

চিরকালের জীবন-শিল্প। এগিয়ে চলল বোগেন। স্থানীয় মুখে প্রদীপের আলো পুড়ে একটা অপরূপ রঙে রাঙিয়ে তুলেছে তাকে। কয়েকটা মল্লখের মধ্যে ঘনীভূত হয়ে গেছে অসংখ্য দণ্ড, প্রহর, দিন, মাস, বৎসর।

বোগেন এগিয়ে এস। শীতের বাতাসে ঠাণ্ডা অথচ কোমল-কান্ত স্থানীয় একখানা হাত টেনে নিলে মুঠোর মধ্যে। ফিস্ ফিস্ করে বললে, স্থানীয়, স্থানীয়?

—উ?

—তুমি বড় স্থানীয়—ভারী স্থানীয়।

—বাও কে বা আসি পড়বে!

—না, কেহ আসিবে না। স্থানীয় তুমাক্ হামি ভালোবাসি।

—পুরোনো কথা, পুরোনো প্রেম, পুরোনো প্রকাশ, পুরোনো আবেগ।

তারপর তেমনি পুরোনো ধরণেই দপ করে নিভে গেল প্রদীপটা।

উঠানের ঠাণ্ডা অন্ধকারে শুধু গরম রক্তের চঞ্চলতা বৃকে বৃকে কথা কইতে লাগল—বতকণ না দরজার বাইরে শোনা গেল বোগেনের মার কথার শব্দ।

সাত

৭২শী মাষ্টার বুঝতে পারছিলেন ব্যাপারটা ঠিক হল কিনা।

চট্টরাজের ভক্তিটা ভালো নয়। চোখের দৃষ্টি সন্দেহজনক, মুখের কথায় বেশ পরিষ্কার একটা হুঁসিয়ারীর ইঙ্গিত আছে। তা ছাড়া পরিচয়ের ব্যাপারে কেমন সন্দেহ করেছে মনে হয়, হঠাৎ চুপ করে গেল, আর কথা—
বাড়াল না।

বেশ বোঝা যাচ্ছে, চামারের সরস্বতী পূজা করার উদ্দেশ্যটা ভালো লাগেনি। ভালো না লাগার কথাও বটে। শাস্ত্রে আছে দেবতার সর্বব্রাহ্মণ, আর দেবীরা হলেন ব্রাহ্মণী। শুধু ব্রাহ্মণী নয়, ছোয়াছুঁয়ির ব্যাপারে তাঁরা এত বেশি সচেতন যে, অল্প একটুখানি ক্রটির জন্তে অভিসম্পাত দিয়ে ভক্তকে নিবংশ করতে তাঁদের বিবেকে বাধে না। আর সরস্বতীর তো কথাই নেই—তিনি একেবারে নিম্পাপ বিশুদ্ধ জ্ঞানস্বরূপা,—আর সে জ্ঞানের একচেটিয়া অধিকার ব্রাহ্মণের। শূদ্র যদি একবার সে পথে পা বাড়িয়েছে তো সঙ্গে সঙ্গে রাম-রাজ্যে অশান্তি দেখা দিয়েছে, দেখা দিয়েছে মারী-মড়ক-অন্নান্নাভাব, বেদাধ্যায়ী ব্রাহ্মণের অকালে পুত্রনাশ হয়েছে। ফলে ধর্মপ্রাণ রাজা তৎক্ষণাৎ খোলা তলোয়ার হাতে এগিয়ে এসেছেন আর শূদ্রের মুণ্ডটি পত্রপাঠ এবং একান্তই বিনা নোটিশে খচাং করে নাথিয়ে দিয়েছেন। বিজ্ঞার একচেটে মালিক ব্রাহ্মণের গড়া শাস্ত্র চড়া গল্পের ঘোষণা করেছে : শূদ্র যদি বেদপাঠ করে, তবে তাহার জিহ্বা •
ছেদন করিবে, অভঃপর তাহার গাত্রচর্ম উৎপাটন করিয়া তাহাকে ঘৃতে ডর্জন

করবে, তৎপর খণ্ড খণ্ড কবিরান্দি-জলে নিক্ষেপ করবে এবং সেটা অত্যন্ত তৎপরতার সঙ্গে ।

কিন্তু কালটা কলি । দেশে স্লেচ্ছ রাজা । তার না আছে ধর্মজ্ঞান, না আছে ব্রাহ্মণে ভক্তি । হাড়ির ছেলে হাকিম হয়ে ব্রাহ্মণকে জেলে দিচ্ছে—আশ্চর্য, তবু এখনো মহাপ্রলয় হচ্ছে না, আকাশে ঝামশ সূর্য উদিত হয়ে ভস্মীভূত করে দিচ্ছে না সংসারকে ! কৃষ্ণবর্ণ কঙ্কি অবতার অগ্নিবর্ণ তরবারি হাতে স্লেচ্ছ আর কুকুরগুলোকে (বংশী আশ্চর্য হয়ে ভাবে কুকুরের ওপরে হঠাৎ এ অহেতুক অরুণা কেন !) পটাঁপট সাবাড় করে দিচ্ছেন না ! তাই-নায়ে পড়ে অনেক কিছুই হজম করে যেতে হচ্ছে । চাটষ্যে দাশ, বাড়ষ্যে গামা, নাহিড়ী খুড়ো আর ভাড়ুড়ী গিসের হাতের হুকোতে অভিমানে তামাক গুড়ে ঝাচ্ছে, তুর্বাসার বংশধরেরা কীল-মাহাত্ম্যো টোঁড়া সাপের খোলস হয়ে ব্যাঙের লাথি খাচ্ছে—নইলে চামারদের গ্রামেও কিনা গ্রাইমারী ইন্স্কুল এবং এখনো তাতে বজ্র পড়েনি !

চট্টরাজের উদ্বেলিত টিকির দিকে তাকিয়ে তাকিয়ে এই বেদনাবোধটা অস্বস্তি করছে বংশী পরামাণিক । আর সেই সঙ্গে এও বুঝতে পেরেছে যে, চট্টরাজ শুধু টোঁড়া সাপের খোলসই নন, সাপের তাঁর কিছু কিছু বিজ্ঞান আছে এখনো । ছোবল তিনি মারতে পারেন এবং শেষ পর্যন্ত মারবেন কিনা, এখনো সেটাকে সঠিক বুঝতে পারা যাচ্ছে না । তবে এটা স্পষ্ট যে, সংস্কৃতি পুজোর প্রস্তাবটা তাঁর পছন্দ হয়নি এবং ধর্মনিষ্ঠ জমিদার যে আজ্ঞা প্রবল প্রতাপাবিত, এটা জানাতেও বিন্দুমাত্র ভুল করেননি তিনি ।

কিন্তু সব মিলিয়ে কাজটা কি ঠিক হচ্ছে ? উচিত হচ্ছে কি আকাশে সংস্কারের এই নিবিড় নিকষকালো ঝোড়ো মেঘকে গনিয়ে তোলা ? সরস্বতী পুজো । অনধিকারী শূত্রের অনধিকারী বিজ্ঞানতনে বিজ্ঞার অধিষ্ঠাত্রীকে আবাহন জানানো একটা ছোট গণ্ডির ভেতরে মস্ত বড় উল্লেখযোগ্য ব্যাপার বটে, কিন্তু এর চাইতে বড় কি কিছু করবার নেই ?

আছেই তো । সমস্ত দেশ সেই বড় কাজের সুখ চেয়ে আছে—প্রতীক্ষা

করে আছে তারি জগৎ। শুধু আকাশে ঘনিয়ে তুলবে না অকাল বৈশাখীর নাচ, একফালি ঝড় টেনে আনবে না মাজ ছোট একটখানি ঘনপদের ওপরে। সমস্ত পৃথিবীর মাটিকে তা নাড়া দেবে, চিড় ধরিয়ে দেবে আকাশে, তুফানের মাতলামি জাগাবে ক্যাপা সমুদ্রের বুকে।

মাটির তলায় ঘুমন্ত সেই গণ-বাহুকীকে ডাগিয়ে তোলাই তো আজকের কাজ মহাত্ম-রসাতল-সপ্ততলের অতলে বেগানে মতানাগের সহস্র ফণায় একগাছি মালার মত বিধ্বত হয়ে আছে পৃথিবীর ভারকেজ, সেই অতলে, মনুষ্যের সকলের নীচের তলায়, সেইখানেই পাক দিতে হবে সেই কেন্দ্রে। এই ব্রতই তো ছিল।

কিন্তু অতুল মজুমদারের অস্ববিধেটা আজকে বুঝতে পেয়েছে বঙ্গী পরামাণিক। এ কাজ করবার জন্তে যে মন চাই, যে প্রস্তুতি চাই, যে ভাস্কর্য আয়ত্ত করা চাই—সে ভাষা জানা নেই তার, সে প্রস্তুতি নেই, সে মন তো নেইই। ভদ্রতা আর সংস্কার ঠিকি দিচ্ছে প্রতি মুহূর্তে, মাথা তুলছে শিক্ষিত মধ্যবিত্তের সহজ পথ চলার আরো সহজ সমাধান। গোটা কয়েক রিভলভার, কিছু বোমা, কিছু অগুনত ঝরানো সাহিত্য আর হাসিমুখে মরতে পারার অন্নান গৌরব, ফাঁসির দড়িকে মণিহারের মত কণ্ঠে জড়িয়ে নেওয়ার নেশাগ্রস্ত প্রলোভন। এর সীমা অতুল মজুমদার অতিক্রম করতে পারেনি ঘাসের শিবে একফোটা রাত্রিশেষের শিশিরের মত সে হারিয়ে গেছে সত্যি, মুছেও গেছে—কিন্তু অতুল মজুমদারের আত্মা তো হারায়নি। ‘বাসাংসি জীর্ণানি’—এই শাস্ত্রবাক্য স্মরণে রেখে সে দেহ থেকে দেহান্তর ঘটিয়েছে। কিন্তু অজরামর আত্মা ঘাবে কোথায়! চার বছর ধরে নানাভাবে সে আত্মা দেখেছে এক নতুন দেশকে—জাতির এক নতুন প্রাণকেন্দ্রকে। বুঝেছে স্বাধীনতার এক নতুন আশ্রয় অর্থ, অনুভব করেছে মুক্তির একটা অচিন্ত্যপূর্ব তাৎপর্যকে! আর এও টেনেছে—পথ এত সোজা নয়। মরতে পারার চাইতে বাঁচবার এবং বাঁচবার কাজ অনেক বেশি কঠিন, অনেক বেশি দরকারী।

তবু জানলেই তো হয় না। জানাকৈ কাছে লাগানো চাই। আর সে কাজ কঠিনতর তার পক্ষে। অভুল মজুমদারের প্রতিনিধি বংশী পরামানিক বিশেষে চাষী-চাষায়দের সঙ্গে, তাদের স্বখ-দুঃখের ভার নিয়ে দিতে চেয়েছে নিজের মন, কিন্তু বুঝা হয়ে গেছে। এ হয় না, এ হবার নয়। আজ যেমন বুঝতে পেরেছে, এর জন্তে আসবে নতুন মাল্লব, নতুন কর্মীর দল। এ তারাই পারবে, অভুল মজুমদার কিংবা বংশী পরামানিক নয়।

তাই অবশি আর অস্থিরতা। মধ্যে মধ্যে মনটা বেন অসহ একটা বস্ত্রাঘ বিকল হয়ে ওঠে। পথ পেয়েছে কিন্তু এগোতে পারছে না—পাথের নেই। থেমে দাঁড়িয়ে নিজের অকর্মণ্যতার জন্তে নিজের হাত কামড়াতে ইচ্ছে করছে। আর এই লুকিয়ে থাকা, একটা জানোয়ারের মত শিকারীর প্রাণের দৃষ্টি থেকে নিজেকে সতর্পণে বাঁচিয়ে চলা—এ বেন গুরুভার বলে মনে হয় এখন। দুবছর আগেই সকলের সঙ্গে ষোঁগাষোঁগটা বিচ্ছিন্ন হয়ে গেছে—দুঃসহ একাকিত্বে বেন মকভূমির ভেতরে পথ চলবার মত বোধ হচ্ছে আজকাল। তাই আত্মহত্যা করতে ইচ্ছে করে, নইলে মনে হয় লোহার গরাদের আড়ালে পাথরের পাঁচিলের যে ঠাণ্ডা অন্ধকার সেখানে আশ্রয় নেওয়াই ভালো।

তারপরেই মনে হয় শান্তিকে।

আজ বেখানেকী থাকুক শান্তি, প্রতিশ্রুতি তো ভুললে চলবে না। একমাত্র অভটুকু যেয়েটাই সেদিন প্রতিশ্রুতি করেছিল তার, চ্যালেঞ্জ দিয়েছে তাকে। বড়টুকু হোক, যে ভাবেই হোক, সেই চ্যালেঞ্জের জবাব দিতে হবে। এট অভুল মজুমদারের শেষ কথা। বড় কাজ করতে না পারো, অস্বীকৃত ছোটর ভেতরেও বড়টা পারা যায় তাই করো। নিজের কাছে নিজেরই তার মানা অসম্ভব। তাই—

তাই এই ভালো।

বংশী একবার অন্তমনস্কভাবে তাকাল নিজের সজী বাগানটার দিকে। কেমন থচ্ থচ্ করে উঠল, কোথায় বেন লাগল কাঁটার খোঁচ। শ্রুতির

কসলে এইটুকু বাগানটা কী চমৎকার অর্থ্য সাজিয়েছে। মূলো, কপি টম্যাটো। উজ্জল, মসৃণ, সতেজ। দেশকে ভালোবেসেছে প্রাণ দিয়ে, দেশের মাটি দিয়েছে প্রতিদান—কণামাত্র রূপণতা করেনি তো। আর এই তো—এই তো সত্য। বংশীর চোখ জলজল করে উঠল। ই্যা—সে তার পথ পেয়েছে বইকি। দেশ জুড়ে ফসল ফলাতে নাই বা পারল সে, কিন্তু ক্ষতি কী যদি এইটুকু জমিতে। সে এমনি প্রাণবন্ত শক্তিকে জাগিয়ে দিতে পারে। সামান্য সরস্বতী পূজা—কিন্তু তার ভেতরে অসামান্যতার সম্ভাবনাও যে প্রচ্ছন্ন আছে! শেষটা নাই বা দেখে যেতে পারল, কিন্তু শুকর যে মূল্য তাকে কে অস্বীকার করবে?

শীতের সজী—মসৃণ, ঘন শ্যামল, প্রাণে আর স্বাস্থ্যে সমৃদ্ধাসিত। দেশের মাটি তাকে ভালোবেসেছে। কেমন কষ্ট হতে লাগল। মায়া পড়ে গেছে, মনে হচ্ছে এ হলও নেহাৎ মন্দ ছিল না। এই নিভান্ত অল্পলক্ষ্যেবাগ্য পাড়ারগী—ভূগোলের হট্টগোলের বাইরে ভাষ্কর্যমতীর কুহক-লাগা আত্মবিস্মৃত চামারদের নগণ্য জনপদ। ক্ষতি কি ছিল এইখানে ভুলে থাকলে, দীর্ঘ পথ চলার ক্লান্তি জুড়িয়ে নিলে এখানকার ঘন পাতায় ছাওয়া চির পুরোণো অতিকায় বংশীবটের ছায়ায়! সরস্বতী পূজাকে কেন্দ্র করে যে তুফান ওঠবার আশঙ্কা, তাতে এই নোঙর থাকবে কিনা সন্দেহ তা ছাড়া আরো একটু কথা আছে। মহিন্দর হঠাৎ নতুন দারাগা সাহেবের কথাটাই বা অমন করে জিজ্ঞাসা করে বসল কেন?

মায়া লাগছে নোঙর ছিঁড়তে, কষ্ট হচ্ছে এই মাটির ভালবাসাকে পেছনে ফেলে যেতে। কিন্তু উপায় নেই। শাস্তির সেই শামলা মুখখানা দৃষ্টির সামনে ভাসছে। প্রতিজ্ঞা ভুললে চলবে না। আর—আর এই সজী ক্ষেতের অন্ত একটা দিকও তো প্রত্যক্ষ হয়ে গেছে তার কাছে। ছোট দিয়ে শুক করতে হবে, সারা যদি অনেক দূরে থাকে তো থাক না। বারো আসবার তারো পেছনে আসবে, তার শুধু বীজ ছড়িয়ে বাওয়ায় পালা।

তাই বড় ভালো লেগেছে বোগেনকে । বংশী মুছ হাসল : চার বছর পরে অভুল মজুমদারের প্রথম বিক্রুট । রিভলভারের পথে নয়, রোমাঞ্চ জাগানো রক্ত গরমকরা বই পড়িয়ে ক্ষিপ্ত করে তুলেও নয় ! মাটির মাছবের মাটির ভাষা অভুল মজুমদার জানত না, বোগেন জানে ; তাদের প্রত্যক্ষ বেদনার সঙ্গে অভুল মজুমদারের পরিচয় নেই, বোগেনের আছে ; তাদের প্রতিদিনের অপমান আর তুচ্ছতার আঘাত অভুল মজুমদারের কাছে হয়তো অনেকটাই ছবোধ, কিন্তু বোগেনের কাছে তা অতিরিক্ত স্থম্পষ্ট । সবই ছিল, কিন্তু বারুদে আগুন ধরিয়ে দেবার কেউ ছিল না । সেই কাজটুকুই করেছে বংশী, এবার আগুন নিজের তাগিদেই নিজের কাজ করে যাবে ।

—মাটার কি ফের বসি বসি ঘুমাবা নাগিলে ?

মহিন্দর ।

বংশী হাসল : না ঘুমোইনি ।

—তো নি ঘুমাও । তোমার সাথে ফের কাজের কথা আছে ।

বংশী তেমনি হেসে মহিন্দরের কথার অকারণ করে বললে, তো কহ ।

মহিন্দর গম্ভীর স্বরে বললে, ইটা হাসিবার মতো কথা নহো মাটার । মন দিয়া শুনিবা হেবে, বুঝিবা হেবে, ভাবিবা নাগিবে ।

বংশী এবার ভালো করে তাকালো মহিন্দরের দিকে । না, ঠিক অল্পকূল আবহাওয়াটা । একটা কিছু ভাবে মহিন্দরের মুখে ঋণিকটা থমথমে গাভীর্ষ জমে উঠেছে । এখন, অন্তত এই মুহুর্তে সে নিছক মহিন্দর নয় । শ্রীমহিন্দর রুইদাস—গ্রামের গণ্যমান্য ব্যক্তি । এখন যেন হাতে কলম পেনেই নিবটাকে দুর্ভাক করে একখানা রোপ্ কাগজে সে সুই করে দেবে । তার মুখ স্পষ্ট বলে দিচ্ছে তাকে লাখি মারলে নায়েব মশাই পর্যন্ত পার পান না, নগদ নগদ একটি টাকা বখশিস দিয়ে তবে তাঁকে মানীর মান রক্ষা করতে হয় ।

মহিন্দরের ওই গম্ভীর চিন্তিত মুখের দিকে তাকালে কেমন স্ফুটন্ত

লাগে বংশী মাঠায়ের। কাজটা উচিত নয় তা জানে, তবু হাসি চাপতে পারে না। মহিন্দর উপদেশ দিতে এসেছে। অত্যন্ত গভীর আর বিস্ময় চেহারা করে বলবে, বুঝিলা হে মাঠার, তুমাদের ছোয়া ছেইল্যার উসব চালাকি দিয়া কাম হেবে না—

সুতরাং বংশীকে শ্রিতমুখে চুপ করে থাকতে দেখে মহিন্দর উত্তেজনা বোধ করল।

—অমন হাসিহিঁ ক্যানে মাঠার?

—হাসব না?

—না তো।

—তবে কি কাদতে হবে?

—ল্যাও—ইটা কী কহিলে!—মহিন্দর অত্যন্ত বিরক্ত করে তুলল মুখের।
চেহারা : ঝুটমুট কাদিবার কী হৈল্ হে তুমার? কাদিবে ক্যানে?

মহিন্দর চটলে চটাতে ভালো লাগে। বংশী বললে, তবে কী করব?

—হামার কথাটা শুনিবে কি না শুনিবে সিটাই কহ।

—কেন শুনব না? তুমিই তো সে কথা বলছ না, খালি এটা ওটা বকছ। যা বলবার স্পষ্ট করেই বলোনা বাপু।

মহিন্দর বললে, হঁ—তারপর দাওয়ার একশাশে বসে পড়ল।

—কী হল?

মহিন্দর কেমন বেদনার্ত চোখ তুলে মাঠায়ের দিকে তাকালো :
হেবে না।

—কী হেবে না?

আহত স্বরে মহিন্দর বললে, আমি তো আগতে তুমাক কহিছিছ। তুমি ঢের নিখিছ, কিন্তু বুঢ়া মাইনুষের কথাটা মাইনুলেন না। এখন ফের তো অপমান হৈ গেল।

মানীলোক মহিন্দরের এমন একটা অপমান চট করে হরে গেল কী করে

ঠিক বুঝতে পারল না বংশী। অল্পমানি বা করেছে সেটাকে নিশ্চিত করে
নেবার জন্তই সে নির্বাক চোখে মহিন্দরের দিকে তাকিয়ে রইল।

—বুঝিলা মাষ্টার, দিবে না।

—কী দেবে না?—মাষ্টারের কণ্ঠে এবার অখৈষ প্রকাশ পেল।

—পূজা করিবা।

—ও, বুঝতে পেরেছি—বংশী নিজের মনেই মাথা নাড়ল একবার।
কথাটা আকস্মিক তো নয়ই, বরং এটা শোনবার জন্তেই যেন তার
মন নিভৃত্তে এতক্ষণ আশা করে বসেছিল। বংশী বললে, বাধা দিচ্ছে কে?
নায়েব মশাই?

—তো কে?—মহিন্দর ক্ষুব্ধ স্বরে বললে, উ শালা শয়তানের হাড়।

—তুমি তো খুব ভালো বলছিলে তখন।

—কহিছিছ তো।—মহিন্দর অকপট স্বীকারোক্তি করলে এবারে : সাধ
করি কি আর কহিছি নাকি? শয়তানকে উচা পিচা দিবা নাগে না?
এখন তো দেখিবা পাছি—শয়তানকে পিচা দিয়া বা কী হেবে—উ শালা
শালাই থাকে চিরকাল।

কথাটা নতুন রকমের লাগল। নায়েবের প্রতি মহিন্দরের ভক্তিটা
বিখ্যাত জিনিস, তার রাজপ্রীতি একবারে শাস্ত্রীয় পথ অনুসরণ করে চলে :
কিন্তু হঠাৎ এ ব্যতিক্রম কেন?

বংশী প্রশ্ন করলে, কী বললে নায়েব?

—পষ্ট করি কিছু কহে নাই। তুমি আসিবা পর খুব হাসিলে? ঠিকিলে
কি, চামারক লাখি মারিলে গলাত্ নাহিতে বিবা নাগে, যে চামার পায়ের
জুতা গলায়, সি শালারা সরস্বতী পূজা করিবা চাহে। তারপর হামাক
কহিলে, একটা হেঁড়া জুতা লিয়া পূজা কর—ওই জুতা সরস্বতীই তুদের
দানাপানি দিবে।

বংশী চুপ করে রইল। একথা শোনবার আশা করেছিল।

মহিন্দরের গলা হঠাৎ কেঁপে উঠল উত্তেজনায় ।

—মাঠার ?

—বলো ।

—ঢের সহিছি আমরা ।

—অনেক ।

--কথায় কথায় জুতা মারিলে হামাদের, হামাদের প্যাটের ভাত কাঢ়ি গ্যালে, হামাদের বৌ-ঝিক আইত্ (রাত) করি লিই গ্যালে কাছারিত্—হামরা সতি গেছ । এত করোছি, খোয়াছি, তোয়াজ করোছি, তাঁয় তভু হামাদের মাহুশ বলি মানিবা চাহে না ! ক্যানে, অ্যাতে কী দোষ করোছি হামরা ?

বংশীর চোখ আনন্দে উজ্জ্বলিত হয়ে উঠল । তবে ভুল হয়নি । তার সব্জীক্ষেতের ছোট ফসল বীজ ছড়াবার উপক্রম করেছে । মানী লোক মহিন্দরের মানে যা লেগেছে, একদিন—এমনি করে দেশের সমস্ত মাহুশের মানেই যা লাগবে নিঃসন্দেহ । সেদিন দূরে নয়, তা এগিয়ে আসছে । সুরক্ষতী পূজোকে অবলম্বন করে উদ্বোধন হবে চামুণ্ডার—দিকে দিকে তারই রক্তাক্ত সংকেত ।

--তুমি কী করবে মহিন্দর ?

—কী করিমু ? সিটাই তো তোমার ঠাই জানিবা আইহু ।

মহিন্দরের মুখের ওপর দিয়ে দ্রুত ভাববিবর্তন ঘটে গেছে একটা । প্রথমে এসেছিল উপদেশ দিতে, তখন সে মুখে ছিল আতঙ্কের ছায়া, ছিল সাবধানীর সতর্কতার ছোতনা । কিন্তু চট্টরাজের কথাগুলো শ্রবণ করতে গিয়েই দপ করে শিখায়িত হয়ে উঠেছে মহিন্দর । হঠাৎ ব্লকতে শেরেছে, শয়তানকে উচু পিঁড়ি দিয়ে আর লাভ নেই, তাতে তার খাঁই মেটে না, বরং লাফে লাফে সেটা বেড়েই চলতে থাকে । তাই হঠাৎ বিব্রোহী হয়েছে মহিন্দর । জলো ঢোঁড়া এতকাল দাপাদাপি করেছে নিশ্চিন্ত অধোপে, এবার খোঁচা লেগেছে কাল্ কেউটের গায়ে ।

বংশী বললে, আমার কথা শুনবে ?

—সিটাই শুনিবা আইছ।

বংশী বললে, তবে পূজা করতেই হবে।

—পূজা ?

—হ্যাঁ, পূজা।

—করিবা হেবে ?

—নিশ্চয় করতে হবে। তোমাদের এমন করে অপমান করে যাবে, তোমার মতো মানী লোককে বা মুখে আসে তাই বলবে, তবু তুমি সয়ে যাবে মহিন্দর ?

মহিন্দর এবার চোখ তুলল। আয়েয় চোখ।

—না।

—তবে কী করবে ?

মহিন্দর কঠিন স্বরে বললে, পূজাই করিমু।

—যদি বাধা দেয় ?

—সিটা তখন দেখা যাবে। মারামারি করিবা জানি হামরা।—মহিন্দর হঠাৎ উঠে পড়ল : তুমি নাগি যাও মাষ্টার—টাকার জন্তু ভাবেন না। হামি ঠিক করি দিমু।

—এইটেই পাকা কথা।

—হামার কথা নড়ে না।

—নায়েয়ক কী বলবে ?

—কিছুই কহিমু না—কঠিন কণ্ঠে মহিন্দর বলে চলল, উ শালা তো কাইল চলি যাবে। যদি জানিবা পারে, যদি বাধা দেয় তো হামরাও লাঠি ধরিবা শিখিছি। হামরা ছোটলোক, হামরা মুচি। হামাদের লাখি মাইজে গজাত্‌ চান করিবা নাগে! হামাদের ছেঁড়া জুতা পূজা করিবা কহে! “আচ্ছা যেখিনু।

মহিন্দর চলে গেল। বাণ্ডার আগে বলে গেল, বিকালে ফের আসি
মাটার।

আকাশে প্রথম ঝোড়ো মেঘ। জলন্ত বিদ্যুতের কণাঘাত। বংশী মাটারের
হুংপিও আনন্দে বেন লাফাতে লাগল।

* * * *

একটা গানের আড্ডা আছে যোগেনের, সেই আড্ডাতেই আলকাপের
দল করে গড়ে তোলার কথা ভাবছে : মোটামুটি সবই আছে, অভাব শুধু
একটা ক্ল্যারিফোনেটের। বাজার দলে থেকে বাজবাজনাগুলো সম্পর্কে তার
একটা ধারণা হয়েছে চলনসই রকমের, ক্ল্যারিফোনেট বাঁশী না থাকলে
আজকাল আর গান জমে না। কিন্তু নিতান্তই চামারদের গ্রাম।
ক্ল্যারিফোনেট বাজনাতে দূরের কথা, অনেকে তা চোখেও দেখেনি। কিনে
একটা আনা যায় বটে, কিন্তু অনেক দাম, গাঁট থেকে অতগুলো টাকা দেওয়া
এখন সম্ভব নয় যোগেনের। মার হাতে টাকা নেই আর স্ত্রেনের ভাইয়ের
স্বধাকর্ষ সম্পর্কে বত অমুরাগই থাকুক, অতগুলি টাকা চাইতে গেলে একেবারে
খাঁক খাঁক করে তাড়া করে আসবে। স্ততরাং যখন খবর পাওয়া গেল দামড়ি
গাঁয়ের ধলাই মুচি আজকাল বিয়ে বাড়িতে বাজনার সঙ্গে সঙ্গে ক্ল্যারিফোনেট
বাজিয়ে বেড়াচ্ছে, তখন উৎসাহিত হয়ে উঠল যোগেন। সকালে উঠেই গেল
দামড়িতে। ধলাইকে পাওয়া গেল বটে, কিন্তু মেজাজ দেখে মাথা গরম হয়ে
উঠল যোগেনের।

ধলাই বললে, হঁ, বাজাবা হামি পারি। কিন্তু কী রকম দলের সঙ্গে বাজাবা
হেবে সিটা তো হামার জানিবা নাগে।

—না দল ভালোই আছে।

—ভালো?—অনুকম্পার হাসি হাসল ধলাই : সাহার আলকাপের দলে
হামি বজাজ, ফের বাজাইছ বদন মণ্ডলের বাজার দলে। সি সকলের
চাইতেও তুমার দল ভালো না, কি হে ?

বলাইয়ের কথাই ভজিতে যোগেন অপমানিত বোধ করল। কিন্তু গরজের বলাই যখন তার, তখন খোঁচাটা হজম করে যেতেই হবে। শুক হাসি হেসে যোগেন বললে, অত ভালো কি আর হবে হামার দল ? একটু কষ্ট করিই বাজাবা হবে তুমাক।

সৌধিন সৰু গৌফে মিহি করে একটু তা দিলে খলাই। বেশ বোঝা যায় একটু ওপর থেকে, একটু বাঁকা করুণার দৃষ্টিতে যোগেনকে পর্যবেক্ষণ করছে সে। অহঙ্কারে ফেটে পড়েছে সোকটা—সাত্তান। গায়ের ভেতরে একটি মূল্যবান ক্ল্যারিফোনটের মালিক সে।

খলাই বললে, গাহিবে কে ?

—হামি।

—ভালমান জানো হে ?

এটা চূড়ান্ত। যোগেন বিরক্ত হয়ে উঠে পড়তে বাচ্ছিল, হঠাৎ কী মনে করে খলাই তার হাত ধরে ফেলল। হেসে বললে, আরে, আরে চটি নাছ ক্যানে ? বটস, তামুক খাও, দুটা একটা কাক্স-কামের কথা কহো। গুলী মাড়বের কাছেই তো ফের গুলী মাড়ব নিজের কথাটা কহিবা চাহে। অমন কস করি চটি গেলে কি কাম হয় ?

এবার বোঝা গেল মুখে যেমন করুক না কেন, মনের দিক থেকে একটা তাগিদ আছে খলাইয়ের নিজেরও। একটা কোনো জায়গা তারও দরকার, তারও প্রয়োজন কোনো একটা জায়গাতে নিজেকে প্রতিষ্ঠা করে নেওয়া। ঠোটু অহমিকা শিল্পী-স্বলভ, ওটুকু না থাকলে নিজের ওপর যেন নিজেরই জোর থাকে না। শেষ পর্যন্ত কথা পাকা হয়ে গেল। লাভের চার আনা। একটু বেশিই হল, কিন্তু উপায় ছিল না তা ছাড়া। সত্যিই তো যোগেন ছাড়া এমন গুলী তার দলে আর কে আছে ?

কথাবার্তা শেষ করে যোগেন যখন বাড়ীর দিকে ফিরছিল তখন বেলা দুপুর। শীতের দিনেও এই খোলা মাঠের ভেতরে ধুলোর পথটা গরম হয়ে

উঠেছে। পথের এশাশে আমগাছগুলোতে এরই মধ্যে ‘বউল’ পড়েছে, সোনালি সৌন্দর্য আর ছুটি চারটি কচি কোমল পাতার পুলকিত আঙ্গুরকালে একটা নতুন ঐশ্বর্য ভাঙার যেন বিকসিত হয়ে পড়েছে।

পথ চলতে চলতে একটা মোহন মাদকতায় ভরে গেছে মন। কাল অনেক রাত পর্যন্ত গান লিখেছে, অনেক রাত পর্যন্ত জেগে অতন্ত্র ভাবনার মধ্যে শুনেছে স্বরের আশ্চর্য সঞ্চার। কোথায় যেন এতদিন পর্যন্ত বন্ধ দরজা ছিল একটা, তার বাইরে মাথা কুটেছে যোগেনের সমস্ত চেষ্টা, কিন্তু ভেতরে ঢোকবার পথটাকে খুঁজে পায়নি। কখনো কখনো সেই বন্ধ দরজার ফাঁকে ফাঁকে এক একটা আলোর রশ্মির মতো এসেছে স্বরের এক একটা বিশ্বয় বিচিত্র পুলক। বতটুকু পেয়েছে তা অনেকটা না পাওয়ার ব্যথাকেই তুলছে সজাগ আর স্তম্ভিত করে। যোগেনের মনে হয়েছে, অনেক কথা আছে তার, অনেক গান আছে—অথচ ঠিক তাদের সে ধরতে পারছে না। অতৃপ্তি বোধ হয়েছে, অভিমান জেগেছে নিজের ওপরে। কিন্তু কী যে হল কাল—কেমন করে যেন সে দরজাটা সম্পূর্ণ খুলে গিয়ে অপক্লপ অপরাধ আলো এসে তাকে যেন স্নান করিয়ে দিয়ে গেল। কাল এক রাত্রির মধ্যে আট দশটা গান সে লিখে কেলেছে, স্বর দিয়েছে তাতে। নিজের ভেতরে এমন যে সৃষ্টির প্রচুরতা তার ছিল, এ যোগেনের জীবনে একটা আকস্মিক আবিষ্কার। ফুলে ফুলে আলো হয়ে ওঠা শরভের একটা শেফালি গাছকে হঠাৎ নাড়া দিলে যেমন এক মুহূর্তে বুর বুর করে অজস্র ফুল স্ফিট হাঁসির মতো ঝরে পড়ে, তারও ঠিক তেমনি হয়েছে। কথার শেষ নেই, গানের শেষ নেই। কোনটা ছেড়ে কোনটা ধরে বৃষ্টিতে পারে না। একটা গান লিখতে লিখতে আর একটা গান এসে পড়ে, একটা স্বরের ভেতরে ঘটে আর একটা স্বরের অনধিকারী সঞ্চার। বিস্মিত বিহ্বল হয়ে গেছে যোগেন, সহস্র স্বরে মন তার গান গেয়ে উঠতে চায়।

কিন্তু কেন ?

বস্ত্রের ভেতরে যুঁহু কল্লোল গুনতে পাওয়া গেল। কী অদ্ভুত সন্ধ্যা! প্রাণীপের আলোয় স্থলীলার মুখ সন্ধ্যাতারার মতো ঝলমল করছিল। আর একটি প্যাচপেঁচে গলির একটি বীভৎস অন্ধকারের সঙ্গে এর কত পার্থক্য। মেয়েমানুষের সম্পর্কে একটা কুশ্রী ঘৃণায় যোগেন বিতৃষ্ণ হয়েছিল এতকাল, হঠাৎ দেখতে পেল এর আর একটা দিকও আছে। মনকে কালো করে দেয় না, বন্ধ দরজাটা হাট করে দিয়ে সমস্ত আলো করে তোলে।

এই ভালোবাসা? এই পিরিতা? এরই জন্তে মানুষ এমন করে আকৃতি করেছে গানে গানে, এরই জন্তে শ্রীরাধা যমুনার কালো জলে ভাসিয়ে দিলেন তাঁর বোবন? আশ্চর্য নয় কিছুই, অবিবাহিত নয় এতটুকুও। যোগেন বুঝতে পেরেছে এবার। বুঝেছে কেন বন্ধুর জন্তে কলঙ্কের ডালা অসংকোচে মাথায় তুলে নিতে বাধে না এক বিন্দুও, কেন বারবার একথা মনে হয়, ‘তোমার লাগিয়া কলঙ্কেরই হার গলায় পরিতে স্মৃ’।

যোগেন গুন গুন করতে লাগল :

আর কত কাল রহি ঘরে পাষাণে বুক বাঁধিয়া,

হায় হায় হায়, জনম গেল কাঁদিয়া!

তিলেক তুমায় না দেখিয়া,

হে, পরাণ আমার যায় জলিয়া

ততু তো মথুরা গেইল্যা, ওরে আমার দরদিয়া—

শরতের শিউলি ডালে ঝাঁকুনি লেগেছে। ফুল বরছে, রাশি রাশি ফুল। একটি ছোঁয়ায়, বুকে বুকে কয়েকটি মুহূর্তের মাতলামিতে মাতাল করে তুলেছে সমস্ত জীবন। এবার সত্যিই বড় আলকাপ ওলা হবে যোগেন, সত্যিকারের গাইরে হবে, দিকে দিকে নাম ছড়িয়ে বাবে তার, লোকে আঙুল দেখিয়ে বলবে ওই বাছে যোগেন আলকাপ ওলা।

কিন্তু বংশী মাস্টার। চঠাৎ মনের প্রসঙ্গতার ওপরে লম্বু মেঘ ভেসে গেল

এক টুকরো। মাঠার যে ময় দিয়েছে সে ময় কি ফুল-ঝরা পথে চলার, না কোন দূর দুর্গমের অভিজ্ঞায়? ফুল না কাঁটা?

যেন যোগেনের বিদ্রোহ করে উঠতে ইচ্ছে করল। কী লাভ তার জমিদারকে আক্রমণ করে, মহাজনকে গাল দিয়ে? জমিদার থাকুক জমিদারের মতো, মহাজন থাক তার নিজের মজিমাফিক। আরো তো লোক আছে দেশে, আরো তো বহু মানুষ জর্জরিত হচ্ছে জমিদারের অত্যাচারে! কিন্তু কী দরকার তার—কী প্রয়োজন তারই একমাত্র প্রতিবাদ জানিয়ে? সকলের যেমন করে দিন কাটছে, তারও কাটুক। সকলে যেমন করে ঘর বাঁধে, ভালোবাসে নিজের বউকে, ছেলেমেয়ে নিয়ে সংসার করে, তাইই করবে যোগেন, তাদের থেকে সে আলাদা হতে চায় না, চলতে চায় না কোন দুঃসাহসিক নতুনের দুর্গমতায়।

বংশী মাস্টারের ওপরে রাগ হতে লাগল। অকারণে দুর্বুদ্ধি দিচ্ছে তাকে। ব্যস্ত করে তুলছে দিবি জলজ্যান্ত স্বপ্ন শরীরটাকে। স্থিতিছাড়া লোকের স্থিতি-ছাড়া বুদ্ধি, অনর্থক কতগুলো মানুষকে চটিয়ে দিয়ে ঝামেলা বামিয়ে তুলছে চায়। আর তা ছাড়া প্রতিপক্ষও নগণ্য নয়। জমিদার, মহাজন, বামুন। সমাজের তিন তিনটে মাথা, যারা ইচ্ছে করলে চাষার বা কিছু কৌসকৌসানি এক লহমায় সব ইতি করে দিতে পারে। চাষাদের সরস্বতী পূজা! কী দরকার ওসব বাবুয়ানা করে! জুতো সেলাই আর জমিতে লাঙল দিয়ে বাদে সাতপুরুষ কেটে গেল, কোন মতে নামটা সই করতে পারলেই যারা সমাজ মাতব্বর হয়ে যায়, তাদের পক্ষে ও সব বদখেয়ালের কোনো মানে হয় না। এরই নাম গরীবের ঘোড়ারোগ। সবশুদ্ধ ডুবে মরবার মতলব।

তাক চেয়ে দিবি নিরাক্ষাট স্থীলা। ফুলের মতো নরম। এত স্থন্দর, এমন বুকভরা। যোগেন আর কিছু চায় না। রাশি রাশি কথা, রাশি রাশি গান। বুঝ বুঝ করে ফুল ঝরে পড়ছে সর্বাঙ্গে—নিশ্চিন্ত আরামে, অপক্লপ • একটা আবেশে যেন ঝিম ধরে আসে, যেন ঘুমিয়ে পড়তে ইচ্ছে করে।

কিন্তু মাঠের রোদটা হঠাৎ যেন অতিমিত্ত গরম বলে বোধ হল। হঠাৎ যেন মনে হল গায়ের চামড়াটার একটা মৃদু উত্তাপ লাগছে, আমার ভেতরে ঘাম গলে পড়ছে এই শীতের দুপুরেও। বেলাটা কত চড়েছে সেটাই যেন বুঝবার জন্তে একবার আকাশের দিকে তাকালো যোগেন। আর তখনি—

তখনি চোখে পড়ল আকাশে জলন্ত সূর্য।

জলন্ত সূর্য। ধক্ ধক্ করে আগুন ছড়াচ্ছে—জলছে—হিংস্র নিষ্ঠুর ভয়ঙ্কর একটা চোখের মতো। ছায়া রাখবে না কোথাও, রাখবে না স্নিগ্ধতা, তার তাপে শরতের বরা শিউলি শুকিয়ে যাবে মুহূর্তের মধ্যে। পৃথিবীটা শুধু শরতের শিশিরে ভেজা সকালই নয়।

সূর্যের দিকে চোখ কুঞ্চিত করে বিকৃত মুখে তাকালো যোগেন। বতই তীব্র হোক, অস্বীকার করবার যো নেই ওকে। আর ওই চোখ—

ওই চোখ বংশী মাষ্টারের। আজ সন্ধ্যায় তাকে দেখা করতেই হবে বংশীর সঙ্গে। উপায় নেই, স্ত্রীলোকে নিয়ে আচ্ছন্ন আবিষ্ট হয়ে থাকলে চলবে না অপরাধ অঙ্ককারের আড়ালে।

আট

ক্ষেতে ক্ষেতে শীতের সর্ষে ফুল ফোটা প্রায় শেষ হয়ে গেল। মাঠের ওপর শেষরাত্রে আর তেমন করে শাদা রঙের কুয়াসা ঘন হয়ে নামে না আজকাল। আমের কচি মুকুল ধরেছে, সোনার মতো রঙ। পৃথিবী বদলাচ্ছে। বাসন্তী পূর্ণিমার দিন আসছে এগিয়ে—ফিকে বিবর্ণ হয়ে যাচ্ছে গাছের পাতার চেহারা। বাসন্তী রঙের স্বপ্ন ছড়াচ্ছে চারদিকে।

এর মধ্যে সময়টাও এগিয়ে গেছে দ্রুত। মাষ্টারের সব্‌জী ক্ষেতে-কপি-মূলো প্রায় নিঃশেষ। একা মাতুষ—সামাগ্রাই খেয়েছে, বাকীটা দিয়েছে ইচ্ছে মতো সকলকে বিতরণ করে। দুটি চারটি বা বাকী আছে তা সরস্বতী পূজোর সময় কাজে লাগবে। টম্যাটো গাছের বাড়গুলো ক্রমশ শুকিয়ে আসছে, ফল আর তেমন বড়ো হয় না—একটু বাড়তে না বাড়তেই কটিকারী ফলের মতো হলদে হয়ে যায়, তারপর পড়ে যায় মাটিতে। মূলোর গাছ অবশিষ্ট দু'একটা বা আছে, তাদের পাতাগুলো ঝাঁঝরা ঝাঁঝরা করে খেয়েছে সবুজ রঙের ছোট ছোট কীট—এক বকমের উড়ন্ত পোকা। মহিন্দরের হাঁকোর জল দিয়ে তাদের ঠেকানো যায়নি।

ইস্কুলের বারান্দায় সরস্বতী তৈরী হচ্ছে। একটু দূরের গ্রাম থেকে এসেছে একজন রাজবংশী। কুমোর-টুমোর এদিকে নেই, একেবারে শহরের কাছাকাছি না গেলে তাদের পাতা মেলে না। তাই চাবী রাজবংশী এই শ্রবণ বর্ষণই তাদের ভরসা। একটু একটু মাটির কাজ নিজে নিজেই

শিখেছিল, প্রথম প্রথম তা দিয়ে খেয়াল-খুশি মাসিক শীতলা আর বিষহরী তৈরী করত, এখন রোজগারের একটা নতুন পথ পাওয়া গেছে দেখে দম্পত্য মতো এ নিয়ে ব্যবসা করে স্ববল। শীতলা বিষহরী তো গড়েই, তা ছাড়া ফরমাসে অল্পব্যয়ী সব কিছু গড়তে চেষ্টা করে। গত দু বছর থেকে কালীও বানিয়েছে খানকতক। পয়সার খাই নেই স্ববলের, দু তিনটে টাকা পেলেই বেশ বড় গোছের মূর্তি তৈরী করে দিয়ে যায়।

ইস্কুলের বারান্দায় সে প্রতিমায় খড় বাঁধছে, একটু দূরেই দাঁড়িয়ে আছে বংশী। স্ববল বর্মণের সরস্বতী সম্বন্ধে কোনো ধারণা ছিল না। যা একটা গড়তে যাচ্ছিল তা ছিন্নমস্তাও হতে পারে—গণেশ হওয়াও আশ্চর্য নয়, অন্তত তার খড় বাঁধার নমুনা দেখে এরকম একটা আশঙ্কাই জাগছিল। তাই হৈ হৈ করে এসে পড়েছিল বংশী মাষ্টার। নিজে দাঁড়িয়ে থেকে সব দেখিয়ে দিয়েছে—পয়সার বুঝিয়ে দিয়েছে সে ঠিক কী চায়। শুনে মাথা নেড়ে স্ববল বলেছে, হৈ—হৈ, ইবারে বুঝি। খানিকটা বিষহরীর মাসিক করিবা হবে।

—ঠিক ঠিক।—বংশী উৎসাহ দিলে : তবে একেবারে বিষহরীর মতো নয়। রঙটা ধপ্পে সাদা করে দিতে হবে।

—মেম সাহিবগুলার মতন ?

বংশী হেসে বললে, হ্যাঁ, সরস্বতীর রঙ মেম সাহেবদের মতোই।

—আবু কী করিবা হবে ?

—তাতে সাপ থাকবে না।

—তো কী থাকিবে ?

—বীণা।

—বীণাটা ফের কেমন হৈল ?

বীণার আকার প্রকার বোঝাতে গিয়ে বংশী দেখল পঙ্কজম। তাই কাজটাকে সহজ করবার ভুলে বললে, গাব্-গাব্-গাব্-জানো ?

স্ববল দাঁত ঘের করে বললে, হে, হে সিটা আর ক্যানে জানিনুনা ?

—ঠিক সেই রকম।

—আর কী করিবা হেবে?

—পায়ের কাছে একটা পদ্ম আর হাঁস দিতে হবে।

—হাঁস? কী হাঁস? পাতি?

—না না, রাজহাঁস।

—তো ঠিক বুঝি—জবাব দিয়ে স্বল কাজে লেগে গেছে। কিন্তু ঠিক বুঝেছে বলাতেও বংশী নিশ্চিত হতে পারেনি, দাঁড়িয়ে দাঁড়িয়ে কাজ দেখেছে। তবু যতদূর মনে হচ্ছে, হাঁসটা ঠিক হাঁস হবে না, ময়ূর আর শকুনের মাঝামাঝি কিছু একটা রূপ নেবে। কিন্তু উপায় নেই—এর বেশী কাজ স্বল বর্মণের কাছ থেকে আশা করা সম্ভব নয়।

খুব গম্ভীর মুখে কাজ করছে স্বল। ইস্কুলের পড়ুয়া আট দশটা আখ-গাংটো ছেলে এসে কাছে জুটেছে, এই মহৎ কাজে কিছু একটা ফুট করমাস খাটতে পারলে একেবারে চরিতার্থ হয়ে যাবে। স্বল নিজের উপযুক্ত পদ মর্যাদা অমুখ্যায়ী কাজ করিয়ে নিচ্ছে ছেলেগুলোকে দিয়ে। হাতের কাছে তারা খড়ের বোঁগান দিচ্ছে, দড়ি দিচ্ছে এগিয়ে। একটু ভুল হলেই থমক দিচ্ছে স্বল : হেঃ দেখ-দেখ, বোঁকাটা কি বা করোছে হে!

এরই মধ্যে মহিন্দর এল।

—ওনিলা হে মাষ্টার?

—ওনচি, কী বলবে বলো।

—চল্লিশটা টাকা উঠিলে। আর ক্যাতে নাগিবে?

বংশী বিস্মিত হয়ে বললে, চল্লিশ টাকা তুলেছ? তবে তো ঢের হয়েছে—
এর বেশি আর লাগবে না মহিন্দর।

—নাগিবে না? ইতেই হই যাবে?

—হ্যাঁ।

—হামাদের পূজা হেবে—হামরা ইঠে একটা গানের বোঁগাড় নি করুম?

—গানের যোগাড় ?—বংশী আত্মমগ্নভাবে অল্প একটু হাসল : সেজগে তোমাদের ভাবতে হবে না। সে ব্যবস্থা আমিই করব এখন। কোন ভয় নেই, গান হবেই।

—কুন্ঠে থেকে গান আনিবা হে তুমি ?—এবারে মহিন্দর আশ্চর্য হল।

—এখন বলব না। কিন্তু কিছু ভাবতে হবে না মহিন্দর, গান ঠিক এসে যাবে তোমাদের।

মহিন্দর আর পীড়াপীড়ি করল না। অনেক নিগিছে মাষ্টার, তার সম্পর্কে অসীম প্রীতি মহিন্দরের। মাষ্টার যা খুশি তাই করতে পারে। সুতরাং এ ব্যাপারে সে নিশ্চিন্ত বোধ করল। তবুও এখনো অনেক সমস্যা আছে—সেগুলোর ভালো করে একটা নিষ্পত্তি না হওয়া পর্যন্ত স্বস্তি পাচ্ছে না মহিন্দরের মন।

—হামাদের পূজা, আর সব গায়ের কুটুম-কাটুমগুলোক তো নেওতা (নিমন্ত্রণ) দিবা হয়।

—তা দিগ্নো।

—হাঁ, ওই সনাতনপুরের ভূষণকে কচিবা হেবে, রাস্তকও খবর দিবা নাগিবে।

—দিগ্নো খবর—বংশী নির্লিপ্তভাবে জবাব দিলে, সকলকে ডেকে এনে পেট ভরে মায়ের প্রসাদ খাইয়ে দিগ্নো, খুশি হয়ে বাড়ি চলে যাবে।

আনন্দে বলমল করে উঠল মহিন্দরের মুখ : ই কথাটাই তো হামি কচিবা চাহোছিহু ! পূজা হেবে, জাত-কুটুমক ভালো করি তো থিলাবা নাগে। না তো ফের শালার ঘর বদনাম করি বেচাবে। তো কয়টা পাঁঠা লাগিবে ?

—পাঁটা ?—বংশী আশ্চর্য হয়ে বললে, পাঁটা কী হবে ?

—ক্যানে, বলি দিবা নাগিবে না ?

—না, এ পূজায় পাঁটা বলি দিতে নেই।

—তো ফের কিবা বলি দিবা হয় ? ম্যাড়া ?

—না, ম্যাড়াও নয়। কিছুই বলি দিতে হবে না।

—হায়রে বাপ, বলি দিবা হয় না? মহিন্দরের আনন্দোজ্জল মুখে আশাহত বিশ্বয় দেখা দিলে : বলি না হয় তো ক্যামন পূজা?

—এই নিয়ম। দেবী বোষ্টুম কিনা, মাছমাংস খান না।

—নি ধান?—মহিন্দর নিরাশাস্কর স্বরে বললে, তবে কী খিবে?

—কুমড়ো, কাঁচকলা, কপি, মুলো, আলু—সবরকম আনাজ। শুধু পেঁয়াজ নয়।

—ই, বুঝি—খানিকক্ষণ মুগটাকে হাঁড়িপানা করে রইল মহিন্দর। পূজো সম্পর্কে তার বা স্বাভাবিক ধারণা সেটা স্পষ্ট। পাঁটা বলি হবে, মাংস রান্না হবে, চলবে মদের আঁক। জাতি-কুটুম নিয়ে বসা যাবে আসর জমিয়ে। কালীপূজা কিংবা বিষহরী উপলক্ষে এটাই চিরচরিত রেওয়াজ। কিন্তু নিছক কচু কুমড়োর ঘ্যাঁটি খাওয়াতে চায়, এটা কেমন পূজোর ব্যবস্থা মাষ্টারের!

স্কুল স্বরে মহিন্দর বললে, তো কুটুমগুলো কি খিলাম? মাংস না থাকিলে—

মহিন্দরের মনের অবস্থা বুঝলে বংশী। হেসে বললে, তা আলাদা করে তোমরা পাঁটা কেটে রান্না করতে পারো, খাওয়াতে পারো তোমার জাত-কুটুমদের।

—দোষ হবে না?

—না।

মহিন্দর প্রসন্ন হল। বললে, তো আমি খাসীর যোগাড় করি।

—কর।

চলে যাচ্ছিল মহিন্দর, মুখ ফিরিয়ে বললে, গানের কথাটা ভুলিয়ে না হে মাষ্টার।

শান্ত স্বরে মাষ্টার বললে, না, না, সে ঠিক আছে, ভুলব না।

মহিন্দর চলে গেল। কিন্তু ইতিমধ্যে প্রতিমার খড় বাঁধতে স্তবল বর্মণ উৎকর্ণ হয়ে উঠেছে। আগ্রহ ব্যাকুল স্বরে বললে, এইঠে কি গানও হবে?

—হাঁ, হবেই তো।

—কী গান?

—আলকাপ।

—বড় ভালো গান।—লুক কণ্ঠে স্তবল বললে, শুনিবা আসিমু।

—নিশ্চয় আসবে। তোমাদের নিমন্ত্রণ রইল।

অত্যন্ত খুসী হয়ে প্রতিমার কাঠামোতে খড় চাপিয়ে চলল স্তবল, দেবীর প্রতি হঠাৎ একটা শ্রদ্ধা আর অতুরাগ জেগে উঠেছে তার মনে। আধ-জ্ঞাংটো ছেলেগুলো দড়ি আর খড় এগিয়ে দেবার কথা ভুলে গিয়ে ঘুরে ঘুরে নাচতে শুরু করেছে : এইঠে গান হবে—গান হবে—আলকাপের গান।

বংশী শুধু শূন্য দৃষ্টিতে তাকিয়ে রইল দূর প্রান্তরের দিকে। একি অতুল মজুমদারের অপমৃত্যু, না বিচিত্র একটা নবজন্মের সূচনা? আত্মহত্যা না আত্মবিকাশ?

পরিস্কার জবাব নেই কিছু। শুধু মনের সামনে ভাসছে শান্তির মুখখানা। দুইমিভরা কালো চোখে শান্তি তাকিয়ে আছে তার দিকে : তুমি পারবে না, তুমি পারবে না।

প্রতিশ্রুতিটাই পালন করতে হবে। কী পারা সম্ভব আর কী নয়—সে কথা ভেবে আর লাভ নেই। এই অন্ধকূপের নির্বাসন—এই সাপের মতো লুকিয়ে লুকিয়ে আর নিজেকে বাঁচিয়ে বাঁচিয়ে চলবার চেষ্টা—এইখনিই ঘটুক এর চিরলম্বাপ্তি। হয়তো নতুনের গুরু, নইলে শেষের পাল।

ছেলেগুলো তখনো ঘুরে ঘুরে নাচছে : গান হবে, গান।

—গান তো হবে কিন্তু—

কথাটা আরম্ভ করেই সন্ধিভাবে খেমে গেল ধলাই

—খামিলে ক্যানে ? কী কহিবা চাহো সাফ সাফ কহো ।

—কহিমু ?—খলাই আবার ইচ্ছন্ত করতে লাগল ।

কথাগুলো হচ্ছিল যোগেনের বাড়ির দাওয়াতে । এখন সন্ধ্যা হয়ে গেছে, অল্প অল্প জ্যোৎস্না পড়েছে, সামনের নিম্ন গাছটার পাতাগুলোর ভেতর থেকে আলো-আঁধারি এসে দোল খাচ্ছে দাওয়াতে । কোথায় যেন ভাঁট ফুল ফুটেতে শুরু করেছে, বাতাসে আসছে তার স্বগন্ধ । চাটাই পেতে বসেছে ওরা দুজন । অস্পষ্ট ছাঁয়া মেশানো জ্যোৎস্নায় ওদের ভালো করে দেখা যাচ্ছে না, শুধু ওদের মুখের বিড়ির আগুনছটো বিকমিক করছে ।

সন্ধ্যার পরে স্বপ্নের জ্বলন্ত ঠোকা বন্ধ হয়ে যায়, তখন এখানে গানের আসর বসায় যোগেন । প্রথম প্রথম তাদের চঁচামেচিতে জেরবার হয়ে গিয়েছিল স্বপ্নের, একদিন একটা ঠ্যাঙ্গা হাতে করে তেড়েও এসেছিল । কিন্তু ক্রমশ বিতৃষ্ণাটা কেটে গেছে, এখন সে দস্তুরমতো ভাইয়ের গুণ-মুগ্ধ । এমনকি এত খুশি হয়েছে যে, বলেছে : দু চারিটা জায়গাত্ যদি ভালো গাহিবা পারিস তো হামি নিজে তোকে একটা কলের বাঁশি (ক্যারিয়োনেট) কিনি দিমু ।

আর আড়ালে আড়ালে বসে শোনে যোগেনের মা, স্বকণ্ঠ স্বদর্শন ছেলের গর্বে—গৌরবে তার বুক ভরে থাকে । মাঝে মাঝে দরজা ফাঁক করে এসে চকিতের জগ্রে উঁকি দেয় স্থশীলা, যোগেনের দৃষ্টি এড়ায় না । রক্তের ভেতরে যেন চঞ্চলতা জেগে ওঠে, মধুবর্ষী কণ্ঠে আরো বেশি করে মধু ঢেলে দিয়ে যোগেন গান ধরে :

কইগা, ভ্রমর জিনি লয়ন তোমার

উড়ি উড়ি যায় হে,

হামার বৃকের ভিতর ফুল ফুটিলে

তাহার মধু পায় হে—

হায় হায়— !

যোগেনের চোরা চাহনি একজনের চোখে ধরা পড়ে গেছে—সে ধলাই। কোনো মন্তব্য করে না, মাঝে মাঝে মুচকে মুচকে হাসে। আজকাল অবশ্য একটু কাজ বেড়েছে তার, যোগেন বাড়িতে থাকবে না নিশ্চিতভাবে জেনেও সে আসে যোগেনকে ডাকতে। যদি বাড়িতে না পায় তা হলে বেশ নিশ্চিত হয়ে বসে বাইরের দাওয়াতে, গামছা ঘুরিয়ে ঘুরিয়ে বলে, যে অউদ রোদ উঠিছে— বাপ্ রে বাপ্। একটু পানি না খিলাইলে হামার চলিবার জোর নাই।

শুধু পানি খায় না, পানও খায়। স্ত্রীলাই মাঝে মাঝে পান এনে দেয় তাকে। কথাটা শুনে, বলা বাহুল্য, যোগেনের ভালো লাগেনি। একবার ভেবেছে, ধলাইকে নিষেধ করে দেবে যখন তখন তার বাড়িতে আসতে, মাকে বলবে সময়ে অসময়ে ওকে পান বা পানি কিছুই না দিতে। ধলাইয়ের অল্প অল্প গৌফের নীচে মিটমিটে হাসিটাকে কেমন সন্দেহ করে যোগেন, কেমন একটা অনিশ্চিত আশঙ্কা জাগে। কিন্তু কিছুই বলা যায় না—কেমন সংকোচে বাধে। স্ত্রীলার বাপ বিয়ের প্রস্তাবে এখনো স্পষ্ট করে রাজী হয়নি, অনেকগুলো টাকা চেয়ে বসেছে, এখনো গজর গজর করছে স্বরেন। কাজেই যোগেন এখনো দাবীটাকে প্রকাশ্যভাবে প্রতিষ্ঠা করতে পারেনি স্ত্রীলার ওপরে, যেটা চলেছে সেটা একেবারেই আড়ালে আবডালে এবং অনেকখানি সামাল দিয়ে। তা ছাড়া মাকেও কিছু বলা যায় না, যোগেনের বন্ধু বলে এবং ধলাইয়ের মুখ ভারী মিষ্টি বলে মাও তাকে একটু স্নেহই করে আজকাল। বলাও যায় না কিছু ধলাইকে, সওয়াও যায় না। আরো মুস্তুল্ল যে, ধলাই শুণী লোক। ক্ল্যারিয়োনেট রীতিমতো ভালোই বাজায়, বিন্দুমাত্রও সন্দেহ নেই সে বিষয়ে। তাকে বাদ দিলে নিশ্চিতভাবে দলের ক্ষতি হবে—নইলে যে কোনো একটা ছুতো নিয়ে অনেক আগেই লোকটাকে বিদায় করা যেত। মনের বিতৃষ্ণাটা মাঝে মাঝে অসতর্ক মুহূর্তে প্রকট হয়ে পড়ে, এবারেও পড়ল। ধলাইয়ের কথার ধরণে বিরক্ত হয়ে যোগেন বললে, কী কহিছ, সাফ সাফ বলি দাও।

পাতলা গৌঁকে একটুগানি তা দিয়ে ধলাই বললে, ইগ্লান কী পালা
বানাইছ ?

—ক্যানে, কী দোষ হৈল ?

—দোষ নি হৈল ?—ধলাই কেমন একটা দৃষ্টিতে যোগেনের মুখের দিকে
তাকিয়ে রইল থানিকক্ষণ, তারপর জিজ্ঞাসা করলে, তুমার মতলবখানা
কি হে ?

—কুন্ মতলব ?—উষ্ণভাবে যোগেন প্রশ্ন করল ।

—ই ক্যামন আলকাপের গান, হামি বুঝিবা নি পাইয় ।

—ক্যানে ?

—ক্যানে ?—ধলাই গৌঁকে আবার তা দিলে : আলকাপের গান হামরা
যিটা জানি সিটা তো কাপ । রং হেবে, তামাসা হেবে । মাহুষ মজা করিবে,
হাসিবে । কিন্তুক তুমার ই গান দেখি হামার ডর ধরোছে দাদা ।

—ডরিবার কী আছে ? যিটা সাঁচ্চা ওইটাই কহিমু না ? যোগেন আরও
উষ্ণ হয়ে উঠল । বয়েসে বড় এবং সংসারের ব্যাপারে আরো কিছু অভিজ্ঞ
ধলাই হাসল করুণার হাসি । বললে, ছোয়াপোয়ার মতন মন লিয়ে কাম
করিবা হয় না । যিটা সাঁচ্চা, ছুনিয়ায় ওইটাই কি কহিবার যো আছে ?
হায়, হায়, সিটা হইলে তো কাম একদম ফতে হই যিত । সাঁচ্চাটাক বুটা
করিবা পারিলে—তেবে—হুঁ : !

মস্ত একটা দমক দিয়ে ধলাই বস্তুব্যাটা শেষ করল ।

যোগেন বিদ্রোহীর মতো বললে, হামি কাঁউক নি ডরাই । যিটাক সাঁচ্চা
বলি জানিমু, উটাই কহিমু, সাঁচ্চাক মুই বুটা করিবা চাহি না ।

—তো নি চাহো তো নি চাহিবেন । কিন্তুক মুন্সিল হেবে ।

যোগেন ঘাড় বাঁকিয়ে বললে, মুন্সিল হেবে না ।

—হায় হায় দাদা ছুনিয়াক চিন্হ নাই ।—যেন খুব ভালো করেই চিনেছে ।
এমনি ভঙ্গিতে ধলাই বলে চলল : দেখিযো, শেষে ফাটক বিবা নাগিবে ।

—ক্যানে ফাটক ?

—ক্যানে ফাটক ? দারোগাক গাইল দিবে, মহাজনক গাইল দিবে, আর উয়ারা ছাড়ি কথা কহিবে তুমহাকে ? জাত সাপের ল্যাজ ধরি কচলাবা চাহোছ, ফের কাঁদিবা হেবে কহি দিহু ।

যোগেন চুপ করে রইল । ধলাইকে সে পছন্দ করে না, মনের কাছে অস্পষ্ট, অথচ অতি নিশ্চিত একটা সন্দেহও তার সম্পর্কে আছে যোগেনের । লোকটার গৌফ পাকানো আর সেই সঙ্গে অবহেলাভরা মুহু মুহু হাসির ভঙ্গিতে তার পিত্ত পর্বস্ত জ্বালা করে ওঠে, এটাও ঠিক । তবু মানতেই হবে, তার বলার মধ্যে অন্তত খানিকটা সত্য আছে । যে গান বংশী মাষ্টার তাকে দিয়ে লেখাচ্ছে তা লিখতে গিয়ে মাঝে মাঝে ভয়ে তার নিজের আঙ্গুলই আড়ষ্ট হয়ে যায় । এ কী লিখতে যাচ্ছে সে, ঝাঁপ দিতে যাচ্ছে কোন্ ভয়ঙ্কর সর্বনাশের নিশ্চিত শিখাতে !

অথচ নিজের মন তার যে গান আঙ লিখতে চায় সে গানের সঙ্গে এর তো কোনো সম্পর্ক নেই । তার সমস্ত ভাবনা, সমস্ত কল্পনা এখন কিশোরী স্ত্রীলার চারদিকে একটা গন্ধমাতাল মৌমাটির মতো ঘুরে ঘুরে পাক খেয়ে বেড়াচ্ছে । এখন তার আকাশের দিকে তাকিয়ে সেটাকে আশ্চর্য রকমের ঘননীল আর স্নন্দর বলে মনে হয়, এখন চাঁদ উঠলে বুকের ভেতরে জোয়ার জাগে । দিনে রাত্রে ঘুমে জাগরণে সে যেন অপরূপ একটা স্বপ্নের গভীরে আচ্ছন্ন হয়ে আছে—ধলাইয়ের ক্ল্যারিফোনেট বাঁশির মতো কী একটা মিষ্টি স্বর সারাক্ষণ তার কানে যেন বাজার দিয়ে যায় । কখনো আবছা আলোয়, কখনো অন্ধকারের আড়ালে স্ত্রীলা তার কাছে আসে, একান্ত হয়ে মিশে যায় তার বুকের ভেতরে, তার চুলের রাশিতে আবিষ্ট মুখখানাকে ডুবিয়ে দেয় যোগেন—নিশি-পাওয়া অবশ মুহূর্তগুলো যেন ঝড়ের পাখায় উড়ে যেতে থাকে ।

গান আসে, কত গান । শরতের শিউলি ডালে ঝাঁকুনি লেগেছে । ফুল ঝরে, রাশি রাশি ফুল । পরীবার্যের রাজকন্ঠা নেমে এসেছে তার

জীবনে, তাকে ঝাচিয়েছে একটা বিকৃত সন্ধ্যার বীভৎস স্থিতির পীড়ন থেকে ।
স্বশীলার কানে কানে তার প্রেমের কথা স্রব হয়ে বয়ে পড়েছে :

তুমি আমার পরাণ হে কইজা,
সাপের মাথার মণি
তুমারে আঙুলি রাখি দিবস রজনী ।
দিনে তুমি দিনের আলো,
রাইতে ঘুচাও রাইতের কালো,
মরিব মরিব কজা—
তোমা হারাইম্ যখনি—

কিন্তু বংশী মাটার । জলন্ত সূর্যের মতো চোখ । শিশির উড়ে যায়—
ছায়া পুড়ে যায় মুহূর্তের মধ্যে । অনেকবার যোগেন ভেবেছে, রাজী হবে না
তার কথায় । চারণ হয়ে তার দরকার নেই, দরকার নেই তার সৈন্তদের
হাতে অস্ত্র তুলে দেবার দায়িত্ব নিয়ে । সে ছোট্টই আছে, ছোট্টই থাকবে,
ছোট্ট একটা স্বর বাঁধবে তার মনের মালুমকে নিয়ে । কিন্তু—

কিন্তু সূর্যের দিকে তাকালে দৃষ্টি যেমন জলে যেতে চায়, সে অবস্থা তারও
হয়েছে । অনেক কথা বলতে চায়, বলতে পারে না । শুধু কানের কাছে
বাজে : তোমাকে কাজ করতে হবে যোগেন—তের বড় কাজ । আর এ
কাজের দায়িত্ব তুমি—একমাত্র তুমিই নিতে পারো ।

আর কোন কথা সরে না যোগেনের । মূঢ়ের মতো আবিষ্ট দৃষ্টিতে চেয়ে
থাকে । কাঁচপোকাকার আকর্ষণে ভেলাপোকা নাকি কাঁচপোকা হয়ে যেতে
চায়, তেমনি একটা কিছু হতে চাইছে নাকি যোগেনেরও ? আকর্ষণ, সময়
বুঝেই কি বাটার আসে ! গভীর রাজে—পৃথিবী যখন অদ্ভুত নির্জনতায় বিম
বিম করে, চারদিকের তন্ত্রা-গভীর পরিবেষ্টনী নিজের ভেতরে একটা অপরূপ
অনুভূতির সঞ্চার করে, যেন ভালোমন্দ বিচারের সময় থাকে না । যোগেনের
মনে হয়, মাটার তার দুটো আলা-ভরা চোখ তার চোখের দিকে বিকীর্ণ হবে

পাহাড়ী অজগরের মতো তাকে যেন আকর্ষণ করতে থাকে। বোবা প্রতিবাদ
গলার কাছে এসে অব্যক্ত অসহায়তায় পেমে যায়। মাষ্টার বলে, “লেখো
লেখো যোগেন, নতুন দিনের নতুন গান লেখো। তুমি কবি, তুমি শিল্পী,
নতুন প্রভাতের বৈতালিক।” আর তখন লেখে যোগেন।

কী লেখে?

যোগেনের ভাবনার সঙ্গে আশ্চর্যভাবে সুর মিলিয়ে কথা কয়ে উঠল খলাই :

তোমাকই হামি কহোছি। ইটা কেমন দারা গান হে তুমার ?

খলাই গানটা পড়তে লাগল :

হায়রে হায়, ছাশের একি হাল,

কুনবা পাপে এমন করি

পুড়িলে কপাল !

মহাজনে রক্তচোষা

জমিদার ফৌস্‌ মনসা

দারোগা সে লাটের ছাওয়াল—

মোদের হৈল কাল।

প্যাটের জালায় মৈল মরদ

বউয়ের গলাত্‌ দড়ি,

চ্যাংড়া-প্যাংড়া বিকায় হাটত

দামে কানাকড়ি।

বাচার নামে বিষম জালা,

সকল হৈল ঝালাপালা—

ওই তিনটা শালাক মারি খাদাও

ঘুচুক এ জঞ্জাল—

আর কতকাল সহিবা ভাই

ছাশের পোড়া হাল।

গানটা পড়তে পড়তে চোখ কপালে উঠছিল ধলাইয়ের, পাগল হৈছ নাকি
যে তুমি ?

যোগেন হয়তো কিছুই বলত না, হয়তো চূপ করে শুনে যেত, হয়তো
বা সচেতন হওয়ার চেষ্টা করতো নিজের অপরাধের গুরুত্ব সম্পর্কে, হয়তো
বা এই দুর্বল বিতৃষ্ণাত্মক মুহূর্তে কস করে বলে বসত, হামার কোনো দোষ নাই।
ওই মাষ্টারটা হামাকে দিয়া ইসব নেখাছে। হামি নিখিবা চাহিনা, কিন্তু
ক্যামন বাতু জানে মাষ্টার—হামাক ব্যান বশ করি ক্যালায়।

কিন্তু স্বীকৃতিটা করতে গিয়েও যোগেন চমকে উঠল।

হঠাৎ কেমন অন্তমনস্ক হয়ে গেছে ধলাই। সব গৌণের নীচে ঠোঁটের
কোণায় একটুখানি হাসি দেখা দিয়েছে তার। হাসির রেখাটা স্মৃষ্ণ যে, খুব
সজাগ চোখ না থাকলে চট করে নজরে পড়ত না। চোখের দৃষ্টি তার কেমন
কুঞ্চিত হয়ে গেছে, চোখের তারাগুলো কোণের দিকে ঠেলে সরিয়ে এনে কী
একটা চকিতের মধ্যে সে দেখে নিলে। দরজার দিকে পিঠ করে বসেছিল
তার মুখোমুখি। লঠনের আলোয় ধলাইয়ের দৃষ্টির বিশেষত্বটা লক্ষ্য করেই সে
সঙ্গে সঙ্গে তাকালো ধলাইয়ের পিছন দিকে। আর দেখল—

দেখল চট করে কে যেন ওখান থেকে সরে গেল তৎক্ষণাৎ। একটা ছায়া
মুক্তি মিলিয়ে গেল অন্ধকারে। ঠিন ঠিন করে অস্পষ্টভাবে সাড়া দিয়ে গেল
কাচের চুড়ি।

ওই ছায়া, ওই চুড়ির শব্দ যোগেনের একান্ত করেই চেনা। আজ বোকা
গেল, আজ যেন মনের কাছে এটা আর চাপা রইল না যে, চাপার বয়সী যে
কজা, বার কালো চোখ থেকে ভ্রমর উড়ে উড়ে পড়তে চায়, তার জীবনে যে
সাপের মাখার মগি, সে একান্তভাবে তারই শুধু নয় ! সেখানে আজ প্রতিদ্বন্দ্বীর
ছায়াপাত হয়েছে। আজ যোগেনের গানের চাইতেও আরো মাদক, আরো
বিভ্রম-জাগানো আকর্ষণ এসেছে স্ত্রীলার কাছে—সে ধলাইয়ের ক্যারিয়ারেট।
সে বাশির স্বর—যে স্বরে স্বয়ং শ্রীরাধিকাও তাঁর কুলমান বমুনার কালো জলে
ভাসিয়ে দিয়েছিলেন !

যা বলবে ভেবেছিল, যোগেন বলল না। বরং অত্যন্ত তীব্র কটুধরে বলে
বলল : হামার গান—হামি যা ভালো মনে কইয়ু, সিটাই নিখিছ।

—তো নিখ। হারা তুমার সাথ বাজাবা পারিযু না। খুটাখুটা ইসব করি
ক্যানে জ্যাং খাটিবা যিবার কহো ?

—না পারিবা চলি চাও—

হঠাৎ বিল্লী গলায় চেঁচিয়ে উঠল যোগেন : ক্যাহো তুমাক থাকিবা
কহোছে না। খালি মেজাজ আর মেজাজ দেখাছ। খুব বাঁশি বাজাবা
শিখিছ—দেমাকে পা পড়োছে না মাটিত্।

যোগেনের উত্তেজনার ধলাই বতটা আহত হল, তার চেয়ে বিশ্বয় বোধ
করল বেশি। হঠাৎ এরকম চেঁচিয়ে ওঠার মানেটা ঠিক হৃদয়ঙ্গম করতে না
পেরে অবাক হয়ে তাকিয়ে রইল।

যোগেন বললে, চলি যাও—অ্যাখনে চলি যাও।

স্বপ্ন গৌফের নীচে সরু হাসির রেখাটা ফুটতে না ফুটতেই আবার নিঃশব্দে
মিলিয়ে গেল ধলাইয়ের।

—চলি যামু ?

—ই, চলি যাও।

নীচের ঠোঁটটাকে দাঁত দিয়ে চেপে ধরে ধলাই বললে, ফের পাও ধরে
সাখিলেও নি আসিযু।

—তুমার মতো ছোটলোকের পাও ধরি সাখিতে হামার বহি গেইছে।

—হামাক্ গালি দিলে ? ধলাইয়ের স্বর হিংস্র শোনাল : গালি দিলে
হামাক ?

—ই, দিছ তো।

ধলাই বললে, ইটা পাকা কথা ?

—ই, পাকা কথা।

—আজ্জা, হামি চইয়ু—

ক্ল্যারিমনেট বাঁশিটাকে তুলে নিয়ে খলাই উঠে পড়ল। চিবিয়ে চিবিয়ে বললে, নিজেই পাওত্‌ নিজে কুড়াল মাইল্লে। বা করিবা বিছ, ছুদিন বাদ মাখায় হাত দিই কাঁদিবা হেবে—ইটা কহিন্‌ তুমহাক।

—তখন তুমহাক ডাকিমু না হামি—তীব্র তিক্ত স্বরে ঝুত্‌ভুত্‌বর দিলে যোগেন।

—সিটাই তেবে মনে রাখিও—

খলাই দাওয়া থেকে নেমে পড়ল। শেষ বার বললে, বাড়িত্‌ ডাকি আনি হামাক তুমি অপমান করিলেন। ইয়ার বদলা নিতে না পারি তো চামারের বাচ্ছা নহো হামি।

তারপরেই দ্রুত হাঁটতে শুরু করল। যোগেন রক্তচক্ষে সেদিকে তাকিয়ে রইল, ইচ্ছে করল ঘরের মধ্যে উঠে গিয়ে প্রাণপণে স্থানীলার গলাটাই সে হাতের মুঠিতে নিষ্পিষ্ট করে দেয়।

লম্ব

কিন্তু বোগেন স্ত্রীলার গলাটা টিপে ধরবে কি, যা ঘটবার তা ঘটে গেছে দিন কয়েক আগেই।

একটা ছোট দলের সঙ্গে মাইল বারো দূরে বাঁশি বাজাতে গিয়েছিল ধলাই। শেষকালে পাওনা-গণ্ডা নিয়ে গুণ্ডগোল লেগে গেল দলের চাই ঢোলগুলার সঙ্গে। ঢোলওলা বললে, ওই যা কহিছ পাঁচসিকা, অর বেশি একটা পাইসা বেশি না দিম্।

—আর তুমি লিবেক খাড়াই টাকা করি ?

—ক্যানে লিমুনা ? হামার ঢোল, হামার দল। তুমি কুন্ তালুকদারের ব্যাটাটা আইলেন হে ? তুহাক পাঁচসিকা দিলে তো ওই বাঁশিঅলাক ও দিবার নাগে।

—ত তুমি অক পাঁচ পাইসা দাও—হামার বহি গেইছে। হামাক দুই টাকা দিবার নাগিবে।

—ক্যানে—ক্যানে ? অ্যাতে সখ ক্যানে তুমার ?

—সখ হেবেনা ?—ধলাই চটে উঠল এতকণে : এমন বাঁশি দেখিছ কুনে ঠে ? দেখিছ বাপের বয়সে ?

—বাপ তুলিয়ো না কহি দিছ—হ্যা !—যণ্ডা যোয়ান ঢোলওলা কুখে উঠল : ত পাতগুলান্ বেবাক উড়াই দিম্। ও : ভারী বাঁশি জাখাবা আসোছেন ! এমন বাঁশি হামি—

ভারপরে ঢোলগুলা যা বললে সেটা অহুচ্চার্য। খলাই খানিকক্ষণ বসে
 চোখে তাকিয়ে দেখল তার দিকে, দেখল তার শরীরের জুতো জুতো
 পেশীগুলোকে। বুকভরা কালো লোম লোকটার, নাকের নীচে পুরু গৌর
 আর তার তলায় এক সারি দাঁত—বেন একটা বুনো ভালুকের চেহারা।
 সম্মুখ বৃদ্ধ এখুনি হয়ে যেতে পারে, ও পক্ষ তৈরীও আছে বোঝা যায়, কিন্তু
 তার পরিণাম যে কী হবে সেটাও কল্পনা করে নিতে খুব বেশি অস্ববিধে হলনা
 খলাইয়ের।

তবু সম্মান রাখবার জন্যে দুর্বল কণ্ঠে বললে, খুব যে তেজ দেখাছ! মারিবা
 নাকি হে?

—মারিমু তো। বেশি চ্যাটাং ফ্যাটাং করিবেন তো হাড়গুলায় নিয়ে
 বাড়িত্‌, ঘুরি বাবা না নাগে—ইঃ!

—হামি নি বাজামু তুমার দলে।

—নি বাজাবু তো নি বাজাবু!—কালো গৌরুর নীচে এবারে কোদালে
 কোদালে দাঁতগুলোকে একসার গাজরের মতো খিঁচোল ঢোলঅলা। হঠাৎ,
 কতগুলো টাকা পয়সা ছুঁড়ে মারল খলাইয়ের দিকে, নাকে হাত দিয়ে বসে
 পড়ল খলাই।

—লে, তোর দুই দিনের পাওনা আটাই টাকা। যা চলি বেইঠে তোর
 মন চাহে। তোর মত বাশিওলাক—আবার একচোট অশ্রাব্য গাল। খলাই
 আহত কুকুরের মতো উঠে দাঁড়াল, সাপের মত ফৌস ফৌস করতে করতে
 কুড়িয়ে নিলে পয়সাগুলোকে, তারপর মনে মনে ঢোলঅলার চোদ পুরুষ উদ্ধার
 করতে করতে ফিরে চলল।

ঝোঁকের মাধ্যম বেরিয়ে পড়েছিল শেষ রাতে। এ দেশের ‘মানুসিলা’র
 (মাছুষগুলোর) রাতে চলা ফেরা করবার অভ্যাস আছে, তার ওপর শরীর
 গরম করে নিয়েছে এক পেট তাড়িতে, গৌ গৌ করে হেঁটে চলল খলাই।
 ভয়ানক রকম বিগড়ে গেছে মেজাজ। দেশ-গাঁয়ের ওপর হাড়ে হাড়ে চটে

বাজে ধলাই। এ দেশের বোকা-হাবা দেহাতীগুলো না বোঝে তার কেরামৎ,
 না বোঝে তার বাঁশির বাহাদুরী। এই 'বরিন্দ' দেশের (বরেন্দ্রভূমি—রাঙা
 মাটি) 'বরিন্দা'গুলোর চাল-চলনের কথা মনে পড়লেও পিতিভুজ রী রী করে
 জলে ওঠে তার। তাল মানের বালাই নেই, ডুম্ ডুম্ করে ঢোল পেটে আর
 ট্যাং ট্যাং শব্দে খালি বাজাতে পারে ফাটা-কাঁসর। শানাইতে এক 'বুঢ়া
 হে, ক্যানে পরিলা বাঘের ছাল' ছাড়া আর কোন সুরই ওঠে না তাদের।
 মোটা মোটা চামড়ার জুতো তৈরী করা, পাঠা-ছাগল-মোষ বা পায় নির্বিচারে
 ঘোঁৎ ঘোঁৎ করে খাওয়া আর গাঁক্ গাঁক্ করে অল্লীল ভাষায় ঝগড়া করা—
 এই হল কুইদাসদের, তার জাত-গোস্তরদের একমাত্র উল্লেখযোগ্য পরিচয়!
 , অথচ, কলকাতা। কত বড় শহর, কেমন সব কিন্মিনে মিহি মাছুষ!
 তালুকদার বাড়ির ছোটবাবুর সঙ্গে গিয়েছিল, কাটিয়ে এসেছিল পুরো একটা
 মাস। অতি উগ্র মদের তীব্র প্রভাবের মতো তার রক্তের মধ্যে কলকাতা
 উকি দেয়, থেকে থেকে সংঘারিত হয় বিভ্রান্ত বিস্তৃত চৈতন্যের নেপথ্য থেকে।
 কেমন শির শির করে ওঠে শরীর, রক্ত লাফাতে থাকে রগের মধ্যে।
 'কলকাতা।

দিনের বেলা বাড়ি গাড়ি মাছুষ। রাত্রে ঝলমলে আলো। এত আলো
 —সমস্ত মনটাকে ঘেন আলো করে দেয়। কলকাতাতেই চা খেতে শিখল
 ধলাই। বেখানে খুশি বসে যাও, ইচ্ছে মতো চা খাও এক ঠোঙা তেলভাজা
 দিয়ে, গরম ফুলুরী, নরম আলুর চপ। তিন আনা দিলেই বায়োস্থোপ, আর
 আট আনা খরচ করলে—

উস্—শব্দ করে লাল-টানার মত একটা আওয়াজ উঠল ধলাইয়ের জিভে
 আর দাঁতে। ঘেন স্বর্গ থেকে ছিটকে পড়েছে গলা ভর্তি পচা পাকের মধ্যে।
 এ আর সহ হয় না। আলোয় ভরা কলকাতার পাশে পাশে ধুলোয় আর
 বন-বাদাড়ে ভরা এই 'বরিন্দের' ভুলনাটা যখন মনের মধ্যে এসে দেখা দেয়
 তখন ঘেন হুঃসহ একটা বহুশব্দ আত্মনাদ করে উঠতে ইচ্ছে করে তার।

এ তার দেশ নয়। কোন মাছুষেরই দেশ নয়। এখানকার বান্ধিলাদের মাছুষ বললে কলকাতার লাগাম জাঁটা ছ্যাকড়া গাড়ির ঘোড়াগুলো পর্যন্ত হো হো করে হেসে উঠবে বলে মনে হয় তার। এখানকার কটিকারী আর মরা ঘাসে ভরা মাঠের মধ্যে চরে বেড়ায় যে গোরু ছাগলগুলো, তাদের সঙ্গে কোনো পার্থক্যই নেই এদের। এই ঢোলঅলা লোকটাই তার নমুনা। তবে ও লোকটাকে গোরু-ছাগল বললে কম বলা হয়—আসলে বলা উচিত বাঁড়।

এক যোগেন কবিগুলার মধ্যে একটু ভক্ততা আছে। গান-বাজনা কিছু শিখেছেও মনে হয়। কিন্তু বুদ্ধিটা বড় স্ববিধের নয় যোগেনের। তার মতলবটা এখনো ঠিক ধরতে পারেনি ধলাই। বুদ্ধি-ভুদ্ধি তো যথেষ্ট আছে, লেখেও নিতান্ত খারাপ নয়, কিন্তু লেখে কী? রাজ্যভুক্ত লোককে গাল দিচ্ছে, গাল দিচ্ছে পুলিশকে, গাল দিচ্ছে স্ভোতদারকে। কিন্তু এতো ঠিক হচ্ছেনা, অকারণে খোঁচা দেওয়া হচ্ছে ঘুমন্ত বাঘের গায়ে। একটা কেলেকারী হবে শেষ পর্যন্ত—নাকের জলে চোখের জলে একাকার হতে হবে যোগেনকে।

যোগেনের কথা মনে পড়তেই ধলাইয়ের চমক ভাঙল। চোখ তুলে দেখে কালো আকাশে ফিকে হয়ে এসেছে রাজির নক্ষত্রগুলো, ছাই রঙ ধরেছে পূর্বদিকে। পাখির কিচির মিচির শুরু হয়েছে গাছে গাছে। পথ থেকে উঠেছে শিশির ভেজা ধুলোর গন্ধ, পায়ের পাতায় জড়িয়ে ধরছে ভিজে ভিজে ধুলো। ভোর হয়ে এসেছে। শেষ শীতের ভোর। মাঠের ওপর, গাছের মাথায় আবছা কুয়াশা। তাড়ির নেশাটা মরে গেছে এখন, শীত ধরেছে শরীরে। টপ করে এক ফোঁটা অত্যন্ত শীতল শিশির এসে পড়ল কপালে, ফোসকা পড়বার মত বজ্রণা বোধ হল একটা, কুঁকড়ে গেল গায়ের চামড়া।

একটু গরম হওয়া দরকার। অস্তুত এক ছিলিম তামাক। কিন্তু কোথায় পাওয়া যাবে?

থেমে দাঁড়াল ধলাই। রোদ নেই, তবু বরাবরের অভ্যাস মতো চোখের ওপর হাতটা তুলে ধরে তাকালো সামনের দিকে। চেনা যাচ্ছে সামনের

গী-টাকে । ওই তেঁা জোড়-টিল, বা-দিকের টিলাটার মাথার ওপর খিড়ক
ধরণে হেলে আছে বাজে পোড়া তালগাছটা ।

ই—ওটাই সনাতনপুর ।

আঃ—অনেকদিন পরে ভূলে যাওয়া চায়ের স্বাদটা মনে পড়ল । কলকাতার
সেই মিষ্টিগরম চা, পাঞ্জাবী দোকানে চায়ের মালাই । সেই রকম এক কাপ
চা যদি পেত এই শীতের আড়ষ্ট, ক্লান্ত, মন্থর সকালটাতে ! ক্লান্তি জুড়িয়ে
যেতো, গরম হয়ে যেতো শীতের বাতাসের চোয়াতে শরীরের মধ্যে জমাট
বৈধেয়াসা হিমরক্ত ! এখানে অবশ্য সে চা জটবার জাশা রুখা । তবু
যোগেনের বাড়িতে ছিলিমখানেক তামাক যদি মেলে সেও মন্দ হবে না ।
বিড়িতে আর শানাচ্ছে না তার, দরকার খানিকটা কড়া না-কাটা তামাক ।

চারদিকে শীতের কুয়াশা । তাই রাঙা আকাশ ফ্যাকাশে শাদা হয়ে
আসছে, চাঁদটাকে দেখাচ্ছে মড়ার খুলির একটা ভাঙা চোকলার মতো ।
পায়ে পায়ে লেপ্টে ধরেছে শিশিরে ভেজা ধূলো । আবার হাড় কাঁপানো
একবিন্দু শিশির এসে পড়ল ধলাইয়ের মুখে । কড়া তামাকের সম্ভাবনায়
গলাটা প্রলুব্ধ হয়ে উঠেছে, পথ কাটবার উত্তমও বেড়েছে খানিকটা । জোরে
পা চালিয়ে দিল ধলাই ।

কলকাতা । * বহুদূর থেকে তার লক্ষ লক্ষ আলোক চোখের মায়াবী
সঙ্কেতে ডাক দিচ্ছে ধলাইকে । ছোট জাত বড় জাত নিয়ে মাথা ঘামায়না
কেউ, ধুতি পরলেই বাবু । অনায়াসেই ধলাই নিজের জায়গা করে নিতে
পারে সেখানে । সে গুলী । ওখানে সমজ্জদার মাছুষ আছে, তার গুণের
কদর করবে ।

জোড় টিলার কাছাকাছি পৌছতে আগে অনেকটা ফর্সা হয়ে এল
পৃথিবী । পাখির কিচিরমিচির বেড়ে উঠেছে চারদিকে । বাতাসে দূর
থেকে মোরগের দবাজ গলা ভেসে এল ।

স্বপ্নেনের বাড়ির পেছন দিয়ে রাস্তাটা । রাস্তার লাগাও একটা ভোবা,

তার ধার দিয়ে পৌছুতে হয় বাড়ির সদরে। ভোবার পাড়ির সেই কালি পথটুকুতে পা দিতেই মূচিপাড়ার ছতিনটে কুকুর হাঁক দিয়ে উঠল সম্মুখে, আর ভোবার ঘাট থেকে বে মেয়েটি একটা মেটে-কলসী বগলে করে উঠে আসছিল সে একেবারে থমকে দাঁড়িয়ে গেল ধলাইয়ের মুখোমুখি।

বাঃ, বাঃ, খাসা। বড় ভালো জিনিস চোখে পড়ল সকালে, দিনটা কাটবে ভালো! চৌদ্দ-পনেরে। বছরের দিব্যি ফুটফুটে মেয়েটি, ভোরের প্রথম হোঁয়াতে মুখখানা ঢলঢল করছে একেবারে। চোখ দুটিকে স্পষ্ট দেখা যাচ্ছে না, তবু চোখের স্নিগ্ধ শক্তি দৃষ্টিটাকে অহুমান করে নেওয়া চলে।

ধলাই বললে, মোক দেখি ডর খায়েন না। হামি চিন্‌হা মামুষ—ধলাই।

মেয়েটি ঘাড় নাড়ল। বোঝা গেল ধলাই আগে তাকে না দেখলেও সে তাকে দেখেছে। মুহূর্তের বললে, ধলাই বাঁশিওয়াল?

—ই, ই, বাঁশিওয়াল।—পরিচয় দিতে গিয়ে আত্মপ্রসাদ বোধ হল ধলাইয়ের। মনে হল এমন মিষ্টি করে নিজের নামটা সে কোনোদিন শোনেনি।

—এত ভোরে কুন্ঠে থাকি আইলেন?—আবার মুহূর্তের প্রশ্ন এল।

—ভিন্‌ গাঁওত্‌ গেইছিহু—

আরো কী বলতে যাচ্ছিল ধলাই, কিন্তু মুখে আটকে গেল কথাটা। তার চোখের দৃষ্টিটা ধ্বংস করে জলে উঠেছে তখন। কাঁখে জলভরা কলসী নিয়ে একদিকে একটু কুঁজো হয়ে দাঁড়িয়েছে মেয়েটি, গায়ের কাপড়টা সরে গেছে। আর সেই অবসরে সম্পূর্ণ আত্মপ্রকাশ করে বসেছে চন্দনের ফোঁটা পরানো সোনায় পাত্রের মতো প্রথম বোবনের একটি অপূর্ব পরিপূর্ণতা। ধলাইয়ের দৃষ্টিটা লক্ষ্য করে মেয়েটি সজ্জন্ত হাতে কাপড়টা ঠিক করে নিলে, আড়ষ্টভাবে বললে, সরি যান।

এতক্ষণে ধলাইয়ের খেয়াল হল সে পথ আটকে দাঁড়িয়ে আছে। কিন্তু

এর মধ্যেই শরীর গরম হয়ে উঠেছে তার, বিনা চা কিংবা তাপকেই উত্তপ্ত হয়ে উঠেছে হিমরক্ত।

ধলাই নেশাভরা গলায় বললে, একটু খাড়াই যাও ক্যানে। দুইটা কথা কহিলে ক্ষেতি কী হবে? কী নাম তুমার?

—সুশীলা।

—সুশীলা? বড় মিঠা নাম। যোগেন কী হয় তুমার?

—ক্যাহোনা, হুটুম।

ধলাই দু পা এগিয়ে এল : হামার বাঁশি শুনিছ?

—ই।

—কলিকাতায় গেইছ কুনোদিন?

—না।

ধলাই বললে, তাজ্জব জায়গা হে ই কলিকাতা। ক্যাতে মটর গাড়ি, ক্যাতে বাড়ি, ক্যাতে আলো। কলিকাতা যিতে তুমহার মন চাহেনা?

সুশীলা বললে, চাহে তো। ফের যামু কার সাথে?

—হামি লি যামু। বিবা?

সুশীলা বললে, ধ্যাং।

ধলাই নেশাগ্রস্তের মতো বললে, হামি লি যামু। বিহা করিমু তুমহাক।

—ধ্যাং। হামার বিহা হবে যোগেনের সাথে।

ধলাই বললে, যোগেনের সাথে? উহাক বিহা করি কী ফায়দা হবে তুমহার? উ তো ভাইর ষাড়ত্ চড়ি বসি থাকে, খ্যাদাই দিলে কী হবে দশাটা? হামার সাথে চল। শাড়ী দিমু, সোনা দিমু, পাকা বাড়িত থাকিবা দিমু—

এক মুহূর্ত ধলাইয়ের দিকে তাকালো সুশীলা। ভোরের আলোয় চমৎকার লাগছে লোকটাকে। আড়াল থেকে বাঁশিও শুনেছে তার। যোগেন সব্বদে একটু মোহ আছে বটে, কিন্তু দুয়ের মাহুযটিকে এই মুহূর্তে আরো আশ্চর্য,

আরো রহস্যময় লাগছে। স্বশীলার মনের ভেতরে যেন কেমন ছলছলিয়ে উঠল। পুরুষের আলিঙ্গন পেয়ে যেন যৌবন রোমাঞ্চিত হয়ে উঠেছে সমস্ত চেতনায়, তার সঙ্গে সঙ্গে সাড়া দিয়েছে মুচিদের সহজ উচ্ছ্বল রক্ত। বড় চেনা হয়ে গেছে যোগেন, বড় বেশি স্বাভাবিক হয়ে গেছে তার কাছে। আর তা ছাড়া—

তা ছাড়া অত্যন্ত সাবধানী, অত্যন্ত হিসেবী। সময় আর স্বযোগমতো মাঝে মাঝে স্বশীলাকে বুকের মধ্যে টেনে নেয় বটে কিন্তু তাতে আশ মেটেনা স্বশীলার। একটা তীব্র অস্বস্তিতে গায়ের মধ্যে যেন জ্বালা ধরে যায় তার— আরো কিছু চায় সে, আরো অনেকটা যেন প্রত্যাশা করে। প্রত্যাশা করে শরীরের প্রতিটি রোমকূপে, প্রতিটি রক্ত-মাংসের কণায় কণায়। পিবে যেতে ইচ্ছে করে তার, ইচ্ছে করে যেন ভেঙেচুরে তচনচ হয়ে যেতে। কিন্তু তার সে প্রত্যাশা পূর্ণ করেনা যোগেন। সে ভীক, সে সাবধানী। আগুন জ্বালাতে পারে, কিন্তু নেভাতে জানেনা। প্রেম আছে, কিন্তু দাবী নেই তার।

ধলাই আবার বললে, কী ভাবিছ সোনার বরনী কত্তা, কথা কহিছ না যে ?

—ধ্যাং।

—ক্যানে ধ্যাং ধ্যাং করোছ! তুম্বাক দেখি হামার মন মজি গেইছে কইত্তা। হামার সাথ কলিকাতায় চল, রাজার হালত্, রাখিমু তুম্বাক—এই কহি দিম্ম।

—পথ ছাড়ি দেন।

—দিম্ম। তার আগে কহ তুম্বাক সাথ ফের দেখা হেবে ?

—হেবে।

—কাইল ?

এতক্ষণে চোখের একটা ভঙ্গি করলে স্বশীলা, কথার চাইতেও সে দৃষ্টির ভেতরে তার বক্তব্য ঢের বেশি স্পষ্ট হয়ে ফুটে বেরুল যেন। বললে, পথ ছাড়ি দেন।

—কিন্তু, কিন্তু—

তার আগেই ধলাইয়ের পাশ দিয়ে চট করে সরে গেল স্মৃশীলা। ইচ্ছেয় হোক আর অনিচ্ছেয় হোক একটুখানি স্পর্শও যেন দিয়ে গেল তাকে।
- পরক্ষণেই বাঁপ ঠেলে অদৃশ্য হয়ে গেল বাড়ির মধ্যে।

* একমুহূর্ত মূঢ়ের মতো দাঁড়িয়ে রইল ধলাই। চিকচিক করে উঠল বাসনা-
লুন্হ চোখদুটো, মুহূ হাসি ফুটে উঠল সরু গোঁফের নীচে বিচক্ষণ ঠোঁট দুটোতে।
তারপর গলাটা পরিষ্কার করে নিয়ে জোর গলায় হাঁক দিলে, হে যোগেন,
জাগিলা নাকি হে যোগেন?

পূর্বের আকাশটা তখন আন্তে আন্তে রাঙা হয়ে উঠছে।

কিন্তু উঠোনে বসে আর ধানসেদ্ধ করতে মন চায়না স্মৃশীলার।

ধলাইয়ের কথাটা কানের কাছে ভাসছে ক্রমাগত।—কলিকাতায় লি যামু,
রাণীর হালে রাখিমু—

কলকাতা! সে আশ্চর্য দেশটার কথা কতজনের মুখেই যে শুনেছে!
শুনেছে সে কলকাতা না দেখলে জীবনটাই অর্থহীন হয়ে যায় মাহুম্বের। এক
কলকাতায় বাওয়ার আকর্ষণই স্বর থেকে টেনে বার করে নিয়ে যেতে পারে
লোককে। তাদের গাঁয়ের হীরালাল সেই যে কলকাতায় পালিয়ে গেল মা-
বাপ-বৌকে ফেলে, আর ফিরলই না। আশ্চর্য দেশ কলকাতা তাঁকে ফিরতে
দিল না।

কিন্তু কারণটা কি শুধুই তাই?

বাঁশের হাতা দিয়ে হাঁড়ির ধানগুলো নাড়তে নাড়তে স্মৃশীলার বুকের
ভেতরটা কেমন তোলাপাড়া করতে লাগল। কারণটা শুধু তাই নয়।
পরিচয় হওয়ার সঙ্গে সঙ্গে ধলাইয়ের চোখে সে যা দেখতে পেল যোগেনের

চোখে তা নেই কেন ? শাস্ত ভীক বোগেন। তার দৃষ্টিতে কেমন ঘোর লাগা। স্থশীলাকে কাছে টেনে নিয়ে মাথার চুলে হাত বুলিয়ে দিতে চায়, বেন স্নেহভরে দিতে চায় ঘুম পাড়িয়ে। কিন্তু ঘুমতে কি চায় স্থশীলা ?

না। শরীরের রক্ত তার মাতামাতি করতে থাকে। পা থেকে মাথা পর্যন্ত কী ছিটকে ছিটকে বেড়ায় আগুনের মতো। দুবছর আগে একবার বিচ্ছেদ কামড়েছিল তাকে, মনে হয় তার সেই তীব্র ভয়ঙ্কর জ্বালাটা বেন আবার ফিরে এসেছে এতদিন পরে। সজোরে নিজের ঠোঁট কামড়ে ধরে স্থশীলা।

এক একদিন রাত্রে ঘুমতে পারেনা। ছটফট করে শুয়ে শুয়ে, অস্থিরতার কী করবে ভেবে পায়না বেন। তারপর যখন বোগেনের মার চোখে ঘুম জড়িয়ে আসে ঘন হয়ে, ঘুমের মধ্যে তার কথা বলা শুরু হয়ে যায়, তখন অসীম অস্থিস্থিতে সে উঠে বসে। ছুটে যেতে ইচ্ছে করে বোগেনের ঘরে, তার বুকের মধ্যে নিঃশেষে নিশ্চিষ্ট হয়ে যাওয়ার আকাঙ্ক্ষা জাগে।

—হামি মরি গেলাম, হামি মরি গেলাম—

কিন্তু ছুটে যেমন যেতে পারেনা স্থশীলা, তেমনি বলতেও পারেনা। শুধু বুকের মধ্যে যেন কাঞ্চননদীর বান আসে, ধড়াস্ ধড়াস্ শব্দ নিজের কানেই শুনতে পায় বেন। উঠে পড়ে বিছানা ছেড়ে, পা টিপে টিপে এসে দাঁড়ায় বোগেনের ঘরের বেড়ার আড়ালে।

রেড়ীর তেলের আলোয় উবু হয়ে বসে লিখে বোগেন। জলজল করছে তার চোখ, অদ্ভুত একটা দৃষ্টি সে চোখে। সে দৃষ্টির অর্থ বুঝতে পারেনা স্থশীলা, বুঝতে পারেনা কিসের জন্তে এমন করে অতদূর রাত কাটিয়ে যাচ্ছে বোগেন, কিসের পাগলামিতে সে কাগজের ওপর হরফের পর হরফের জাল বুনে চলেছে।

মনে হয় একটা আলাদা মাহুষ। এ মাহুষ তার জানা নেই, তার চিন্তা দিয়ে একে হোঁচা বাবেনা। থস্ থস্ করে লিখে যাচ্ছে, কখনো বা লোহাতে

কলমটাকে ডুবিয়ে রেখে হাতের আঙুলগুলোকে কামড়াচ্ছে হিংস্র আর
ক্লিষ্টভাবে। বেন নিজের মধ্যে অনবরত কী একটা ভাঙচুর করছে সে。
কিছুতে তার স্বস্তি নেই, কোনোমতেই বেন সে তৃপ্তি পাচ্ছে না।

এ কোন্ মানুষ? এ কোন্ জাতের? এক একটা নিভৃত অবসরে বৃকের
ভেতর টেনে নিয়ে যে তার চুলে কপালে আঙুল বুলিয়ে দেয় এ সেও নয়।
এর সঙ্গে স্মৃশীলার পরিচয় নেই—এও স্মৃশীলাকে চেনেনা। .এর কাছে গিয়ে
সে কি বলতে পারে, আমি ঘুমোতে পারছি না, আমাকে তোমার বৃকের
ভেতরে আশ্রয় দাও? বাঁচাও আমাকে, রক্ষা করো এই অসহ্য দুর্বোধ বস্তুণা
থেকে?

দরজার পাশে দাঁড়িয়ে ছটফট করে স্মৃশীলা। চলে যেতে চায়, চলে যেতে
পারে না। কিসে বেন আঁকড়ে ধরেছে তাকে, তার পা ছুঁটো মাটির ভেতরে
চুকে গিয়ে শক্ত আর অনড় হয়ে গেছে।

উঠে দাঁড়িয়েছে যোগেন, পায়চারী করছে ঘরময়। তারপঙ্ক গুন গুন
করে গান ধরেছে :

ক্যাতে ক্যাতে ফসল ভরা
হামার সোনার মাটি,
সেই ফসলের হতাশ নিয়ে
মিছাই মরি খাটি!
গায়ের লোহ হৈল পানি,
ভুখার জ্বালায় যায় পরানি,
আর ঠ্যাংয়ের উপর ঠ্যাং তুলিয়া
তুমি খাছ কীরের বাটি,
হায়রে বরাত, হায়রে—

নড়ে সরে যেতে চায় স্মৃশীলা। হাতের চুড়িতে শব্দ হয়, খস খস আওয়াজ
ওঠে শাড়ীতে। তীব্র তীব্র সরে যোগেন বলে ওঠে : কে?

বৃক্কের মধ্যে হুংপিও ধব্ধ করে ওঠে স্থলীলার । নির্জন নিঃশব্দ রাত্রি । সমস্ত বাড়ি ঘুমুচ্ছে, কেউ জেগে নেই কোথাও । রাত্রির এই অবকাশে অনেক কিছু ঘটে যেতে পারে, আবির্ভাব ঘটতে পারে যে কোনো একটা অপ্রত্যাশিত ঘটনার । বোগেনের মন কি উদ্বেল হয়ে উঠতে পারেনা মাত্র কয়েকটি মুহূর্তের জগুও ?

আবার তীক্ষ্ণ স্বরে সাড়া আসে : কে ?

—ক্যাহো না, হামি । হামি স্থলীলা ।

—স্থলীলা—ওঃ !—একটা নিরুত্তাপ শান্তি ভেসে আসে বোগেনের স্বরে : আঁতে ‘আইতে’ (রাইতে) জাগি জাগি কী করোছ ?

—বাও—ঘুমাও ।

বাও—ঘুমাও ! স্থলীলার পা থেকে মাথা পর্যন্ত জলে ওঠে একসঙ্গে । যেন পাথরের মতো মাছুষ—শরীরে গরম রক্ত নেই একবিন্দুও । অথচ এই রকম রাত্রি—এরকম নির্জনে ছুটি জোয়ান ছেলেমেয়ের দেখা, তার পরে কার বহু আশ্চর্য মন মাতানো গল্পই তো শুনেছে স্থলীলা । শুনেতে শুনেতে মুখ চোখ দিয়ে ঝাঁ ঝাঁ করে যেন রক্তের ঝাঁঝ বেরিয়ে এসেছে, মনে হয়েছে—

আর বোগেন ?

বাও—ঘুমাও ! হিংস্রভাবে স্থলীলা ফিরে এসেছে ঘরে ।...

...ইঠাৎ কেমন একটা গঙ্গ—ধান ধরে এল বোধ হয় । স্থলীলা অপ্রতিভ ভাবে আবার হাতা দিয়ে নাড়তে লাগল । আর ধলাইয়ের দৃষ্টি ! ভোরের আবছা আলোতেও সে তার নিজের কথা বলে দিয়েছে । স্থলীলা বুঝতে পেরেছে তাকে । অত্যন্ত পিপাসার সময় যেন এক ঘটি ঠাণ্ডা জলের স্নিগ্ধ মধুর সম্ভাবনা বয়ে এনেছে ধলাই ।

—কলিকাতায় লি বামু, রাণীর হালতু রাখিমু—

মাধব হাত বুলিয়ে দেয় বোগেন—কিন্তু এ তো তা নয় । আলকাপঙলা • রাত জেগে শুধু গানই লিখতে জানে, আর কিছু বোঝবার ক্ষমতা নেই তার ।

জানে। তার দৃষ্টি তার কথা সমস্ত মনের মধ্যে বায়ে বায়ে
গুঁথপড়া' করছে। সে জানে স্থাশীলা কী চায়, স্থাশীলা জানে তাকে তা দিতে
পারবে বাশিওয়াল।

তা ছাড়া কলকাতা—কত দূরের দেশ! কত দেশ, কত নদী, কত জঙ্গল
পার হয়ে সে কলকাতা! সেই বহুদূরের হাতছানি স্থাশীলার কানে এসে
পৌছয়। বহুবার শোনা বাশিওয়ালার বাশির স্বর মনের কাছে নতুন করে
বাজতে থাকে।

নতুন করে বাজল বইকি। বাজল পরের দিন ভোর বেলায়।

তখনো ভোর হয়নি, মেটে মেটে কাকজ্যাংলা চারদিকে। হালকা হয়ে
আসা ঘুম চকিতে টুকরো টুকরো হয়ে যেন ছিঁড়ে গেল স্থাশীলার। আকুল
কান্নার মতো মুহু বাশির শব্দ। শেষ রাত্রির শান্ত হাওয়ায়, ভিজ়ে মাটি
আর শিশিরের গন্ধের সঙ্গে মিশে সে বাশির স্বর ছড়িয়ে বাচ্ছে। সে স্বরে
ধলাইয়ের উজ্জল তীব্র চোখের দৃষ্টি জড়িয়ে আছে, তার সঙ্গে ছড়িয়ে আছে
বহুদূর কলকাতার মোহময় আত্মন।

যোগেনের মা' অঘোরে ঘুমুচ্ছে। একবার তার দিকে তাকিয়েই নিঃশব্দে
উঠে পড়ল স্থাশীলা, অন্ধকারের মধ্যে প্রায় নিঃশব্দে বাঁপ খুলে বেরিয়ে এল
বাইরে। এমন অনেক রাত্রিই তার ব্যর্থ করে দিয়েছে যোগেন, কিন্তু
এই সকালটাকে সে নষ্ট হতে দেবেনা।

কিন্তু অত কথা কী করে জানবে যোগেন আলকাপওয়াল? মহকুমা
শহরে মেয়েদের যে রূপ দেখে সে ভয় পেয়েছে, যে রূপের কথা ভাবলেও তার
শরীর আঁতকে ওঠে, তারও যে একটা সহজ তাগিদ আছে সে তা জানেনা।
তার ভুলের মিথ্যে বোঝা বইতে কেন রাজী হবে স্থাশীলা, কেন রাজী হবে
তার স্বপ্ন লোকের সোনার কত্কা? রক্ত মাংসকে ভুলে গিয়ে গানের রঙিন
'কান্না' তৈরী করতে থাকুক যোগেন, কিন্তু ধলাই হিসেব বোঝে, মাটির কাছে
তার যেটুকু ভাষা পাওনা, তা সে আদায় করে নিতে জানে কড়ায় গণ্ডায়।

বংশী মাটার চলে যাওয়ার পরে খানিকটা হাসাহাসি করেছিল চট্টরাজ। এই শীতের সকালেও পায়ে তেল ডলতে ডলতে ঘরাক্ত হয়ে যাচ্ছিল মহিন্দর আর চট্টরাজের ধারালো ধারালো কথাগুলো ছুরির ফলার মতো এসে বিঁধছিল বুকের মধ্যে। কিন্তু জবাব দেবার জো নেই—সাপের লেজ দিয়ে কান চুলকোবার মতো দুঃসাহস নেই তার।

সামনে ‘কাঁদড়ের’ কাদা মাথা এক হাঁটু জল। তিনঘর ডোম বাস করে গ্রামের প্রান্তে, তাদেরই গোটা কয়েক শূয়ার ছটোপুটি করছিল কাঁদড়ে। সেদিকে তাকিয়ে চট্টরাজ বললে, দেখেছিল মহিন্দর ?

—দেখিছু।

—তোরা ওই শূয়ারগুলোর মতো—কাদাই ঘেঁটে মরবি চিরটাকাল।

—ই—গোঁজ হয়ে জবাব দিলে মহিন্দর।

—অ, বাবুর রাগ হয়েছে বুঝি ? মানে ঘা লেগেছে মানী মাহুঘের ?

—হামাদের ফের মান কুন্ঠে বাবু ? হামরা মুচি—ছোট নোক—

—বাঃ, বাঃ, বিনয়ের একেবারে অবতার—আঃ ?—টানের চোটে হাঁকোটাকে প্রায় কাটিয়ে ফেলবার উপক্রম করে চট্টরাজ বললে, আবার আত্মদর্শনও হচ্ছে দেখি। বেশ, ভালো ভালো। তা এই মাটারটি জুটল কী করে ?

—ক্যামন করি কহিমু বাবু ? কুন্ঠে থাকি আসোচ্ছে ওই জানে।

—হঁ, মাঠারই বটে! আরে ব্যাটা একে জাতে নাপিত, তারপর ‘মেঘনাদ বধ’ই পড়েনি! লেখাপড়া শিখতে হলে আগে ‘মেঘনাদ বধ’ পড়তে হয়—ই্যা, বই বটে একখানা! কী ভাষা, আর কী তার জোর! হাতেৰু হুকোটা মাথার ওপর জয়োদ্ধত পতাকার মতো তুলে ধরে চট্টরাজ আবার ভৈরব স্বরে শুক করলে :

“অধীর হইলা শূলী কৈলাস-আলয়ে,
লড়িল মস্তকে জটা, ভীষণ গর্জনে
গর্জিল ভূজঙ্গ বৃন্দ । ধব্ ধব্ ধব্ধে
জলিল অনল ভালে । ভৈরব কল্লোলে
কল্লোলিল ত্রিপথগা—”

বলি, বুঝলি কিছু ?

—অ্যা ?

বক্তৃতার দাপটে পা টেপা বন্ধ হয়ে গেছে মহিন্দরের, নির্বাক বিহ্বল দৃষ্টিতে সে তাকিয়ে আছে চট্টরাজের অপরূপ মুখ ভঙ্গির দিকে। অপূর্ব! একটা দেখবার জিনিসই বটে। কোথায় লাগে গাজনের সং ? একবার পুতুল নাচ দেখেছিল মহিন্দর—রাম-রাবণের যুদ্ধ; তারই ভঙ্গলোচনের মতো হাত-পা ছুঁড়ে নায়েবমশাই আর আওয়াজ যা তুলছে তা শুনে মনে হয় যেন হামলা করছে একটা এঁড়ে বাছুর।

—বলি বুঝলি কিছু ?

মহিন্দর সভয়ে বললে, আইজ্ঞা না।

—তবু এসব উটকৈল-বিটকৈল সখ চেগেছে, কেমন ? পিঁপড়ের পাখা ওঠে মরবার জন্তে। বলি ওরে ও মুচির পো, সেই হাতী আর কোলা ব্যাঙের গল্লটা জানা আছে ?

—আইজ্ঞা না।

—ওরে শোন। শুনে জানলাভ কর। হাতী বাচ্ছিল রাস্তা দিয়ে, তাই

ভোবার কোলা ব্যাংয়েরও সাধ হল হাতীর মত মোটা হবে। সেই আনন্দে সে তো পেট কোলাতে শুরু করল। তারপর কী হল জানিস ?

—ত.মোটা হই গেইল্ নাকি ? —ভয়ে ভয়ে প্রশ্ন করলে মহিন্দর।

—ইং, মোটা হই গেইল্ ? —দাঁত খিঁচিয়ে উঠল চট্টরাজ : ওরে ব্যাটা গাড়োলেয়া, ও রকম মোটা তোরাও হবি মনে হচ্ছে। ফুলতে ফুলতে শেষে ফটাস্—ফেটে একদম চো-চাকলা।

—ফাটি গেইল্ ?

—ইং, গেইল্ তো।—তেমনি মুখভঙ্গি করে চট্টরাজ বললে, চাঁদ, তোমরাও একদিন বাবে। যা বাড়াবাড়ি আরম্ভ করেছে তোমাদের আর বেশি দেরী আছে বল মনে হচ্ছে না আমার। স্থখে থাকতে ভূতের কিল পড়ছে পিঠে। বেদিন সত্যিকারের কিল পড়বে সেদিন ও ভূত ছেড়ে বাবে। ধন্বা এখনো আছে, জমিদারের জমিদারী লাটে চড়েনি আজ পর্যন্ত। হতভাগা গো-ভাগারা, ওসব বদবুদ্ধি এখনো ছেড়ে দে—ওই অলক্ষণে মাস্টারটা তোদের বরাতে ধুমকেতু হয়ে এসেছে—বুঝনি ?

—ই বুঝিছ তো।

চট্টরাজের মনে হল ঢের বোঝানো হয়েছে, এতেই শিকা হয়ে বাবে মুচিদেব। কিন্তু সন্ধ্যার পর সেরটাক খাসির মাংস আর সেরখানিক কীর খেয়ে নরম বিছানায় শুয়ে পড়বার পরেও ঘুম এল না। পেট গরম হয়ে উঠেছে, গরম হচ্ছে মাথাটাও। চট্টরাজ উঠে বসে এক ছিলিম তামাক ধরালেন নিজের হাতেই।

কাঁদড়ের ধারে শেয়াল ডাকছে, বাইরে থেকে আসছে ঝিঁঝিঁর কলধ্বনি। এক ঘরে কেমন ভয় ভয় করে উঠল শরীর। না—এত সহজেই ভোলা বায়না ব্যাপারটাকে—ধামা চাপা দিয়ে দেওয়া বায়না। এসব বড় খারাপ লক্ষণ। শটেন: পহ্লা-শটেন: কহ্লা: শটেন: পর্বত লজ্জনম্। এ চোখ মেলবার সূচনা, এমনি করে আস্তে আস্তে চোখ দুটো বদি সম্পূর্ণ খুলে বসে তাহলে হালে আর পানি

পাওয়া যাবে না শেষ পর্যন্ত । আজ বেটাকে কেঁচো মনে করে তাজিল্য করা হচ্ছে সেটা যে ডিম ফুটে বেরিয়ে আসা কেউটের বাচ্চা নয় এমন প্রতিশ্রুতিই বা জোর গলায় দিতে পারে কে ?

অভিজ্ঞতা অল্পে অল্পে হচ্ছে বই কি । দু'হরফ গড়তে শিখেছে কি ব্যাটারদের মাতব্বরীর স্বল্পগায় টেঁকা দায় । শহর থেকে আনিয়েছে চার পয়সা দামের নতুন প্রজাস্বস্ত আইনের বই, কিছু বলতে গেলেই গড়গড় করে আউড়ে দেবে :

“চক্রবৃদ্ধি হ্রদ দিব না
বসত-বাটি নীলাম হবে না,
বিশ বছরের কিস্তিবন্দী—”

নায়েব মশাই, এই হইল নতুন আইন ।

নতুন আইনই বটে । সবই নতুন—সারা দুনিয়াটাই প্রায় নতুন হয়ে যাচ্ছে আজকাল । আগে দাখিলার চেকে পাঁচ টাকা লিখে দিয়ে সাত টাকা আদায় করা প্রায় স্বাভাবিক নিয়ম ছিল, পাওনা-গুণ্ডা যে কত দিকে ছিল তার প্রায় হিসেবই নেই । আরে বেশিদূর যেতে হবে কেন, একটা কাছারীতে গেলে না হোক পনেরো ষোলটা টাকা নজর তো মিলতই । এখন নজর দূরস্থান—একটা পাঁঠা, দুটো লাউ বড় জোর । তাও দিতে কতরকমের গাঁইগুঁই—যেন ভিটে-মাটি থেকে উচ্ছেদ করে দেওয়া হচ্ছে ব্যাটারদের ।

আর এর জগ্রে দায়ী এই ইস্কুলগুলো । জেলা বোর্ডে, খেয়ে দেয়ে আর কাজ জুটল না, এই রকম কতগুলো আজ বাজে ল্যারিয়ার সৃষ্টি করে বসে আছে । মুখ ফুটিয়েছে, চোখও ফুটিয়েছে । প্রতিবাদ যেমন করে, তেমনি মাঝে মাঝে রসিকতাও করে : ও তশিলদার মশায়, ইটা কী হইল ? হামি দিহু পাঁচ টাকা, তুমি সাড়ে তিনটাকা নিখিলেন ? ভুল হই গেইছে, ঠিক করি নেখেন ।

বলে মিটি মিটি হাসে । কিন্তু সে হাসি বিছুটির ঘায়ের চাইতেও মারাত্মক,

তার চেয়েও অসহ্য জালা। একটু সামান্য রসিকতা, কিন্তু তার ধার বেন কেটে কেটে বসতে থাকে বুকের মধ্যে। বেশ বোঝা যায় উপরি-পাণ্ডার যুগ শেষ হয়ে গেছে, রস মরে গেছে অমন সোনার চাকরীর।

কোথেকে এই মাষ্টারগুলোও যে আমদানী হচ্ছে ভগবান জানেন। এই বংশী পরামাণিকের হাল-চাল দেখে তো দম্ভরমত সন্দ্বিষ্ট হয়ে উঠেছে মন। আর একবার নাড়াচাড়া দিয়ে দেখতে হচ্ছে তাকে। কী উদ্দেশ্যে অমন গড়গড় করে অতগুলো মিথ্যে কথা আউড়ে গেল, আসল মতলবটা কী তার?

কোনোরকম দাগী আসামী-টাসামী নয় তো?

হঁ, আশ্চর্য নয়। চট্টরাজের কপালে কতগুলো কালো কালো রেখা ফুটে উঠল। এই বয়েসে অনেক দেখল সে, আর বাই হোক মানুষ সম্পর্কে অভিজ্ঞতাটাও ঘটেছে প্রচুর। কোথায় একটা গুণগোল আছে বংশী পরামাণিকের মধ্যে। নাঃ কালই একবার—

খুট-খুট—

ইজুরের আওয়াজের মত একটা আওয়াজ এল দরজার কড়ায়।

—কে?

—চাঁপা।

ডোমপাড়ার অহুগৃহীতা মেয়েটা। দিনের বেলা অবশ্য ও পাড়ার ধার দিয়েও হাঁটেন না চট্টরাজ—বা নোংরা! আর তা ছাড়া শূয়োর পোড়াবার গন্ধটা নাকে এলে বেন উঠে আসতে চায় অন্নপ্রাশনের অন্ন। কিন্তু রাজ্রিতে যখন ডোমপাড়াটা কালো অন্ধকারে মিলিয়ে যায় আর চট্টরাজের গলার শালা পৈতেটাকেও স্পষ্ট করে দেখতে পাওয়া যায়না, তখনকার ব্যাপার একেবারে আলাদা। এই বিদেশে-বিভূয়ে রাজ্রিতে একজন কাছে না থাকলে একটু দেখাশোনাই বা করে কে, কেই বা একটুখানি সেবাবহু করতে পারে তাঁকে?

উঠে দোর খুলে দিলেন চট্টরাজ।

কিন্তু রাজে বা স্থির করে রেখেছিলেন পরের দিন তা হয়ে উঠল না ।
সকালে উঠতে না উঠতেই একটা-বরকন্দাজ খবর নিয়ে এল ভগ্নদূতের মতো ।
আলীচাক্লার গুণগোল বেধেছে একটা বোম্বাড়া প্রজাকে নিয়ে । ভিটে
থেকে উচ্ছেদ করতে হবে । আদালতের পেয়াদা গিয়েছিল ঢোল-সহরত
নিয়ে, কিন্তু গ্রামের লোকে দল বেঁধে এমন তাড়া করেছে তাদের যে তারা
পালাতে পথ পায়নি । ঢুলীরও পাত্তা নেই । কাঁইমাই এমন ছুট মারল
যে তাকে আর ফেরানো গেলনা ।

—নাঃ, আর পারা গেল না । বত সব ইয়ে—

চট্টরাজ টাটুতে চেপে বসলেন ।

আলীচাক্লার পৌছেও তাঁর ল্যাঠা কাটেনা । সরকারী লোক তো
আছেই, পঞ্চাশ জন লাঠি-সোটাধারী লোকও জুটেছে, দরকার হলে খুন-
খারাপী করবে তারা, রক্তগঙ্গা বইয়ে দেবে । সবই আছে, কিন্তু ঢুলী নেই ।
কৌৎকা দেখে সেই যে দৌড় দিয়েছে, বোধ হয় মাইল পনেরো রাস্তা সে পার
হয়ে গেছে এতক্ষণ ।

চটে আগুন হয়ে গেছে চট্টরাজ ।

—বা, যেখান থেকে পারিস ঢুলী যোগাড় করে আন । ঢোল-সহরত
না হলে সাব্যস্ত হবে কেমন করে !

—আইজা ও ঢুলী তো ডর খাই পালালে, ফের কাঁয়াহোক তো—

—নইলে যেতে হবে চামারহাটি কিংবা সনাতনপুর—চট্টরাজ হুকুম
ছাড়লেন : এটুকুও কাজ করতে পারোনা, খালি খাও-দাও আর নাকে তেল
দিয়ে ঘুমোও, কেমন ? বা, দৌড়ো সব । ঢোল না পাওয়া যায় তো তোদের
পিঠের চামড়া দিয়েই ভুগভুগি বাজাব আমি—মনে থাকে যেন ।

কিন্তু চামারহাটি পর্যন্ত আর ছুটতে হলনা, তার আগেই ঢুলী জুটে গেল
একজন ।

লোকটা পড়েছিল মাইলখানেক দূরে রাস্তার পাশে একটা বটতলায় ।

মাথার কাছে একটা ঢোল, পাশে একটা মদের বোতল, আর মুখের সামনে
ডনডনে মাছি। পুরোপুরি নেশা করে সে পরম শান্তিতে বোগনিদ্রা উপভোগ
করছিল। পাইক শিবু তাকে একটা খোঁচা দিয়ে বললে, এই, উঠ, উঠ!

লোকটা উঠলনা, সাড়াও দিলনা।

শিবু হাতের লাঠি দিয়ে আবার শক্ত করে একটা খোঁচা দিলে তার
পাজরে। এবারে লোকটা আড়ষ্ট আরক্ত চোখ মেলে তাকালো, তারপর
বিরক্তিভরে কী একটা বিড় বিড় করে পাশ ফিরল।

শিবুর দৈর্ঘ্যচূতি হল। হ্যাঁচকা টানে লোকটাকে তুলে ফেলল, তারপর
ঢোলটা কাঁধে ফেলে তেমনি হড়মড় করে টানতে টানতে তাকে একেবারে
হজুরে এনে হাজির করে দিলে।

ততক্ষণে নেশা কেটে গেছে লোকটার। আতঙ্কে ও বিস্ময়ে সে সোজা
হয়ে দাঁড়াতে চেষ্টা করল, টলমলে পায়ে আনতে চেষ্টা করল জোর, তারপরে
আবার সটান হয়ে পড়ল চট্টরাজের পায়ের সামনে। কিন্তু সেটা নেশায় না
প্রকৃতিতে ঠিক বোঝা গেলনা। জড়ানো গলায় বললে, দণ্ডবৎ।

চট্টরাজ বললেন, ওঠরে ব্যাটা ওঠ। ওঃ, ভক্তিতে যেন একেবারে মুহুঁত
হয়ে পড়ছে। তবু যদি মুখ দিয়ে ভকভক করে খেনোর গন্ধ না বেরুত।

—না হজুর, দারু খাওনি হাগি, সাঁচ কহোছি—

—না, না, দারু খাবে কেন, দারুত্রাসের পাদোদক খেয়েছে! কিন্তু—
চট্টরাজ কপাল কুঁচকে তাকালেন : মুখটা যেন চেনা চেনা ঠেকছে! ব্যাটা
তুই সনাতনপুরের স্বরেন মুচির ভাই না?

লোকটা বিনয়ে গলে গিয়ে বললে, হজুর কিবা না জানেন।

—হঁ। তোর নাম হারান নয়?

তেমনি গলিত স্ববে উত্তর এল : হঁ।

—স্মার তুই না একটা মেয়েমানুষের ব্যাপারে একবার আমার হাতে
দশ বা জুতো খেয়েছিলি চামারহাটির কাছামিতে? ৩

হার্ষাণ জিত কাটল : উসব কহি আর ক্যানে সময় দেছেন হজুর । ভুল
হই গেইছিল—হামি খাটি মাহুব—

—হ্যা, একেবারে হাড়ে হাড়ে খাটি ।—চট্টরাজ জড়জি করলেন : সে সব
বাক—রসালাপের সময় নেই এখন । শোন, ঢোল বাজাতে পারিস ?

—নি পারি তো অস (রস) করি ইটা বহি বেড়াছি হজুর ? একবার
কহেন তো একটা ষাও মারি গোটা গাঁও জড়ো করি দেছি এইঠে । হ—হ,
কেষ্ট মুচির ব্যাটা হামি, ঢোল বাজাই হামার সাতপুরুষ নাম রাখি গেইল
হজুর—বংশ গৌরবে একেবারে বুক চিতিয়ে দাঁড়িয়ে গেল হারান । তারপর
টলমলে পায়ে একটা প্রচণ্ড পতনকে অতি কষ্টে সামলে নিলে সে ।

—বেশ, খুব ভালো কথা । চল তাহলে—ঢোল কাঁধে কর ।

—কুন্ঠে বাবা হেবে হজুর ?

—অত জেনে কী হবে তোর । বকশিস পাবি, তা হলেই হল ।

—হঃ, বকশিস !—হারান দাঁত বের করলে, হজুরের চরণধূলো পোয়া
গিলেই হামার বকশিস মিলিবে ।

—বাগরে ভক্তিরস একেবারে উথলে পড়ছে ! তবু যদি ইচ্ছুলে ক'খ
পড়েই উচু জাতের মাথায় পা দেবার চেষ্টা না করতিস ।—চট্টরাজ তিস্তহাসি
হাসলেন : নে, চল এখন ।

—চলেক, চলেক—ঢোলটাকে কাঁধে করে হার্ষাণ বললে, এমন বাজাই
দিবু বে হজুরের সাবাস্ দিবা নাগিবে—হঃ !

কিন্তু বাজার আয়োজন দেখেই কেমন খটকা লাগছে হার্ষাণের ।
নেশাটা বত ফিকে হয়ে আসছে, তত বেশি করে স্থান-কাল-পাত্র সম্পর্কে
সচেতন হয়ে উঠছে মন । ঢোল বাজাতে বেতে হবে কিন্তু এসব কেন তার
সঙ্গে ? এই লাঠি-শোটা, এই লোক-সম্বর ?

• —হজুর, হামি কিছু বুঝিবা পারোছিনা ।

—বুঝি কুন্ কামটা হে তুমার ? হজুর কহিছেন, সিখা ষাটা ধরি চল ।

বকর বকর কইরছ ক্যানে ?—শিবু ধমকে উঠল, অভ্যাসবশে একটা লাঠিয় খোঁচা বসিয়েও দিলে হারাণের পাজরে ।

—উঃ, বড় জব্বর খোঁচা মারিলা হে—

—বেশি বাত করিবা তো ফের মারিমু—শিবু শাসিয়ে দিলে । হজুরের বরকন্দাজ, ধরে আনতে বললে বেঁধে আনে ।

—খাউক দাদা, ঢের হইছে—

পোয়াটাক পথ ভাঙতেই সমস্ত ব্যাপারটা স্বচ্ছ হয়ে গেল হারাণের কাছে । দুক দুক করে উঠল বুক, শির শির করে একটা শিরহণ বয়ে গেল শরীরের রোমকূপগুলোর ভেতর দিয়ে । এ উচ্ছেদের ব্যাপার—কাকর সর্বনাশ হচ্ছে, ভেঙে দেওয়া হচ্ছে কারো স্বথের আশ্রয়, জমিদারের অত্যাচারে ছেলেগুলের হাত ধরে পথে দাঁড়াতে হবে আর একজন হতভাগা মানুষকে ।

গ্রামের যে সব অত্যাংসাহী পরোপকারীর দল লাঠি-ঠাণ্ডা নিয়ে সরকারী লোককে তাড়িয়ে দিয়েছিল আর এতক্ষণ ধরে ঘাঁটি আগলাছিল বসে বসে, হাল-চাল দেখে তারা সব যে বেদিকে পারে সরে পড়েছে । বীরসৈরী পরিবেশে সৃষ্টি হয়েছে একটা মর্মভেদী দৃশ্যের, একটা বেদনা-করুণ আবহাওয়া ।

লক্ষীছাড়ার বাড়ি, লক্ষীহীনের সংসার । কুঁড়ে ঘরটার দয়িত্বতা কাউকে ডেকে বলে দিতে হয়না । এক কাঠা জমির ওপরে ছোট একখানি পেঁয়াজের ক্ষেত—রাজবংশী উপাস্থর ওইটুকুই উপজীবিকা । উপাস্থই বটে । তিন মাস চলে পরের ক্ষেতি-খামারে আধির কাজ করে, দুমাস চলে দু পয়সা সেয়ে পেঁয়াজ বিক্রী করে, কিছুদিন চলে বন থেকে তিত্ পোরল আর বুনো কচু খেয়ে অথবা দুমুঠো 'কাওনে'র চাল খেয়ে । বাকীটা বিপুল উপবাস—উপাস্থ নামটা তার সার্থক ।

দলবলটা এগিয়ে আসতেই ঘর থেকে ছুটে বেরিয়ে এল উপাস্থ । পয়নে^{*} একটা লেংটি, কিন্তু তাতে লক্ষা নিবারণ হয়না । ম্যালেরিয়ায় টিংটিংয়ে

শরীর, কঁটা বিবর্ণ রঙের চুল। সারা গায়ে খড়ি উড়ছে। উদ্ভ্রান্ত উন্নত
তার চোখের দৃষ্টি, হাড়ি-কাঠ ফেলা একটা বলির পত্তর মতো কেমন বিচিত্র
বীভৎস আতঙ্কে চোখদুটো বেন ঠেলে বেরিয়ে আসতে চাইছে তার।

উপাশ ছুটে এল। হুহাতে দুটো জ্যাংটো শিশুর নড়া খরে টানতে টানতে
আনছে। সোজা এসে চট্টরাজের গায়ের তলায় ছেলে দুটোকে ছুঁড়ে ফেলে
দিলে, নিজে হুহাতে তাঁর হাঁটু দুটো জড়িয়ে ধরল। বানে ডুবতে ডুবতে
বেন আশ্রয় করেছে একটা কিছুকে, পেয়েছে কোনো একটা নিশ্চিত অবলম্বন।

—হামাক বাঁচান হজুর—হামার ছেইলাপেইলার মুখ চাহি বাঁচান
হজুর—

—পা ছাড় হারামজাদা—ভৈরব স্বরে গর্জে উঠলেন চট্টরাজ।

—না হজুর, পাও নি ছাড়িমু। এই জাড়ার দিনে ঘরর থাকি বাহির
করি দিলে ছোয়াপোয়া সব মরি যিবে হজুর, হামাক ভিটা ছোড়া নি করেন—

—কেন, নিজের হাতেই না আইন তুলে নিয়েছিলি?—অন্নীল গাল দিলেন
চট্টরাজ : এমিহর-সব লোক, তোর সেই বারো বাপেরা সব গেল কোথায় ?
ডেকে আন তাদের, তারাই সব ব্যবস্থা করে দেবে !

—ওরা ভাগি গেইছে হজুর—

—তবে তুইও ভাগ—সজোরে পা ছাড়িয়ে নিয়ে চট্টরাজ একটা লাথি
বসিয়ে দিলেন উপাশর বুকে। কোং করে একটা শব্দ হল, সাত হাত দূরে
ছিটকে চলে গেল উপাশ। ছেলে দুটো আতর্নাদ করে উঠল বকের ছানার
মতো।

হারানের নেশা এতক্ষণে সম্পূর্ণভাবে কেটে গেছে। গায়ের মধ্যে একটা
তীব্র আবার মতো কী বেন চম্কে চম্কে খেলে যাচ্ছে তার, রক্তের ভেতর
শব্দ হচ্ছে বিন্ বিন্ করে। ঠোঁটের পেশীগুলো থর থর করে কেঁপে উঠল
হারানের, কী একটা বলতেও চাইল, কিন্তু বলতে পারল না।

—ভাঙ্ ভাঙ্, ঘর ভেঙে ফেল ব্যাটার। পরনে একফালি জ্বাকড়া

ছোট্টে না, পেটে ভাত নেই, তবু তেজ দেখে একবার! সাতখানা গায়ের
লোক এনে জড়ো করেছে, হাক্কামা করবে জমিদারের সঙ্গে।

লোকগুলো তৈরীই ছিল। সঙ্গে সঙ্গে দমাদম ঘা পড়তে শুরু করল মাটি-
খসা পচা বাঁশের বেড়ায়, ছাউনিহীন ঘরের চালে। দেখতে দেখতে একদিকের
বেড়া নেমে গেল মাটিতে।

উপাস্থ চীৎকার করে উঠল। খাড়া পড়বার আগে পশুর শেষ আর্তস্বর
বেন শুনল হারাণ। তারপরেও শিবু বাঁপ দিয়ে পড়ল উপাস্থর ওপর—। কী
বে হল কে জানে, মাটিতে লম্বা হয়ে পড়ে রইল উপাস্থ, আর মাথা তুললনা,
প্রতিবাদও করলনা আর। শুধু গ্যাংটো ছেলে ছুটো তার পাশে বসে তারস্বরে
চীৎকার জুড়ে দিলে।

লাঠির ঘা পড়ছে, ভেঙে পড়ছে বেড়া। মাহুসের উন্নত পায়ের চাপে
দলে পিষে শেষ হয়ে যাচ্ছে উপাস্থর পেঁয়াজের ক্ষেতের নরম সবুজ কলিগুলো—
তার জীবনের সঞ্চয়। হিংস্র আনন্দে জলজল করছে লোকগুলোর চোখ—
সমস্ত মুখে ঝকঝক করছে আস্থরিক আনন্দের দীপ্তি।

—বাজা, ওরে ব্যাটা বাজা। হাঁ করে দাঁড়িয়ে দেখছিস কী?

বস্ত্রের মতো ঢোলে কাঠি দিতে থাকছিল হারাণ, মস্তমুণ্ডের মতো উদ্ভত হয়ে
উঠেছিল তার হাত ছুটো। কিন্তু সেই মুহূর্তেই ব্যাপার ঘটে গেল একটা।

হঠাৎ কাকের বাসা ভাঙবার মতো আওয়াজ করে ঘরের ভেতর থেকে
ছুটে বেরিয়ে এল তিনটি নারী। একটি বছর ত্রিশেক—উপাস্থর বৌ; আর
একটি বছর আঠারো, উপাস্থর বোন; তৃতীয়টির এগারো-বারো বছর বয়স,
উপাস্থর মেয়ে। ছেঁড়া ফতা-পরা মেয়ে তিনটি একবার বিহ্বল দৃষ্টিতে
তাকালো এদের দিকে। সে দৃষ্টির তুলনা নেই! তারপর বেমন করে আর্তস্বর
তুলেছিল উপাস্থ, তেমনি বিল্লী খানিকটা আওয়াজ করে প্রাণপণে ছুটতে শুরু
করে দিলে পেছনের একটা আমবাগান লক্ষ্য করে।

কিন্তু কয়েক পা এগোতেই একটা গর্তের মধ্যে পা দিয়ে পড়ে গেল উপাস্থর

বোন। তারপর খড়মড় করে বখন উঠে পাড়ালো, তখন পাড়ালো সম্পূর্ণ বিব্রত হয়ে—একটা কাঁটা পাছে আটকে আছে তার ফতাটা। পরম বিপদের মুখে প্রকৃতিও বিশ্বাসঘাতকতা করেছে তার সঙ্গে।

রাক্ষসের গর্জনের মতো কলরব উঠল প্রবলভাবে—আকাশ-কাটানো হাসির আওয়াজ মুখর করে তুলল চারদিক, একশো চোখের নির্লজ্জ, কুংসিং, ক্ষুধিত দৃষ্টি গিয়ে পড়ল সেই অসহায় করুণ নয়নার ওপরে। পাথরের মতো মুহূর্ত পাড়িয়ে রইল মেয়েটি, এক মুহূর্তের জন্তে বেন নিজের সমস্ত আত্মা নিবেদন করে দিলে নয় আকাশ আর নিরাবরণ পৃথিবীকে, তারপর ভেমনি ভাবেই ছুটে চলে গেল আমবাগানের দিকে। শুধু নতুন কালের নতুন রোপণকারী অভিশাপ আকাশে বাতাসে সঞ্চারিত হয়ে রইল।

একশো চোখ তেমনি কুংসিতভাবে অহুসরণ করতে লাগল তাকে, আবার একটা প্রবল আর শৈশাচিক হাসির আওয়াজ ধ্বনিত হয়ে উঠল। চট্টরাজও হাসছেন সমানভাবে, লোভে চোখদুটো কুংকুং করছে তাঁর।

শিবু বললে, ধরি লি আসিমু নাকি ছুঁড়িটাক ?

চট্টরাজ স্নেহভরে ধমক দিলেন একটা, কিন্তু আবার সেই উচ্ছ্বসিত হাসির বজ্রায় তাঁর কথাটা তলিয়ে গেল। কিন্তু লজ্জায় বেদনায় মাটিতে মিশে যাচ্ছে হারাণ; লম্পট, চরিত্রহীন হারাণ। ইচ্ছে করল হাতে ঢোলটা তুলে ধাঁ করে বসিয়ে দেয় চট্টরাজের মাথায়, গুঁড়ো গুঁড়ো করে দেয় দেড়হাত টিকিওদ্ধ ওই নায়েবী মাথাটা। কিন্তু পারলনা। তার বদলে ট্যাক থেকে ছোট্ট ছুরিটা বের করে সজোরে বসিয়ে দিলে ঢোলের মধ্যে, চড় চড়াৎ করে ফেটে গেল চামড়া।

—কইরে হারাণ, বাজা, ঢোল বাজা—

—কার বা সড়কির খোঁচ লাগি ঢোল ফাটি গেল হামার—নি বাজাবে—।

—ওক তিক্তবরে উত্তর দিলে হারাণ, তারপর ঢোল কাঁধে করে সোজা হাঁটতে শুরু করে দিলে।

তড়াং করে গালে একটা চড় পড়ল—শিবু বসিয়েছে। মাটিতে বসে পড়ল হারাণ, বসে পড়ল চোখ বুজে।

—ইচ্ছা করি ঢোলটাক ফাঁসাই দিলু নাকিরে শালা?

—থাক, ছেড়ে দে—চট্টরাজ বললেন : আর ঢোল-শহরতের দরকার হবে না। কাজ হয়ে গেছে।

উপাস্থর বাস্তুভিটা তখন গুঁড়ো গুঁড়ো হয়ে গেছে, পেঁয়াজ কেতে খানিকটা দলিত সবুজের পিণ্ড ছাড়া কোথাও কিছু আর অবশিষ্ট নেই। কাল সকালেই লাঙল দিয়ে একে পরিপূর্ণভাবে নিশ্চিহ্ন করে ফেলা হবে, বুনে দেওয়া হবে শর্ষে কলাই। বিদ্রোহী প্রজার চিহ্নটুকুকেও মুছে দিতে হবে চিরদিনের জন্তে।

শুধু এতগুলো লোকের মধ্যে একজন চোখ বুজে নিথর হয়ে পড়ে রইল—সে উপাস্থ। আর একজন হারাণ, লম্পট, চরিত্রহীন, মাতাল হারাণ। জমিদারের লোকের মতো ভ্রাতা আর ধর্মবোধ তার প্রথর নয় বলেই ফাটা ঢোলটা আঁকড়ে ধরে সে চোখ বন্ধ করে বসে রইল অন্ধের মতো।

এগার

হাবিবপুর থানার বড় দারোগা সাহেব চা খাচ্ছিলেন। বেশ সৌখীন মেজাজের লোক। দুটি বিবি আর একটি বাদী—একুনে এই তিনটি পরিবার। এবং তিনজনের মনোহরণ করবার জন্য সব সময়েই তাঁকে সজাগ থাকতে হয়, ধারণ করতে হয় বথাসাধ্য কন্দর্পকাস্তি। সিল্কের লুঙ্গি পরেন দারোগা, গোসাঙ্গী আভর দেন দাড়িতে, চোখে মাঝে মাঝে যে সূর্য্য মাখেন না, এমনও নয়। গড়গড়ায় ভালো তামাক নইলে তাঁর ঠিক মৌজটা জমে ওঠে না, তাই বিষ্ণুপুরী তামাক চৌকিদার পাঠিয়ে নিয়মিত আনিয়ে নেন সহর থেকে। একটা স্ত্রী বক্সা, তার কতিপূরণ করেছেন আর একজন। বছর বছর তিনি বমল সন্ধানের জন্মদান করে থাকেন, তাই দারোগা সাহেব ছয় বছরের ভেতরেই ছয়টি কন্যা আর চারটি পুত্রের সর্গোরব পিতৃহ লাভ করেছেন। এহেন পুণ্যবান এবং ভাগ্যবান লোক যে সব সময় হাসিতে এবং প্রসন্নতায় একেবারে সমুজ্জল হয়ে থাকবেন, এটা প্রশ্ন তথা সংশয়ের অতীত। সুরতায় মহিম্ময়েরা তাঁর দাড়ি-বিভাসিত পুনকিত মুখখানা দেখে চরিতার্থ বোধ করে থাকে, তাঁকে ভেট নিবেদন করে পিতৃপক্ষে পিণ্ডদানের মতো অক্ষয় পুণ্য অর্জন করে।

দারোগা সাহেব চা খাচ্ছিলেন এবং অবসর সময়ে দাড়িটাকে আদর করছিলেন পূজেন্নেহে। সামনে একখানা সাপ্তাহিক ‘হিতবাদী’ পত্রিকা খোলা আছে। এসব গ্রাম-মফঃস্বল জায়গায় এই ধরনের পত্র-পত্রিকাতেই বিশ্বপৃথিবীর

খবর আসে। প্রথম পাতাটা সাধারণত দারোগার ভালো লাগে না—বাক্সে কচকচিতে ভরা থাকে। ওগুলো উলটে গিয়ে তিনি অষ্টম পৃষ্ঠায় চলে আসেন—বেখানে আইন-আদালতের খবর মেলে। ‘আইন-আদালত’ বড় ভালো জিনিষ, মধ্যে মধ্যে শু পাতায় অনেক রসালো ঘটনার সংবাদ পাওয়া যায়। বেদিন তেমন কোনো খবর থাকে না, সেদিন নিরাশ হয়ে তিনি বিজ্ঞাপনে মনোনিবেশ করেন এবং বহু আশ্চর্য আশ্চর্য ওষুধের সন্ধান মেলে। “দুর্বলের বুল, হতাশের আশা”। ওই সব বিজ্ঞাপন পড়লে নিজেকে অতিরিক্ত পরিমাণে উত্তেজিত মনে হয়, মাঝে মাঝে ভাবতে চেষ্টা করেন দুটির জায়গায় চারটি বিবির জন্তে একবার চেষ্টা করে দেখবেন কিনা। বাদশাহী ওষুধের গুণাগুণ একবার পরখ করতেই বা আপত্তি কী।

একটু দূরেই একটা চৌকিদার খুঁপী হাতে করে দারোগার ঘোড়ার জন্তে ঘাস কাটছে। কাগজ পড়তে পড়তে অশ্রমনস্কভাবে দারোগা তাকাছিলেন তার দিকে। চৌকিদারের নাম কদম আলী। ওর একটা দিগ্বি চেহারার বোন আছে—মাসখানেক হল তার খসম তালুক দিয়েছে তাকে। একবার এক লহমার জন্তে মেয়েটা তাঁর চোখে পড়েছিল, সেই থেকে একটা নেশা জমে আছে। বাদশাহী বটিকার বিজ্ঞাপন পড়ে মনে হচ্ছে একবার কদম আলীকে ডেকে নিকার কথাটা পাকা করে নেবেন কিনা। সংসারে একটু অশান্তি হয়তো দেখা দেবে—বিশেষ করে ছোট বিবির তো দস্তুরমতো বাধিনীর মতো মেজাজ। তবে বাইরে যতই প্রসন্নমুখ সদানন্দ হোন না কেন, অন্তঃপুরে দারোগা অত্যন্ত হুঁশিয়ার—একেবারে সিংহ অবতার। যতই ঘ্যান ঘ্যান করুক না কেন—বেশী ওস্তাদী চলবে না—ঠাণ্ডা করে দেবেন।

প্রথমে অশ্রমনস্কভাবে কদম আলীকে দেখছিলেন দারোগা, লক্ষ্য করছিলেন কী করে সে ঘস্ ঘস্ করে নিপুণ হাতে ঘাস কেটে চলেছে। তারপর ক্রমশ তিনি কাগজটা একেবারে নামিয়ে রাখলেন, ভুলে গেলেন চায়ের পেয়ালার চুমুক দিতে। কাণের কাছে গুন গুন করে মৌমাছির গুঞ্জনের মতো একটা

শব্দ হতে লাগল—মন্দ কী, তা নেহাৎ মন্দ কী। ডেকে জিজ্ঞাস করলে হয়। রাজী হবেই কদম আলী, না হলে ওর বাপ হবে। কিন্তু গণ্ডগোল বাধছে সামাজিক মর্যাদাটা নিয়ে। তিনি এই খানার দুর্দান্ত বড় দারোগা, আর ও ব্যাটা নিতান্তই চৌকিদার—অতি ছোট, অতি নগণ্য। ওর বোনকে বিয়ে করলে লোকে ঠাট্টা করবে, আঙুল বাড়িয়ে বলবে খানার দারোগা কদম চৌকিদারের বোনাই। কাজেই মুন্সিল আছে। অথচ মেয়েটার কথাও ঠিক ভোলা যাচ্ছে না। দারোগা কদমের দিকে তাকিয়ে রইলেন, ভাইকে দেখেই বোনকে দেখার সাধ এবং স্বাদটা মেটানো যাক যথাসাধ্য।

বিল্লী একটা চীৎকারে বাদশাহী বটিকার স্বপ্নটা হঠাৎ ভেঙ্গে চূরে গেল দারোগার। একটা লোক আতর্জন করছে হাজতে। চুরি সংক্রান্ত ব্যাপারে সন্দেহ করে ওকে ধরে আনা হয়েছে, কাল রাত্রে জমাদার বাবু ওকে একটু পালিশ করেছেন, তাই গায়ের ব্যথায় আতর্জন করছে। অবশ্য এখনো কিছুই হয়নি, আরো বিস্তর দুঃখ কপালে আছে ওর। চুরি করুক আর নাই করুক, বতর্কণ না স্বীকার করছে সে চুরি করেছে ততর্কণ এইরকম দলাই মলাই চালাতেই হবে। কী করা যাবে, উপায় নেই। সব চোরকে ধরতে পারে এমন ক্ষমতা খোদা কেন, সাক্ষাৎ ইবলিশেরও নেই। কিন্তু ইন্সপেক্টর ব্যাটা সেটা বোঝে না, কাজেই দায়ে পড়ে চাকরীটা বজায় রাখবার জন্তাই এসব করতে হয়।

লোকটা চেষ্টাচ্ছে প্রাণপণে : হামাক ছাড়ি দাও, দোহাই বাজ, ছাড়ি দাও হামাক। খোদার কসম, হামি কিছু করি নাই। ঘরত হামার রোগা ব্যাটাটা মরি যাচ্ছে—হামাক—

ক্যাক। শব্দটা থেমে গেল। ভোজপুরী পুলিশ কর্তব্য পালন করেছে, কুলের খোঁচা পেটে বলিয়ে দিয়েছে ঠাণ্ডা করে। ভালোই করেছে। বড় চীৎকার করছিল, তিন নম্বর বিবির সম্ভাবনাময় স্বথস্থপ্তে বিল্লী রকমের ব্যাখাত করছিল। লোকগুলোর বেন কুলের শরীর হয়েছে আনকাল—হু একটা

খোঁচাখাচি খেলেই একেবারে বাপ্পের মারে বলে ডাক-চীৎকার শুরু করে দেয়। একেবারে মিহি ফিনফিনে মাখনের মতো চামড়া হয়েছে বাবুদের। অথচ আগেকার ক্রিমিষ্কালগুলো ছিল আলাদা জাতের। মেরে আধমরা করে দিলেও টুঁ শব্দ করত না, এমন কি বাঁশডলা দিয়ে বখন হাড়গোড়-গুঁড়িয়ে দেওয়া হত তখনও না। আর এ ব্যাটাচ্ছেলেরা যেন নবাব খাজা খাঁর নাতি। নাঃ, সব দিক দিয়েই দেশ উচ্ছ্রেষে যাচ্ছে!

—শালারা—

অক্ষুট স্বরে প্রায় স্বগতোক্তির মতো উচ্চারণ করলেন দারোগা। এইটেই তাঁর প্রধান গুণ, তাঁর চরিত্রের প্রধান বৈশিষ্ট্য। গালাগালিটাও তিনি এমন আন্তে আন্তে করেন যে, লোকে বুঝতে পারে না—অহুমান করে তিনি মসনবি আওড়াচ্ছেন। হুকুমটা তিনিই দেন বটে, কিন্তু হুকুম পালনকারী জমাদারবাবু সেটাকে কেন্দ্র করে এমন তর্জন-গর্জন শুরু করে দেন যে, লোকে বুঝে নিয়েছে দারোগার মতো মাটির মানুষ আর হয় না এবং ওই জমাদারটাই বত নষ্টের গোড়া। দোষ অবশ্য জমাদারেরও আছে। পরের বারে এস্-আইয়ের নমিনেশন পাওয়ার আশায় এখন থেকেই সে প্রাণপণে গলাবাজী আরম্ভ করেছে। যেন প্রমাণ করতে চায় সে কেমন কড়া মানুষ, ভবিষ্যতে কি রকম হুঁদে দারোগা হয়ে উঠবে।

দারোগা হাসলেন, দাড়িটাকে আদর করলেন স্নেহভরে। ভুল করছে জমাদার। আজকাল আর ও করে স্তুবিধে হয় না। দিন বদলাচ্ছে—মানুষ বদলে যাচ্ছে। গরম চোখ দেখিয়ে এখন আর কাউকে বশীভূত করতে পারা যায় না। একটার পর একটা ডেউ উঠছে। চারদিকের মানুষগুলো এখন আর মাথা নীচু করে সভয়ে মাটির দিকে তাকায় না, কেমন ঘাড় বাঁকিয়ে তাকায় বিদ্রোহীর মতো। আজ এটা নিঃসন্দেহ যে, প্রতিবাদ ঘনিয়ে উঠছে দেশের মানুষের মধ্যে। কোথায় যেন অক্লুরিত হচ্ছে আসন্ন একটা বিরোধের বীজ। শহরে, মহকুমায়, গঞ্জে মাঝে মাঝে মাথা তুলছে

মাহুষ, কিন্তু পরক্ষণেই তাদের সে বিজ্রোহ ঠাণ্ডা হয়ে যাচ্ছে। গুঁড়িয়ে
যাচ্ছে আইনের ধাতার নীচে, গলায় জোরালো আওয়াজ বন্ধ হয়ে যাচ্ছে
ফাঁসির দড়িতে।

কিন্তু—

কিন্তু মরেও মরছে না। থেকে যাচ্ছে চাপা আগুনের মতো। শহর,
মহকুমা, গঞ্জের বুকের ভেতর থেকে লুকিয়ে লুকিয়ে তা সব জায়গায় নিঃশব্দে
সঞ্চারিত হয়ে যাচ্ছে। স্পষ্ট করে কেউ কিছু বলে না। কিন্তু বোঝা
যায়—। বোঝা যায় সব ঠিক আছে বটে, তবু কোথায় যেন সবই এলোমেলো
হয়ে আছে। একদিন একটুখানি ঘা লেগেই হড়মুড় করে ধসে পড়তে পারে।

আজকাল ভয় করে। কেমন একটা ছমছমানি এসেছে বুকের মধ্যে,
এসেছে দুর্বলতা। আগে রাত-বিরেতে যেখান-সেখান দিয়ে ঘোড়া ছুটিয়ে
আসতেন, মাঠ-ঘাট বন-বাঁদাড় কোন কিছুতেই বিন্দুমাত্র পরোয়া ছিল না
তঁার। দারোগা জানতেন, তাঁদের প্রতাপ কত ভয়ঙ্কর—কী নিদারুণ তাঁদের
তেজ। সে তেজে শুধু মাহুষ নয়, জন্তু-জানোয়ার পর্যন্ত পালাতে পথ
পায় না। জিনেরা লুকিয়ে যায় কবরের ভেতরে, ভয় পায় ধরতে পারলে
হয়তো আবার দারোগা সাহেব তাদের হাজতে নিয়ে গিয়ে বাঁশডলা দেবেন।
মরেও সে বিভীষিকা থেকে নিষ্কৃতি নেই। কিন্তু এখন? এখন সব আলাদা।

বাইরে খুব বেশি কিছু যে ঘটেছে তা নয়, ভয়টা জেগেছে নিজের বুকের
মধ্যেই। আজকাল অঙ্কুরে আসতে ভয় করে, পথের পাশে পল্লশ কালো
কালো ঝোপগুলোর দিকে তাকিয়ে কেমন একটা আশঙ্কা শির শির কুরে
যায় গায়ের মধ্যে। ভয় করতে থাকে, মনে হয় কারা যেন লুকিয়ে আছে
ওদের ভেতরে, ক্ষুধার্ত বাঘের মতো হিংস্র চোখে সন্ধানী আলো জেলে যেন
প্রতীক্ষা করে আছে। যে কোনো সময় একটা বজ্রম তুলে নিয়ে ছুঁড়ে দিতে
পারে, একেবারে সোজা ছুঁড়ে দিতে পারে পেটটা। অথবা গলায় ওপরে
নেমে আসতে পারে কোনো ধারালো রামদার অব্যর্থ লক্ষ্য।

তাই—

তাই দারোগা এই আপাত-অহিংসার পথটা গ্রহণ করাই সমীচীন বলে সিদ্ধান্ত করেছেন। যদি কিছু সুবিধে হয়, এতেই হবে। ভবিষ্যতে কোনোদিন ভরাডুবি যদি হয়, এবং হওয়ার আশঙ্কাটা যে একেবারে কল্পনা তাও নয়—সেদিন এই থেকেই হয়তো কিছুটা আত্মরক্ষা বা পিত্তরক্ষা করা সম্ভব। দারোগা সাহেব বুদ্ধিমান লোক, তিনি আগে থেকেই বিবেচনা করে পথ চলাটা পছন্দ করেন। কাজটা হাঁসিল করাই কথা, একটু মিষ্টি মুখ হলে ক্ষতি কী।

ধ্যং। বত এলোমেলো ভাবনা। দারোগা আবার হিতবাদীখানা হাতে তুলে নিলেন।

কোথা থেকে মনটা কোথায় চলে গেছে। ছিল কদম আলোর বোন আর বাদশাহী বাটিকা, সেখান থেকে এসব দুর্ভাবনার মধ্যে এসে ঝাঁপ দিয়ে পড়েছে। মনের ভেতরে শয়তানের আস্তানা আছে, খালি ঠেলে ঠেলে নিয়ে যেতে চায় দুশ্চিন্তার ভেতরে।

ঘোড়ার পায়ের শব্দ পাওয়া গেল।

দারোগা চোখ তুলে দেখলেন, একটা লাল রঙের বেঁড়ে টাট্টু ঢুকছে কম্পাউণ্ডের মধ্যে। তার ওপরে রোগা কালো রঙের একজন সোয়ারী। মাথার আঁধাপাকা চুলের ভেতরে একটি খাড়া টিকি আকাশকে খোঁচা দিচ্ছে। চট্টরাজ নায়েব।

দারোগা হাসলেন। রাজ্যপাট যদি বজায় থাকে তা হলে ভবিষ্যতে এসব লোকের জন্তেই থাকবে। পৃথিবীটা যখন দিনের পর দিন মরুভূমি হতে চলেছে তখন চট্টরাজের মতন লোকেরা হচ্ছে পাহরপাদপ। ছায়া দেয়, আশ্রয় পাওয়া যায় অন্তত। পারম্পরিক স্বার্থের সোজা সম্পর্ক।

ঘোড়ার উপর থেকেই অভিযান জানালেন চট্টরাজ। দাঁত বের করলেন কুতর্ভাবাবে। দারোগাও হাসিমুখে উঠে দাঁড়ালেন, সেলাম করলেন অল্পরাপ

ভবে। বিগলিত স্বরে বললেন, হঠাৎ কী মনে করে পায়ের ধুলো পড়ল আজকে ? ব্যাপারখানা কী ?

বোড়া থেকে চট্টরাজ নামলেন, পুলিশ ব্যারাকের একটা লোহার খুঁটির সঙ্গে বেঁধে ফেললেন সেটাকে। তারপর দারোগার দ্বিগুণ হাসিতে কালো মুখখানা আলো করে বললেন, কেন, হজুরের সঙ্গে একটু দেখা করতে এলেও কি ক্ষতি আছে নাকি ?

জিভ কেটে দারোগা বললেন, তোবা, তোবা।

চট্টরাজ খানার বারান্দায় উঠে এলেন, বসলেন দারোগার পাশের চেয়ারখানাতে। দারোগা চোখ মিট মিট করে বললেন, তারপর কী মনে করে ?

—একটু উপকার করতে হবে।

—কী উপকার ?—দারোগা সাহেব তেমনি চোখ মিট করতে লাগলেন : গরজ না হলে পায়ের ধুলো যে পড়ে না সে তো জানাই আছে।

চট্টরাজ মূহু গলায় বললেন, একটু বাড়াবাড়ি হয়ে গেছে।

আরো চাপা গলায় দারোগা বললেন, কী, খুনটুন নয়তো ? তা হলে কিন্তু সামাল দিতে পারব না।

—না, না, সে সব নয়। ও সমস্ত করবার দিন নেই আর, সময় বড় খারাপ পড়েছে। সঙ্গে সঙ্গে একটা দীর্ঘশ্বাস ফেললেন চট্টরাজ : একটা লোককে একটু শাস্তি করতে হয়েছে।

—বলে যান।—দারোগা চোখ বুজলেন।

—লোকটাকে জুতো-পেটা করা হয়েছে, ছুদিন না খেতে দিয়ে কাছারীতে আটকে রাখা হয়েছে।

—খুব ভালো হয়েছে।—দারোগা তাকিল্যভরে বললেন, এ আর নতুন কথা কী—এতো আপনারা হামেশাই করছেন। কিন্তু এর জন্তে এত ভয় পাওয়ার কী হল ?

—কারণ আছে। লোকটা মানী মানুষ—প্রায় নেড়শো বিঘে জোত রাখে। বেশ শক্ত তেজী মন, টাকার জোরও আছে। বলছে—মামলা করবে।

—করুক না, ভয় কী! कैसे বাবে।

—উহঁ, ল্যাঠা আছে—

চট্টরাজ ঠোট গুলটালো : সাক্ষী-সাব্দ জুটিয়ে আনতে অস্ববিধে হবে না ওর। দেশের চাষা-মজুরগুলোকে তো দেখতে পাচ্ছেন আজকাল, বজ্র হারামজাদা হয়ে গেছে। জমিদারের পেছনে না হোক, অন্তত নায়েবকে একটা খোঁচা দিতে পারলেও সে স্বযোগটা ছাড়তে চাইবে না। সময়টাই খারাপ।

—বুঝলাম—

—তা সদরে যাওয়ার আগেই একটা ব্যবস্থা করে দিতেই হবে। আর—
চট্টরাজ থামলেন।

—আর ?—দারোগা হাসিভরা চোখে তাকালেন।

কথা পাকা হয়ে গেল। চট্টরাজ উঠতে যাচ্ছেন, এমন সময় শোনা গেল বাজনার শব্দ। কোথায় বেশ সাড়া-শব্দ করে ঢাক আর কঁাসর বাজছে।

—কিসের আওয়াজ ?

দারোগা বিস্মিত হয়ে বললেন, জানেন না ? আপনাদেরই তো পরব। পরব বোধহয় সরস্বতী পূজা। ওদিকে কোথায় একটা পূজো হচ্ছে—তারই আয়োজন।

—সরস্বতী পূজো ? ওঃ—

কথাটা বলেই ভুলে যাচ্ছিলেন চট্টরাজ—হঠাৎ আর একটা জিনিস মনে পড়ল। স্মৃষ্কণ্ঠে বললেন, ঠিক, ঠিক, আমারও তো একটা কাজের কথা মনে পড়ে গেল।

—কী কাজের কথা আবার ?

—বত সব কাণ্ড।—বিরক্ত উত্তেজিত গলায় চট্টরাজ বললেন, এই মুচি শালারা আজকাল যেন মাথায় চড়ে বসেছে। না মানে দেবতাকে, না ভক্তি আছে ব্রাহ্মণে। এমন আত্মপর্দা যে, সরস্বতী পূজা করতে চায়। ওই চামারহাটির হারামজাদাদের একটু শিক্ষা দেওয়া দরকার।

—হঁ ?

চট্টরাজ চটে গিয়ে বললেন, যদি সত্যিই পূজার ধাষ্ট্যমো করে তা হলে এমন খোলাইয়ের ব্যবস্থা করব যে, কোনোদিন ভুলবে না। আর ওদেরও দোষ নেই, ওই ব্যাটা মাষ্টারই বত কুবুন্দির গোড়া, ওই নাচাচ্ছে ওদের। নাপিত হয়ে দেবীর পূজা করতে চায়, হাত খসে পড়বে না কুঠরোগে ?

দারোগা বললেন, ই্যা, ই্যা, ভালো কথা মনে পড়েছে। ওই মাষ্টারটা কে বলুন তো ? আমি ওর সম্পর্কে যা রিপোর্ট পেয়েছি তাতে মনে হয়েছে যে লোকটা ঠিক সোজা নয়। কিন্তু কোন প্রত্যক্ষ ব্যাপার নেই বলে নাড়াচাড়া করে দেখতে পারিনি। আপনি চেনেন মাস্টারকে ?

চট্টরাজ মুখভঙ্গি করে বললেন, হঁ, চেনবার সৌভাগ্য হয়েছে বই কি। কী চ্যাটাং চ্যাটাং কথা—আমাদের মানুষ বলেই তিনি মনে করেন না বলে বোধ হল। তাছাড়া—চট্টরাজ হঠাৎ থেমে গেলেন।

দারোগা জিজ্ঞাসা করলেন, তাছাড়া কী ?

চট্টরাজ ক্রকুটি করে দারোগার মুখের দিকে তাকালেন : কথাটা আগে আমারই বলা উচিত ছিল দারোগা সাহেব। লোকটাকে দেখে আমার সন্দেহ হল।

—কী সন্দেহ ? কী বলুন তো ?

—যখন জিজ্ঞেস করলুম, বাড়িটা কোথায়, তখন যা-তা একটা পরিচয় দিলে। বললে, ফুলবাড়ির পরামানিক বাড়ির লোক। কিন্তু আমার আমার বাড়ী তো ওখানেই, সবই ভালো করে চিনি। ওখানে কোনো পরামানিক বাড়ি আছে বলে আমি জানি না। তা ছাড়া মুখ-চোখের ভাব দেখে বেশ

বুঝলুম মিথ্যে বলছে। কেন মিথ্যে বলল, সেটাই আগি এ পর্বন্ত ঠাহর করতে পারিনি। কিছু একটা গোলমাল আছে বলে ধোঁষ হল যেন।

অসীম আগ্রহভরে দারোগা কথাগুলো শুনছিলেন। চোখ দুটো জলে উঠেছে। বড় গোছেব শিকার নয়তো কিছু? আব্‌সকণ্ডার? কোনো রাজনৈতিক আসামী?

—সত্যি বলছেন?

—আপনাকে মিথ্যে বলে আমার লাভ কী?

—তবে আপনাকে আর কিছু করতে হবে না। চামারছাটির মুচিদের বিষদাঁত আমিই ভাঙব। আপনি আমার সঙ্গে একবার ভেতরে চলুন, কয়েকখানা ছবি দেখাব আপনাকে। দেখবেন তো কাউকে চিনতে পারেন কি না।

*

*

*

আজ দুদিন থেকে দেখা পাওয়া যাচ্ছে না স্মীলার। এতকাল যার অস্তিত্ব সম্পর্কে কোনো সচেতনতার প্রয়োজনই ছিল না, আজ তার সম্পর্কে অতিরিক্ত মনোযোগী হয়ে উঠেছে সে। হঠাৎ মনে হয়েছে, সত্যিই ভাবান্তর ঘটেছে স্মীলার, সত্যিই বদলে গেছে সে।

চোখাচোখি দু'একবার দেখা হতে না হতেই মুখ ফিরিয়ে নিয়ে চলে গেছে। প্রায় একমাস ধরে যে স্বপ্ন-কল্পনা মনের ভেতরে একটা অপূর্ণ রূপকথার জগৎ গড়ে তুলছিল, টলমল করে ধুলে উঠেছে তার ভিত। যোগেন বুঝতে পেরেছে, যা হওয়া উচিত ছিল, তা হচ্ছে না। তাদের দুজনের মাঝখানে আর কিছুর ছায়া পড়েছে।

কী তা? কী হতে পারে? সঙ্গে সঙ্গেই উত্তর পাওয়া গেল। বাহর মতো কে এসে সেখানে হাত বাড়িয়েছে তা আর মনের কাছে দুর্বোধ্য নয়। একটা হিংস্র অন্তর্জালীয় ঠোঁটটাকে কামড়াতে লাগল যোগেন। সে খবর পেয়েছে, এর পরও নাকি দুদিন এসেছিল খলাই। তেমনি জল আর পান খেয়ে গেছে।

তুনে যোগেন প্রায় টেটিয়ে উঠেছিল।

—আসিলেই উয়াক খ্যাদাই দিয়ো মা!

—ক্যান, কী হৈল? অ্যাতে দোস্তি আছিল—যোগেনের মা আশ্চর্য হয়ে গেল।

ঠিক কী বললে ধলাইয়ের দোষটা স্পষ্ট করে বুঝিয়ে দেওয়া বাবে ভেবে গেল না যোগেন। অথচ সোজা কথাতেই বলা চলত। বলা চলত, ওর সঙ্গে আর আমার বন্ধুত্ব নেই, ও আর আমার দলের লোক নয়—ঝগড়া করে চলে গেছে। কিন্তু মনের ভেতরে অবস্থাটা এত সহজ নয় বলেই সহজ সত্যি কথাটা বলতে পারল না যোগেন। শুধু চুপ করে থেকে কোথাও একটা ক্লক ঝড়ের আকুতি যেন সে অনুভব করতে লাগল।

নাঃ, যা হোক কিছু করতেই হবে। আর সহ্য হচ্ছে না যোগেনের—একটা অসহ্য বজ্রণায় সমস্ত স্নায়ুগুলো পর্যন্ত তার জলে বাচ্ছে। এ অসম্ভব। সে তো বেশ ছিল। জীবনের এই সে একটা দিক আছে, এর কথা এতকাল তো তার মনে হয়নি। মহকুমা সহরের সেই রাত্রি—সেই কুৎসিৎ আতঙ্কিত প্রতিক্রিয়া—একটা তিক্ত বিশ্বাদে দূরেই সরিয়ে রেখেছিল তাকে। কিন্তু এল স্থলীলা। অন্ধকার নির্জন উঠোনে তার মুখে পড়ল প্রদীপের আলো, প্রথম ফোটা ফুলের মতো উদ্ভাসিত হয়ে উঠল যেন। অনেক মেয়ের ভেতরেও যে যোগেন হাঁসের পাখায় এক বিন্দু জলের মত ছিল নিরাসক্ত—মাতলামির মাতন জেগে গেল তার ভেতরে; রাতের পর রাত জেগে কবি স্মৃতি যেতে লাগল একটা আশ্চর্য অনুভূতির কথা, রূপকথার রাজকন্য়ার কল্প-কাহিনী :

—কাজল কালো চইখে তোমার

ভমর উড়ি যায়—

বতদিন জানত না, ততদিন বেশ ছিল। বখন জানল তখন না পাওয়ার ব্যাখ্যাটা সমস্ত সম্ভবতিকে ছাড়িয়ে যাচ্ছে, সমস্ত বোধবৃত্তিকে দুঃসহভাবে পীড়ন করছে তার। যোগেনের ইচ্ছে করতে লাগল, সে তার মাথার

চুলগুলো হুহাতে উপড়ে উপড়ে শেষ করে দেয়, অসহায় স্বরে একটা আৰ্ত্তনাদ করে ওঠে।

নবম্বতী পূজার রাতে চামারহাটিতে আলকাপের গান গাইতে হবে তাকে। নতুন স্বরে, নতুন ভাবনায়, নতুন ভাষাতে। ছুটো জলন্ত চোখে তাকে আচ্ছন্ন অভিভূত করে দিয়ে মাঠার প্রতিশ্রুতি আদায় করে নিয়ে গেছে।
কিন্তু—কিন্তু—

না, সে পারবে না ওসব। তার দরকার নেই চারণ হয়ে, তার প্রয়োজন নেই দেশের বত মামুষকে ভালো ভালো কথা শুনিয়ে আগিয়ে দিয়ে। ওসব কাজ করবার অল্প লোক আছে, অল্প লোকের সামর্থ্য আছে ও দায়িত্ব কাঁধে তুলে নেবার। সে নয়।

তবে কী করবে! হিংস্র একটা আক্রোশে নিজের একটা গানকেই টুকরো টুকরো করে ছিঁড়ে ফেলতে লাগল বোগেন। সে শিল্পী হতে চায় না, গুণী হতেও চায় না। নিজের প্রাণটাকে ভরে রাখতে পারলেই তার সমস্ত প্রয়োজন মিটে যাবে। আজ যদি তার সবচেয়ে বড় কিছু চাইবার থাকে, তা হলে সে স্বশীলা। স্বশীলাকে বাদ দিয়ে কোনো কিছুই কোনো অর্থ নেই তার কাছে।

সোজা পথ দিয়ে স্বশীলাকে পাওয়ার উপায় নেই। ও ব্যাপারের প্রায় নিষ্পত্তি হয়ে গেছে। স্বশীলার বাপের টাকার খাই শুনে স্বরেন টেচিয়ে বলেছে, কাম নাই হামার উয়ার সাধ্ বিহা দিয়া। হামার এমন ভাইয়ের জন্ত কি মেইয়ার অভাব হেবে? একটা ছাড়ি অর দশটা বিহা দিমু—এই তুমাক্ কহি দিমু মা।

মা শুধু দুঃখ করে বলেছে, হৈলে বড় ভালো হৈত—

—তো ফের কী করা যায়। হামার ভাইয়ের ঢের বিহা জুটিবে।

স্বভ্রাং আলোচনাটা চাপা পড়ে গেছে। তাদের ছোটলোকের ঘরে এমন কথা অনেক ওঠে, অনেক ভাঙে। কেউ তার গুরুত্ব দেয় না। তাই

বিয়ের প্রস্তাবটা শুনে গেলেনও কারো মনে কোনো বিকার দেখা দেয়নি।
 সুনীলা যেমন আছে, তেমনি আছে, তার সঙ্গে এর কোন সম্পর্ক আছে,
 এটাও বিশেষভাবে লক্ষ্য করবার বিষয় বলে মনে হয় না কারুর। মরণ
 হয়েছে শুধু বোগেনের। সকলের কাছে যা সহজ, তার কাছে তা তত দুঃস্থ।

মরণ ছাড়া কী আর বলা চলে একে? খেতে শোয়াস্তি নেই, শুয়ে ঘুম
 আসে না। বৃকের মধ্যে নিরবচ্ছিন্ন জালা। কদিন থেকে সুনীলা স্পষ্ট
 অবহেলা করছে তাকে। আর তা ছাড়া ভালো লাগে নি খলাইয়ের সেদিন-
 কার সেই চোখের দৃষ্টি, একটা অস্বস্তিকর সম্ভাবনায় কেমন ছম ছম করছে মন।
 অথচ যদি পাওয়ার আশাটা পাকা হয়ে থাকত তবে ভাবনার কিছু ছিল না—
 ঝরং একটা অপূর্ব মধুরতাই এই প্রতীক্ষাকে আচ্ছন্ন করে রাখত। কিন্তু এ
 নিতান্তই গোপন—এ একান্তই তার নিজস্ব; তাই এ অসহ, তাই দুদিনের এ
 অবহেলাও একটা নিশ্চিত অঘটনের সংকেত। একটা মাত্র পথ আছে। চরম
 পথ—আর উপায় নেই। এ না হলে পাগল হয়ে যাবে বোগেন, ক্ষেপে যাবে।
 তার কিছুই দরকার নেই। আলকাপের গান সে গাইতে চায় না, প্রকাণ্ড
 একটা কিছু হতেও চায় না জীবনে। চুলোয় যাক মাটির, চুলোয় যাক তার
 গান। সুনীলাকে নিয়ে সে পালিয়ে যাবে। যেখানে হোক—যতদূরে হোক।
 সেখানে সে একচ্ছত্র, সেখানে তার আর সুনীলার ভেতরে এতটুকু ছায়াসঞ্চার
 নেই কারো।

বন্দী একটা জানোয়ারের মতো ঘরের মধ্যে ঘুরে বেড়াতে লাগল বোগেন।
 বাইরে ঝাঁ ঝাঁ রাত। শুধু স্বপ্নের নাক ডাকছে—বিশ্রী একটা গাঁ গাঁ শব্দে
 মুখরিত হচ্ছে সমস্ত বাড়িটা—বোগেনের অসহ তীব্র বিরক্তির সঙ্গে স্বপ্ন
 মিলিয়েছে যেন।

—বারো—

কিন্তু কিছুদিনের মধ্যেই সমস্ত ব্যাপারটা সম্পর্কে যোগেনের মার দৃষ্টিটাও স্বচ্ছ হয়ে এল।

বুড়ো মাহুষ, শীতটা এমনিতেই বেশি। তা ছাড়া কাল সাঁঝ রাতে অল্প বৃষ্টি হওয়ায় আজ যেন আকাশ ভেঙে হিম নেমে এসেছে। শেষ রাতের দিকে পা দুটো একেবারে কালিয়ে আসতে লাগল, কাঁধের ভেতরটাও যেন অলে ভিজে গেছে বলে মনে হল। হাতে হাতে পায়ে পায়ে ঘষেও একটুখানি গরম হতে চাইছে না শরীর।

এই রকম বিলম্বী শীতে ভোরের আগেই ঘুম ভেঙে গেল যোগেনের মার। ঠিক ঘুম যে ভাঙল তা নয়, ঠাণ্ডায় ফিকে হয়ে এল স্থপতির ঘন গভীর আবেশটা। অর্ধচেতন ঘরের মধ্যে একটা ইচ্ছে সঞ্চারিত হচ্ছে, উঠে আগুনের তাওয়াটা জালিয়ে হাত পাগুলো একটু সঁকে নিলে মর্দ্য হয় না একেবারে। কিন্তু আলস্ত আর ঘুমের ঘোর চেষ্টাটায় বাধা দিচ্ছিল বার বার।

এমন সময় হঠাৎ টের পাওয়া গেল পাশ থেকে উঠে যাচ্ছে সুশীলা। তখন কিছু মনে হয়নি। তারও পরে শোনা গেল কোথা থেকে যেন অতি ক্লিণ, অতি অস্পষ্ট এবটা বাঁশির স্বর শোনা যাচ্ছে। চমৎকার লাগল সে স্বর। শেষ রাতের স্তব্ধতায়, শীতের হিমাচ্ছন্ন জড়তার মধ্যে যেন চাঞ্চল্যের আলোড়ন একটা। ওই রকম বাঁশি শুনলে মন কেমন কেমন করে ওঠে, ঠাণ্ডা আড়ষ্ট রক্তের মধ্যে যেন একটা উদ্ভূত আচ্ছন্নতা বিকীর্ণ হয়ে পড়তে চায়।

কখন বাঁশি বেজেছে টের পায়নি যোগেনের মা। আবার যেন ঘন হয়ে ঘুম নামছিল তার চোখের পাতায়। কিন্তু কেমন যেন খেয়াল হল অনেককাল সময় পার হয়ে গেছে, পার হয়ে গেছে স্থানীলার ফিরে আসবার সম্ভাব্য সময়। এতকাল কোথায় কাটাচ্ছে স্থানীলা, কী করছে? এই সাজ-সকালে এমন কিছু কাজ তাকে করতে হয়না। অবশ্য গেরস্তর বাড়ি, কাজের অন্তও নেই, কিন্তু তাই বলে কুটুমের মেয়েকে খাটিয়ে বদনাম করবার ইচ্ছে নেই যোগেনের মার। তা ছাড়া এমনিই একটু আহ্লাদে মেয়ে, কুঁড়েমিও আছে, বেচে সংসারের এটা ওটা খেটে দেবে এসব আশা যে তার কাছ থেকে করা যাবে তাও নয়। তবে গেল কোথায় স্থানীলা?

সঙ্গে সঙ্গে মনে পড়ল ওই বাঁশির সুরের কথা। যোগেনের মার সম্মুখ থেকে আচমকা যেন একটা পর্দা সরে গেল। তারও একদিন বয়েস ছিল স্থানীলার মতো। সেদিন বাঁশি বাজেনি বটে, কিন্তু বহু দূরদূরান্ত থেকে এমনি করেই যেন গানের সুর ভেসে আসতো। সেদিন সেও এরকম দরজা খুলে—

তড়াক করে উঠে বসল যোগেনের মা। আন্তে আন্তে উঠে এল বিছানা থেকে, স্বাভাবিক অহুমানবশেই বেড়ার ফাঁক দিয়ে উঁকি দিলে যোগেনের ঘরের দিকে। কিন্তু কী আশ্চর্য! এখানে তো নয়। হেঁড়া লেপটা মুড়ি দিয়ে যোগেন পড়ে আছে, মাথার সামনে বুক জলছে রেড়ীর তেলের প্রদীপটার, খোলা রয়েছে তার গানের খাতাখানা, দোয়াতের মধ্যে ডুবোনো রয়েছে কলমটা। কাল অনেক রাত পর্যন্ত লিখেছে যোগেন, অনেক রাত অবধি কানে এসেছে তার গুনগুনানি। তার ঘরে তো আসেনি স্থানীলা।

তবে? তবে কি সুরেনের এই কাজ? রাগে গায়ের ভেতর জ্বালা করে উঠল যোগেনের মার। সেই সঙ্গে বিশ্বয়ও বোধ হল। বিয়ের আগে অবশ্য খুব খাঁটি ছিল না সুরেন, কিন্তু বিয়ে করবার পরে তো সে সব বদলে গেছে একেবারেই। দিনরাত চোটে-পাটে থাকে, বিভ্রত আর বিরক্ত মুখে সংসারের বোঝাটা কাঁধে করে টেনে বেড়ায়, এসব ব্যাপারে মনোযোগ দেবার মতো

সময় তো তার আছে বলে বোধ হয় না। তবুও যদি নিজের শালীকে বাড়িতে এনে এ সমস্ত করবার ছবুঁজি তার হয়ে থাকে তা হলে তাকে কমা করা যাবে না। চেষ্টায়ে হাট বসিয়ে দেবে যোগেনের মা, ঝাঁটিয়ে বিষ ঝেড়ে দেবে সুরেনের। হোক সে বড় ছেলে, থাকুক তার অমন জাঁদবেল মেজাজ, এ কেলেকারীকে প্রশ্রয় দেওয়া যাবেনা।

যোগেনের মা, মনঃস্থির করে ফেলল। দাঁওয়ার কোন থেকে সংগ্রহ করে নিলে উঠোন ঝাঁট দেবার মুড়ো ঝাঁটাটা। তারপর সোজা এসে দাঁড়ালো সুরেনের ঘরের সামনে।

ঘরের ঝাঁপ খোলা। ভেতরে হালকা হালকা অন্ধকার আর সে অন্ধকারে চামড়ার গন্ধ, জুতোর রঙের মিশ্র গন্ধ। বেড়ার ফাঁক দিয়ে আবছায়া ভোরের ছুটি চারটি আলোর আভাস লেগে চিক চিক করে উঠছে সুরেনের বস্ত্রপাতিগুলো। কিন্তু সুরেনও যোগেনের মতো একাই ঘুমছে, ঘুমছে অঘোরে। তবে ?

আর তাও তো বটে। কন্ঠিনকালে গলায় গান নেই সুরেনের, বাঁশি-বাজানো তো দূরের কথা। ঝাঁকের মাথায় ব্যাপারটা খেয়াল হয়নি, অবিচার করা হয়েছে সুরেনের ওপর। কিন্তু গেল কোথায় সুনীলা ? নাকি সমস্তটাই ভুল বোঝা হয়েছে ?

ঘরে ফিরে এসে আবার বিছানার দিকে তাকালো যোগেনের মা। না, সুনীলা ফেরেনি এখনো।

তবে কোনো তৃতীয় ব্যক্তি নিশ্চয়। এবং সে বিষয়ে আর সন্দেহ নেই কণামাত্রও। কিন্তু কে সে ? কে হতে পারে ?

পরের মেয়ে বাড়ীতে রেখে এ কেলেকারীকে কোনো মতেই বাড়িতে দেওয়া যাবে না। শেষে একটা কিছু গোলমাল হয়ে গেলে অপবশটা তারই ছেলেদের মাথার পুপর এসে পড়বে। সুতরাং গোড়াতেই এর মূলোচ্ছেদ করা দরকার।

বাড়ীর বাইরে এল যোগেনের মা। একটা স্বাভাবিক সংসারবশেই হাটতে

স্বপ্ন করল খিড়কির দিকে। কুয়াশাচ্ছন্ন ভোর ছড়িয়ে পড়েছে চারদিকে। শুধু এক আধটা মোরগের ডাক ছাড়া পাখিপাখালির সাদা পর্দা নেই কোনোখানে, শীতে যেন আচ্ছন্ন আর আড়ষ্ট হয়ে আছে। শুধু টুপটাপ করে শিশিরের ফোঁটা ঝরছে এদিকে ওদিকে, বাতাসে আমের মুকুলের গন্ধ।

এমন সময়ও নাকি ঘর থেকে বেরুতে পারে মাহুব!

কিন্তু ওই বাঁশি। ও বাঁশির নেশা আলাদা। কিছুতে ঠেকাতে পারে না, কোনো কিছুই বাগ মানাতে পারে না মনকে। যোগেনের গান মনে পড়ল : ‘হাতে লিয়ে মোহন বাঁশী, কুলমান দিল্যা হে নাশি’—

কিন্তু কুলমান গেলে সেটা স্ত্রীলার বাবে না, বাবে যোগেনের মার। ভাবতেই চড়াং করে মাথার ভেতরে ফুটে উঠল রক্ত। যোগেনের মা আবার হাতের মূঠোর মধ্যে শক্ত করে আঁকড়ে ধরলে ঝাঁটাটা। স্ত্রীলাকে একবার ঠিক মতো ধরতে পারলে হয়। রেয়াত করা চলবেনা কুটুমের মেয়ে বলে। কড়া শাসন করতে হবে, নিজের ভালো ছেলেদের মাথায় অকারণ অপবশের বোকা সে কোনোমতেই চাপতে দেবে না।

প্রথমে শীত। বিদায় নিয়ে যাচ্ছে বলেই যেন রাশি রাশি ধারালো দাঁতে শেষ কামড় দিয়ে যাচ্ছে তার। ঠুক ঠুক করে কাঁপতে লাগল যোগেনের মা। কোথাও দেখা যাচ্ছে না মেয়েটাকে, পালালো কোথায়? অনর্থক আর শীতের মধ্যে কষ্ট করে খুঁজে লাভ নেই, ঘরেই ফিরে যাবে বরং। স্ত্রীলা আশুক, তারপর না হয় দেখা যাবে কতখানি বুকের পাটা বেড়েছে হারামজাদা মেয়েটার।

ফিরে আসতে আসতে হঠাৎ থেমে দাঁড়িয়ে গেল যোগেনের মা। স্বপ্ন হয়ে কান খাড়া করল। বাতাসের শব্দ? বাসের মধ্যে নড়াচড়া করল কোনো জানোয়ার? না, মাহুবই কথা কইছে, কথা কইছে ফিসফাস করে। কিন্তু কোথেকে আসছে শব্দটা?

একটু দূরেই ভাঙা একটা গোয়াল ঘর। কিছুদিন আগেও দুটো গোরু

ছিল বোগেনের মায়, তারপর গো-মড়কে ছটোই মরল একসঙ্গে। সেই থেকেই ফাঁকা পড়ে আছে ঘরটা। গোকুর ঢের দাম আজকাল, কিছুদিন থেকে চেষ্টায়ও আছে স্বরেন, কিন্তু স্ববিধেযতো বোগাড় করতে পারেনি এখনো। সেই গোয়ালের ভেতর থেকেই কি আসছে না সম্বেহজনক শব্দটা ?

অনেক আগেই ঘরটাকে লক্ষ্য করা উচিত ছিল। বোগেনের মা নিঃশব্দে এসে দাঁড়াল ভাঙা বেড়ার কোনে, তারপর তাকিয়ে দেখল ঘরের ভেতরে। চোখের দৃষ্টিতে সন্ধানী তীক্ষ্ণতা সঞ্চার করে পরিকার দেখতে পেল সমস্ত।

স্বপ্নাকার গোয়ালের নরম বিছানার ওপরে কোনো অচেনা পুরুষের আলিঙ্গনে নিশ্চিন্তে এলিয়ে আছে স্থীলা, কথা চলছে ফিসফাস শব্দে। দুহাতে স্থীলার মুখখানি তুলে ধরে পুরুষটি—

এতক্ষণের ক্রুদ্ধ উত্তেজিত প্রস্তুতির পরে এবারে বিকট শব্দে ফেটে পড়ল বোগেনের মা। ধৈর্য এবং সহ্যের শেষ সীমা তার পার হয়ে গেছে। বোগেনের মা গর্জন করে উঠল : হারামজাদী !

যেন বাজ পড়ল।

মহুর্ভের জন্তে নিখর হয়ে গেল আলিঙ্গনবদ্ধ যুগল মৃতি। তারপরই পুরুষের স্বাভাবিক প্রেরণাটা চলে এল একেবারে বিদ্র্যুতের চমকের মতো। এবং এক্ষেত্রেও তাই করল সে—খাঁ করে লাফিয়ে উঠল, সোজা দরজা দিয়ে ছুটে বেরিয়ে এল, অদৃশ্য হয়ে গেল চোখের পলক ফেলতে না ফেলতে। শুধু গ্রামের সম্ভ-জাগা কুকুরগুলোর উত্তেজিত প্রতিবাদ তার পলায়নকে চিহ্নিত করতে লাগল।

স্থীলাও উঠে দাঁড়াল। ধীরে ধীরে এসে দাঁড়াল দরজার কাছে—চোখের দৃষ্টি তার মাটির দিকে।

বোগেনের মা আশুনভরা চোখে তাকাল তার সর্বান্ধে, আবাব বললে, হারামজাদী।

সুশীলা জবাব দিলনা।

—কাক্ লিয়া মজা লুইটবা নাগিছিলু?

সুশীলা উত্তর দিলনা।

—কথা ক ছিনালী, কথা ক। কুন নাগরের কোলত্ ওতি আছিলু?

হঠাৎ চোখ তুলল সুশীলা। এতক্ষণে তারও দৃষ্টি বিকিয়ে উঠেছে।
বললে, কহিমু না।

—কহিবু না? ছিনালপনা কইববু, ফের চোপা দেখাছিলু হামাক?
ঝাঁটা মারি আজ তোর—

—ক্যানে?—ক্যানে মারিবা হামাক?—সুশীলা ঝঙ্কার দিয়ে উঠল :
হামার খুশি, হামি বামু হামার নাগরের ঠাই। তুমার গায়ে ক্যানে জালা
ধরোছে?

—মুখ সামাল, কহি দেছি তোক।—রাগে আর শীতে যোগেনের মা
বেন ধর ধর করে কাঁপতে লাগল : মুখ সামাল। হামার ঘরত থাকি তুই—

—চলি বামু হামি তুমার ঘরত্ থাকি। হামি তুমার ব্যাটার বৌ নহো
বে হামাক চোপা করিবা আসিছো।

—তো যা। বেইঠে মন চাহে চলি যা। হারামজাদী, ছিনাল,
জাৰকালে—কদৰ্শ ভাবায় একটা অবাহিত সম্ভাবনার উল্লেখ করে যোগেনের
মা বললে, তখন কী হবে?

—যা হবে, মিটা হামার হবে। তুমার অ্যাতে দরদ হৈছ ক্যানে?—
তীক্ষ্ণ চাপা গলায় সুশীলা বললে, আপনাক সামাল দিই রাখ আগত্, পিছে
কথা কহিয়ে।

—কি কহিলু?—যোগেনের মা ঝাঁটা তুলে ধরল : আইজ তোক
হামি—

হু পা সরে গেল সুশীলা। উগ্র কণ্ঠে বললে, মারিয়োনা হামাক, হামি
কহি দেছি, মারিয়োনা।

—ক্যানে ? কিসের ডরত্ ?

—কিসের ডরত্ ?—সুশীলা মুখভঙ্গি করলে, ওঃ, ভারী সতী সাজোছেন আইজ । চ্যাংড়া বেলাত্ কত সতীপনা আছিল্ জানি হামরা ।

মুহুর্তে হাত নেমে এল যোগেনের মার । চোখে জোখের আশুন নিবে গিয়ে এক মুহুর্তে রাশি রাশি ভয় এসে আচ্ছন্ন করে দিলে দৃষ্টি । দুর্বল স্বরে যোগেনের মা ভবাব দিলে, কী জানোস্ তুই ?

—সকলই জানে । বেশি ভালোমাহুসী করিবা না নাগে । বৈবনের জালা ধরিলে নাগর সকলেরই আসে, নিজের বুকত্ আগে হাত দিয়া কের কথা কহিয়ো ।

নিজের বুক হাত দিয়ে কথা বলতে হবে ! যোগেনের মা যেন মজ্জমুগ্ধ হয়ে গেছে । এক মুহুর্তে পঁয়ত্রিশ বছর আগে চলে গেছে মন । চোখের সামনে ভেসে উঠেছে দ্বিধ অঙ্ককার ছায়া-বেটনী, মধু মাদকতায় ভরা অপরূপ রাজি ।

শেষ চেষ্টা করে যোগেনের মা বললে, হামি কহিমু স্বরেনকে ।

—কহিয়ো, যাক খুশি কহিয়ো—

ঝটকা মেরে যোগেনের মার পাশ কাটিয়ে চলে গেল সুশীলা ।

* * * *

কিন্তু কাউকে বলতে পারলনা যোগেনের মা । স্বরেনকেও না, যোগেনকেও না ।

আশ্চর্য আজকালকার মেয়েরা সব । লজ্জা-সরমের বালাই যে তাদের আছে এমন মনে হয়না । অসংকোচে হেঁটে বেড়াচ্ছে সুশীলা, বুক ফুলিয়ে চলে ফিরে বেড়াচ্ছে । সকালে এতবড় কাণ্ডটা যে হয়ে গেল বিন্দুমাত্র অপরাধ বোধ নেই সেজন্তে । অথচ তাদের দিন হলে—

তাদের দিন । কত যত্নে, কত গোপনতার সঙ্গে পরম ‘অতনের’ (রতনের) মতো মনের ভেতরে লুকিয়ে রাখতে হত । পাছে কেউ জানতে

পারে, কারো চোখে পড়ে। স্বাচল চাপা দিয়ে ঢেকে রাখতে হয়েছে প্রাণের মাঝখানকার খিকি খিকি আগুনকে। সারা দিন কেটে গেছে তারই স্বপ্নে, সারাটা রাত তার দোলা চেউয়ের মতো এসে ভেঙে ভেঙে পড়েছে বুকের মধ্যে।

কিন্তু অনেকদিন পরে আজ কি আবার তেমনি করে দোলা লাগল তার? কেমন উড়ু উড়ু হয়ে উঠেছে মন, অনেকদিন পরে ঠাণ্ডা হয়ে আসা রক্তে ছড়িয়ে পড়েছে একটা নিবিড় আর গভীর উত্তাপ। একদিন ছিল বেদিন চোখের দৃষ্টি এমন ঝাপসা হয়ে যায়নি, তার ডাগর ডাগর কালো চোখের দিকে তাকিয়ে মূচি-পাড়ার চ্যাংড়া আর জোয়ানদের বেতুল লেগে যেত। কাঁধ ছাড়িয়ে, পিঠ ছাপিয়ে নেমে আসত ঘন চুলের রাশ—লোকে বলত ‘মেঘবর’। রঙ ছিল কালোই, কিন্তু সে কালো রঙের ভেতর দিয়েও বেন তার রূপের জেলা ফুটে বেরত। ভিন্ গাঁয়ের কোন্ একটা ছোকরা তাকে দেখলেই গান ধরত : ‘কাল-নাগিনী মাইল্লো ছোবল, পরাণ জ্বলি যায় হে—’

কাল-নাগিনীই বটে। নাগিনীর মতোই উজ্জ্বল লতানে শরীর, সে শরীরে রূপের লহর বয়ে যেত তার। বাপের অবস্থা ছিল ভালো, হাট থেকে নানা রকম সখের শাড়ী কিনে আনত তার জন্যে। সেই শাড়ী পরে কোমর ছুলিয়ে বখন সে চলত, তখন তার দিকে তাকিয়ে ভিন্-গাঁয়ের অচেনা মানুষগুলোও থমকে থেমে যেতো একবার, প্রশ্ন করত, ইটা কার বিটি হে?

তারপরে বিষে হল তার। টাকার জোরে সনাতনপুরের কুেষ্ট মূচি বিয়ে করল তাকে। হাবা ভালো মানুষ লোক, তাড়ি খেত একটু বেশি পরিমাণে, আর নেণায় খানিক জোর ধরলেই তাকে জাপটে ধরে ভেউ ভেউ করে কাঁদতে শুরু করত। লোকটার প্রতি করুণা আছে তার, একধরনের দয়াও আছে। কিন্তু মন সে নিতে পারেনি, তা কেড়ে নিয়েছিল আর একজন।

দাওয়ায় বসে কলাই ঝাড়তে ঝাড়তে আজ মনে পড়ে যাচ্ছে। পঞ্চাশ বছর বয়েসটা হঠাৎ একটা পার্শ্ব থেকে ফিরে গেল পনেরো বছরে। এই স্বামীর

ভিটে, ছেলেরা আর ছেলের বোরা, এই ভরপুর সংসার, হঠাৎ এর সব কিছু ছাড়িয়ে ভাবনাটা ফিরে চলে গেল পেছনে! স্থানীলাকে শাসন করতে গিয়েছিল, কিন্তু পারল না। তার একটি কথায় পক্ষায় বছরের হিসেবী-বুদ্ধিটা চলে গেল পনেরো বছরের ভয়-ভাবনাহীন ছেলে-মামুষিতে, স্থানীলার মুখের আয়নায় যেন সে তার হারিয়ে বাওয়া মুখখানাকে আবার দেখতে গেল নতুন করে।

বাড়ির পেছনের পুকুরটা। ওখানে দুটি চারটি শাপলা পাতা, খানিকটা কলমী লতা লকলক করছে। এদিকের জল টলটলে নীল, বকঝকে পরিষ্কার। তাতে নিজের মুখও যেন দেখতে পাওয়া যায়।

ঝিমঝিম করছিল ছুপুর। রোদ কাঁপছিল কাঠবাদাম গাছটার পাতায়, কাঁপছিল শান্তজলে। পুকুরের ঘাটলায় দাঁড়িয়ে সেই রোদে ভরা জলের দিকে তাকালো সরলা, দেখতে পেল নিজেকে। আর সেদিন যেন দেখতে পেল তার সর্বাঙ্গে ঢল ঢল করছে প্রথম বোবন, আশ্চর্য স্বন্দর হয়ে উঠেছে তার দেহের গড়ন। ঘাটলার নীচে, ঝিলমিলে জলের ভেতরে এই বার ছায়া পড়েছে সে যেন সরলা নয়, আর কেউ; তার মতো অমন রূপবতী কোনোদিন চোখে পড়েনি সরলার।

কতক্ষণ নিজেকে দেখেছিল সে জানেনা। রোদে আর বাতাসে মিলে যেন দিশেহারা করে দিয়েছিল তাকে, ওই ঢলে ওঠা, ওই ঝিলমিল করা জলের ভেতরে দৃষ্টি স্থির রেখে দাঁড়িয়েছিল বিশ্বলের মতো। তারপর হঠাৎ গানের স্বর এল কানে : ‘কালনাগিনী মাইল্লো ছোবল, পরাণ জলি যায় হে’—

ভিনু গায়ের সেই রসিক ছেলেটি। কখন এসে দাঁড়িয়েছে ঘন-পাতার ছায়ায় ভরা বাদাম গাছটার নীচে। সরলা চোখ তুলে তাকালো তার দিকে। দিব্যি চেহারা মামুষটার, দিব্যি গানের গলা। ভারী মিষ্টি করে সে হাসল, হঠাৎ ফাগের ওড়োর মতো রক্তকণা ছড়িয়ে গেল মুখে।

—কথা কও কইন্ডা, তাকাও হামার মুখের দিকে।

—ভারী অসভ্য মানুষ—লজ্জাকর মুখে জবাব দিলে সরলা ।

কিন্তু অসভ্য মানুষটি লজ্জা পেলনা, বরং এগিয়ে এল একটু একটু করে ।

ঝিমঝিম হৃদয়, ঝিলমিলে রোদ । রোদে আর বাতাসে মিলে কী যেন হয়ে গিয়েছিল সেদিন, কী যেন একটা ঘটে গিয়েছিল জলের ভেতরে সেই মেয়েটির আশ্চর্য রূপের দিকে তাকিয়ে তাকিয়ে । মহিম্বর এল সরলার জীবনে, নিয়ে এল গান আর নিয়ে এল ভালোবাসা । আজ স্থশীলা যেন সেই দিনটি তার কাছে ফিরিয়ে এনে দিলে ।

—মা, পাচটা টাকা দিবা হবে, চামড়া কিনিবা নাগে ।

স্বরেন এসে দাঁড়িয়েছে । লজ্জিত অপ্রস্তুত দৃষ্টিতে তাকালো যোগেনের মা, বয়েসের প্রভাবে শুকনো শীর্ণমুখে কী একটা ঝকমক করে খেলে গেল শুধু মুহূর্তের জন্যে । কবি যোগেন হয়তো লক্ষ্য করত, কিন্তু গম্ভীর সংসারী মানুষ স্বরেন লক্ষ্য করলনা । সে কাজের লোক, অত সময় নেই তার ।

—দেছে টাকা—একটু ইতস্তত করে যোগেনের মা বললে, একটা কথা কহিমু তোকে ?

—কী ?

—জমি নিয়ে ওই ছদ্মুতটা মিটাই ফ্যাল বাপ । একটা মানী মাইনুষের সাথে—

কথাটা শেষ করবার আগেই স্বরেন টেটিয়ে উঠল বিজ্রী গলায় ।

—আঁ ? ইটা তুমি কী কহিলা মা, আঁ ?

যোগেনের মা ভীক কণ্ঠে বললে, কহিছিছ—

—কিছু কহিবা হবেনা ভূমাক্ । মানী লোক ! ওঃ, অমন ডের শালা মানীলোক জাখেছি হামি । বে-আইনি করি হামার জমি কাটে লিবে আর আর সাথে হামি বামু মিটমিট করিবা । ত্যামন বাপের ছোয়া নহে হামি । তো হাইকোর্ট বিবা নাগে তো বামু হামি—ঘর বাড়ি বিক্কিরি করি চালামু মাযলা । ইটা সাক সাক কহিছ—ই !

নতদৃষ্টিতে মাটির দিকে তাকিয়ে রইল যোগেনের মা।

স্বরেন বলে চলল, শালা নায়বক্ হাত করি রাখিছে, গেছ তো হামাক্ আমলট দিলেনা। আইচ্চা, হামিও কেট মূচির ব্যাটা। দেখি লিমু হামিও। মিটমাট! মিটমাটের কথা কহিয়োনা, শালা হামার পায়ে ধরি পড়িলেও না।

হৃপদাপ করে চলে গেল স্বরেন। উত্তেজনার বশে ভুলে গেল চামড়া কেনবার জন্তে পাঁচটা টাকা নিতে এসেছিল মায়ের কাছ থেকে।

স্বরেন বুঝবেনা, স্বরেন কেট মূচির সন্তান। যে বুঝত সে যোগেন। সেদিনের গান আর সেদিনের ভালোবাসা যেন রূপ পেয়েছে যোগেনের মধ্যে, সরলার প্রাণের ভেতর থেকে, তার স্বপ্নের ভেতর থেকে জন্ম নিয়েছে কবি যোগেন। কেট মূচির ব্যাটা হয়েও সে মহিন্দরের সন্তান—যে মহিন্দরের গানে একদিন স্বশীলার মতোই ঘর ছেড়ে বেরিয়ে চলে যেত যোগেনের মা।

কিন্তু যোগেনও বুঝবেনা।

কান পাতল যোগেনের মা। ঘরের ভেতর থেকে ছেলের গানের স্বর আসছে। কিন্তু কী এ গান?

প্যাটের আলায় জলি জলি গেলরে দিনমান।

কাঁদি কাঁদি জীবন যাবে, গরীবের নাই ভগমান।

বড়লোক রসের ঠাকুর,

মোরা হইছ পথের কুকুর

লাথি-জুতার বরাত করি সহি ক্যাতে অপমান,

কাঁদি ক্যানে ফুলাছ চোখ, গরীবের নাই ভগমান—

এ কোন্ গান? এর সঙ্গেও তো সেদিনের স্বর মিলেছেনা। সব আলাদা, সব আরেক রকম। শুধু একটা অনিশ্চিত আশঙ্কা, একটা অজানা সম্ভাবনায় মনের আকাশটা থমথম করছে।

তবু স্বশীলার কথাটা বললে হত স্বরেনকে। নাঃ, থাক। কী বলে বসবে

কে জানে। তার চাইতে পরের মেয়েকে যত তাড়াতাড়ি বিদায় করতে পারা যায় সেই ভালো।

—টাকা পাঁচটা দিবা কি নাই?—স্বরের উত্তেজিত কণ্ঠ কানে এল।

—দেছে—

যোগেনের মা উঠে দাঁড়াল। আচমকা চোখে পড়ল উঠানের ওপার থেকে কেমন অদ্ভুত কঠিন দৃষ্টিতে তার দিকে তাকিয়ে আছে স্থলীলা। সে দৃষ্টির সঙ্গে মিল আছে স্বরের উত্তেজিত, মিল আছে যোগেনের এই দুর্বোধ্য গানগুলোর। শুধু মিল নেই সেই বাদ্যম গাছটার ঘন ছায়ার আর মিল নেই রক্তে মাতলামি জাগানো সেই সব গভীর রাজির।

নতুন কাল এসেছে—সব নতুন। এদের সামনে দাঁড়ানো আর সম্ভব নয়, স্থলীলার নয়, স্বরের নয়, এমনকি যোগেনেরও নয়।

—ভেরো—

—মা, মা—

একটা জোর ঠাক দিলে যোগেন : মা, মা—

কোনো সাড়া পাওয়া গেল না।

অসীম বিরক্তি ভরে যোগেন, আবার ডাকল : কুনুঠে গেইলা মা, মরিল
নাকি হে ?

—ক্যানে, এই সকালেই অ্যাত চেলাচিলি নাগাইলে ক্যানে নবাবে
ছোয়া ? মার বোথার ধরিছে।—উত্তর এল সুরেনের।

—বোথার ?—যোগেনের চোখে মুখে ফুটে বেরল উৎকণ্ঠা : ক্যানে,
বোথার ধরিলে ক্যানে ?

—কও কথা—বোথার ধরিলে ক্যানে ?—সুরেনের স্বরে বিস্মিত ক্রোধ
প্রকাশ পেল : ইকুলে নিখি নিখি পাঠা হই গেলু নাকি তু ? বোথার ধরিছে
—বোথার ধরিছে। ক্যানে ধরিছে উটা কি মাথুয কহিবা পারে ?

কিন্তু সুরেনের মন্তব্যের কোনো জবাব দিলে না যোগেন, কথা বাড়ালেই
সুরেন গালাগালি আরম্ভ করে দেবে। দ্রুত পায়ে ঘরে এসে ঢুকল সে।

দাওয়ায় ময়লা চটের বিছানা। তার ওপরে একটা হেঁড়া কাঁথা মুড়ি দিয়ে
হি হি কাঁপছে যোগেনের মা। কাঁপুনির সঙ্গে সঙ্গে দাঁতে দাঁতে খট খট করে
একটা শব্দ উঠছে, মুখ দিয়ে বেরছে একটা অস্পষ্ট আকুতি। মাথার কাছে
চুষ করে বসে আছে স্নানীলা, কোনোরকম পরিচর্যা করছে বোধ হয়।

যোগেন খানিকক্ষণ দাঁড়িয়ে রইল। কদিন থেকেই কেমন বিলাদ-ভিক্ত হয়ে আছে মনটা, মার এই জ্বরটা দেখে যেন আরো খারাপ লাগতে লাগল। হোক নিজের আত্মীয়, হোক একেবারে আপনার ভ্রন, কারো আধি ব্যাধি দেখলে বড় বিল্লী লাগে যোগেনের। সহানুভূতি আসে না, করুণায় বিকল হয়ে ওঠে না মন। কেমন ভয় করে, কেমন ছমছমানি জাগে শরীরে। কারো অসুখ দেখলেই তার মনে হয়, কেন কে জানে মনে হয়, বাঁচবেনা। হঠাৎ ছুটে পালিয়ে যেতে ইচ্ছে করে যোগেনের, যেন দেখতে পায় তারও চারদিক ঘিরে ঘিরে মৃত্যুর একটা অপচ্ছায়া আসছে ঘনিষে।

—আইলু বাপ ?—কম্পিত স্বরে মা বললে, বস এইঠে।

যোগেন বিশ্বাস মনে আসন নিলে।

—না, এইঠে আয়, হামার পাশে আয়—

অনিচ্ছা সত্ত্বেও মায়ের একেবারে কাছে গিয়ে বসল যোগেন—সুশীলার আঁচলের ছোঁয়া লাগল তার গায়ে। কিন্তু সঙ্গে সঙ্গেই যেন কেমন সটকা ঘেরে উঠে দাঁড়ালো সুশীলা, তারপর সোজা ঘর থেকে চলে গেল বেরিয়ে।

কিছু একটা অনুমান যেন তীক্ষ্ণ খোঁচা লাগালো যোগেনকে। হঠাৎ তার চোঁচিয়ে উঠতে ইচ্ছে করল : হামাক দেখি অমন করি পালাছি ক্যানে হারামজাদী ? হামি কি খাই ফেলিমু তোক ?—কিন্তু মা বলতে ইচ্ছে করে তাই বলা যায় না। গলা দিয়ে অক্ষুট একটা শব্দ বেরুল কি বেরুল না, ছুটো ঝকঝকে চোখে যোগেন শুধু তাকিয়ে রইল সেদিকে।

—বাপ ?

মা ডাকছে। আন্তে আন্তে, স্নেহ ভরা গলায় ডাকছে : বাপ ?

—কী কহিবা ?—একটা নিশ্বাস ছেড়ে যোগেন জবাব দিলে।

—একটা কথা কহিমু তোক—কাঁপা গলার আওয়াজটা যেন মিনতির মতো শোনালো।

—কহো না—

মা একখানা হাত বার করল কাঁথার ভেতর থেকে, রাখল ষোগেনের হাতে। জরের তীব্র উত্তাপে শরীরটা যেন ছাঁৎ করে উঠল ষোগেনের। কী গরম, কী ভয়ানক গরম! যেন জলন্ত আগুনের ছোঁয়াচ লেগেছে গায়ে। ষোগেনের মনে হল মার হাতট। গায়ের থেকে সরিয়ে দেওয়া উচিত, যেন ওই হাতের ছোঁয়ায় সেও অসুস্থ হয়ে পড়বে।

মা আশু আশু ছেলের হাতে হাত বুলিয়ে দিতে লাগল।

—হামি আর পারোছি না ষোগেন। বুঢ়া হই গেছি, শরীর ভাঙি গেইছে। কখন বা টপ করি মরি যাই। ইবার একটা বিহা দিমু তোর। আর ব্যাটাগুলানের বিহা দিয়া তো খুব সুখ হইছে হামার, তোর বউ আসি হামাক দেখাওনা করিবে।

ষোগেন উত্তর দিল না।

—তোর বউ হামি ঠিক করি ফেলিছু। ইবারে আর বাগড়া না দিস বাপ।

ষোগেনের মনে একটা নতুন চিন্তা তরঙ্গিত হয়ে উঠেছে। “ধলাইয়ের সেই হাসি আর ছায়ার মতো স্মীলার সরে যাওয়া—এরপরে কি আগের মতো একেবারে একান্ত করে নিজের বলে ভাবা চলে স্মীলাকে? কিন্তু ক্রোধ আর বিতৃষ্ণার আক্ষেপে সেটা মনে জাগতে পরক্ষণেই একটা যজ্ঞপাষাণ এসে তাকে আচ্ছন্ন করে দিলে। না, না, এ ভাবা চলে না। এই পরম দুঃখকর সম্ভাবনাকে কোনোমতেই স্থান করে নিতে দেওয়া যাবেনা নিজের চিন্তাতে। হয়তো নিছক একটা ষোগাযোগ, একটা আকস্মিক ব্যাপার মাত্র। তার মন সন্দ্বিষ্ট বলেই একটা স্বাভাবিক সহজ ঘটনা তার চিন্তাটাকে বারে বারে ঘোলা করে তুলছে।

মার উত্তরটা জেনেও দুইখি করলে ষোগেন। লঘুস্বরে বললে, কার বিটির কপাল পোড়াবা চাহোছ মা?

জরের কাঁপা গলার মধ্যেও মার স্বরে রাগের আভাস পাওয়া গেল : কপাল

পুড়িয়ে ক্যানেরে ? হামার এমন সোনার চাঁদ ব্যাটা—কপাল খুলি বিবে,
সোনা-কপাল হবে ।

—ভূমি সোনার চাঁদ কহিছ, আর মাহুবে বান্দর কহে—কথাবার্তার
স্বাভাবিকতার মধ্যে এসে মার অসুস্থতার কথাটা ভুলে যাচ্ছে যোগেন ।
গলায় তেমনি তরল কোতুক সঞ্চারিত করে বললে, কিন্তু কার সোনা কপাল
হছে সিটা তো কহিলে না ।

মা-এক মুহূর্ত চুপ করে রইল । তারপর সম্পূর্ণ অপ্রত্যাশিত উত্তর এল
একটা ।

—হাজারকর বিটি ।

—হাজারকর বিটি !—যোগেন চমকে উঠল ।

—ই—ই ।—যোগেনের মা সন্ধানী একটা দৃষ্টি ছেলের মুখের ওপর ফেলল :
ক্যানে, চিনিস নাই উয়াক ? ওই গোরা মেইয়াটা—পদ্ম, পদ্ম । খাশা
নাগিবে তোর পাশত্ ।

যোগেন স্তম্ভিতভাবে বসে রইল কিছুক্ষণ ।

জরের আবার একটা জোর ধমক এসেছে শরীরে । দাঁতে দাঁতে আবার
শব্দ উঠেছে ঠক্ ঠক্ করে । যোগেনের হাতের ওপর মায়ের জরতপ্ত হাতখানা
কাঁপতে লাগল, শিহরণটা যেন বয়ে যেতে যেতে লাগল তার সর্বদে ।

—হামি বুঝিছ, তোর মনের কথাটা হামি বুঝিছ বাপ । কিন্তু সিটা হবা
নহে ।

যোগেন কথা বললে না । তাকিয়ে রইল । বেদনা, বিদ্বেহ আর বিস্মিত
জিজ্ঞাসায় তার দৃষ্টি আচ্ছন্ন হয়ে এসেছে ।

—হবা নহে বাপ, হবা নহে । ওই পদ্মই ভালো বউ হবে হামার ঘরে ।

—হামি কিছু বুঝিবা না পাইয়, মা ।—প্রায় অস্পষ্টস্বরে কথাটা বললে
যোগেন ।

—ক্যামন করি বা কথাটা কহিমু তোক ?—বেদনাসিক্ত কম্পিত গলায়
যোগেন মা বললে, হামি কিছু কহিবা পারিমু না। ভুলি বা বাপ, ভুলি বা।
পদ্মকু লিয়াই তুই স্বখী হবু, ইটা কহি দিমু হামি।

যোগেন আর কিছু জিজ্ঞাসা করল না। মনের মধ্যে কুটিল সন্দেহের
ছায়াভাসটা এবারে যেন স্পষ্ট প্রত্যক্ষ একটা অবয়ব গ্রহণ করেছে। পায়ের
নীচে পৃথিবীতে দোলা লেগেছে হঠাৎ, মাথার মধ্যে সব যেন কেমন ফাঁপা
ফাঁপা ঠেকেছে। যোগেন উঠে পড়ল, নিজেকে বড় অস্বস্থ মনে হচ্ছে তার,
মনে হচ্ছে তারও বোধ হয় জর আসবে।

বাড়ি থেকে দু পা বাড়িয়েছে যোগেন, সুরেন হাঁক দিলেন।

—অ্যাথেন ফের কুনঠে বাছু ?

ভিক্ত স্বরে যোগেন বললে, ক্যানে ?

—কী কামে ফের ? গান গাহিবা যাছ নাকি হে আলকাপওয়াল ?—
সুরেনের ক্রুদ্ধ গলার আওয়াজে স্লেষের ইঙ্গিত পাওয়া গেল।

যোগেন বললে, খালি চিন্তাছ বে, দেখিছনা ? মার জর ধরিয়েছে। ডাক্তারর
ঠাই বানা নাগে।

সুরেনের স্বর নরম হয়ে এল।

—তা সিটা তো যিবা নাগে ঠিক। তো ম্যালোরিয়া হইছে, আপনি
সারি যিবে। ডাক্তারের ঠাই গেলেই ফের পাইসা আর পাইসা। বোয়াল
মাছের মতন হাঁ করে বসি আছে সব শালা, দিনভর গিলিবা চাছোছে।

—তো মা-টা জর হই মরি ষাউক ? পাইসা লিই বউক গহনা করি
দিয়ো তুমি—

গঙ্গঙ্গ করতে করতে বেরিয়ে এল যোগেন।

ডাক্তারের কাছেই যেতে হবে। কিন্তু ডাক্তার নেই গ্রামে, আছে এক
মুচি কবিরাজ—সোনারাম। একটা বুলি আছে সোনারামের, আর তার

ভেতরে আছে বিশ্বাস কতগুলো ছাড়াপড়া কালো কালো বড়ি। জর হোক, আমাশা হোক, এমনকি ওলাউঠা হোক, ওই এক বড়িই সোনারামের সম্বল। লাগে তুক, না লাগে তাক। তবু মাত্র দুগুণা পয়সার বিনিময়েই তাকে পাওয়া যায় বলে তাঁর ওপরে গ্রামের লোকের অখণ্ড বিশ্বাস। কিন্তু ষোগেনের কিছুমাত্র আস্থা নেই সোনারাম সম্পর্কে। খানিকটা লেখাপড়া করেছে, ভুরোদর্শী হয়েছে সহরে বেড়িয়ে, স্বতরাং সে সোজাসুজিই বলে : উটা ভো কবিরাজ নহে, ষমের দূত।—রস দিয়ে ব্যাখ্যা করে বলে : সোনারামের কামই হইল, রঙ্গীণলার আত্মারাম সাবাড় করা।

অতএব বেতে হবে বামুনঘাটায়। সেটা ভদ্রলোকের গ্রাম। বড় গঞ্জ আছে, বাজার আছে, আর আছে সরকারী ডাক্তারখানা। সেখানে চারপয়সা দিয়ে টিকেট কিনলে ভালো বিলিতি ওষুধ মেলে। মাইল তিনেক রাস্তা অবশ্য হাঁটতে হবে,—তা হোক। ষোগেন সরকারী ডাক্তারখানার উদ্দেশ্যেই দিলে পা চালিয়ে।

মার অস্থখ একটা উপলক্ষ্য বটে, কিন্তু আদত কারণটা তাও নয়। আসল কথা, নিজের সমস্ত চিন্তার মধ্যে যেন একটা বিপর্যয় ব্যাপার ঘটে চলেছে ষোগেনের। অমন করে কেন কথাটা বলল মা, কী এমন একটা ঘটেছে যার জন্তে কারণটা মা তাকে খুলে বলতে পারলনা? একটা তীব্র অস্থিরতায় যেন ছুটে বেরিয়ে পড়েছে ষোগেন। মনে হয়েছে বাড়ির মধ্যে কোথাও এতটুকু বাতাস নেই, যেন তার দম আটকে আসছে, যেন কে তার গলাটা টিপে টিপে ধরতে চাইছে। স্থাশীলা, স্থাশীলা! যার রূপে সে বিভোর হয়ে মজে গেছে, যাকে নিয়ে সে বেঁধেছে তার সেই আকুল-করা গান :

“কইজা, ডমর জিনি লয়ন তোমার

উড়ি উড়ি যায় হে,

হামার বকের ভিতর ফুল ফুটিলে

তাহার মধু খায় হে—”

সেই কত্থা বিশ্বাসঘাতকতা করবে! তার সেই সোনার বরনী কেশবতী, যার মেঘের মতো চুলের মধ্যে হারিয়ে যেতে ইচ্ছে করে বোগেনের, ইচ্ছে করে নিশ্চিহ্ন, নিঃসত্তা হয়ে মিশে যেতে! অসম্ভব, এ হয়না! একথা ভাবতে গেলে যেন বৃকের ভেতর থেকে শিকড়শব্দ কী একটা কিস্তি আসতে চায়, মনে হয় সব কিছু ছিঁড়ে খুঁড়ে রক্তাক্ত হয়ে যাচ্ছে।

তবে? আদিল ঘটনাটা তা হলে কী? যার মত হঠাৎ বদলাল কেন? বেশি টাকা চেয়েছে সুলীলার বাপ? কিন্তু এমন কী বেশি টাকা? তিনরাত যদি ভালো করে আলকাপের আসর জমাতে পারে বোগেন, তবে কতকণ সময় লাগবে ওই কটা টাকা সংগ্রহ করতে?

কিন্তু যার কথার ভঙ্গিতে তা তো মনে হয়না। কোন একটা আলাদা ব্যাপার আছে, আছে কোনো একটা নিগূঢ় অর্থ।

পথ চলতে চলতে বোগেন সজোরে একবার নিজের মাথায় একটা ঝাঁকুনি দিলে। থাকুক এর বা খুশি অর্থ, এর পেছনে নিহিত থাক একটা অজানা আশ্চর্য রহস্য। সে রহস্যকে উদ্ঘাটিত করার জন্তে কোনো কৌতূহলই নেই বোগেনের। আজ এই সংশয়ের মেঘটা এসে মনের মধ্যে ছায়া ফেলেছে বলে এইটেই কি সত্য? সুলীলার কি আর কোন পরিচয় পায়নি সে কখনো? কত মুহূর্তে, কত অবসর-নির্জন মুহূর্তে কাছে এসেছে তার, লতিয়ে পড়েছে বৃকের মধ্যে, সমস্ত চেতনা যেন আবেশে আচ্ছন্ন হয়ে গেছে বোগেনের। এমন একান্ত করে যে সুলীলা তার বৃকের মধ্যে নিজেকে ধরে দিয়েছে, সে কি কখনো মিথ্যাচার করতে পারে, সে কি কখনো বঞ্চনা করতে পারে? তা যদি হয়, তা হলে ছুনিয়াটাই যে একেবারে মিথ্যে হয়ে যায়।

—বোগেন নাকি হে? কুনঠে চলিলা?

ঢোল কাঁধে একটা রান্ধুসে চেহারার লোক। মস্ত মাথাটায় ঝাঁকড়া ঝাঁকড়া চুল, মাঠের মতো চওড়া বৃকে 'ইকড়ি' ঘাসের মতো কাঁচাপাকা রোঁমাবলীর সমারোহ। ঠোঁট ছোটো পানের রসে টকটকে লাল। রসিক ঢোলগুয়াল।

রসিক বললে, কুন্ঠে চলিলা ?

—বামু বামুনঘাটা ।

—অঃ ।—রসিক পাশ কাটিয়ে বাচ্ছিল, হঠাৎ কী মনে করে থেমে দাঁড়ালো শুইনুহু আলকাপের দল করিছ তুমি ?

যোগেনের বিরক্তি লাগছিল । রসিককে ছেলেবেলা থেকে দেখে আসছে, কাকা বলে ডাকে । স্ততরাং এড়িয়ে যাওয়া গেলনা । অগ্রসর মুখে বললে, ই, কইনু তো ।

রসিক বললে, বেশ, বেশ । হামাদের মুচির ঘরের দুইটা একটা ছোয়া ছেইল্যা শুনী হইলে তো সিটা ভালোই হয় । তো ফের শুইনুহু দামড়ি গাঁয়ের ধলাই মুচিক্ দলে লিছ তুমি ?

—ই, লিছি—যোগেন জবাব দিলে । কিন্তু ধলাইয়ের নামটা শোনবার সঙ্গে সঙ্গেই ঘেন পায়ের থেকে মাথা পর্যন্ত জলে উঠল তার । পরক্ষণেই বললে, তো ছোড়ি দিহু উয়াক্ ।

রসিক বললে, বেশ করিছ, বড় ভালো কাম করিছ । উই কথাটা হামিও তুমহাক্ কহিনু মন করিছিহু । বড় বদমাস উশালা ।

—বদমাস ?

—না তো কী ?—উত্তেজিত হয়ে রসিক বললে, হামার দলে তার ওই—একটা অগ্নীল বিশেষণ জুড়ে রসিক বলে চলল : বাঁশিটা লিই বাজাবা আসিছিল । তো ফের শালার ত্যাজ্ কত ! যোজ আড়াই টাকা কবি দিবার নাগিবে, তার মতন বাঁশি ছনিয়াত্ ক্যাহো কুনোদিন দেখে নাই ! হামি শালাক্ খ্যাদাই, দিহু ।

—ভালোই করিলে—সমস্ত মনপ্রাণ দিয়ে সমর্থন জানালো যোগেন ।

—অমন ছ্যাঁচোড় লিয়ে কাম করিবা হয়না, ফ্যাসাদে পড়িবা হয় বুটামুটা

—বিরক্তিভরে মন্তব্য করে এগিয়ে গেল রসিক । কিন্তু শুধুই কি ছ্যাঁচোড় লোক ধলাই ? রসিক জানেনা, কিন্তু যোগেন জানে । মর্মে মর্মে সে টের

পাচ্ছে কতবড় শয়তান ধলাই। শুধু পয়সার ভঞ্জে নয়, সে এখন তার বৃকে ছোবল মারবার চেষ্টা করছে। এই মুহূর্তে, এই মাঠের মধ্যে ধলাইকে পেলে যোগেন এখন তার রক্ত-দর্শন করে ছাড়ত।

কিন্তু থাকুক ধলাই, থাকুক তার কুট চক্রান্ত নিয়ে। মা নিবেশ করুক, তাড়ি খেয়ে প্রাণপণে চ্যাচাতে থাকুক স্বরেন, কিন্তু যোগেন কোনোমতেই ভুলতে পারবেনা স্মীলাকে, কোনোমতেই তার প্রত্যাশা ছাড়তে পারবেনা। পৃথিবী একদিকে থাকুক, আর একদিকে থাকবে স্মীলা। বংশী মাষ্টারের গান তার চাইনা, কবি-বশেও তার দরকার নেই, স্মীলাকে পেলেই জীবনের সব পাওনা তার মিটে যাবে। নতুন গান আসবে, নতুন স্বর আসবে, যদি কিছু ভেঙে চুরেই যায়, ক্ষতিপূরণ হয়ে যাবে তার চাইতে অনেক গুণে বেশি। তার সমস্ত মন-প্রাণ ভরে নতুন গানের উৎসব শুরু হয়ে যাবে।

অস্বস্থ পা আর অস্বস্থ মন নিয়ে যোগেন পৌঁছুল বায়ুনঘাটায়। বেশ বেলা বেড়েছে তখন, শীতের শীতলতা কেটে গিয়ে পায়ের নীচে গরম হয়ে উঠেছে বালি। ডাক্তারখানা তখন জমজমাট। ডাক্তার প্রিয়তোষ সেন নিখাস ফেলবার সময় পাচ্ছেন না। ঘন্ ঘন্ করে লিখছেন প্রেসক্রিপশন আর এক একজন করে রোগীর আত্মশ্রদ্ধা চলছে।

—কাল কবার গুণ্ড খেয়েছিস?

—আজ্ঞে তিনবার।

—তা হলে আরো তিনদাগ তো আছে।

—আইজ্ঞা না।—রোগী বিনীতভাবে হাসল : সব ফুরাই গেইলুছে।

—সব ফুরাই গেইলুছে?—ডাক্তার প্রায় আর্তনাদ করে উঠলেন : বলিস্ কিরে ব্যাটা! অতগুলো গুণ্ড একসঙ্গে!

—হেঁ—হেঁ—আমি ভাবিছ—

—ভাবলে, একসঙ্গে খেলেই রোগ মুক্তি? আরে হতভাগা, ওতে করে

দেহমুক্তি ঘটে যাবে যে ! আচ্ছা ইডিয়ট নিয়ে পড়া গেছে সব । দাঁড়া, দাঁড়া, এখন সরে দাঁড়া ।—হ্যাঁ, রহিম বিশ্বাস ?

—জী ।

—কদিন আর তোর বিবির ?

—জী তা হৈল পাঁচ সাতদিন ।

—পাঁচ সাতদিন !—হাতের কলমটা নাষিয়ে ডাক্তার গর্জে উঠলেন :
এতদিন তবে করছিলে কী ? হাঁ করে বসেছিলে ? এখন আর কী করা
যাবে, যাও ঠ্যাং ধরে ভাগাড়ে ফেলে দাও গে ।

চিকিৎসার নমুনা দেখে বোগেনের যেমন অস্বস্তি, তেমনি বিক্রী লাগতে
লাগল । ঘুণা আর বিরক্তিতে কালো ডাক্তারের মুখ, অত্যন্ত অনিচ্ছা আর
অত্যন্ত বিরক্তি সহকারে রোগী দেখছেন আর ‘টিকিট’ লিখছেন । না আছে
সহানুভূতি, না আছে যত্ন । অল্পগ্রহের দান ছুঁড়ে ছুঁড়ে দিচ্ছেন, হাজার
গালাগালি খেয়েও কৃতার্থমুখে মেনে নিচ্ছে যাত্রাবুড়ো । হঠাৎ মনে হল
এর চাইতে তাদের সোনারাম কবিরাজও ভালো । তাদের সে আপনার
মাল্যব, তাদের জীবনের সঙ্গে তার বোগ আছে ।

বংশী মাষ্টারের কথাই ঠিক । এই যে যাত্রাবুড়ো এখানে এক ফোঁটা
ওষুধের প্রার্থী হয়ে দাঁড়িয়েছে—এরাই বোগেনের দেশের লোক, তার জাতি-
গোত্র । ব্রাহ্মণ, জমিদার আর নায়েবের কাছ থেকে তারা যা পায়, এখানেও
ঠিক তাইই পাচ্ছে । কোনো পার্থক্য নেই, কোনো ব্যতিক্রম নেই । সরকারী
ডাক্তারখানা, গরীবকে ওষুধ দেবার জন্তেই খোলা হয়েছে । গরীব কতটুকু
ওষুধ পায় কে জানে, কিন্তু যা পায় তা অপমান, তা লাঞ্ছনা । ঠিক কথা ।
ভ্রলোকেরা আলাদা জাতের । তেলেজলে যেমন মিশ খায় না তেমনি
ভ্রলোকের সঙ্গেও তাদের মিল ঘটবে না কোনোদিন ।

একপাশে চুপ করে বসে থাকতে থাকতে বোগেনের ইচ্ছে করত লাগল
উঠে চলে যায় । এর চেয়ে তাদের সোনারাম কবিরাজই ভালো । কিন্তু উঠতে

পারল না। তিন মাইল রাস্তা পাড়ি দিয়ে এসেছে আর মায়ের অলুখটাও কেমন বীকা ধরণের। বিরক্ত বিব্রত মুখে বোগেন বসে রইল।

হঠাৎ ডাক্তারের চোখ গেল সেদিকে।

—ওহে, ওহে, শোনো তো।

ডাক্তার মধ্যে একটা সাগ্রহ অভ্যর্থনা আছে। বোগেনের বিষয় বোধ হল। এতক্ষণ ধরে ডাক্তারের যে কষ্টস্বর সে শুনছিল আর দেখছিল যে বিকট মুখভঙ্গি, তার সঙ্গে স্কম্পট একটা পার্থক্য আছে এর। হঠাৎ তাকে এমন সমাদর করবার অর্থটা কী?

—হামাক ডাকোছেন?

—হাঁ, তোমাকেই তো।

বোগেন সভয়ে এগিয়ে গেল।

—সর সর, ওকে আসতে দে—ডাক্তার আশপাশের লোকগুলোকে ধমক দিলেন। ভীত বিষয়ে ছুপাশে সরে গেল মানুষগুলো, বোগেনকে পথ করে দিলে, তাকালো ঈর্ষান্বিত দৃষ্টিতে।

—তুমি সনাতনপুরের বোগেন কবিওয়াল না?

—হঁ। হামাক আপনি চিনেন?

—কেন চিনব না, তুমি যে স্বনামধন্য লোক। রায়হাটের মেলায় তোমার গান শুনেছি আমি।—ডাক্তার যেন বোগেনকে বাধিত করবার চেষ্টা করলেন : খাসা গলা তোমার। তারপর, কী মনে করে?

—হামার মার জর ধরিছে কাইল থাকি, তাই—

—কী রকম জর? কম্প দিয়ে?

—হঁ।

—ম্যালেরিয়া—কিছু ভাবনা নেই। চারটে পয়সা দাও—ডাক্তার খস্ খস্ করে একটা টিকেট লিখে ফেললেন : এইটে নিয়ে একবার কম্পাউণ্ডারবাবুর কাছে বাও, ওষুধ দিয়ে দেবে। শিশি আছে তো?

—ই, আছে।

—তবে ওষুধ নিয়ে এসো। আর শোনো, যাবার আগে একবার আমার সঙ্গে দেখা করে যাবে। তোমাকে দিয়ে একটা দরকার আছে আমার—বুঝলে?

—বুঝি—

টিকেট নিয়ে যোগেন ওষুধের সন্ধানে এসে দাঁড়ালো কম্পাউণ্ডিং রুমের সামনে। কিন্তু খটকা ধরেছে মনে। ব্যাপারটা কী? তাকে দিয়ে কোন প্রয়োজন মিটতে পারে ডাক্তারের? এই ভদ্রবাবুর কী দরকারে সে লাগবে? কেমন সন্দেহ হয়। বংশী মাষ্টার বিল্লী রুমের খটকা বাধিয়ে দিয়েছে একটা। ভদ্রলোকদের অত্যাচারটা চেনা, সেটা ধাতস্থ হয়ে গেছে। কিন্তু তাদের মিঠে কথা আরো মারাত্মক—মনে হয় যেন ফাঁদ পাতছে কিছু একটা মতলবে।

কিন্তু প্রশ্নের উত্তর মিলতে বেশি দেরী হল না।

বেলা এগারোটা বাজতে কলম ফেলে ডাক্তার উঠলেন। রোগীর ভিড় তখনো আছে। ডাক্তার বিরক্তিভরে বললেন, সময় হয়ে গেছে, এখন আর নয়। আবার বিকেলে।

—ডের দূর ঘাঁটা (রাস্তা) ভাঙি আইলু বাবু—মিনতি করলে একজন।

—তুমি ডের ঘাঁটা ভেঙে এসেছ বলসেই চলবে না বাপু, সরকারী আইন তো আছে। যাও, যাও, এখন আর গুগোল পাকিয়ো না। এসো যোগেন, এসো আমার সঙ্গে।

—কুনুঠে বামু ডাক্তার বাবু?

—আমার বাড়িভূঁ।

—বাড়িতে?

—হ্যাঁ, আমার মেয়ে জামাই এসেছে। জামাই আবার কলকাতার মাহুদ, খুব পণ্ডিত লোক। সে এদিককার গানটান শুনতে চায়, বই লিখবে। তাকেই তোমার গান শোনাও, বুঝলে?

—কিন্তু—যোগেন বিব্রত স্বরে বললে, বাড়িত্ হামার মায়েৰ ব্যাৰাম
বাৰু, দেৱী কৰিলে—

—কিছু না, ম্যালেরিয়া জ্বৰ, ওই ওষুধেই ঠিক হয়ে বাবে। এসো—
ডাক্তাৰ ডাকলেন।

একান্ত অনিচ্ছা আৰ মনের মধ্যে প্রবল প্রতিবাদ নিয়ে ডাক্তাৰকে
অনুসরণ কৰলে যোগেন। আৰ বাই হোক, গান গাইবাৰ মতো এখন
মানসিক প্রস্তুতি নেই তাৰ। স্থাীলা, থলাই, মা, বংশী মাষ্টাৰ—সকলে
মিলে যেন তাৰ চিন্তাকে তোলাপাড়া কৰছে। তাছাড়া ডাক্তাৰ তাৰ
গানের বতই প্রশংসা কৰুক না কেন, মনের দিক থেকে বিন্দুমান উচ্ছ্বসিত
হয়ে ওঠেনি যোগেন। চোখেৰ সামনেই সে ডাক্তাৰেৰ আৰ একটা চেহাৰা
দেখতে পেয়েছে, অসম্ভব কৰেছে ডাক্তাৰেৰ সঙ্গে তাৰেৰ সৌমাৰেখাটা কত
স্পষ্ট! যোগেন বলতে বাচ্ছিল, তুমাৰ জামাইক্. গান শুনাইবাৰ অন্ত হামি
গাহি না—কিন্তু কথাটা আটকে গেল। ভদ্রবাবুদেৰ ওপৰ বত প্রতিবাদই
জেগে উঠুক মনের ভেতৰ, তাকে ঘোষণা কৰবাৰ মতো জোৰ এখনো তাৰেৰ
আয়ত্ত হয়নি।

ডাক্তাৰেৰ কোয়াৰ্টাৰ ডাক্তাৰখানাৰ কাছেই। একতলা বাড়ি, সামনে
চওড়া বারান্দা। সেই বারান্দায় একখানা ইজিচেয়াৰে শুয়ে বই পঢ়ছেন
ডাক্তাৰেৰ জামাই। ফৰ্সা ছিপ্‌ছিপে চেহাৰা, চোখে সোনাৰ চশমা।
ডাক্তাৰ বললেন, ৰামেন্দু, এই হল এদেশেৰ একজন কবি। এৰ নাম যোগেন,
বড় ভালো গান গায়।

—তাই নাকি ?—ৰামেন্দু অল্পগ্ৰহেৰ হাসি হাসল। শহৰেৰ হাসি,
ভদ্রলোকদেৰ হাসি। কিন্তু সে হাসিতে যোগেন চৰিতাৰ্থ বোধ কৰল না,
গা জালা কৰে উঠল।

ৰামেন্দু বললে, আমি থীসিস্ দেব, লোক-সঙ্গীত সংগ্ৰহ কৰছি। বুঝেছ ?
যোগেন বললে, আইজ্ঞা না।

ডাক্তার একটা চেয়ারে আসন নিয়েছেন ততক্ষণে । জামাইয়ের অম্বুবরণে তিনিও হাসলেন এইবারে : ওসব ওরা বুঝবে না । বুঝলে বোগেন, তোমার গান নিয়ে ও বই লিখবে, তোমার গান ছাপা হবে বইতে । বুঝলে এইবার ?

—ই—মুখ গোঁজ করে জবাব দিলে বোগেন । অপমান বোধ হচ্ছে, কান জালা করছে । এর ভেতরেও একটা দয়ার ইঙ্গিত, ‘একটা অম্বুবরণ ব্যঙ্গনা । তার গান নিয়ে বই লিখবে শহরের এই ফিন্‌ফিনে বাবু রামেন্দু । কিন্তু রামেন্দু কি বুঝবে এ গান শুধু গানই নয় ? এ তাদের প্রাণের জালা, এ তাদের বুকের যন্ত্রণা ?

—কই, শোনাও দেখি এক আখটা গান—রামেন্দু সাগ্রহে বললে ।

—কী গান গাহিমু ?—বিস্বাদ মুখে প্রশ্ন করলে বোগেন ।

—আলকাপের গান, রসের গান ।—ডাক্তার জবাব দিলেন ।

—রসের গান আর গাহি না বাবু, রস মরি গেইছে ।—শুধু প্রত্যাশার দিলে বোগেন ।

—তবে কী গান গাও ?

—বে গান গাই সি আপনাদের ভালো নাগিবেনা বাবু । আইজ ডের বেলা চটি গেইছে, হামি বাছু—

রামেন্দু ব্যস্ত হয়ে বললে, আরে না, না, ভালো লাগবে না কেন ! সবই ভালো লাগবে । গান ধরো তুমি ।

—সস্তরপাতি কিছু নাই—

—দরকার নেই, ওডেই হবে ।

বোগেন একটা আগ্নেয় দৃষ্টি বুলিয়ে নিলে চারদিকে । আশ্চর্য ! তিন মাইল পথ ভেঙে সে এসেছে । এত বেলা হয়েছে, এখনো এক ফোঁটা জলও তার পেটে পড়েনি । বাড়িতে তার মায়ের অস্থখ, এখন কেমন আছে কে জানে । অথচ এতটুকু বিচার নেই এদের, একবিন্দু বিবেচনা নেই ।

কৌতুক-প্রকৃষ্ট মুখে, ভরা পেটে আরাম করে গা এলিয়ে দিয়ে বসেছে চেয়ারে,
তার গান শুনবে, আমোদ করবে রসের গান নিয়ে ।

যোগেনের গলা চিরে একটা তীব্র স্বর বেরুল । বোধ হল যেন আর্তনাদ !

কীর সন্দেশ খাও বাবু—

মোত্তা মিঠাই খাও,

হামরা পুড়ি প্যাটের জালায়

তুমরা মজা পাও !

রামেন্দু চেয়ারের ওপর চমকে উঠল, নড়েচড়ে বসলেন ডাক্তার । দুঃখের
মুখে যেন আঁবণের মেঘ এল খমখমে হয়ে । আর যোগেন গেয়ে চলল তেমনি
একটা অসহ্য আর্তনাদের স্বরে :

কাহারো হইলে পৌষ মাস,

অন্তের হয় সর্বনাশ,

স্বখের পাখি নি জানে হায়

পোড়া ছাশের ভাও,

কীর সন্দেশ খাও বাবু—

নিঃশব্দে ঘরের মধ্যে উঠে চলে গেল রামেন্দু । ডাক্তার বললেন, থাক ।
আর গাইতে হবে না যোগেন ।

হিংস্র একটা হাসির সঙ্গে যোগেন বললে, গান ভালো নাগিলে বাবু ?
যোজ নাগিলে তো ?

ডাক্তার বললেন, হঁ ।

—জামাই বাবুর বইয়ে ত হামার গান ছাপা হেবে বাবু !

—জানি না । এখন তুমি এসো যোগেন ।

যোগেন ডাক্তারের দিকে তাকালো, ডাক্তার তার দিকে তাকালেন ।
মাত্র মুহূর্তের অন্তে । তারপর আশ্চর্য শাস্ত স্বরে যোগেন বললে, একটু জল
খিলাইবা বাবু ? বড় তিয়াস নাগিছে ।

—আচ্ছা, আনাছি। ওরে, কেউ জল নিয়ে আয়তো এক ঘাট—

জল এল। নিয়ে এল আঠারো উনিশ বছরের একটি স্তম্ভনা তরুণী।
ডাক্তারের মেয়ে। সঙ্গে সঙ্গে সেদিকে চলে গেল বোগেনের চোখ, মেয়েটির
মুখের ওপর গিয়ে আটকে রইল রূপমুগ্ধ দৃষ্টি। স্নিগ্ধ স্বরে মেয়েটি বললে,
জল নাও।

জল নাও। কথাটা যেন গানের মতো স্তম্ভর লাগল কানে। হঠাৎ যেন
চটকা ভেঙে গেল বোগেনের। মনে হল তার এতক্ষণের উত্তাপটা ওই
কর্তব্যের যেন শাস্ত হয়ে গেল, মিটে গেল এতক্ষণে বুকের মধ্যে জ্বলন্ত তৃষ্ণার
দুঃসহ জ্বালাটা। বোগেন তাকিয়েই রইল। এখানে এই মেয়েটি যেন
অপ্রত্যাশিত—যেন অস্বাভাবিক।

ডাক্তার হঠাৎ গর্জে উঠলেন। ভেঙে পড়লেন বাজের আওয়াজের মতো।

—হাতে জল ঢেলে দে ওর। ও ব্যাটা মুচি, ঘাট ছোঁবে কেমন করে ?

—মুচি ?—মেয়েটি এগিয়ে আসছিল, সঙ্গে সঙ্গে পিছিয়ে গেল তিন পা।

আর পিছিয়ে গেল বোগেনও ! তীব্র গলায় বললে, ভদ্র নোকের ছোঁয়া
জল হামরা খাইনা বাবু, জাতি যায়,—তার পরেই সোজা উলটো দিকে মুখ
ঘুরিয়ে দ্রুত হাঁটতে শুরু করলে।

পেছন থেকে ডাক্তারের একটা শাসানি ভেসে এল সাপের তর্জনের মতো :
বড় বাড় বেড়েছে এই ছোট লোকগুলোয়, হারামজাদারা মরবে এইবারে—

—চৌদ্ধ—

ট্যাং ট্যাং করে কাঁসর বাজছে, ডুম ডুম করে বাজছে ঢোল। স্ববলের গড়া সরস্বতী শোভা পাচ্ছেন সর্গোরবে। মূর্তির বা চেহারা হয়েছে, তাতে সরস্বতী বলে ঠাণ্ডর করা শক্ত। একটা জিনিষ স্ববল বর্মণ খুব নিষ্ঠাভরেই করেছে—সেটা হচ্ছে দেবীকে মেমসাহেব বানিয়ে তোলা। তার সঙ্গে নাকে একটি নখ জুড়ে দিয়ে মেমসাহেবকে খানিকটা ঘরোয়া করে তোলার চেষ্টাও হয়েছে। হাতের বীণাটি দেখে মনে হচ্ছে দেবী একটি গদা নিয়ে বসে আছেন, প্রতিপক্ষ কেউ সামনে এলেই গদাযুদ্ধ আরম্ভ করে দেবেন।

তা হোক, তাতে ভক্তির কমতি হয় না লোকের। ধূপের দোয়াতে চারদিক প্রায় অন্ধকার করে তুলেছে। প্রাইমারী ইস্কুলের পোড়োরা সাজিয়ে দিয়েছে তাদের শিশুপাঠ আর নব ধারাপাত, গলায় দড়ি বাঁধা দোয়াতে দোয়াতে খাগের কলম আর দুধ। রাশি রাশি পলাশ ফুলে প্রতিমার প্রায় আধখানা ঢাকা পড়ে গেছে।

হুদিন থেকে প্রচুর পরিশ্রমের ফলে পূজো নির্বিঘ্নে শেষ করেছে বংশী মাষ্টার। পূজো করেছে সে নিজেই—মস্ততন্ত্র কী যে পড়েছে ভগবানই তা জানেন। কিন্তু পূজো হয়েছে—প্রসাদ বন্টনও শেষ হয়ে গেছে। তার সব্জী, বাগানে অবশিষ্ট কপি মূলো বা কিছু ছিল তাই দিয়ে তরকারী রান্না হয়েছে, রান্না হয়েছে খিচুড়ি।

দাঁড়িয়ে দাঁড়িয়ে ভক্তিভরে পূজা দেখেছে মহিন্দর আর তার দলবল ।
বসিকতাও করেছে নিজেনের মধ্যে ।

—ইটা ক্যামন দেবতা হে, মাছ মাংস খায় না !

—বৈষ্টম দেবতা ।

—ই সব দেবতার পরসাদ খাই হামাদের প্যাট নি ভরে ।

—হামাদের ভালো দেবতা হৈল কালী আর বিষহরী । পাঠা মারো,
তাড়ি লি আইস, তো পূজা । ফুরতি না হেবে তো ক্যামন পূজা সিটা !

—ইসব চ্যাংড়া প্যাংড়ার পূজা—ইহুলের ছোয়া পোয়ার । হামাদের
ভক্তি হয় না ।

—হেবে, হেবে—তুমহাদেরও ভক্তি হেবে—কথাবার্তার গতিক লক্ষ্য
করে আশাস দিয়েছে মহিন্দর : বড় একটা খাসি কাটিছ, তাড়িও আসোছে ।

—তো সিটা আগে কহিবা হয় । অ্যাতক্ষণ প্যাটে চাপি রাখিছিল
ক্যানে ?

হাসির বোল উঠল একটা, স্বস্তির নিশ্বাসও পড়ল । সত্যি কথা, এসব
নিরাশিষাশী উচুদরের দেবতা সম্পর্কে কোনো মোহ নেই ওদের । ওদের
কাছে ধারা প্রত্যক্ষ—তাদের প্রকাশ অতি বাস্তব এবং অতি উদগ্র । শিক্ষার
মূল্য ওদের কাছে যেমন নগণ্য, শিক্ষার অধিষ্ঠাত্রী দেবীর গুল জ্ঞানপদ্মে
কিয়ণোজ্জল আবির্ভাবের অলৌকিক আনন্দটাও তেমনই অবাস্তব । ওদের
দেবতার আসেন কলেরার সর্বগ্রাসিনী কোপনা মূর্তিতে, দেখা দেন বসন্তের
নিশ্চিত নিহর মহামারীতে । ওদের দেবতা পথে-বাটে বনে-বাদাড়ে
লুকিয়ে থাকেন উত্তত ফণা ভুলে ছোবল মারবার জন্তে । আর ওদের দেবতা
আছেন ক্ষেত্রপাল, বিনি মজল হস্ত বুলিয়ে ক্ষেতে ক্ষেতে ফলিয়ে তোলেন
সোনার ফসল,—ধার কুপিত দৃষ্টি পড়লে রৌদ্রদগ্ধ প্রান্তরের ওপর আকালের
বৃত্ত্যছায়া বিকীর্ণ হয়ে পড়ে ।

এইসব উগ্র দেবতাদের উগ্রভাবেই প্রসন্ন করবার ব্যবস্থা । মদ, মাংস

মাতামাতি । বৈষ্ণবী ব্রাহ্মণী দেবীর আতপ চাল আর নিরামিষ ভোজন
ডট্টাচার্য-পাড়ার মতোই ওদের দৃষ্টি আর স্পর্শসীমার বাইরে, বৈদেশিক এবং
অপরিচিত ।

সুতরাং হাসি আর তাড়ির নামে রসনাগুলো সরস হয়ে উঠেছে, প্রসন্ন হয়ে
গেছে মন । সেই নৃত্য-পরায়ণ রাস্তা আনন্দে নেচে নিয়েছে একবার : জয় মা
সরস্বতী ! :

চিরাচরিতভাবে একটা ধমক দিয়েছে মহিন্দর : থামো হে, বুঢ়া বয়সে অমন
নাচিবা ন হয় । কোমরত্ বাত ধরি যিবে ।

রাস্তা চটে গিয়ে বলেছে, তুমহার মতো অমন বুঢ়া হই নাই, মনে এখনও
ফুরতি আছে হে, বুঝিলা ? পূজা পরবে নাচিমু না তো ফের নাচিমু কখন ?

—তো নাচো । কিন্তু মাজা ভাঙিলে মজাটা টের পিবা ।

ভারী প্রসন্ন মহিন্দরের মন । মানী লোক মহিন্দর—তারই উদ্যোগে এই
পূজো । কিন্তু শুধু মানী লোক বলেই নয়—আর একটা নিবিড় অন্তর্নিহিত
গর্বের অহুভূতিও তাদের মনে সঞ্চারিত হয়ে বেড়াচ্ছে । তাদের সরস্বতী
পূজার কথা শুনে চট্টরাজ কুকুরের মতো কতকগুলো উঁচু উঁচু দাঁত বের করে
হেসেছে বিশ্রীভাবে, বলেছে, অ্যা—চামারে করবে সরস্বতী পূজো ! একেবারে
বিশ্বের ভাঙার লুঠ করে নিয়ে মঙ্ক-পরশর-বেদব্যাস হয়ে উঠবে । ওরে
শালারা, যার কর্ম তারে সাজে, অস্ত্র লোকে লাঠি বাজে । ও সব বুদ্ধি ছাড় ।
ছোটলোক, জুতোয় তলায় থাকিস, জুতো সেলাই করে খাস । এ সব না
করে এক পাটি জুতাকে পূজো কর, ওতেই তোদের ধর্ম-অর্থ-কাম-মোক্শের
ব্যবস্থা হয়ে যাবে ।

বলে সে কি হাসি চট্টরাজের ! জীবনে এই প্রথম, নিষ্ঠুর অপমানের
বিষাক্ত খোঁচার মত সে হাসিটা এসে বেজেছে মহিন্দরের বুকে । এই প্রথম
প্রশ্ন জেগেছে—এ অপমান কি একান্তই প্রাপ্য, এর কোনো প্রতীকার নেই ?

ওখানেই থামেনি চট্টরাজ । তেমনি হাসতে হাসতে বলেছে, আবার

জুটেছে একটা নাপিত মাষ্টার, সে ব্যাটা করবে পূজো! ব্যাটা নরমাল পর্বন্ত পড়েনি, সে উচ্চারণ করবে সংস্কৃতের মন্তর! দম ফেটে যাবে বে। কালে কালে কতই দেখব। ওরে শালাগা, ওসব না করে অক্ষয় পুণ্য অর্জন কর, বেশ করে বামুনের পা টেপ দেখি—বলে কঁাকলাশের মত সরু সরু ঠ্যাং দুটো বাড়িয়ে দিয়েছে ওদের দিকে। কেন কে জানে জল এসেছে মহিন্দরের চোখে, মনে হয়েছে জুতো মেরে একটা টাকা দিলেই অপমানের উপশম হয় না। তারা পা টিপে দিচ্ছে, টেপাটা শেষ হয়ে গেল নদীতে স্নান করে চামারের স্পর্শ-দোষ থেকে মুক্ত হবে চট্টরাজ। আর রাত্তিরে তার ঘরে বে ডোমের মেয়েটা আসে, তার খবরই বা কে না জানে? এই হল ব্রাহ্মণত্ব।

তাই রোখের মাথায় পূজো করেছে মহিন্দর, মানী লোক শ্রীমহিন্দর কইদাস এই প্রথম জানাতে চেয়েছে অপমানিত মহন্তত্বের একটা যুহু প্রতিবাদ।

জলজলে চোখে মহিন্দর স্থির-দৃষ্টিতে ব্রাহ্মণী দেবীর দিকে তাকিয়ে রইল।

রাস্তা সাগ্রহে জিজ্ঞাসা করলে, রাত্তিরে গান হবে কহিলা না?

—সিতো হবে।

কী গান হবে? সমস্বরে প্রশ্ন হল। মহিন্দর বললে, আলকাপ।

—কে গাহিবে?

—সিটা কহিবা পারি না।

বংশী মাষ্টার যাচ্ছিল স্তম্ভ দিয়ে, ওরা গিয়ে ধরল তাকে : মাষ্টার হে, ও মাষ্টার?

—কী বলছ?

—গান কে গাহিবে? কার দল? কখন আসিবে?

—রাতে দেখতে পাবে—রহস্যময়ভাবে হেসে বংশী মাষ্টার চলে গেল।

বেলা পড়ে এসেছে, বিকেলের ছায়া নামছে চারদিকে। অত্যন্ত ক্লান্তভাবে নিজের ঘরের বাঁশের মাচাটায় এসে বসল বংশী। নাঃ—এ নয়। কী হবে এসব করে? যেখানে সমস্ত দেশ ব্যাধিতে আর অসম্মানে জর্জরিত,

সেখানে কী এর দাম ? আরো বড় কিছু করতে হবে। কিন্তু সে ভাষা জানা নেই বংশী মাষ্টারের, সে ভাষা তাকে শেখায়নি অতুল মজুমদার। একমাত্র ভরসা যোগেন। তার একটুকরো সব্জী ক্ষেতের মতো তার ভাবনার প্রথম ফসল বার প্রাণের মধ্যে সে ফলিয়ে তুলতে পেরেছে। অতুল মজুমদার বা পারল না, তা পারবে যোগেনরাই। তারা কবি, তারা শিল্পী, তারা চারণ, তারা বৈতালিক !

কিন্তু তার নিজের ? নিজের দিক থেকে কতটুকু সে করতে পারল ? এই কি শাস্তির কাছে তার প্রতিশ্রুতি পূর্ণ করা ? এইখানেই কি দায়িত্ব শেষ, কর্তব্যের পরিসমাপ্তি ?

বাইরে আনন্দিত কোলাহল, ঢোল আর কঁাসর বাজছে। কিন্তু এখনো কেন এল না যোগেনের দল ? সন্ধ্যার পরেই গান আরম্ভ হওয়ার কথা— একটা খবরও তো পাওয়া গেল না।

বংশী চিন্তিত অশ্রুমনস্কভাবে আকাশের দিকে তাকিয়ে রইল। বেলো ডুবে আসছে, টকটকে লাল আকাশ যেন রক্ত দিয়ে মাখানো।

...বাইরে মহিন্দরের দল বসেছে তাড়ি আর মাংস নিয়ে। এমন সময় খবর দিলে একটা লোক এসে। চোখে তার আতঙ্ক আর কৌতূহলের ছায়া।

—কে, মহিন্দর ?

—ক্যানে ডাকোছ ?

—কাছারীতে নায়েব আর দারোগা পুলিশ লিই আসোছে।

—জ্যা !

—হ্যা। এই আসিলে। তুমহাক ডাকি পাঠাছে।

—কী কহিছ তুমি ? মহিন্দরের জিভ শুকিয়ে উঠেছে—চোখ উঠেছে

কপালেঃ ক্যানে ?

—কে জানে।

বহিন্দের মাংস গলায় গিয়ে আটকালো, নাক দিয়ে ঝাঁ ঝাঁ করে বেরিয়ে আসতে চাইল তাড়ির ঝাঁঝ। উঠে পড়ে বললে, চলো।

কানাঘুঘোর কথাটা বংশী মাঠারেরও কানে গেল।

*

*

*

বোগেন আসত না। শিল্পী চেয়েছিল নিজেকে নিয়েই পরিপূর্ণ হতে—নিজের মতো করে ঘর বাঁধতে। জীবনের বড় বড় সমস্যার চাইতে অনেক সভ্য বলে মনে হয়েছিল তার মনের দাবী। ভেবেছিল পালিয়ে যাবে স্থানীলাকে নিয়ে, দূর গ্রামে কোথাও ঘর বাঁধবে। আর কিছু তার প্রয়োজন নেই—রূপকথার রাজকন্ডার ভোমরা-ওড়া চোখের রহস্যের মাঝখানে সে হারিয়ে যাবে একটা নিঃশেষ সম্পূর্ণতায়, ডুবে যাবে তার ঘন নিবিড় কালো চুলের অভ্যন্তরে, তার কোমল বুকের গভীরে আশ্রয় নিয়ে নতুন গান রচনা করে যাবে। কিন্তু তা হয়নি—জীবনে নিষ্ঠুরতম আঘাত তাকে দিয়েছে স্থানীলা।

ভেঙে চুরমার হয়ে গেছে বোগেন, স্থানীলা পালিয়ে গেছে। কিন্তু তার সঙ্গে নয়—ধলাইয়ের সঙ্গে। পানের স্বর তার কিশোরী মনকে ছুলিয়েছিল। কিন্তু বা ভুলিয়েছে তা বাঁশির ডাক।

স্বপ্নের চীৎকার করেছে, দিয়েছে অস্বাভাবিক ভাষায় গালাগালি। জ্বরের ধমকে কাঁপতে কাঁপতে বোগেনের মা কপালে হাত দিয়ে কেঁদেছে, পরের মেইয়াক ঘরত, বাধি ক্যামন বদনামের ভাগী হৈছ হে হামি? অ্যাখন তোরা খন্ডরক মুখ দ্যাখামু ক্যামন করি?

স্বপ্নের বলেছে, ধলাই হারামজাদাক পাইলে হামি উয়াক খুন করি ফেলিমু!

হারাম—বাড়ীর সব চাইতে অপদার্থ ছেলেটা—কিরেছে কাল রাত্রে। সে হো-হো করে হেসে উঠেছে নির্বিকার মুখে: পালাছে তো কী হচ্ছে! জোয়ান মেইয়া জোয়ান পুরুষের সাথে পালাই যিবে ইয়াত্, এমন চিন্তাছ ক্যানে?

স্বপ্নের টেঁচিয়ে বলেছে, তু খাম না শালা।

শুধু যোগেন কোনো কথা বলেনি। কী বলবে বুঝতে পারেনি সে। শুধু মনে হয়েছে, বুকের ভেতরে তার আর কিছুই নেই, সব ফাঁকা। তার নিখাল আটকে এসেছে, দম আটকে এসেছে। তারপর—

তারপর নিশ্চিত নৃচ পায়ে উঠে দাঁড়িয়েছে যোগেন, বংশী মাঠারের জলজলে দুটো চোখ একটা জলন্ত সূর্যের মত তার মনের ভেতরে এসে পড়েছে। ভালোই হল—এ ভালোই হল। নিজের জীবনের কথা ভাববার আর কিছুই নেই। তার রাজকন্টার স্বপ্ন ভেঙে গেছে—এবার সম্মুখে পৃথিবী। বংশী মাঠারের কথাই সত্যি। সে কবি, সে শিল্পী, সে চারণ। আজ সে তার প্রতিবাদ জানাবে সকলের বিরুদ্ধে, সমস্ত অন্তায় আর অত্যাচারের বিরুদ্ধে। সে আঘাত করবে জমিদার, মহাজন, দারোগাকে; সে ক্ষমা করবে না মহিন্দর রুইদাসকে—যে অকারণে জাত-জাতিদের মাঝখানে তাকে অপমান করেছে, ক্ষমা করবে না ধলাইয়ের মতো শয়তানকে—যে তার বুক থেকে সমস্ত স্নেহ, সমস্ত ভবিষ্যতের স্বপ্নকে হরণ করে নিয়ে গেল।

এখনি দলটাকে খবর দেওয়া দরকার। সন্ধ্যার মধ্যে গিয়ে পৌঁছতে হবে। মাঠারকে কথা দেওয়া হয়েছে, খেলাপ করা চলবে না। জীবন যদি নাইই রইল যোগেনের, পৃথিবীর দাবী তো তার হারাবে না কোনোদিন। সে কবি, সে গুণী, সে চারণ।

*

*

*

দারোগার দলটার সঙ্গে প্রায় দুইঘণ্টা পরে ফিরল মহিন্দর। নাকে খত দিয়ে উড়ে গেছে নাকের ছাল, পিঠে জুতোর দাগ লাল টকটকে হয়ে আছে। সাময়িক উৎসাহে যতখানি ফেঁপে উঠেছিল, ঠিক সেই পরিমাণেই ফেঁসে গেছে অবলীলাক্রমে। সত্যি কথাই বলেছিল চট্টরাজ—মুচির উপযুক্ত বারগা হচ্ছে জুতোর তলা, বাড়াবাড়ি করলে বা হয় সেটা স্নেহের অবস্থা নয়। চতুর্থ এবং মর্মে কথাটা এখন ভালো ভাবেই অহুতব করেছে মহিন্দর। অতুল মজুমদারকে ভিনজান ভোজপুরিয়া নিয়ে ধরতে ভরসা হয়নি দারোগা সাহেবের। সাংবাদিক

লোক এই বিপ্লবীরা। দুহাতে দুটো রিডলভার তৈরী থাকে তাদের। তিনটি বিবির অধিকারী এবং কদম আলীর স্বন্দরী বোনটির সম্ভাব্য অধিপতি দারোগা সাহেব এত সহজেই তিনটি মেয়েকে অনাথা করতে দ্বিধা বোধ করেছেন।

তাই মহকুমা সহর থেকে সশস্ত্র পুলিশ আসা পর্যন্ত তাঁকে অপেক্ষা করতে হয়েছে। এবং সেইখানেই হয়েছে ভুল। পূজামণ্ডপের কাছে আসতেই সেটা অনুধাবন করা গেল।

বংশী মাঠার নেই। নেই তার সেই ছোট স্ট্রিকেশটা—বার ওপরে অনেকগুলো গোলাপ ফুলের ধ্বংসাবশেষ চিহ্নিত ছিল। পাখি পালিয়েছে। অভুল মজুমদার রাজা করেছে আবার কোনো নতুন পরিচয়ের পথে। চারদিকে লোক ছুটল। আর সেই ফাঁকে বাকী সব এসে দাঁড়াল আলকাপের আসরটা বেখানে পুরোনমে জমাট হয়ে উঠেছে, সেইখানে। স্তম্ভিত বিবর্ণ মুখে মানুষ-গুলো ফিরে তাকাল—যোগেনের দিকে নয়, পুলিশ আর চট্টরাজের দিকে।

মহিন্দর চীৎকার করে উঠতে যাচ্ছিল : সরলার ব্যাটা! সরলার ব্যাটা! কোন্ বুকের পাটায় এইঠে গান গাহিবা আসিলে! কে ডাকিলে উয়াক?

কিন্তু সে কিছু বলবার আগেই দারোগা-সাহেব গর্জন করে উঠলেন। গর্জে উঠলেন এতদিনের মুখোসটা খুলে ফেলে বীভৎস হিংস্র ভঙ্গিতে। এ কী গান ধরেছে যোগেন—এ কী সর্বনেশে গান! এতক্ষণ যে রসের পালা চলছিল তার সঙ্গে এর তো কোনো সাদৃশ্য নেই! প্রোতাদের গায়ের লোম খাড়া হয়ে উঠল। আর পুলিশের দলটার দিকে একবার বাঁকা দৃষ্টিতে তাকিয়ে যোগেন স্তব্ধ ধরল :

মহাজন রক্ত চোখা

জমিদার ফৌস মনসা

দারোগা সে লাটের ছাওয়াল

মোদের হৈল কাল।

চট্টরাজ বললেন, ওহন, দারোগা সাহেব, ওহন ।

নিরাশা-ক্লিষ্ট দারোগা চীৎকার করে উঠলেন, থাম্ হারামজাদা, ভারী বে বৃকের পাটা বেড়েছে শালাদের ?

যোগেনের বাজনদারেরা বাস্তবস্ত্র ফেলে পালিয়েছে আসর থেকে । গড়াগড়ি বাচ্ছে হারমোনিয়াম, তবলা, করতাল । কিন্তু ক্রক্কেপ নেই যোগেনের । সে চারণ, সে কবি, সে গুণী । তার তো থামলে চলবে না । স্মৃশীলা তার ওপর বে অজ্ঞায় করেছে সমস্ত পৃথিবীর ওপরেই সে তার প্রতিশোধ নেবে । একা আত্ম-বিস্মৃতির মতো গান গেয়ে চলেছে যোগেন :

বাঁচার নামে বিবম জালা,
পরগ হৈল ঝালাপালা,
ওই তিনটা শালাক মারি খেদাও

যুচুক্ এ জঞ্জাল—

দারোগা বললেন, ধর, ধর শালাকে । এ ব্যাটাও নির্ধাৎ অতুল মজুমদারের লোক ।

হাতে হাতকড়া পড়ল যোগেনের । আসর তখন একেবারে খালি, উপস্থাসে পালিয়েছে সব । কিন্তু যোগেনের গান বন্ধ হয়নি । তেমনি তারস্বরে গেয়ে চলেছে :

হায় হায়রে, স্ত্রাশের এ কী হাল !

যোগেনের মুখের ওপর প্রকাণ্ড একটা খুসি পড়ল, আতর্জনাদ করে বসে পড়ল যোগেন । কিন্তু ও গান তো থামতে দেওয়া চলে না । মানী মাহুয মহিন্দর ঝইদাসকে ছাড়িয়ে আজ যোগেন বড় হয়ে বাবে, বড় হয়ে বাবে সরলার ব্যাটা ! নাকে খতের জালাটা তখনো জলছে, গিঠে টনটন করছে জুতোর দাগ । মহিন্দরের চোখ দুটো ধক ধক করে উঠল, মনে পড়ল এক কালে তার গানও ছিল বিখ্যাত, যোগেনের চাইতে তের মিঠা গলা ছিল, তার গানের সুরে সরলার মতো মেয়েও ধরা দিয়েছিল তার বৃকের ভেতরে !

না, হারলে চলবে না। হার মানলে চলবে না বৌবনের কাছে। ভূষণের বাড়ীতে যে অপমানের লজ্জা তাকে বহন করে আসতে হয়েছিল, আজ সে তার জবাব দেবে। সরলার ব্যাটার কাছে ছোট হওয়া চলবে না তাকে, থামতে দেওয়া যাবে না এই গান।

বোগেনের মুখের ওপর হিংস্র ক্রিষ্ট দারোগার কিল চড় পড়ছে, সর্বদে পড়ছে চট্টরাজের লাথির পর লাথি। বোগেন তখন আর গান গাইতে পারছে না, মুখ নিয়ে গৌঁ গৌঁ করে বজ্রণার কাতর গোড়ানির মতো অদ্ভুত আওয়াজ বেকছে একটা। নাক আর গালের পাশ দিয়ে তার গড়িয়ে গড়িয়ে পড়ছে রক্তের ধারা। বোগেন তবু থামতে চায় না—পাগল হয়ে গেল নাকি ?

এক মুহূর্তে নির্নিমেষ চোখে সেদিকে তাকিয়ে রইল মহিন্দর। আর সংশয় নেই, সমস্ত মন তার প্রস্তুত হয়ে গেছে। মানী লোক ত্রীমহিন্দর কুইয়াস—সকলের আগে তার সব চাইতে বড় সম্মান প্রাপ্য। বোগেনের মতো সেদিনকার ছেলেকে, সেই সরলার ব্যাটাকে এ গৌরবের অধিকার দেওয়া যাবে না। কোনো মতেই না !

হঠাৎ বাঘের মতো শূন্য আসরে ঝাঁপ দিয়ে পড়ল মহিন্দর। বোগেনের গানটাকে তুলে নিলে নিজের তীক্ষ্ণ দরাজ গলায় :

হায় হায়, স্ত্রাশের একি হাল,

এই তিনটা শালাক যারি খেদাও

ঘুচুক এ জবাল !

একটা লাঠির ঘা বেন আকাশ ভেঙে পড়ল মহিন্দরের মাথায়। আর চড়াৎ করে কেটে গেল খুনিটা, খানিকটা রক্ত ছুটে গিয়ে দেবী প্রতিমার গুহ্রতার ওপরে লালের ছোপ ধরিয়ে দিলে।

আর একজন লোক দূরে পাথরের মতো দাঁড়িয়ে দেখছিল সমস্ত কাণ্ডটা।

ভয় পেয়ে পালায়নি, নড়েনি এক পাও । সে হারাণ । তার গলায় গান নেই,
সে শুধু ঢোল বাজাতে পারে ।

সে ঢোলের ছাউনি সে নিজের হাতে ফাঁসিয়েছে । এবার নতুন করে
ঢোলে ছাউনি দেবে সে । যে গান গাইছে পারেনি, ঢোলের বুলিতে তাকে
সে মুখরিত করে তুলবে । উপাস্থদের ঘর ভেঙে দেবার জন্তে নয়, নতুন করে
আবার তাদের ঘর গড়ে তোলবার জন্তে ॥

বারুগাড়া

অলপাইগুড়ি

সেপ্টেম্বর, ১৯৪১

সমাপ্ত

এই লেখকের অন্যান্য বই :—

উপনিবেশ (তিন পর্ব)

ভিমির-ভীৰ্ঘ

বীতংস

দ্রুশাসন

অৰ্ঘসীতা

সূৰ্য-সারথি

ভাঙা বন্দর

মস্ত-মুখর

সজাট ও জেষ্ঠী

বনজ্যোৎস্না

অশ্বাস্তর

রোমান

ভোগবতী



